

51412


中國方志叢書·華中地方·第三二九號

據
清同治四年刊
清楊廷烈纂修本

影印

湖北省

房縣志



成文出版社有限公司印行



54157

中國方志叢書·華中地方·第三二九號


據

清同治四年
楊廷烈纂
本修

影印

湖北省

房縣志



成文出版社有限公司印行



10096951

S144/57

中國方志叢書·華中地方·第三三九號

據

清同治四年刊本
清楊廷烈纂修

影印

湖北省

房縣志

(三)

成文出版社有限公司印行



10096782

中華民國六十五年 月臺一版

房 縣 志 全三冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號


房縣志序

鄖郡古之麋唐國也明成化朝初御史原公傑奏建爲
府所屬房縣南通川陝北接鄖漢東連襄鄧西接金商
縱橫千里山林四塞其華固在也房蓋因以名縣春秋
傳楚成犬心敗麋師于防渚卽其地也漢時始建房陵
縣歷五代而下建置沿革名各不同唐中宗廢爲靈陵
王遷居房州築城于此自漢以來數千百年其間忠臣
孝子畸倫名流代不乏人而志乘闕如誠哉古者之憾
也且凡志書之作首在辨區域徵因革知要隘察風土

俾官斯土者得以披覽蒐求而奏保障秦隴絲課最于
是乎在焉縣志舊刻已多年失遺而地理人物之軫軫
耳目者載在郡志亦多未詳爲治者欲其合民情宜土
俗將何自而求之東魯楊君子揚以名進士來宰是邑
慨然任修輯之責延余友嘉定郝君小晉綜其成旣脫
稿索序于余維時狼突中原邊陲孔棘余掌鑰西鄙甫
及一年茲又奉檄漢東驪歌已唱羽書絡驛行李戒途
余本不交奚以塞責顧以義不可卻且以是書之輯有
裨於邑之政教者功匪淺鮮梓成而爲之序亦余所願

也爰綴數言以爲識

同治四年歲次乙丑嘉平月上浣湖北安襄鄖荆備兵
使者仁和王文韶書於襄陽宮廡



原序

志者史之流也徵成敗存興替可以識因革損益之宜
標阨塞險固可以識審嚴節制之方紀賢能著循良
可以識黜陟作人之典考歲時類綜數文章可以識培
養蕃殖參贊位育之功用以恢

皇圖而展

帝緯志固國之大典也豈僅於山川之蒼莽人物之班次風
土之沿革草木蟲魚之蓄產博搜廣採拾奇掇異侈談
富饒矜詫雄鉅以供藝苑之筆箋文人之粉散也哉故

寰海之內邑爲載郡爲紀更復有風土之記方域之考
各卽其耳標目涉之事筆而存之網羅舊聞以徵信當
時要必囊括而無挂漏與確而無僞舛乃爲良志是志
之所繫綦重而房之志則成之有甚難者蓋房之由來
尙矣不溯其源雖志猶弗志也上溯而遞考之則世代
綿邈疆域遼廓典籍散失而無可考驗故老陵夷而莫
或覩記蒐討散見又非日月可以課成者

國家一統之規欲求其去舊遠馭之業兼么麼新蕩當
事者必善其遷定安戢之謨余今旣承乏是邦亦當此

以識其風土人情得其舉政之西是志之重且亟也然
非才慧之所能創強博之所能備一二載籍之所能蒐
考參稽徒購遺書於滄桑之後固獲全璧斷簡殘編弗
可資爲夜光照乘之寶乃進諸生而語之曰履巨屨者
識地形不出戶者知天下余政牘蝟冗不暇操鉛槧手
自裛輯二三子生長於斯宵不稔山川風土惟楚有材
卽凋落之餘豈遂無具瑰璋之識負宏通之學若巨骨
出吳隼集陳筵黃熊入寢亥有二首記憶於平時取捷
於猝辦嘻笑聲稱增光一邑者乎蓋爲我參考舊聞附

益新實共舉是集不惟有功於房且以徵二三子之識
第督檄嚴促其計日以就以報上命諸生唯唯宵晝從
事故不及綜覽咨諏草木再易不無踳駁牴牾離合異
同之病如求其無挂漏而囊括無僞舛而典確可以恢
皇圖而展

帝綍則以俟夫繼輯者

康熙五年丙午仲春朔知房縣事古臨傅六吉


乙丑春初緘廉廉秉鐸來房入其境萬山嵒嵒林壑邃邃
知爲幽遠險僻之區昔堯子丹朱避舜房陵舜封爲房
子國厥後歷秦漢唐以罪廢者皆遷徙於此顧其地爲
周尹吉甫食采邑又有漢黃文疆古蹟士人嘖嘖稱爲
忠孝里誠哉地以人傳也麟課士之暇竊嘗考其山川
人物風土流風餘韻猶有存者時楊子揚明府沘茲土
奉檄催脩邑志明府引爲已任延江左郁君小晉秉筆
屬藁邑庠生劉元棟等相與叅互考訂網羅散佚越十
月而書成付刊都轉王公夔石太守陳公達甫弁言簡

端麟亦何容贅一辭哉第念麟與陳喜臣廣文俱有監
督之責例得擇名其間不能不一言以誌幸也按志
例合三十年一脩房志明板燬於兵燹我

朝乾隆五十九年汪魁儒明經增輯沈志逮今歷七十餘
載雖山川不改城郭依然而關隘津梁睥睨基址因革
變遷又其間天時人事遞嬗廢興年遠人湮鮮所記載
舊抄未經刊定魯魚帝虎舛誤良多是房志之纂輯有
難於他邑者今以百年來未竟之事得樂觀其成所願
邑人士勉爲忠孝爲志乘光用彰

聖天子同軌同文之化則是書之成固爲明府慶抑亦邑人士之幸也是爲序

同治五年歲次丙寅仲夏月房縣儒學教諭劉紱麟謹



余奉

命典鄖郡之明年楊子揚明府出宰房陵抵郡來謁接其言
恂恂樸訥無世俗叫囂僂巧之習心竊憇之閱半載以
纂輯房志彙成問序於余余維古侯封百里春秋時大
國多至數圻楚至戰國兼併尤大北接雍豫南逾五嶺
東抵揚州之域西達梁州及西南夷等處皆爲楚地我
朝幅員式廓海隅山陬罔不式化而歸版籍自湖廣分南
北而房止爲鄂省一隅界與巴蜀秦隴毗連萬山巖壑
林深菁密幽閒遶負曼衍幾及千里昔時與一竹輿保

統謂之巴山老林荆襄流民匪徒往往竄伏於此爲負
隅之區官斯土者撫字有所未浹而怨咨旋生威嚴有
所未懾而奸宄易起洞燭有所未周而弊竇叢滋自非
熟悉風土人情寬猛相濟烏能勝其任而愉快乎子揚
以山左名進士來治邊隅以儒術飾吏治出其平日所
學發抒經濟行見百廢具舉懋登上理寢寢乎與漢循
吏同風是書之成政治之得失於是乎見豈惟徵文考
獻以備一方掌故云爾哉昔朱子爲郡縣所至必求其
圖經觀之以習知其方土之故余鄉明季王元美徐叔

明兩先達先後以都御史撫治鄖政績卓炳史冊元美
在鄖闢清美堂購書數百卷貯其中以誘後進有四部
稿史料諸書行世叔明著述尤夥鄖志創於明正德初
甚闕畧公延襄藩椽曹周紹稷纂脩頡爲攷觀湖廣通
志亦經手訂見史料有文集百餘卷見錢牧齋詩選小
序梓鄉父老猶有能言其軼者余禱昧無能謬膺領郡
適值鄉先達舊治之地竊欲追維前軌景企芳徽願與
僚屬共勉之可乎特因房志之成附一言於簡端子揚
其謹余言否

同治四年冬湖北鄖陽府知府前翰林院庶吉士刑部
雲南司郎中嘉定陳壽圖撰

房志原序

按房縣志序康熙五年前任臨川傅君所修也中更亂今底定纔三十餘年兵燹之餘遺編猶存尙有典型其事紀一篇倣古編年之法自唐虞三代以迄

國朝三千餘年沿革盛衰災祥得失之故靡不詮次瞭然如指諸掌有功於房不細而志後三十年當時

王師用武虎臣宣力出奇制勝與夫鮮民還定之初吏蹟勞來未登邑乘其何以導揚鴻烈垂諸無窮又況風俗土宜經營措置圖計之盈縮民生之休戚時異勢殊所

宜參稽而詳核之者誰秉邑鈞而任其隕越乎哉顧余不敏備員巖邑簿書期會歲月載征每以俗吏自愧今且計日俟代不暇及房志矣邑紳士謬謂余可教及余未去相與亟修縣志爲請余嘉其意而難其事疑未可旦夕辦也未閱月書成而來請序讀其書則三十年間國家文德武功會計民生損益異同亦既詮次瞭然足以紹前聞貽後觀二三子之力信勤而敏矣余又奚以贅焉雖然余令房者九載稔知其風土之概因地制宜雖將去而丁寔反覆誼有不啻已者維房治僻在萬山舟


車不通商賈罕至民祇力田自給耕則得食不耕則
得食故府吏胥徒請得在官一日暇不啻得十年之
傳云一夫不耕一家有受其飢者獨此地爲甚長吏
民無竒策惟勿奪其時而已故常減其征徭公旬之
役非始冰弗舉焉訟者謂朝入不待暮而出每爲民
惜寸陰出於誠然不自知其勞也維正之供小民負米
數百里外易金而輸東作方與催科孔亟民不暇出
則苦敲扑而累數倍之什以償故每當定限及年之期
特緩其追呼俾得盡力於南畝而士民亦能交相體愛

原稿不清

歲嘗及額山田多苦旱民引溪流而築之渠藉以灌溉
春陽既浮歲歲增治一隅之民各修其一渠通力合作
或稍頑情一不即工衆遂束手渠廢而苗稿矣渠既成
分其田爲上中下畝受水晝夜有程稍不平相撻擊者
踵而至甚至決渠以快小忿此築渠均水之法不可不
留意而房邑軍民雜處徃時軍戶遠輸於襄陽衛徃返
一千四百里跋涉維艱余上其事於前少參張公今太
守衛公達之前都御史楊公使衛設櫃於縣衛督司其
入籍軍戶得就縣自輸歲五月十月彙給衛督兩輸襄

循行之數年民盡稱便自縣弗憚煩時加綜理可以
久無弊嗟夫余且行矣遐念父老子弟豈敢以自詡爲
嫌因三三子請序屏志附論及之庶幾舊政必告之義
云爾若夫教化興行吏治循卓舉三三子之所釐定付之
剏劂勒爲成書則以俟夫君子

康熙三十四年夏知房縣事沈用將題



舊志汪序


房陵古地忠孝名區參柳分野係梁州之故域楚秦交
錯實麋子之遺封峻險突深房以爲名魏興光遷代名
有號城依盧陵舊址池引沮澤支流形勝雄偉據西南
之要塞山川秀拔挺東北之奇觀若印山若鳳岑飛翔
軒翥嶽嶽秀擁鬢宮若粉水若澈澥蕩漾淵涵曲曲珠
穿銀線景山連定阜而居荆之首沮水配江漢而爲楚
之望地因人顯愈云堯子封國蹟以異傳咸曰帝在房
州蕭蕭杉檜周太師之采邑鬱鬱松篁漢尚書之故里

朱園碩果縹李夙聞房山錦雞琳瑯有賦物產頗侈食
貨恒減風紹幽岐之舊男也耕女也織亦勤亦儉俗乃
成康之遺蠹者田秀者學且稼且讀舟楫不通引流灌
漑而給衣食供賦以外琴瑟擊鼓而祝豐年關堡星羅
鋪舍攸置古蹟歷歷半埋沒於荒煙蔓草坵墓嶺壘亦
間傳有帝寢王陵梵宇幽刹惟見霧封雲鎖放置流寓
無非玉葉金枝其名宦也召父杜母嗣徵先後其鄉賢
也三錫爰桂炳耀一時貞烈繼出振闔閭之正氣仙釋
服鍊萃川嶽之精英嗟嗟兵燹之後民其流離寔定之

餘事鮮由舊嗚乎盛衰天也否泰人也由盛之衰物
之循環不爽回否爲泰有位之幹旋非輕物極則返消
息弗差自茲以往沐膏雨而被和風飭五品而訓親睦
禮樂交輝人文蔚起宣布

聖化以垂於農墾者徵良有司其誰與歸

乾隆五十三年戊申春邑貢生汪魁儒識



著志注序

郡志作於明嘉靖三十四年主簿嚴堯勳邑士金嘉兵燹之後板皆銷燬

國朝康熙五年邑令傅公六吉邑士吳良玉重加輯纂二十
年邑侯雷公化龍撮鈔府志以應上憲之索是時傳志
已無存矣三十四年又脩於邑侯沈公用將邑士李發
榮許嘉言等繼是無脩之者夫一邑之中百年之久天
時典章人物之興廢損益何限皆湮沒不傳且併其舊
志亦失之豈非一大缺陷事哉乾隆甲午夏邑侯張公

致以一編授魁命訂其舛謬補其殘缺蓋沈志抄本也
共四卷分類三十七前有序後有論亦可爲倍洽矣類
未免失於冗雜錄者又荒略舛錯不可讀且無別本校
對事亦遂寢今又十餘年矣魁抱病之暇始取而畧加
訂補焉旣乏茂先之書系廣備參稽又無虞史之輜車
通行搜訪舛謬殘缺仍所不免張公去而負其所命爾
若夫綜百年之遺事成一邑之全書而毫無缺陷焉則
以俟夫 大人先生踵嚴傅雷沈諸公而重脩之者
乾隆五十三年歲次戊申春二月邑士和園汪某謹序

原志序

聖天子稽古右文勅鴻文太史凡邦國所掌職方所載山川
形勢民物風尚殊博採旁搜登之

天府以垂

昭代盛典所以大一統也予奉

簡命涖房者四載萑苻初靖而哀鴻未集寥寥子遺罕皆鳩
形鵠面雖勞來安揮而土廣人穡城廓無有完壁津關
委於瓦礫烏有所謂解公署學校坊村者乎茲逢
憲檄徵取房志夫房自兵燹以來文獻無徵故老凋謝

方集元
卷一
九
欲存千百於十一憂憂乎難之然房雖彈丸亦我
國家封建之幅員也僅存府志之鈔本彙爲一書呈之
當之以仰副

聖天子大一統之盛典云爾

大清乾隆五十九年崇慶舉人知房縣事敏齋仇必達撰

附跋言

志爲積記其事之書由省而府而州縣莫不有志以備
輶軒登史歲襄司職者權事宜酌風土人情爲國爲民
興利除害張弛政治以彰教化也志豈可少乎哉房志
肇於明嘉靖時王簿嚴後因兵燹板燬

國朝康熙五年邑侯傅重加纂輯歷十五年版燬而書亡邑
侯雷撮鈔府志以應上索越十四載邑侯沈鍾章未刊
又經七十七祀乾隆時邑侯張以沈志鈔本授貢生汪
再事詳補踰二十秋邑侯侯因上索志以鈔本彙爲一

書迄今又七十餘歲毫無續纂自傳志失百餘年繼繼承承未經梨棗棟嘗讀他志而竊憾房獨闕如咸豐三年閱志稿覺規模不合仿前稿章句遵王府志體式出素所見聞者核之父老將前稿所載浮者汰缺者補僞者正後起者續始於咸豐癸丑六月竣於甲寅三月棟謏陋無文愧乏三長且房幅員遼濶山巒重疊人文稀疎鮮所折衷粗成是編俚俗挂漏知皆不免但所記載均屬從實一旦輜軒下徵未必無小補云

庠生劉元棟謹錄前跋

重脩房縣志姓字

纂脩

同知銜房縣知縣壬戌進士山東章邱

楊延烈子揚

監局

六品銜房縣教諭通城

劉紱麟愷珊

房縣訓導黃梅

陳汝賢喜臣

督梓

署房縣典史四川屏山

胡運亨禮堂

輯稿

主簿銜江蘇嘉定郁方董小晉

總理纂輯諸務

生員劉元棟小浦

協輯叅校

歲貢生鄆正榮向亭

歲貢生陳百行庸菴

候選教諭恩貢生戢中道雲衢

鄭陽府學優廩生龔承勳崇階

孫訪

廩

生

張既明 曉亭

增

生

冀富琮 錦庭

孝廉方正五品銜例貢

蔡上昌 吉堂

鹽

大使生

員

彭廷瑞 輯五

生

員

杜增輝

廩

生

傅發榮 巖臣

增

生

鄭蘭亭

生

員

車觀德

職

員

劉元書 文林

生

員

劉宗賢 立亭

生

員

彭士喆 先知

經理局務

江西鉛山衛守禦所千總

丁化南 紹周

候

選

知

縣

解中和 致齋

州

同

銜

賀榮華 春圃

生

員

朱輅 輝廷

監

生

王明理

繕寫

生

員

宋文翰

西園

軍功八品銜

職

員

汪文翰

壽泉

文

童


陳同材

繪圖

軍功六品銜鄖鎮左武宮稿書

劉朝相

燮齋



舊志纂脩系校姓名

明嘉靖三十六年

主簿嚴堯敬

貢生金 鄉

國朝康熙五年

知縣傅六吉

訓導鄧復元

生員吳良玉

生員許即達

康熙二十年

知縣雷化龍

康熙三十四年

夫集二
卷一

知縣沈用將

教諭楊的

訓導胡懋教

巡檢劉茂棠

巡檢馮廷標

典史高標

貢生毛秉仁

貢生李發榮

貢生許嘉言

生員孫于蕃

生員毛秉義

乾隆三十九年

知縣張敵

貢生汪魁儒

乾隆五十八年

知縣仇必達

貢生汪魁儒

例言

一邑志以志地爲主舊志首以事記茲移在後卷卷首另列輿圖外先以星野次則疆域沿革形勝山川城池爲全志眉目其餘門類依舊志原次大同小異共分十二卷二十五門務在約而不漏該而不雜其發凡起例畧綴各類小序

一志乘例應有圖今繪諸圖列卷首俾閱者瞭然在目十景圖雖涉俗例姑仍之至舊志載參柳分野圖考驗圖分數甚莫辨不復繪圖炫異

一房境山勢圍如屏障林嵐之勝甲於他邑土人有開門日見而不能指名者茲將舊志所未詳者悉心廣搜畧狀山形庶靈閔不至湮沒披覽可以卧遊至無從考核者仍付存疑

一房陵三十五溪昔人已不能詳今一水隨地異名所在皆是俱俗稱耳舊志分條並列若一縣有百數十河者茲核其異名者注爲一作某以省重沓

一沿革表例仿史家體式分按歷朝線分橫列今照舊志以世次遞分層隔較爲詳核

一 嘉慶初年白蓮教匪滋亂咸豐年間賊匪竄擾邑人同
仇敵愾著有軍功盡瘁捐軀非無忠勇例應載志以垂
不朽惜當時鮮所記載茲就輯訪傳聞附入人物以存
什一於千百

一 人物門忠孝爲重其善行隱逸文學技術卓有可傳者
例得備載以不沒人善至碩德者年爲

熙朝人瑞亦附載以光志業

一 烈女節孝無論已 旌節 旌俱詳訪列入其建坊者

卽附後

一納粟從軍俱係急公報効封廕贈卹皆荷

貴寵恩榮也茲皆採附選舉門後

一秩官分歷代表外其有宦跡可傳者除照正史所傳及舊志所採外再爲褒錄以俟長民者知所取法焉

一寺觀附祠祀坵墓附古蹟神仙附雜記俱不另立一門一事關鉅典如

文廟從祀諸賢及禮儀樂章

恩詔表箋律例條款俱詳

大清會典及湖廣通志非房下邑所應專書俱不敢載

一嚴志明板小燬國初傳令重輯沈▲鍾修乾隆五十二年邑士汪魁儒就沈志遺稿畧加訂補相沿傳抄未經刊定曾魚亥來率多傳譌咸豐四年邑士劉元棟遵王府志體式稍爲續纂且時隔七十年天時人事遠嬗更易間有一二記載未免殘缺又山城僻處兵燹迭遭鮮有藏書無從徵引除將舊志畧加刪潤外其新增入者就邑人採輯遺漏尚多舛錯鄙陋俱所不免以俟後韻者再訂焉

万
事
一
心

一
心
一
意

一

一

建寧
必必

早



南三十一里

西四百里

房縣全圖
里抵夫南縣界

西一百里

西二百里抵河山縣界

西一百九十里

北一里

東一里

東二百里


陝西關隘




東二百里

東二百里


陝西關隘




城





坊縣署圖




房縣署圖











珠穿線銀






房縣志


房縣志

五種河粉











方丈殿元

卷之七

龍堰潛靈



化龍堰



仙池月滿





温泉蒸霧



激湍峭雷

原
一
六







宜陽曲水

五原記

卷之二








西鼻早稻


西鼻早稻




南視晚霞









方
正
公
示

方
正
公
示

沂縣志目錄

卷首

序

圖

例言

纂輯姓氏

卷一

星野

疆域

形勝

沿革

卷二

山川

水利

卷三

城池
坊市 寨堡

團甲
村鎮

關隘
塘汛

津梁

舖遞

卷四

公署

賦役
學校

卷五

秩官表
傳

卷六

兵政
事紀

卷七

祀典
寺觀
古蹟
墳墓

卷八

選舉

卷九

人物忠勇

孝

善行

文學

壽

卷十

列女

卷十一

風俗

物產

卷十二

僑寓

雜記

神仙附

目錄

上

This image shows a blank ledger page with 10 vertical columns. The columns are separated by thin vertical lines. At the top right, there is a header section with some faint, illegible text. The page is otherwise empty of any data or markings.

星野

封域分星自周禮保章氏始而班固漢志取三統歷十
二次配十二野魏陳卓更以各國分繫二十八宿爲度
次容齋洪氏嘗詆其謬誠哉天道遠而難知也房古梁
州域分野屬魏象緯微茫原難臆測而餘光分照亘古
不移姑備一門以俟知星者辨之志星野

唐書天文志翼軫鶉尾也初張十五度餘千七百九十五
秒二十二太中翼十二度終於九度自房陵白帝而東

盡漢之南郡江夏東達廬江南部濱彭蠡之西得長沙
武陵又逾南紀盡鬱林合浦之地自沅湘上流西達黔
安之左皆全楚之分自富昭象龔繡密白麻州巴西亦
鶉尾之墟

漢書地理志楚地翼軫分野周官保章氏註十二次之分
鶉尾楚也皆統全楚區域言之非專指一隅也府志以
鄖屬梁州域天文實參之宿故房於參爲近總序以爲
參柳不言其所入之度按左傳參爲晉星距楚甚遠又
按三河周分爲柳星張鶉火大約以舊說鄖陽爲三河

地故房附之耳然考爾雅柳鶉火也荆楚要覽軫之終
度其西北界雍州鄖陽六縣故漢中郡古爲梁庸商麋
諸國是秦楚之隅其星東井與鬼終柳六度接於鶉火
柳與軫度較近總之翼軫爲全楚分野房隸楚省應爲
荆州分星所轄宜遵一統志翼軫分野爲是

按星野之不可據先儒疑之者多矣如雍州在西而配
鶉首在南吳越揚俱在東南而配星紀在東北猶曰宿
座相合也翼在北而西配大梁魯居東而西配降婁燕
居北而配析木於東齊居東北而配元枵於正北是地

在此而星在彼矣至若當分而合當合而分則荆揚連疆而一次翼軫一次斗女交徐接壤而一次角亢一次奎婁雍秦與東海相懸也而星則奎璧同宮幽燕去吳越甚遠也而宿則箕斗並舍如此之類不可枚舉卽以鄖陽一府按之同爲梁州之域宿宜同係參分卽或轉運有差亦萬不至出畢觜東井外也乃房與二竹皆屬西南之實沈而鄖縣保康與房爪牙相交何又屬東南之大火地不過百餘里而於辰則隔辰巳午未於星則隔尾箕斗牛女虛危室璧奎婁昂胃畢觜十五座之遠

有此理哉然縣猶不同也至於鄖鄖鄖陽附鄖之縣而
或又以鄖陽爲三河地在柳十四度星七度張十八度
之間同一地而旣分於守又分於周梁何說也然則紛
離乖謬不但秘占所云度數不足據也卽費直之周易
分野蔡邕之月令章句可盡信而無疑乎姑仍舊說質
之博雅君子考定其實焉

疆域

周禮大司空稽天下地主之圖知九州之地域漢收秦
圖籍知天下之阨塞唐元和之十道宋元豐之九域咸

力集
以辨險易別疆索意甚深也房域歷代建置不同明始
屬鄖陽

國朝因之素稱千里萬山四塞歷覽不能窮其奧載籍莫
能詳其形茲既作圖卷端復審定方隅核明里至俾閱
者得攬其全勢焉志疆域

東百三十里抵保康縣界

一徑二百里抵襄陽府穀城縣界

南二百五十里抵宜昌府興山縣界

西百二十里抵竹山縣界

一徑百八十里抵竹山縣界

北百六十里抵鄖縣襄陽府均州界

一徑百五十里抵鄖縣界

一徑二百里抵鄖縣界

東南二百里抵保康縣界

西南五百四十里抵四川大寧縣界

一徑四百八十里抵竹谿縣四川大寧縣界

一徑四百八十里抵四川巫山縣界

一徑四百七十里抵宜昌府巴東縣界

西北百九十里抵竹山縣鄖縣界

東北百八十里抵襄陽府均州界

一徑二百四十里抵襄陽府穀城縣界

廣四百一十里袤三百九十里

西北至東南斜長三百九十里

東北至西南斜長七百九十里

至府陸路三百六十里

一徑三百二十里

至省陸路由保康一千二百九十里

水路由穀城一千七百八十里

形勝

先王畫井分疆必擇山川形勝之區以建都邑而人才之盛衰物產之豐耗因之房治綿亘千里素稱忠孝名邦其間山重水複毓秀鍾靈誠有物阜而人傑者固不第侈登臨之勝也志形勝

房居萬山底

奧斯錄記

歷五代亂離無兵火患誠久安之地

陳希夷修城記

有山林川澤之饒

地里志

縣志

卷一 五月

四塞險固 華陽國志

其險也有建鼓馬薺之崔嵬其勝也有睡嶽龍光之幽密

呂昌明賦

十盤山影入渡泉聲重重天險之地 明督學薛綱集

縱橫千里山林鞏固 郡志

西通川陝北抵鄖漢東連襄鄧南接興巴四面皆山林鞏

固巍然高峻有如房室 舊志

房城背臨北河前展南山左控泰山之高右帶二郎之勝

防渚紀聞

沿革

先王疆理天下因時制宜三代以上制為封建秦患諸侯割據易以郡縣漢唐以來悉因之大概取形勢之便於控馭人情之易於聯絡而已房古麋庸地其間為國為郡為軍為州縣不一而舊志無存莫可詳究謹參之正史以表其畧志沿革

房縣故梁州域屬麋庸地

左傳杜註庸今上庸縣麋亦國名

牧誓武王伐

紂庸在焉括地志房州竹山縣古庸國春秋為房渚左傳文公十一年厥貉之會麋子逃歸又楚子伐麋成大

心敗麋師於防渚

寰宇記房初為防字後漢改為房以陵為名

戰國時屬秦

而楚亦兼得其地秦并天下置漢中

史記秦始皇誅嫪毐遷蜀四千餘家

於房陵括地志房陵即今房陵縣水經注有粉水縣居其上故曰上粉縣

漢初因之武帝置

十三州刺史改梁為益房陵隸漢中郡漢末以漢中郡

分魏興房陵上庸三郡又改房陵為新城郡魏晉因之

屬荊州晉惠帝時還屬梁州南北朝宋因之南齊改為

南新城郡梁岐州

寰宇記侯景之亂地入於後魏

西魏光遷國後周遷

州隋房陵郡領光遷永清竹山上庸屬梁州唐更光遷

曰房陵餘仍隋舊房州治在竹山後移房陵隸山南東

道唐太宗分天下爲十道

五代因之宋升房州爲保康軍節度省

上庸入竹山仍屬房州隸京西南路紹興元年置金均
房鎮撫使房仍隸京西南路十年置金房聞達安撫使
房又改隸利州路宋末知州黃司賢納土於元仍領州
事元廢保康軍爲房州領房陵竹山二縣隸襄陽路明
洪武十五年以房州治房陵縣省入旋降州爲縣屬襄
陽府成化十二年建鄖陽府房縣屬焉

國朝因之

表

世次

縣

州郡

省路總轄

唐虞

房子國

梁州域

按原志謂漢中原志考廣輿記
 房陵並無房子一統志鄖陽志
 國之說瑯琊有皆以鄖屬為荆
 房山侯國順天雍豫三州之域
 有房山縣縣南或以襄兼荆豫
 有吳房注以為鄖與接壤鄖近
 房國常山有房豫而房送荆乎
 子縣亦不言堯所謂雍者以禹
 子所封丹朱之貢雍梁並列周
 封房似不確然禮職方以梁係
 路史載堯生子雍又南宋嘗於
 朱隴訟慢游而襄陽僑立雍州

商夏

朋溪帝悲之使因致悞耳不知
 出就丹帝崩虞實梁州域也今
 氏國之於房竹據正史改定
 書紀年載唐堯
 一帝子丹朱避舜
 於房陵舜讓弗
 克遂封於房為
 盧賓廣輿記載
 丹朱封此又相
 傳治西南隅有
 丹朱墓北有堯
 子姪亦非無據
 並錄之以備考

<p>周文武 春秋 戰國</p>	<p>秦</p>	<p>漢高祖 武帝</p>
<p>防渚</p>	<p>房陵</p>	<p>房陵</p>
<p>召南 麋庸</p>	<p>漢中 始皇帝三十六年郡縣天下以房陵隸漢中郡</p>	<p>漢中</p>
<p>楚地</p>		<p>益州部 武帝置十三州刺史改梁曰益</p>

卷一 沿革

句漢

房陵

魏興

新城

昭烈帝章武中

三分荆州以長

沙江夏桂陽屬

吳零陵武陵屬

漢南陽襄陽南

郡魏興新城上

庸屬魏

魏興

新城

部以房陵隸益州

	梁		蕭齊		劉宋	劉	晉
	房陵		房陵		房陵		
	岐州	新城	魏興	新城	魏興	新城	魏興

卷一百一十五

西魏	北周	隋文帝	煬帝	
光遷國	遷州	房陵	房陵郡	<p>通志大業三年 改諸州復為郡 梁州領漢川西 城房陵清化通</p>
			梁州	

唐太宗

系示

卷一 地理

房州

川宏集昌武都
同昌河池順武
義城平武汶山
普安金山新城
巴西遂寧涪陵
巴郡巴東蜀郡
臨印眉山隆山
資陽瀘州犍爲
越嵩梓桐黔安
等三十二郡

山南東道

元宗

代宗

五代

房陵

房州

房州

宋大

神宗

高宗

房陵

房州

保康軍

保康軍

保康軍

利州路

嘉州路

夔州路

明太祖

元

房陵

房縣

洪武八年降房州為縣

房州

房州

襄陽府

襄陽路

廢保康軍復為房州領房陵

湖廣道

湖廣道

建炎四年置金房開達四川安撫使以房隸利州路紹興五年隸襄陽路六年隸京西南路

憲宗

房縣

鄭陽府

湖廣道

孝宗

房縣

鄭陽府

湖廣道

宏治五年都御
史戴珊奏割房
縣東修文二鄉
宜陽二鄉置保
康縣屬鄭陽


成化十二年流
寇作搜都御史
原傑奏請陸襄
屬鄭縣為鄭陽
府房縣改屬焉

國朝

房縣

鄭陽府

湖北省



房縣志卷二

山川

古者建邦設都必有名山大川以表一方之望故夏之禹貢周之職方西漢以來方域諸志舉嶽瀆陵津詳而書之者此也房居終南之麓爲漢江上游雖無名山大川而溪澗流清峯巒環翠奧窔幽深有謝客屐齒所不能盡者志山川

東山城東五里自北徂南迤邐數里爲城左屏障一峯頂平可容萬馬上有泰山廟松栢參差樓臺金碧

每雲淨天高徙倚瞻眺蒼翠欲滴西門北門諸河會歸
縈帶經山麓以朝宗水影嵐光遙映城郭

擂鼓臺有二城東十餘里羣嶺中此嶺獨高聳起一堡似
臺形故名焉

米花山城東四十五里

香耳壇城東六十里上建觀音關帝廟同治元年帝君顯
聖詳寺觀

五臺山城東六十里

見...城東自里一作見石距青峯十五里

白巖有城東七十里壁立千仞上有瀑布素練倒垂其一
在南一在西

青峯城東九十里一峯聳峙青翠欲滴尖如筆鋒曰文筆
峯萬山環繞自秦蜀東來綿亘蜿蜒若斷若續而武當
九溪五峯之勝踴躍奮迅隱見眉端松風有聲兩岸流
泉潺潺鳴石罅間仰視天際清光一抹雲氣上蒸爲諸
山之冠一名登仙峯峯之陽周尹吉甫祠墓在焉前有
山如筆架名曰三尖山

倒驢山城東百一十里今名驢蹄嶺其陽驢蹄店俗傳張

杲老倒騎驢經此蹄跡宛然石上勢嶮崖壁立萬丈如

巨鑿摩掌取道者每股慄焉 近名狼頭坡

十盤山城東百四十里懸崖千仞駭人心自古徑曲折層

疊其巔自西而上曰冲天舖環巔繞行十盤至八道河

明薛綱房陵道中詩山外青山關外關重重天險絕躋
萃十盤山影浮雲上八渡泉聲亂石間草滿畚田燒後
黑苔侵巒樹老斑架崖多少
留居者獨戀殊風忘却還

雞鳴山城東二百里一名雞公山咸豐八年飛蝗入境遍

地皆蝗惟此山無

牛心山或東二百餘里一名牛心觀以上三山往省

衢

二郎岡城西五里一名二龍岡山勢歸然聳秀與城東泰山蜿蜒拱峙俗呼二龍戲珠頂有二郎觀丹閣嵐影疊映西垣明孝廉向學讀書處山麓有丹朱塚

戚家山城西十里山勢平坦山下爲川隄通衢

鳳山城西二十里山形若鳳半山半唐時建有聖水觀

菱角山城西二十里孤峯秀峙似菱角形巔有窩堂可容

數人

房山城西三十里四面石室如房縣以名焉山高險幽遠

五其示
六二
三
周圍石壁嶙峋頂有崇貺廟一云崇祀廟又云房山廟
相傳唐時建祀本州人或曰祀費仙也內有費長房仙
室旁有鍊丹臺

抽籤堽城西三十里俗傳梁武帝覓誌公僧不遇抽茅心
作籤卜至今茅無心

明月山城西三十里擁翠拖藍清光四澈如皓月臨空上
有子規寺相傳誌公坐禪處有誌公巖旁有日崖月池
湘溪嶺銷鳳橋龍泉寺山堽清泉一泓朔晦或見月
常滿詳十景

諸葛山城西三十五里上有武侯廟頽圯多年今重建小廟

紅巖城西三十五里石山平坦上建關帝廟往四川陝西

通衢

白巖城西三十餘里衆山叢中此巖向東特出內供關帝巖東龍泉寺西大寺南破巖寺三洞子

九室山城西四十里一名九竇一名爛柯輿地紀勝山下有九室唐置九室宮山巒層疊如牆如堂穿雲躡蹻而上古木蒼翠天風清冷爲奇域幽麗最奇處山多仙跡

南數里有仙宮寺宋陳希夷修煉於此石基猶存太和
山紀畧天柱西白雲峯爲希夷辟穀處凌虛巖有誦經
臺九洞溝

漫子山城西四十餘里山石片段天成方圓曲折層巒如
砌卽亂石窰

祇陀山城西五十里汪家河口孤峯秀峭雄鎮一方巔建
祇陀寺山下小村石窪盤結地名古城里許有興龍橋
蓮花山城西五十里形如蓮

大邱山城西五十里

大埡山城西五十里山由四川入房西南迤邐至大埡折繞西北轉東爲房之北鄭縣之南均州穀城諸山過峽處徃四川通衢

赤兔坡城西五十里一作赤土土色皆赤山勢平坦徃竹山縣陝西之要道

章石山城西六十里徃四川通衢山勢最險上下二十餘里怪石纍纍曲徑折繞真有山從人面起雲傍馬頭生之概

獅子巖城西七里石形如獅高數丈寬數丈山麓清泉

一 曲稱黃龍洞禱雨輒應上有土城

羅家山城西七十五里

望佛山城西八十里高十餘里層巒萬山此山峙於西上
建祖師廟半山有萬佛神像廟下水田十餘畝旁有生
成石橋長三丈寬丈餘土人呼會仙橋一名萬佛山上
修若欄可容萬人下有龍洞二清流不絕左有地名穿
洞兩山交合中夾一溪上爲坦途形似龍門

九峯山城西八十里土人皆架板屋居

龜山城西百一十里

蛇山城西百二十里

跌驢坡城

里近名得勝坡相傳張果老騎驢被跌

石有蹄跡嶺西竹山界往竹山通衢

清安山城西百二十里

秦王山城西百二十里秦白起屯兵於此

硃沙巖城西百三十里出硃沙

范家壩城西百八十里往四川通衢

瑤峯嶺城西二百五十里

九道梁城西二百六十里左有山梁九道卽唐時九焰山

山南山北有薛家砦烏家砦

南山城南五里房萬山環列南山多且高此山橫亘蜿蜒

聳峙於南若城屏障因以名焉娟潔明秀出雲降雨陰

晴變態尤為勝景其旁一峯孤秀巔有巨石方如印然

曰印山宋陳與義為更名曰鳳凰山避金兵於此有詩

避兵連三年行中天四維但恨平生志未了少陵詩今年奔房城鐵馬背後馳造物亦惡劇脫命真毫釐向來貪讀書閉戶生白髭豈知九州內更有此山奇今土人呼為鳳岡凝秀是也

大荒山城南六里一作大皇山

石門山城南七里兩山對峙其狀如門怪石崔嵬古木蒼

蒼側有伽藍洞深不可測水從中出甘冽異常有石下

垂如渴驥奔泉

陳與義詩石門泄風無
且夜古木裁道藏雷雨

定山城南七里宋吳曾漫錄房陵定山有朱仲子園三十

六所李尤果賦三十六園朱仲李潘岳閒居賦房陵朱

仲之李卽縹李也

玉屏山城南十里岑高頂平望如列障

卧虎山城南三十四里

穿峯巖有二南五十里石峯峻高千仞中有穿洞大數十

圍隔山可見天日一去東南十餘里形勢彷彿

驥板坡城南六十里有挂榜巖斗壁插霄橫列萬丈梯九十九級石棧勾連內羅城外羅城皆生茂石壁峭削包絡完固東蒿坪水婉轉穿出或曰沮水非也

阜山城南百五十里左傳文公十六年戎伐楚西南至阜山卽此按爾雅大陸曰阜說文大陸山無石釋名土山曰阜厚也房之南鄙羣山盤紆一峯嶒峩故謂之阜山道士壘城南二百里

古路壘城南二百里

青羊山城南二百四十里

凍冰山城南二百四十里山上有洞洞中水流出每遇夏時凝結成冰

古廟堽城南二百四十里

景山城南二百里一名阿山一名望夫山水經注高峯霞舉峻竦層雲山海經荆山之首曰景山金玉是出亦沮水之發源杜預云沮水出新城郡阿山左傳荆山爲九州之險志地者言荆山在南郡臨沮縣卽南漳西境而景山據其上游南臨興山東界保康雁北歸必經其上名雁塞山寰宇記房陵有三十五小溪三十四小山此

其一也有祖師廟滴水巖

如子山城北六里旁有小奶子山

五將山城北七里

孤星山城北三十里一名雲臺山

連三坡城北二十里往鄖通衢

馬息山城北九十里有馬息古驛塘房去北數里爲馬嘶山

馬嘶山城北百里最高險馬陟其巔則嘶往鄖捷徑
黃竹山城北百里山竹色皆黃

紅巖城北百里西三十里俱有

青屏山城北百里

柵溪巖城北百里昔人避兵處

分水嶺城北百六十里嶺北鄖縣界往鄖捷徑

鍾乳巖城北百餘里寰宇記縣產鍾乳巖水懸流下滴積
如冰筍色白似乳

望夫山城東南百二十里

建鼓山城東南二百里袁崧記登勾將山見馬鬣建鼓嶷

然天半華陽國志山水之難有馬鬣建鼓之阻元和郡

國志建鼓與馬鬣相連冬夏積雪道志謂馬鬣勾將皆
非縣屬特與建鼓頡頏

冷盤堽城東南二百一十里南界與山東界保康由北而
上高三十里蠶叢之徑六七里南往興山大路鄖鎮左
營右哨千總衙署駐此

高墩山城東北八里近城東北之山惟此山特峙東泰山
發源於此

堯子堽城東北六十里

元豹山城東北七十里謠名元寶

播鼓臺城東北百一十里

茅箭山城東北百二十里

瑤峯嶺城東北二百五十里東界穀城北界均州

界牌壩城東北百三十里過壩卽均州界往均州大路

香耳山城東北百餘里山嵐峻峭如大鵬垂翼有欲下未

下之勢澗溪聲出石罅間東界均州翠微絕頂武當勝

景歷歷在目山深樹老菌蠢叢生形似耳香馥可食卽

房產此者多茲獨擅名

梨華山城西南四十里又有小梨花山西去十里

曬穀嶺城西南五十里晨光未上此地先見曦影是日必
晴土人作息以此爲候

田家山城西南二百八十里

百戶巖城西南三百二十里

鷹子巖城西南三百六十里

洛陽山城西南四百六十里自九道梁南行轉東至洛陽
河羣山重沓爭奇莫能形其狀故名之河之陽爲東溪
山綿亘百里雲氣濛濛人烟寥寂河之右爲全寶坪
十餘里平疇曠野有池九如窪如白清泉不竭

湖坪中一峯特起名嘯天龍折而南爲陰條嶺西面
巫山東屬秀縣巫山十二峯皆綿延秀峙茲山之下接
四川大甯界

湖溪巖城西北十五里

黃龍山城西百七十里唐時稱黃羊山昔吳音馬贊居此
今有遺砦

羊子山城西北八十里橫亘如列屏怪石蹲踞如羣羊卧
嶺故名又名楊子筑水所出高十里許兩端起巴山中
一徑達郡城要道山趾溪流潺湲春夏雨漲則咫尺嘆

汪洋矣

通判仇昌祚詩路有羊腸險嶙峋不可攀碧雲

那堪行役裏翹首淚潺湲泰議楊琚詩暮雨正濛濛山

深絕人蹟薄言促奔走度嶺日西夕巍巍何其高去天

不盈尺峯峻地位寒凜凌滿山白狂飈吹樹林亂落打

頭顛天役欲避逃行程日促迫項馬下層巔石多蹊徑

佛劍山城西北百四十里往鄖捷徑

板橋山城西北百五十里

錦洞城西七十五里一在西百一十里每四月八日土人

演戲賽神

觀音洞城南十里層巒環峙林木蓊翳時而奇鳥棲鳴時
而慶雲旋繞雖龍岡鳳嶺莫與京焉洞內有石穴罅莫
知淺深微波淙淙其間雲馬飲泉誌公洗鉢遺跡俱在
洞內關帝觀音神像洞外拜殿三重新晴禱雨屢求屢
應

白龍洞城西八十里之揚父河境內半山流出瀑布其大
如盤祈雨輒應嘉慶年知縣何在朝祈雨二次

老龍洞有二其一在城南百八十里陽日灣境北其洞口
狹中澗有石床及香爐冉大有石筭滑軟可愛折之出

則堅於石有潭極深森人莫之近天旱禱雨輒應其一
在緩家砦貢生鄢正榮有記邑東南百五十里外有緩
家砦下數里卽老龍洞毗連保康境崇山合沓中一山
聳起絕壁千仞下闢一洞去地尋丈洞門幽廠內則廣
如夏屋地平如坻正中一石橫陳平整光潤狀如巨床
左右石壑雁排井井有序再進則深而邃遶而曲須秉
燭而行兩旁石壁具鳥獸花卉之象儼若繪畫昔有數
人持炬深入欲窮其境乃爲深潭間隔遂返蓋其潛龍
也有年所矣每屆天旱遠近禱雨者輒應禱雨之時必

循本地緩姓一二人往罵之大雨如注否則無應罵則
曰爾妻我之姑爾處我之廬爾耕我田土爾不降甘雨
爾早我膏腴爾枉爲姑夫先是地有緩姓者世業農家
頗饒育一女特秀出相者曰此女貌莊而神清不可偶
以凡侶數相攸已許字矣厥後男皆夭殤女年十六七
亦遂無復聞名者逾年有童子年相若徙倚於門女父
叩所自來曰云談氏子孤貧無依願鬻身爲活許女父
許之使飼牛牛肥使司雜務咸謹劬能當主人意女及
喜甚因以女妻焉女父寢疾囑令兒輩分某莊田一所

給姑婿兒漫應之乃以瘠地一分犂确多石不堪種植
伊欣然受之無間旱澇每歲收穫反倍乎緩家之沃壤
緩姓愈爲不平恒語侵之日爲不休乃一日夫婦亡去
不知所往越數年緩姓有子弟從洞下過乃見其姑立
洞門呼之進曰聞爾某姑將嫁矣是妹予所憐愛者贈
一物以助奩妝勿輕視之接之乃一石沉堅如鐵其人
攜歸遺女女得石忽作異香綉繡滿室藏之篋笥衣香
經月不散且可療異疾女子歸攜至夫家遠近皆求之
出重貲相購女更昂其值必數金而一分乃售女遂以

此致富焉或曰此龍涎香也

黃龍洞城南二百二十里在後山坪之西其洞內外有門
入里許豁然高大平坦可容數千人二門峽深數丈有
石床石枕石臺石磴天然其潭深莫測中有黃岡若龍
卧鱗甲森然由岡而入則三門焉水聲沸騰若雷祈雨
者戰兢而出不終而雨

五龍洞城南四十里

錦洞城南五十里在盤峪河

白馬洞城南百一十里在千家坪境內山石生成洞口橫

直尺餘爲圓上可見天如月城形內可容數千人水由裏湧出避亂無憂

白龍洞城北五十里在北峪溝

邱家洞城西八十里與伽藍洞驢軍洞皆可避兵昔人遺跡甚多

車家洞城西南七十里內有水

三洞子城西四十里一連三洞或容五六十人或十餘人皆可避難惟無水不可人居其右母豬峽等處亦有洞一二百可避難

仙人洞城南十里內有石床石枕宛然仙跡

白蓮洞城西百八十里漳洛河上壩之南懸巖一洞洞口
高大洞內深邃路逕曲折迭有潭有橋石門層層寬
窄不一咸豐六年漳洛河一帶居民避難於此被襄匪
烟薰死者四百餘人

土洞子城西南百八十里

馬驚洞城西北百里

白馬洞城東九十里在青峯山下

神仙洞在城南山中壁立百仞不可攀援洞口方濶中有

笙樂聲自山而下視之無所見後於大坪立泰山廟鎮
之聲遂止

朝陽洞深百餘丈洞內有潭水不盈不竭黃金洞絕澗上
有砦俱在南山

洞兒溝城南百四十里路險巖灣環十餘里峽峰峻嶒松

色慘黯三洞各有瀑布若自天而下咸豐六年以兵亂

斷其路賊不能越

劉際平詩十里長岡路不平低頭陡
向洞中行灣環曲徑稀人迹照淡松

林絕鳥聲水勢千尋聽碎弄天光一線認分明
自疑非避秦時亂暫借桃源作旅程

連環若洞城南百四十里咸豐六年於洞內獲一物四星

兩翼與生射連首若鼠攷皇極經世云走之飛曰冠廳
殆卽此也洞上有石竹石笋旁有滴泉搏激成聲其東
石壁卓然洞口又有石壁高數丈短松蔚翠如屏風又
有將軍石奇特若人立左數里有四砦可容數十家

茅山在冷盤堽東南數十里山峯嵯峨突出下有玉祖觀

青雲砦興隆觀虎豹洞黃龍洞

沮水在東南二百里左傳江漢沮漳楚之望也水經沮水

出漢中房陵縣淮水

淮當作維

酈道元注出東汝陽郡

沮陽縣西北景山卽荆山之首故淮南子曰沮出荆山

高誘云荆山在左馮翊懷德縣蓋以洛水有漆沮之名
斯謬証耳按景山東爲保康西爲房縣沮水導源此山
由縣南東流經保康歇馬河過螃蠏溪保康舊爲房陵
地故水經謂沮出房陵也自螃蠏溪折而南經界牌嶺
境繞南漳地曰馬良坪曰西坪曰重陽坪皆沮水所經
南流爲潮水峽水至此一日一潮故名由是經臨沮縣
西故城在今南漳南境盛宏之云稠木旁生凌空交谷
危巖傾崖恒有墜勢風泉傳響於青林之下巖猿流聲
於白雲之上遊者常恐目不周玩情不給賞讀此使人

神遊八極信竒筆也又南過遠安入當陽與漳水會經
枝江注於江謂之沮江夫沮水源流古今一轍自楚通
志謂在縣南五里而土人乃指西門河以實之則誤矣
水道提綱注在縣西稍南三百五十里其西爲陰條嶺
其東南爲五林樹山

粉水城東北五十里述異記粉水出房陵永清谷一云永
林山荊州記筓陽縣有粉水源出房陵縣取其水爲粉
鮮潔異於錦水雍州記蕭何夫人於此漬粉皮日休野
梅詩合傍蕭郎粉水開水經粉水出房陵東流過郢邑

南又東過穀邑南入於沔酈道元注粉水導源東流逕
上粉縣取水漬粉皓耀鮮潔故縣水皆取名焉又至筑
陽縣而下注於沔謂之粉口夫粉水導源今昔異名按
縣東北界牌埡卽故永清縣東北境一山橫亘樂史所
謂永林山也水出石竇間任昉所謂永清谷也其水經
東浪包家河繞石堰河前志所謂玉石河也由是與高
視河玉石諸水注北門河東流酈道元所謂東流逕上
粉縣也上粉古縣所治之地無考而河水清冽一望澄
澈古人命名不誣矣一說西三十里軍馬河卽粉水也

獨石潭城東十五里潭在河側大石踞河中丈餘形狀奇偉河流激繞潑洄潭終不滿河故多石此獨鬼然土人謀欲開鑿以通舩艦不果寰宇記石崖阻隔不通舟楫殆指此

蓼花潭城東北百里潭有三第三潭深不可測岸旁陰崖蒙翳藤葛交橫林端飛瀑常如風雨靈怪出沒其中

杜家潭城東二十里水深多魚每春秋丁日前官吏集漁者網魚以供祭祀今土人有養獺捕魚者

堵水城西北百八十里俗名斗河水經注堵水旁有別谿

岸側土色鮮黃相傳飲此水令人無病而壽一統志由房縣北境歷黃龍灘至花果園入鄖縣界按花果園有二東花果園距堵水二十里西花果園距堵水三十里俱有小溪不通舟楫其發源有三一西鄉三百六十里之陰峪河發源經水田坪九道梁白河口抵竹山官渡一西鄉百八十里之馬家溝發源經揚父河獅子巖西流會東河長峪河經秦口抵竹山一由西鄉二百二十里之舉人坪發源經石板溪太平河出平口與陰峪河馬家溝諸水會於竹山爲堵河由竹山東經房縣西北

鄉化口磬口抵鄖入漢江

磬口河城西北百七十里與化口皆臨竹山鏡水出斗河

入漢江下鄖陽卽堵水

卽參議吳建次磬口詩房陵天作壑磬口水爲城古戍寒雲合

荒烟疊嶂橫宵征聞虎嘯晚愁聽猿鳴草草勞人意何緣賦野鷹

大木廠河城西北百五十里東受五谷廟南受羊子山太

山舖紅廟河諸水西流至磬口入堵水焉

鏡水寰宇記鏡水在房州北東經永清縣南水經注杜預

以爲彭水也水出梁州新城郡魏昌縣界縣以黃初中

分房陵立其水導源鏡山東流逕房縣南鄉一百八十

餘里受斗文溝諸水爲柏木河又東與巴豆園鐵樓溝
諸水會於博磨坪其流始大可通小舟東北過納門峽
安陽坪駝峪河臺口又北至珠藏洞與粉水合逕保康
縣穀城縣東入於沔謂之筑口應邵所謂筑水出房陵
東至筑陽卽穀城縣也水中有石挺出其下微潭時有
見此石根如竹根而黃色見者多凶相與號爲受石西陽
雜記作承受石悉詳筑水東逕筑陽縣故城南縣故楚附庸秦
平鄴鄴立以爲縣王莽更名之曰宜禾也又竹山西五
里另有筑山筑水寰宇記筑水在房東北一云導源房

西羊子山未知孰是

蠻水卽夷水也水經水出房陵東流注沔酈道元注曰桓
溫父名夷故改曰蠻水導源中廬縣界康狼山山與荆
山相鄰其東南流歷宜城西山謂之夷溪宋曾鞏長渠
記荆及康狼楚之西山也水出二山之間春秋時爲鄢
水楚屈瑕伐羅及鄢亂次以濟是也據此則水之下流
爲鄢其發源處爲夷亦云蠻源出房保交界之景山逕
保康界之司空山入南漳境又東逕宜城注於漢惟康
狼山在中廬縣界當在今保漳交界處然舊志未載按

襄陽志蠻水西自房縣來逕司空山入南漳是司空山
或卽康狼之更名歟又楚蠻水與沮同源異流其水可

染青碧也寰宇記譌蠻為漫前志譌漫為浸俱誤

水詩萬里崎嶇入劍門夜郎南去瘴雲昏楚鄉今日經蠻水迴首蠻荒更愴魂

入渡河流東百八十里俗名八道河源出滴水巖志地家

往徃砥牯按是水導源城東北五十里滴水巖東流數

十里統名八渡河一線瀾流塞裝可涉迨逕余家店乃

名奈家河又過界牌垣繞穀城觀音堂經張朝舖又百

里許趨石花街逕蓮山北名古羊河至西河口與粉水

合流入里仁里注於漢此入渡河之源流也

維水導源維山華陽國志維水東入瀘注瀘字疑誤當作
漢後漢地理志房陵維山維水出焉東至中廬入沔水
又東過中廬縣東維水自房陵維山東流注之按中廬
故縣在今南漳東北境居房縣之東南是維山在房縣
南山中維水發源於此東流逕南漳縣界又東流注於
漢常氏謂廬當作漢不知瀘卽中廬之誤矣按此水前
志不載無從實指其源流且保康爲房縣分置維山在
保而不在房姑記之以俟考焉

浸水源出王家山道志在縣城南源同沮水其水可染青
碧色東流至穀城入漢

沔水水經注夷水又東南流與零水合零水卽沔水也或
作沔作沔作汙俱非上通梁州沒陽縣之黠城山其水
東遶新城郡之沔鄉縣或作沔鄉俱非縣分房陵亦謂之沔
水按明史稿沔鄉縣在房縣南水以縣名在今房縣南
山中舊志未載或今古異名耳

西門河其源有二一曰東蒿坪經杜家川驥板坡兩河口
一曰西蒿坪經穿峯巖至兩河口與東蒿水匯自是北

流經澍海堰至西門河數里許與西鄉諸水會於北門
河

北門河其源流一由西鄉馬尾東經上達河一由西鄉汪
家河東流經化龍堰至長望川與馬尾水會又東至紅
巖子與三座巷以西諸水會出湯峪河水會又東至昇
馬舖與指北河會又東至下店子與西南鄉之三座巷
以東諸水經盤峪河會又東十餘里與羊子山發源之
羊峪河及高三溪之水會又東十餘里與西南發源之
乾河七里河北鄉發源之唐溪溝會又數里至北門河

與西門河會及北鄉由吊橋發源之冰由北鄉馬嘶山之劉家河東北鄉之包家河諸水至北門河會東流至珠藏洞入南河東流至穀城出筑口歸漢江

珠藏洞在邑東百四十里俗名猪藏洞洞踞北岸南岸界保康其地爲房邑門戶山之自西而東者蜿蜒奔赴聚結於此列屏排闥不可勝紀按房西北諸水統會於北門河是水西由王步河北由高棧東浪包家河南由小河繞縣西門又南由烏峪河經馬欄入三道河諸水會合過綠漪峽峽勢逼仄巨石橫亘灘流迅激洶洶出石

罅中至青峯過驢蹄店一作玉地東南注珠藏洞下通穀城
議者謂鑿通綠漪峽則舟可徑達縣北門然工費少貲
且恐夏秋水漲仍有墮石壅蔽之虞是在留心水利者
因勢乘便則利賴爲無窮矣

馬欄河城東三十里

三道河城東三十五里

烏峪河城東四十里有穿山堰懸巖峻嶺洪武年間鄉人
開墾以地作田穿穴懸巖俾水得下灌今良田百畝人
多殷實

九真
二
崙口河城東六十里有官渡

樊家河城東六十里

張家河城東七十里

劉家河城東百里

臺口河城東百里
逕保康出穀城與漢水合

雙瓶河城東百二十里
河中二石對峙如瓶俗誤桑坪

榔峪河城東百三十里

沉峪河城東百七十里

易家河城東百八十里

張家河城東百八十里

余家河城東百九十里

長灘河城東百九十五里

七里河城西七里

乾河城西十里

黃龍潭城西十里每夏有虹於山取水

泉水河城西十五里

羊峪河城西二十里

盆峪河城西三十里一作盤峪

軍馬河城西三十里

湯峪河城西三十六里有龍洞

郭家河城西四七十里

指北河城西五十里

尙淌河城西五十里一作上達

葉家河城西六十里

東河城西九十里

汪家河城西九十里有黑龍洞

楊父河城西百里

洛水河城西百里

秦口河城西百二十里世傳秦王屯兵於此

高唐河城西百三十里

霍水俗名潯洛河城西百八十里隋書地理志光遷有霍水輿地紀勝霍水導源自房陵至竹山玉口入堵河歸

鄖陽合漢江

化隆河城西百八十里

太平河城西二百八十里

盤石河城西二百四十里

南觀河城南二里

迴風河城南七十里

橫峪河城南九十里

鶴子河城南百二十里

舉場河城南百四十里

盤水河城南百八十里，有八臺、文光臺、傍月臺及古塔觀。

音洞諸景

古水河城南百八十里

高橋河城南二百四十里

青羊河城南二百四十里

宋洛河城南二百四十里有五洞曰閃洞雷洞雨洞風洞

冰洞相距二三十里

冠木河城南二百四十里有文峯觀星臺鳳凰嶺黃龍洞

十佳砦門下山筆架山石將軍等景

襄瀾河城南二百八十里

溫水河城西南二百六十里

洛陽河城西南四百六十里

紅河城北一里

玉石河城北五里入北門河

高視河城北六里入北門河

五龍口河城北十里即西高視中阪

王步河城北二十里

大石河城北三十里

沙溝河城北三十里

鮑家河城北四十里

劉家河城北八十里

梁家河城北百二十里

化口河城北百四十里

木瓜河城東南六十里

蛇降河城東南九十里

白崖河城東南九十里

釣魚河城東北五十里

濫泥河城東北九十里自黃家壩西流至白窩村入柳水

小河城西南二十里

鱖魚河西南百二十里

化口河城西北百一十里水出化口入堵河

軍地河城西北百二十里源由羊子山出磬口入堵河

小湯池城東十里青崖山下有溫可浴灌田亦多宋洪慈

夷堅志泉中有殊砂

大湯池城東十五里土地嶺山下四時常溫泉自石穴

流出始為兩池覆以亭浴之可已痼疾北流漑田數百

畝其稻較他處早半月宋陳與義詩暫出房陵垣得觀

熱世言疏黃礦吾恐猶鑿證地脉或使然氣必有凝結

涇瀾無清期弱流不負篋此事竟茫然誰與相鑿別日

德太陽精萬古照洞澈顯象類能推奧理羣必關濬我

足下塵使我心內潔安有華清池豔妃責妖血邑令

洪範嘉慶丙寅秋總戎呢玉亭巡房邀遊湯池詩秋風

起公飛羅金彭澤之菊氣馥芬正是黃花飲酒日忽然

鹽池城東六十里水鹹似鹽非真鹽也按房鹽向係仰給

天上落將軍將軍才調萬人奇有如駿馬追風逐電時
高談雄辯一座盡驚倒離離恍惚難追隨戟門人靜已
三更掃塵長嘆氣味清由來靜極翻思動詰朝相約温
泉行雞鳴城外即問道宿霧朝霞筆陣掃淺草未沒懸
馬蹄一望湯池流皓皓解衣磅礴凌晨殊砂泉涌似
春温坐卧移時心志適超然如對浴沂人浴罷精神轉
奮躍月榭白雲踏芒躋寒山石逕盡迴迴長肅高吟觴
籌錯泉平泉手鏗然戛玉聲將軍之風珠光而玉品我
來對此泛金觥乃知泉清人亦清嗚呼乃知泉清人亦
清邑令金玉堂浴湯池有感詩出山大山覓山路山
中落日留我住山上白雲山下樹樹中有寺白雲護我
欲携雲雲不去滿地白雲僧懶顧眼前即可學神仙自
笑多為名所誤翻身跳入温泉池洗盡胸中塵垢處此
泉湯沸起何年誰能執熱機一露揚清激濁滿池中木
自無心人自無意將紅旆引山頭題詩兩句餘詳十景
白雲有出山泉澗在山清啼行題詩兩句餘詳十景

兩淮房山澗多惡水食之易生癭瘤惟食淮鹽可愈近
今山中人不知此害頭頸多有生癭瘤者舊志特書鹽
池恐耳食者謂有鹺利因附誌之

洗龍池城西南二百八十里後山坪高氏馬產駒數月卧
地不起有過客以重價求市昇池中洗之四蹄鱗甲燦
然體亦暴長乘之而去

滿月池城西北三十里龍泉寺後山詳明月山

泉水灣西關二里繞岸百餘家花柳映帶泉眼數十孔感
沸澄清可汲可引灌田甚多

龍泉城西北四十里龍泉寺巖洞中石窪一方石龍盤其上泉自龍口泛出汲之不竭禱雨輒應

牛角池城南三百六十里

蓮花池城南隅梳粧臺下秋冬不竭菱芡盈池

竹修池在望佛山左高十餘里山頂有池雍正間一道人結茅菴於此坐靜三年後不知所終

紅峪城西七十里

小峪城西七十里

倉峪城西八十里

鑿塢城西百里

鈐塢城西南百四十里

絞塢城北七十里

犬塢城西北五里

頭道溝城東二十里

七里溝城西十里

黑戰溝城西十二里

三溪溝城西三十里

恨水溝城西三十里

黃白溝城西百三十里

大黃溝城南十里

沙溝城南十五里

木家溝城南七十里

魏家溝城南二百八十里

廟兒溝城南三百六十里

唐溪溝城北八里

北峪溝城北三十里

鹿子溝城西南四百四十里

紅石溝城西南四百八十里遍地石皆紅色

水利

房邑山多水少既不若湖海之富魚鹽又不若長江大河可以通舟楫烏有所謂利哉雖然水無大小貴視地之所宜而利導之即屬六邑惟房猶號裕米之鄉而稻田灌溉惟恃塘堰巖溜山溪源流不遠秋霖夏潦衝沒尤多苟非蓄滯有備分洩得宜何以收其利而不受其害耶至鑿井汲泉冬湯夏水尤爲日用所資亦水利之一端也併附之志水利

東

小湯池堰城東六里

大湯池堰城東十五里

馬欄堰城東三十里

鑿溪堰城東八里志稿作擢箕堰

西

三官堰城西門外

西河堰城西關外

泉水灣堰城西關北二里

許家堰城西十五里

傅家堰城西十八里

耕麥堰城西二十里

向家堰城西二十里

楊家堰城西二十里

梅子堰城西二十里

百戶堰城西二十里志稿作白湖

傅劉堰城西二十二里

高堰小堰城西二十五里

何家堰城西二十八里

萊堰城西二十五里

宋渠堰城西二十六里

牛頭堰城西三十里

盆峪堰城西三十里

石渠堰城西三十里

車家堰城西三十里

尹家堰城西三十里

眞馬堰城西二十五里

堰河堰城西三十五里

東方堰城西三十五里一名東川堰

長望堰城西四十里

酉川堰城西四十里

化龍堰城西五十里

吊棍堰城西八十里

南

觀堰城南五里今添腰堰

白土堰城南十里亦上中下

板堰城南十二里分上中

杜溪堰城南十五里

澉海堰城南十五里一名三海眼水出山口成潭底有海眼三明都御史王世貞澉海堰斗門碑記房陵朱衣上記都御史幕府言邑故房州遷入地四塞無商賈之羨其民依樵採而食所出薄不足以供恒苦飢而獨邑南有稻田萬餘畝號爲肥饒其所受水出滴水巖灌漑以時則收倍他田而其地凡三畝中下畝以次而上畝之水自上畝以次而下制中下畝之命水凡見過而不下則

弗敢播旁泄而他注之則弗敢播而下畝亦時能竊其
防使上中畝立涸以故恒蓄爭其爭能互爲害而不能
自爲利日者令以行部至田所得其狀仍行屬鄉之三
老周天祿堰長王詔趙曦韓勇金鳳鳴詹恩鄭文元廖
楚畏戡安國督民之獲田利者以次受職俾環畝而瀦
之無使旁泄自上而中而下至堰口鑿石爲斗門大者
三小者三十有五中爲關七十餘上溢則版以障之下
涸則啟以洩之凡爲條石之以丈計者二千五百五十
五爲柱者四百四十有四爲槽者十有五役工至三千

三百三十而爲賦帑金僅六百餘因與守畝者約下畝
當受水而不予水者罰在上畝不當予水而撒其水者
罰在下畝其民皆稽顙聽約束無敢犯但令遷徙無常
人或忿忿不以時飭治恐奸民起而修一旦之忿破壞
成業坐自失計而訾於上願得幕府一言勒石而樹之
通衢以示永久都御史曰善乃爲銘曰周有稻人掌稼
下地瀦防溝遂以迨列澮揚芟作田旱澇有備惟此山
邑罕觀其利引流下輪建甌斯易比於桔槔靡逸蕪倍
門此三畝以時啟閉房南穰穰民靡虞戩爰戒來者無

怠成事貢生趙岫如記邑西南平川十五里山開岸濶
無田不水最上則有激澥堰激澥者徧滿之義也然是
水之出於山口甚狹仰則峻嶺崇山近則石門壁立有
聲自谷中來者如驟雨疾風從空而降昔人所謂激澥
晴雷是也又名之曰三海堰水之在谷也本東注而山
口北轉堰適承之其波迴浪激處有似海眼者三或曰
二眼出水一眼入水城東十五里溫泉之出水卽此以
之入水也往來者由石巖之半轉折而過俯視下臨不
啻貝闕龍宮近在咫尺且距堰不半里有龍廟焉回堰

口而居榜曰碧晶宮渠水遶其南大河在其北規模宏
壯臺閣巍然歷數百年於茲矣顧其殿楹連抱父老嘗
相述曰此當年馬桑木也殆猶蒿之爲宮柱洵非近今
所有也又殿有龍像二一泥一木昔傳斯水逐水而來
不逐水而下下之則復上土人異之刻爲龍像惟肖凡
有禱求無不靈應祈報賽會居民畢集古云水不在深
有龍則靈而况斯湧溢者其源不竭灌溉者其養不窮
哉

陳家腰堰城南二十里

右槽堰城南百二十里

北

火龍堰城北五里

五龍堰城北十里

長龍堰城北十里

活龍堰城北十里

唐溪堰城北十里一作鼉溪堰

瑪瑙堰城北十里

石堰城北十五里

白窩堰城北二十里

高規堰城北二十里

低規堰城北二十里

穿山堰城北五十里堰口有田二坵計種一石陳氏姑嫂
並耕盡力揮禾一日殆遍至今猶傳此田爲姑嫂田

長樂堰城北六十里

復興堰城北七十里

以上各堰或七八百石種或五六百石種或百餘石種
皆係順河之大小開水以灌之也

凡國土之冊以報上者無不皆以畝數言之也而房邑之買賣田產不言畝而獨載石斗種數者蓋以他地言畝者不過上中下三等而房之田有河溝塞水旱地有子漫岡陁雜各五等且多有借山水而灌溉者有修鑿土塘以蓄灌者有見彼山山洞有水從下截流就上順山形而越翻岡嶺爲渠者此可見北鄉之穿山堰有因石泉而梳流者水勢有高低鑿田有層磴卽大畝之田莫不有曲灣凸凹朝衝淤而夕鑿改之形且中多崖多石以及或坑或隴不齊碍難丈量是以祇以現在田地

之石斗種數載契買實不可以載畝數此亦因地制宜之道也約其一畝之數合市斗四升合倉斗六升七合之數然民之耕斯田也春則修堰挑渠夏則蒸水趕水戴月冒雨無取稍息勞亦甚矣所以得其盡力於田畝者惟在司牧者無違其時能知民間疾苦耳

井

八角琉璃井按城內東南鐵佛寺碑志寺原唐盧陵王宮殿故址處井口係盧陵王時鑿井口八角俱琉璃石修砌成故名居民汲之有年至康熙三十八年井內忽

有惡物不知何怪汲水者輒被吸入因以土填之井

水暴溢遍城深數尺知縣董勇因思鐵能水怪惟

真武取司治水以鐵鑄像坐於井上鎮之名鐵佛寺

自是不為患若天欲雨則聞真武座下有潮聲今史萬

壽宮潮聲不復聞

十字街井其水沫美日汲不息俗傳盧陵王子發此封為龍王

文公祠井西街祠後

土地廟井丁字街廟前

井

捕廳署井在署前

武聖廟井

西門內井在門內南

城內井井三十餘口他井未志

板倒井在城東二里許不甚深四季水常滿溢
漚出水中
灌田較他渠水獨清夏日飲寒如冰今涸

惠感寺井在西關卽今西寺

江西萬壽宮井在西關一名江西館一名萬壽口

老關帝廟井在西關

原稿缺

房縣志卷三

城池

城池控阨一邑所以慎固封守管子曰守地在城守城在民易所云設險也房城屢遭兵燹銷燬遷移非復舊址

國初以來疊經修濬嘉慶丙辰春白蓮賊起鄖屬保康竹山並以無城陷而房以屹屹孤城與二萬賊摩盪兼旬卒以無恙柳亦特有金湯之固也至坊市村鎮皆與城池爲憑依寨堡關隘皆與城池相維繫因併附焉古名池

中宗遷居房州有廬陵故城久廢今南門外遺址存焉
明洪武十年山砲寇發調襄陽衛剿捕遂留守禦移築今
所面山背河爲城周圍七百二十五丈高一丈五尺計
四里有奇城門四甕城四門樓四角樓四冷舖三十六
池廣三丈深七尺四門各設銅炮二尊高四尺圍三尺
厚二寸餘重四百斤相傳中宗居房時造以備非常者
故不類他郡縣鎮門虛具也

崇禎七年流寇陷房城樓舖俱燬

九年縣令郝景春率士民捐修完整如故八樓各建平房

十二年獻賊攻城西關駐扎主簿朱邦聞投習此炮用法
薰洗受藥一斗碎子五升封口子二十斤縣令致祭自
西門點發轟擊西關民房山牆死傷無數封口子飛落
七里河鏘然有聲賊懼移營高墩山旋竟陷城賊挾恨
盡平城雉堞掘地理炮而去

十四年撫治都御史王鰲永請帑款均陽營李成章偕知
縣劉天民修復得銅炮於土中運省錢局燬焉

國朝順治九年郝逆據房城復圮秦帥王一正討賊督兵
修之

康熙三年賊平知縣傅六吉與史高標重修

七年秋淫雨傾頽數處知縣田蒸髦修補如故

二十二年淫雨崩圯甚多縣令雷化龍復補葺焉爲門四

東曰景春西曰綏福北曰承恩南門銅閉康熙年間知

縣王璋開之獲金二錠寶鏡一寶劍自是怪異迭見

有男子自剖腹赴西河浣其腸周氏婦忽赤身狂走力

不能禁城中暴死者凡七人因復閉焉乃以景春門築

月城南向

乾隆五十四年知縣常熙復改向東並於西北門修樓於

一座

五十九年知縣仇必達捐資補修

嘉慶元年白蓮賊圍城署縣魏相臣補葺堵禦恃以無虞
二年又於西北門增築月城南門重修城樓一座建礮臺
二座周圍城身加高四五尺不等外濬深隍引水注之
咸豐三年六月西河水漲冲塌西面城垣一百餘丈南北

兩面因陰雨日久先坍塌十餘丈

六年十一月賊匪陷城十日被兵勇逐去

七年四月知縣金玉堂勸捐修復城垣

八年二月知縣鄭慶華築西門堡城開控老河淤塞處使
水歸故道又於迎溜頂冲處所添設水箭以殺水勢砌
築護堤以保城基

同治元年十月二十一日賊至失守四鄉團勇齊聚賊聞
風三日退去

二年七月知縣李楨勸修西河保城堤

坊市

宣化坊縣治西

永甯坊縣治南

德政坊縣治南

迎恩坊縣治南

激揚坊分司東

振肅坊分司西二坊俱嘉靖間縣丞王邦卿建

養賢坊東門外儒學左

進士坊三俱在分司東一爲況必甯建

一在縣治西爲楊材建

一在縣治東爲劉大受建

雙鳳坊爲舉人楊材袁琛建

雙桂坊爲舉人金氣洪楊儉建

三錫坊爲舉人張諒彭騰霄劉備建 以上久廢

德政坊文昌閣東爲署令李龍濟建

節孝坊一在城西二里街北爲雷王氏建

一在城西三里街南爲周魏氏立

一在北鄉白窩爲袁許氏建

一在西鄉胡家灣爲劉李氏建

一在西鄉汪基屯爲劉宋氏建

一在城內東街爲彭林氏建

餘詳列女

烈婦坊在東關文昌閣東爲生員余思順妻况氏建

善人坊在城十字街西邑令鍾夢瀛爲善人王元龍建

今廢

東關市

西關市

北關市

西河市

元
卷四
三

三
息所左小房一間爲水藥局

賦役附蠲政

洪範八政食貨爲先周禮六官理財居半國賦之繫於
民命誠重哉務在昔號稱富庶自明降爲縣寇盜充斥
蹂躪幾無孑遺我

朝定鼎後

聖相承累洽重熙滋生日富猶復

念民依並蠲租緩徵史不一書房雖遐陬亟公奉上之餘
敢忘我

深仁厚澤或謹遵乾隆年間頒發全書暨近歲墜銀之數

驢蹄店城東百里

榔口城東百二十里

柳陽舖城東百三十里

珠藏洞城東百四十里

栢木店城東南百八十里

壽陽坪城東南百八十里

余家河城東百九十里

西路

七里河城西七里

熊家壘市城西十里

汪基屯城西二十二里

大柳樹城西二十六里

羊峪口城西二十里

三溪溝城西二十五里

劉家畷城西二十里

下店子城西二十八里

軍馬舖城西三十里

盆峪河城西三十里

毛坪城西三十里

長望川城西四十里

東川堡城西四十里

高三溪城西四十里

小峪城西四十里

址北城西四十五里

西川堰城西四十里

上達河城西五十里

化龍堰城西五十里

提坪舖城西六十里

馬尾塘城西六十里

葉家河城西六十里

龍峪城西六十里

倉口城西八十里

三教堂城西九十里

陳家舖城西九十里

東河城西百里

仙家坪城西百里

秦口城西百二十里

白玉坪城西百六十里

章洛河城西百八十里

上龕城西百八十里

牛皮埡城西界竹山百八十里

紫竹城西二百四十里

蘭溪城西南三百五十里

九道梁城西南三百六十里

長城壩城西南四百五十里

南路

大皇溝城南十里

小河口城南二十里

兩河口城南三十里

梨華溝城南三十里

香山埡城南四十里

南潭城南三十里

清吉溝城南四十里

礮盤石城南五十里

木瓜河城南五十里

挂榜巖城南六十里

杜家川城南七十里

迎風河城南八十里

鄧川峪城南九十里

西蒿坪城南九十里

橫峪河城南九十里

石家巖城南九十里

東蒿坪城南百一十里

鷓子河城南百二十里

三唐塢城南百四十里

巴豆園城西南百四十里

麻灣城南百四十里

盤水河城南百五十里

天花坪城南百六十里

博康坪城南百八十里

紅花塢城西南百八十里

松香坪城南百八十里

元斗坪城南二百里一名袁杜坪

王家灣城南二百里

冷盤垭城南二百一十里

後山坪城南二百四十里

北路

高槐城北十里

唐溪溝城北十里

白窩城北十五里

石門寺城北十五里

包家河城北四十五里

兩河口城北五十里

小亭城北六十里

百濟堡城北六十里

通省館城北七十里

東宮城北七十五里

臺坪城北八十里

亂磨壘城北八十里

羊子舖城西北八十里

馬嘶山城北九十里

濫泥溝城北百一十里

馬金河城北百一十里

馬鞍山城北百二十里

烏牛觀城東北百二十里

大木廠城西北百四十里

卽三岔口

椒園坪城北百四十二里

高贊川城北百八十里

磨口城西北百八十里

密坪關姚坪城西北百八十里

板橋舖城西北百八十里

化口城西北百八十里

五穀關城西北百九十里

砦堡

鄉村修築砦堡所以備不虞自嘉慶年間流寇充斥焚戮擄掠民遭蹂躪邇年匪蹤窺擾爲害亦然鄉村士庶離城較遠者寇至則趨避山砦石洞岩房或苦奔無所誰敢飢寒艱苦何可勝道爰擇便利之區築土城儲糧物

避賊亂侵耕稼捐造烏鎗過山烏兵及等項以防賊攻
堵禦之堅壁清野護良捕逆是誠萬全之策也

東川堡城西四十五里高土坪市屬長望川嘉慶五年七
月築

冠軍砦城西五十里冠軍山上達河屬長望川嘉慶五年
八月砌石爲之

水田堡城西三十五里水田坪屬盤峪嘉慶五年九月築
化龍堡城西五十里化龍堰向有古城嘉慶五年十月重

築

大木砦城西百五十里大木山屬大木廠嘉慶五年十月
築

房山砦城西三十里房山廟屬上茅坪嘉慶六年二月築
砦前有下店子市

泰山堡城西二十五里三溪溝屬下茅坪嘉慶六年二月
築

西關鎮嘉慶六年三月築

興隆砦城西南百八十里屬上龕倉坪嘉慶六年二月築
百堵砦城西百十里屬陳家鋪西溝上嶺嘉慶五年秋築

天平砦城西九十里屬環水乾溝高峯坪嘉慶六年春修築

獅子砦城西七十里屬獅子砦嘉慶六年秋修砌內有武廟一座

九龍砦城西南二百里屬元堵坪山頂寬平嘉慶四年築外修套城有九山朝拱故名

安窩砦城西南百里屬三座巷嘉慶六年於高山嶺中修砌穩固因名

保安砦城南五十里土名盈豐河屬杜家川嘉慶五年於

山巔修築高險堅固若用數人於此把守能保無虞因
名

劉享砦城西南百八十里屬紫竹境內

閃開砦城西南三百八十里

廟兒溝砦城南三百二十里

南天門砦城南三百二十里

老砦城南二十里明成化初荆襄賊劉千斤石和尚營房

南山老砦是也後王斌據此即鎮王光恩破之

老虎砦城南二十里

水溝砦城南十五里

石板溝砦城南十里

泰平砦城南六十里

許家大砦城南六十里一名八大王砦有屋基遺址旁有

跑馬道飲馬池

熊家堡砦城西十里

青龍砦城西四十里

天寶砦城西八十里咸豐十一年重修砦山四圍高從中

平可容數萬人有水泉冬夏不涸

羊角砦城西三十五里下曰水田坪國初郝瑤旂負嶠於此

築砦順治年姚黃等賊寇房撫治趙兆麟奏立鎮房營

權駐是砦保康教諭朱安世宿軍營詩將軍嚴闔外徒
選夜無驚陣人常山勢威分細柳營霜寒人

敢寂夜肅氣逾清惟願
天山定勞勞息遠征

邢家砦城西七十里

迎風砦城西八十里

八斗砦城西八十里

高脚砦城四七十五里

牛頭砦城西三十五里

鐵羅砦城西四十里

毛塔砦城西北百四十里

觀音砦城西百二十里有山洞可容千人路極險峻中有
觀音像

娘娘砦城西八十里

梨花砦城西百里左有跑馬道飲馬池

薛家砦城西南三百六十里唐薛剛遺跡尙存

金剛砦城東南七十里

青山砦城東三十里

湯池寨城東二十里嘉慶年吳制憲給銀重脩

里甲 舊志

原編十九里明宏治二年割縣東脩文宜陽四里置保康縣今存十五里共爲十三團團各設保每保置保正保各分甲每甲置甲長共計六十四保一百零三甲

房陵一里 東關廂

房陵二里 正東鄉

房陵下里 東南鄉

宜陽一里 城南鄉

宜陽一里

正南鄉

宜陽一里

斜東鄉

宜陽中里

斜西鄉

脩文一里

西關廂

脩文二里

正西鄉

脩文三里

斜南鄉

脩文中里

斜北鄉

禮儀一里

北關廂

禮儀二里

正北鄉

禮儀三里

斜東鄉

禮儀中里

斜西鄉

在城曰本城團一保四甲

東鄉宜陽灣團統四保曰馬欄曰青峯曰榔口曰臺口共

八甲

東鄉泗河團統四保曰龍王溝曰榔峪河曰八道河曰余

家河共九甲

東鄉阿口團統三保曰汪家坪曰七里溝八里區共三甲

東鄉老鴉峪團統三保曰粟子坪曰黃林溝曰高峯巖共

九甲

南鄉沿觀堰圍統八保曰澈澣堰曰木瓜河曰白巖河曰

博磨坪 郎柏木坪

曰松香坪曰千家坪曰六淌河曰青

溪溝共十五甲

南鄉社家川圍統四保曰元堵坪曰後山坪曰銀杏坪曰

后莊共八甲

南鄉大黃溝圍統四保曰百家坪曰南壇曰魚腮口曰麻

灣共四甲

南鄉長坪圍統六保曰東蒿坪曰西蒿坪曰三尖山曰清

陽河曰宋洛河曰橫溪共六甲

西鄉白土堰團結六保曰軍馬舖曰長望川曰化龍堰曰
泉水灣曰馬尾曰陳家舖共八甲

西鄉茅坪團結十保曰羊峪口曰上達河曰盤峪河曰獅
子巖曰鱗魚河曰東河曰秦口曰獐洛河曰上龕曰鐵
峪河共十二甲

北鄉高槐團結六保曰石灰窰曰葛坪曰白濟堡曰黃泥
溝曰亂贊臺曰紅巖觀共九甲

北鄉大木廠團結九保曰羊子舖曰泰山舖曰板橋舖曰

高贊川曰磬口曰姚坪曰安陽溝曰椒園曰五穀廟共
九甲

北鄉白鶴觀團

一作白窩

團統四保曰羊皮嶺曰高墩山

曰包家河曰東浪曰解家河共六甲

關隘

關隘之設所以據險要而衛城池豈細故哉房負山帶
阻素號巖疆明季雖設守禦而軍政不修致屢爲草竊
所憑擾

國朝各路設塘各塘戍兵碁布星羅互相控扼視他郡邑

爲獨多蓋以險阻窮僻易於藏奸難於盤察不密以防
之非所以柔遠而和民也志關隘附塘汎

湯池關城東十五里

馬欄關城東三十里

博磨坪城南百八十里至冷盤堖三十里嶮巖屹立至東
接保康南界與山爲盜賊淵藪明移板橋巡檢駐此久
裁

房山關城西四十里

鐵鎖關城西北百三十里

方輿記 卷三
瑤峯關明統志城西二百五十里按房縣東北二百餘里
有瑤峯嶺豈卽此耶

板橋關城西北百八十里有捷路出磬口爲房趙郡通衢
宜加防禦原設巡檢駐此今移大木廠

高規關城北三十里

考房邑關隘昔人言之甚詳第山川如故今昔微有不同
如東之余家河南之老君砦西南之獐洛河北之羊子
山均爲扼塞宜加防守

望夫山堡西南三百里千戶領兵戍守

百濟堡城北七十里

九道梁城西南三百六十里崖徑險要最易藏奸西南通
四川大甯要道乾隆四十九年設巡檢駐此

塘洗

東路

馬欄塘三十里設兵七名

斛口塘六十里設兵五名

青峯塘九十里設把總一員兵丁十八名

榔峪河塘百十五里設兵四名

八道河塘百五十里設兵四名

余家河塘二百里設外委一員兵丁十二名

東南路

王家灣塘二百三十里設兵四名

正南路

大黃溝塘十里設兵四名

杜家川塘六十里設兵四名

蘇灣塘百二十里設外委一員兵丁五名

博磨坪塘百八十里設兵六名

冷盤埕塘二百一十里設千總一員兵丁三十名

西南路

房山廟塘三十里設兵四名

葉家河塘六十里設兵四名

蒙古寺塘八十里設兵五名

嶺河塘百二十里設兵力名

獐洛河塘百八十里設把總一員兵丁二十六名

仙家坪塘仇里設兵四名

馬家溝塘百二十里設兵六名

上龕塘百八十里設守備一員把總一員兵丁一百六名
灣腰樹塘二百三十里設兵九名

舉人坪塘二百八十里設兵九名

九道梁塘三百六十里設千總一員額外一員兵丁五十
二名

茅坪塘三百八十里設外委一員兵丁十七名

正西路

馬尾塘六十里設兵四名

陳家舖塘百里設兵四名

西北路

方家畷塘三十里設把總一員兵丁十三名
堤坪舖塘六十里設兵四名

泰山舖塘百二十里設兵四名

大木厰塘百五十里設額外一員兵丁七名

桃林舖塘二百一十里設兵五名

正北路

兩河口塘五十里設兵五名

馬嘶山塘九十里設兵五名

梁家河塘白二十里設外委一員兵丁九名

五穀廟塘白五十里設兵五名

東北路

白鶴觀塘二十里設額外一員兵丁五名

包家河塘四十里設兵五名

烏牛觀塘百一十里設兵四名

東浪塘七十里設外委一員兵丁五名

濫泥湖塘百四十里設兵五名

津梁

九月除道十月成梁津梁亦王政利民之一端也坊邑
當秦蜀豫之衝山溪谷澗待濟者甚多每夏潦秋霪山
水驟湧奔流迅湍阨漲阨消旣非若津國鮫鄉可通舟
楫而橋梁又不可恃長民者宜何如利濟之而使民無
病涉也志津梁

官橋渡城東三十五里三道河口

斗口渡城東六十里額載修船銀二兩二年一修順治康
熙年裁餘九錢一分五釐

青峯渡城東九十里

珠藏洞渡城東百三十里北岸房界南岸保康界

西河橋西關外明萬歷五年知縣朱衣重脩今無存惟水
落時架木以渡

房山廟渡城西鄉二十里

化龍堰興隆橋城西五十里

北河橋北關外其水三會詳山川北門河不通舟楫冬涸
架木以渡夏時邑人設有義渡

上高梘河北城二十里

舖遞

事有似輕而實重者鋪遞是也蓋天下猶一人之身氣
脉不通則身必痿痺不仁房處萬山中離省寫遠羽檄
蠡羊而山路崎嶇倘鋪遞失宜何以使營衛周流不疾
而達哉故君子理國猶身而令下如水也志鋪遞

縣前鋪 為總鋪

東

馬欄鋪

斗日鋪

青峯鋪

達保康

西

靈馬鋪

夾谷鋪

陳家鋪

達保康

西兆

羊峪舖

堤坪舖

羊子舖

泰山舖

牛心舖

板橋舖

桃林舖

連郡城

姚坪舖

礮台舖

自堵河連郡城

以上額設舖司四十四名計工食銀二百五十三兩三

錢五分五釐

房縣志卷四

公署

古者建官必設公署以居之所以肅體制出政令也其
故堂廉有等非以自尊也胥吏有舍非以侈觀也嚴內
外謹出入非以遠密逸豫養尊也要在不懈於位以職
思其居而已於歲榮茂遺思峴碑墮淚戴星出入運璧
朝昏豈伊異人哉志公署

房舊爲州治在城南明洪武初知州吉岳創建後爲縣治
修改不一中爲正廳廳後爲退食廳左爲幕廳右爲賸

庫兩序爲六房前爲聖諭坊又前爲儀門右爲賓賓館
鄼侯土地二祠右爲齋駕庫爲倉廩爲獄又前爲頭門
左爲申明亭右爲旌善亭又前爲屏門外額曰古房
內額曰忠孝名邦街南爲屏牆退食廳後爲內宅宅
爲清白軒正廳左爲縣丞宅右爲吏舍儀門左爲主
宅右爲典史宅俱於崇禎甲戌己卯兩次城陷燬燼無
餘

國朝康熙初知縣傅六吉田蒸髦先後仍舊址創置凡堂
廳廩庫獄舍燕息之地均爲葺治厥後知縣朱明淵李

豫張啟張濟莊士登接踵增修規模益宏整焉咸豐六年賊匪陷城復燬

咸豐十一年知縣吳瑛重建中爲二堂堂右爲會客廳廳旁置軒楹祀古柏神對爲幕室其前爲大堂旁爲科房又前爲儀門門左爲衙神祠右爲獄又前爲頭門額曰房縣對爲屏牆旁樹兩楔一曰漢唐遺俗一曰忠孝名區外曰蜀西孔道楚北邊隅三堂未建於其基址右旁向東另建內宅

典史署在縣署東乾隆四十七年典史趙命新重建咸豐

六年賊燬大堂二堂僅存後屋寢室花廳及頭門旁衙
神祠康熙年與史馮廷彪捐置南鄉龍窩水田二頃為
衙神祠香火之資內有大仙樓

板橋巡檢司在縣西北百五十里後移縣南百五十里博
磨坪後復移三岔口即板橋現移大木廠

九道梁巡檢司署乾隆四十九年增設在縣西南三百六
十里

儒學詳學校

察院布按二分司知府各行館總兵副將叅將遊擊守禦

千戶各署又縣丞主簿吏目博磨坪巡檢各署又康熙
五年設協鎮十七年設總兵各署俱無存

永豐倉在縣堂東今廢

預備倉在縣堂西今燬

常平倉在縣治東南隅康熙六十一年建共廩十七間

社倉六十處散貯四鄉今廢

陰陽學在縣治南設官訓衛一員署今廢

醫學訓科一員無署

僧會司在城西關惠感寺

道會司在城內南街元妙觀久廢今移在城內東街城隍廟

養濟院舊在縣北門外久廢乾隆初知縣鍾夢瀛移城西惠感寺後瓦草房各三間額設孤貧十二名每名歲給口糧銀二兩二錢二分

明洪武間調襄陽衛勦捕流寇遂留守禦千戶所設立公署在縣治東中爲正廳兩序爲六房前爲儀門左爲吏目宅右爲獄所前爲頭門又前爲屏牆後爲官宅今廢協鎮公署在東門內舊分司西康熙五年建中爲正廳左

右爲書房前爲儀門又前爲頭門左右爲鼓亭爲轅門
街南爲屏牆後爲退食廳後爲內宅今廢

遊擊署舊爲均房營守備署在縣治東北乾隆四十一年
守備李文宣變賣各官官基隙地重修正廳三楹左右
兩序各三楹前爲儀門又前爲頭門又前爲屏牆嘉慶
七年新設鄖鎮左營遊擊一員將守備署改建添修左
右鼓樓旂桿並石獅二東西轅門東庫局西官廳正廳
後爲退食廳左右爲書房後爲官宅署東爲射亭西爲
馬廄等所咸豐六年賊燬十一年四月遊擊田德明知

縣吳瑛移撥城工捐輸錢修葺三堂三楹左右廂房及
迴廊二間餘未竣工同治元年被匪蹂躪二年四月遊
擊富亮等款重修完整

守備署舊爲均房營千總署在鼓樓東有頭門儀門前爲
正廳後爲內宅嘉慶七年新設中軍守備一員將千總
署改建咸豐六年賊燬殘缺七年田遊擊到任捐廉修
補暫作辦公之所至十一年署中軍守備王佐會同知
縣吳瑛移款重修

城守千總署在縣治東以昔日育嬰堂並王公祠連爲一

基以王公祠屋爲內宅外橫連正廳三楹左爲書房前
爲頭門馬房科房廳後三楹爲客房圍墻一週咸豐六
年冬賊燬十一年千總孟暄會同知縣吳移欵修葺
外委二員額外二員駐房城向無公署各租民房居住
庫局舊在遊署東邊咸豐六年賊燬

藥局舊在學署後老龍王廟址建立咸豐三年六月西河
水漲冲塌城垣藥局亦被淹七年知縣金玉堂因城基
近水難依故址縮進補葺藥局地址遂沒

教場舊在西北隅今改建於南城外演武廳一旗亭一後

			皇宗 名正 正 正
--	--	--	--------------------

村鎮

東路

小王村城東五里

廣土村城東八里

湯池口城東十五里

宜陽店城東二十里一名易家灣

馬欄城東三十里

斛口城東六十里

青峯市城東九十里

志賦役

丁賦紀

房陵於兩漢爲漢中郡望縣西漢漢中領縣十二戶十萬
一千五百七十口三十萬六千一百一十四東漢漢中統九
城戶五萬七千三百四十四口二十六萬七千四百二
十自西漢生齒計之每縣得戶幾一萬口二萬五千餘
以東漢生齒計之每縣得戶五千餘視西漢差縮而口
幾三萬則過之晉新城郡領縣四戶已減至五萬三千
二百始隋房陵郡亦領四縣戶止七千一百六十視兩

漢不啻減倍蓰也唐開元中號稱富庶而房陵郡屬四縣戶萬四千四百二十二口七萬一千七百八十計每縣得戶不滿四千口萬五千餘亦稍遜東漢宋房州領二縣甯宗時戶三萬三千一百五十一口萬七千九百四十一每縣得戶萬六千餘口二萬三千餘則盛於唐而幾與漢埒迄元至元間襄陽路領一司六縣二州而錢糧戶數纔五千九十噫凋敝極矣鄖志類編云明洪武間房縣戶五百六十三口二千七百九十七嘉靖初戶增至二千一百六十四口增至二萬五千六百七十

七自末季流賊荼毒，鄖被寇垂十餘載，屬邑有六居民不四千數，百里荆榛。

國朝剗削，么靡招徠，撫循康熙三年，房縣編戶纔一百七十戶，田地僅一十六頃十六畝，夏秋糧六十三石零，而已。至是始覩今之繁盛，蓋休養生息，幾費經營區畫閱二百餘年於茲矣。

查核民田被水漂沒議

房居萬山中，林木陰森，剛鹵交錯，自

國初以來，日漸開墾，小民擇高陵大阜，凡可樹藝處，幾三

無地不毛而山地之凝結者以草樹蒙密宿根蟠繞則
土堅石固比年來開墾過多山漸爲童一經霖雨浮石
冲動剗然下流沙石交淤澗溪填溢水無所歸旁齧平
田土人竭力隄防工未竣而水又至熟田半沒於河洲
而膏腴之壤竟爲石田如道光七年汪家河小河十一
年劉家河咸豐三四年各鄉河水漲異常見近大河田
地川場甚夥其應完納之戶依然舊有主名未能藉口
以致抗欠者多卽爲宰者訛悉情形無從追比是在司
牧者宜明地勢確核報銷亦爲良與利除害之一政也

戶口

原額人丁三千七百八十丁

康熙三十八年戶六百六十六口三千六百二十至乾隆三十一年共七十四百二十八戶四萬二千四百二十六口欽奉

恩詔永不加賦

五年編審之例於乾隆三十七年奉

上諭永行停止

田賦

原額民田三百一十三頃五十畝二分二毫九忽八微
原額民地一百一十九頃三十三畝八分九釐一毫八
絲五忽

共科夏稅小麥二百五十石二斗零

共科秋糧米麥三千五十一石五斗零

共科桑絲六觔一十三兩七錢八分秋糧內帶派

康熙三十八年田地共一百九十四頃二十五畝二分
一釐四毫至乾隆三十六年田地共三百五十三頃七
十六畝零是年奉

旨開墾田地共十二頃十五畝七分七釐

屯田一萬四千零五畝歸襄陽衛徵收

原額正銀共二千五百三十九兩四錢四分七釐零

乾隆四十三年陞墾銀一百零一兩八錢八分零

原額正米共一千八百二十二石九斗八升九合一勺

乾隆四十三年陞墾米六十八石六斗四升一合七勺

歲充兵餉

起運

地丁銀一千七百五十五兩一錢四分七釐零

驛站銀一百八十七兩四錢九分九釐零

淺船銀三兩七錢五分二釐零

乾隆四十三年新增

地丁銀六十九兩六錢四分七釐零

驛站銀六兩五錢一分八釐零

淺船銀一錢三分

存留正項銀六百一十一兩零七釐

倉穀

常平倉穀四千二百一十九石六斗零又奉文領備增

糴穀五千七百八十八石三斗零

社倉六十所共穀七千九百六十五石二斗四升零

城內城隍廟一所四百七十八石零

東鄉八所共六百七十六石七斗零

南鄉十五所共一千七百九十九石六斗零

西鄉十九所共二千六百九十八石五斗零

北鄉十七所共二千三百一十二石二斗零

經營倉長每所正副二名

以上各社倉於嘉慶元年遭教匪焚燬殆盡至嘉慶十

一年始奉文稽查經知縣洪範傳集各所鄉保倉長出
具甘結實係教匪焚燬惟城隍廟一所以年多荷爛變
充填別款其餘均經詳銷

稅課

田房稅無定額儘徵儘解

當舖每座稅銀五兩牙帖二張稅銀一兩均係嘉慶年
後教匪作亂軍需旁午當舖歇業牙行帖廢額銷鹽引
四百張每引納稅銀二分各舖戶赴川自行投交帶回
售銷無定

蠲政

順治二年蠲湖北賦 九年夏五月武昌等處各屬大

旱蠲免本年錢糧十之六

康熙二十四年湖北錢糧全行蠲免 二十五年蠲免

湖北錢糧一半 二十六年蠲免湖北地丁錢糧驢脚

南米十分之三 二十九年蠲免湖北錢糧一半 四

十五年全免湖北額賦一年 四十七年江夏嘉魚漢

陽新州黃梅蘄濟沔陽江陵監利鄖縣鄖西房縣保康

等州縣并武昌武左荊州荆右沔陽等衛水旱虫鼠災

奉

旨蠲賦四萬二千六百四兩零賑穀共十七萬三千二百九十二石零 五十一年奉

旨全免湖北湖南地丁錢糧並歷年舊欠共銀一百萬九千六百八十三兩零

乾隆十年奉

旨普免天下地丁錢糧一次湖北省入於十三年輪免 三十五年奉

旨普免天下地丁錢糧一次湖北省即於本年輪免 四十

二年奉

旨普免天下地丁錢糧一次湖北省人於四十四年輪免

五十五年奉

旨普免天下地丁錢糧一次是年部議各省府州縣分年輪免即屬六縣入於五十八年輪免

嘉慶元年奉

旨普免天下地丁錢糧一次房縣入於嘉慶三年輪免旋因逆匪滋擾歷奉


恩旨元二三四等年地丁正耗及襍課等款錢糧全行豁免

五年奉

旨房縣等應徵本年正耗銀均自嘉慶六年起分作兩年帶徵 六年奉

旨房縣等帶徵五年及應徵六年錢糧着 一併緩至秋成後為始分作三年帶徵 七年奉

旨將被賊較重之房縣等十州縣本年應徵地丁正耗錢糧全行蠲免前此分三年帶徵之積欠錢糧再展限二年分作五年帶徵



學校

建國居民學校爲先房爲古郡代有人文明初科甲纍纍絃誦成風季年遭賊燬蓋創徙者屢矣按古釋奠於學漢始廟於太學宋詔各郡縣立廟明因之而學舍卽築於其旁學者置身宮牆肄業於斯經明行脩故人材蔚起焉房邑

文廟規模狹備學舍被水冲塌尚未興舉崇文教而培士風誠切務哉志學校

學宮舊在城內東北爲州學洪武初知州吉岳建八年

改爲縣學正統二年知縣張瑀善青烏之術移建東門外成化七年知縣文達復遷城內故處科第寥落嘉靖十八年都御史王學夔檄飭復遷東門外中爲

先師殿旁列兩廡前爲戟門門外中爲泮池東西爲號房前爲櫺星門又前爲屏牆街南爲射圃場後爲明倫堂旁列兩齋曰居仁曰由義左爲藏書所右爲祭器庫堂後爲

啟聖宮左爲名宦祠右爲鄉賢祠又後爲敬一堂東爲教諭宅前爲儒學門西爲訓導宅前爲省牲所崇禎甲戌

巳卯間盡爲賊燬

國朝康熙六年通判仇昌旌復脩訓導鄧復昌有記無存

二十九年知縣沈用將重修有記無存後知縣董雲李

居臨相繼脩補

雍正十三年知縣朱明淵更新有記余自甲寅冬承乏
芳邑抵任之始恭謁學宮見殿堂廊廡門屏規制狹隘
形勢荒涼欲亟爲脩葺奈工力浩繁有志未逮今

天子尊崇

聖道各憲屢飭脩理學宮今地方官首其事有不足則闔邑

手其示
名
衿士咸量捐以助。余商之兩齋學博均有同心尤幸其
及門許生戡生楊生亦能仔肩是任爰捐俸爲之倡而
襄事者亦踴躍從之

大成殿移舊易新塗以丹堊增以甃石外如臺龕鼎案悉
易高大飾以金漆兩廡添建六間與殿庭相稱七十子
神位煥然一新東西爲庫房各一間貯予捐備祭器一
百七十二件以供祀事舊設

啓聖宮逼處正殿後今移建正殿東門庭軒廠觀瞻倍肅
正殿後置明倫堂三間規模宏大爲諸生講課肄業所

堂後營學署三間耳房四間俾司鐸者咸有棲宿櫺星
門補殘脩缺左則築立夾道另設臺門三間爲生童出
入所而大功成矣房僻立萬山厯考誌典自唐宋以迄
元明科甲不乏乃今百有餘年風流頓歇豈非以本源
之地失培歟余今聿新其廟俾神靈得所憑依而兩齋
暨諸生童以時講學明倫於其內將見棫樸菁莪由茲
日盛於以繼往哲而勸來學豈不偉哉

乾隆十六年知縣李豫重整有記我

國家敬敷五教溥海同風今

天子重熙累洽尤加意作人直省設立書院廣集生徒發帑金以供膏火復

勅內外大臣各舉經明行脩之士以彰右文育才之化煌煌乎

盛代鉅典遠軼前古矣從來文章德行出於學校

文廟乃

聖人道德之堂先賢仁義之宅多士進而觀車服禮器以求盡其道者端在乎是戊辰春余奉

命來宰茲邑瞻謁之際見其卑隘闕略心甚惕然攷邑志屏

舊爲州學在東門內迤北明初改爲縣學亦因之正統
中邑侯張公瑀移建東門外鳳皇翔翠於前沮粉環碧
於後宜其鍾靈毓秀代產異人如尹吉甫之流者乃邈
來科第寥落士風不振厥故何歟夫亦前後上下之弗
稱無以固其氣欽其和疏通其脈絡安能妥神靈昌文
教哉因有志整葺以簿書繁冗卒未遑及越庚午歲謀
諸同事諸君相俸爲倡而多士亦欣然悅助以襄盛典
於是鳩工庀材恢宏室宇建戟門開泮池缺者補之朽
者新之始於壬午六月成於辛未三月前後上下無不

增其未備煥然改觀焉諸生將進而觀車服禮器以求
其所謂道庶幾有得也會見文章德行駸駸乎月異而
歲不同於以奮翼天衢黼黻

聖世文明之治余且拭目俟之矣

二十八年知縣張珩復葺有記粵稽房邑山抱水環夙
稱忠孝名邦甲於鄖屬六邑乃自

國家定鼎以來孝廉明經雖不乏人而瓊林翰苑竟無聞
焉豈古今人不相及耶抑運會之遭逢適際其時耶已
卯冬余奉

命承乏茲土每遇紳士晉謁率多英偉之器何懷瑾握瑜而鬱鬱不得伸其志心竊疑之未幾春祀謁

聖則見蛛網塵封芹淪蔓草兩廡待朽大殿將傾至於籩豆典籍無一存者文運有不因之而不振風俗有不因之而漸靡乎雖曰司鐸之任而興廢舉墜亦守土者之責也無何窮谷隱奸簿書形其執掌矣委任疊至奔命窘於埤益矣懷欲爲之念而值不得爲之勢未嘗不咨嗟太息私心自矢曰

聖人有靈豈無勦我者乎適秋期對越之餘復言念及之

倏聞大殿榱桷墜地如裂帛聲神之格思洵不可射遂
與正齋吳學博捐俸爲倡諸生若而人亦皆樂輸恐後
爰是鳩工庀材不日成焉是舉也夫豈掠美沽名亦不
過各盡厥職耳乃越辛巳瑾瑜光奇春闈報捷敢謂立
教之所致要莫非

至聖靈爽獲安之徵也嗣是人文繼起甲第聯綿而且作
忠作孝於周之甫漢之香先後媲美今古掩映是所望
於此都人士也故援筆而爲之記

嘉慶八年時總督吳熊光駐兵臨房劬知縣孫捷三勸

捐脩建移

文廟於北門內街西向東中爲大成殿旁爲兩廡丹墀列
御製平定告成碑三其前爲大成門門兩旁爲鄉賢祠名
宦祠咸豐八年於祠右添建更衣所三楹又前爲櫺星
門門前左右有泮池中爲月橋池引穿城之水以入外
繚以牆垣左右爲戟門正殿後爲崇聖祠又後爲明倫
堂有程夫子四箴碑總督吳熊元有重建學宮記物難
初夷之會將欲正人心端風俗必自學校始古者出則
愛戎返則釋奠雖武功寓文教焉干戈之氣靖以詩書

鋒鏑之聲息以絃誦庶幾使民興行以遊於聖人之門
是故天下郡縣皆有學董士以師儒編民於軌物將薰
其德而善良也必擇高明爽塏之地低徊景仰於其間
而規制不可以或苟房陵僻處山陬唐始開貢舉立學
校宋脩州學基址不可考明改爲縣縣學在城東北隅
以形冢者言移建東門外後雖自郊而城卒以城外爲
定屢有興作不敢易迄今二百餘年矣聞之禮小學在
公宮南之左大學在郊今縣學視諸侯之類官則在郊
似有足據然橫渠氏有云郊學係鄉學之大者諸侯所

視斷無在郊之理姑勿深考第狃於科名之說而任伏莽及於泮林城闕傷夫茂草伊誰之咎與向者匪徒肆作不靖勞我王師申其撻伐鋌而走險者以老若爲遁逃藪徃徃遊奕無時屢薄房城毀學校守土之吏懼暫奉粟主於城之真武廟尚得謂上云其吉終焉允臧乎嘉慶六年夏予奉命督兩湖駐房籌邊事每當月朔伏謁上丁習禮思所以妥侑之者因城中乏隙地遂廵未果越明年匪黨以次漸平乃度地於城西北隅地本濱武場廣袤三十畝有奇俾立賢宮厥制稱善予捐廉

爲之倡自監司守令暨士民之秀者各量力以輸鳩工
飭材規模大備經始於嘉慶壬戌之臘至癸亥秋七月
落成當夫上櫟之口適獲首逆霍宗和在泮獻功卽以
致祭繼自今濟濟多士懷我好音不惑於回邪不詭於
正道庶有豸乎余嘗憬然以思睪然以望見夫朝陽初
升平岡前接拂拭若几案然而南山之嶽削刻露者拱
衛於旁莫敢或肆雖殿以東嚮因地制宜而實扶輿統
撰自然之大局也今夫學校之新所以作養人才卽以
轉移風氣屏被兵革有年矣方今餘孽盡殲氛祲不作

聖天子仁育萬物脅從罔治咸與惟新惟期耕鑿其安返而
遊於熙皞而士爲四民之首益當脩明夫孝弟忠信之
行砥礪夫禮義廉耻之防正路是由以爲民勸但不可
遽責之士與民也道在司養司教者克盡平教士養民
之實勿以急功競名滯其志營私牟利沮其心正本清
源治臻上理而聖道大昌焉於以循厯宮闈御瞻廟貌
此心先可自質惟士與民有不鼓舞而興起乎爲房陵
一邑言之且將爲全楚告之也因記更祈之歲月而叙
其緣起如此嘉慶八年仲秋總督吳熊光委監修縣丞

鈕鈞鰲沐手謹書

歲科額入文學各十二名撥府學無定額

歲入武學十二名撥府學無定額

同治六年加額入文學 名

同治六年加額入武學 名

額設廩生二十名 增生二十名

二年一貢

教諭署在明倫堂後爲儒學頭門左右兩序中爲正廳
楹後屋一重訓導署由頭門旁垣入內坐北向南正屋
二重各三楹左右俱有兩廂咸豐三年六月水漲兩廂
屋俱冲塌無存七年知縣金玉堂脩城縮進城基署址
俱廢

按乾隆年學宮在東門外教諭署在崇聖祠後教諭戴
喻讓於宅後又建廳曰佳士軒掘地得方碑六刊明神
宗御書程子四箴軒後一表之訓導署在縣治東育
英書院西嘉慶初年賊亂俱燬

育英書院舊在街北訓導署東講堂三楹知縣鍾夢遠題
曰四如堂前有門房三楹左右廂四間今廢

社學三所一明嘉靖間王簿嚴堯黻在城南關陰陽醫學
改建一萬厯間知縣朱衣於尹公祠黃香祠旁建一天
啓中知縣傅永淳在城內八蜡廟前建久廢

穆清書院舊爲房陵書院在城南天后廟後卽義學也先
是康熙五十七年知縣王璋在萬壽宮西數武建樓房
一所乾隆三十三年知縣黃元俊以地隘議移建令貢
生謝克純等收積厯年學田租銀至四十八年撤舊

原
稿
缺

原
稿
缺

義樂輸者奮勉不絕焉其間更有廩生常敦五以田產捐助歲脩期於永遠十越月而草創甫就其計間架大堂三兩簷二捲棚三東西號舍各九箭廳二奎星閣一兩耳房共七無如工竣待時誠齋陞遷矣豈堂謝世矣近齋告退矣惟壽山一人欲完工缺乏資斧年近七旬四方收其餘捐彌縫外項及巳亥復縣考應試者庶不苦於負攜魚貫而入衆堪容膝不意巳酉春義學頭門一切圯苦無資助壽山收歲脩之租多方貸補秋建其門而三義學各處皆有脩補前道光丁未予握篆斯邑

典縣試見大致楚楚雖未觀成誠大有裨於斯邑欲復勸捐完是功未幾卸篆去遂有志而未之逮也值己酉秋予復兼理是篆庚戌春再典縣試夏告竣壽山請序並名於予細問巔末允之以序周陳曹三人草創之功壽山脩飾之勞勵將來有志潤色之君子以成完璧顧名思義因名之曰校士館是爲序

賓興館在東街向北舊爲冀姓宅同治四年添建正廳三楹改葺前門圍牆先是教諭司先榜同貢生陳百行鄢正榮域申道等創議興舉具詳碑記國家賓興獻賢之

典周禮載之詳矣三年大比州縣舉行要必有所取資焉邑距省垣千七百里許往返經費甚繁每屆鄉試無論貧富輒畏而不前是以應科者無幾而人才亦弗彰也廣文司公雅意作人督率士類倡義捐資故自道光庚戌以迄咸豐庚申其間所收所積除一切辦理費用並連發四科資券外置田地共十一碩三斗三升束闕房屋一院價值共三千六百六十四串每年收租共計一百三十四碩零稞錢佃錢共五十二串一百文猶與前後十年總計如此之多則行遠登高之助不爲無基

矣繼自今酌派城鄉首士慎重經理一年一推澈底相
究當必有愈見其盛者豈以此爲成局耶矧文武生監
觀光者貧富均沾其澤詎非煌煌義舉哉然必脩明學
校本末相資庶不負司公暨先達倡義創建扶翼人才
之至意也今特臚列捐輸姓名並勒田地界址祖祿糧
額於左以垂不朽後之覽者亦將有感於斯義也夫咸
豐十年歲次庚申菊月歲貢陳百行撰

義學田地四鄉坐落

東鄉

簸箕寨距城一百里義學山地一分

米花山距城五十里學地一分

南鄉

大黃溝距城十八里學地一分

三海堰距城十五里學產水田一分

又學產水田一分

梨花山距城十八里學地一分

又河東水田一分山地內有劉姓墳塋地一段

桃源溝學產水田一分

高土坪學地一分

紙房溝學產旱地一分

羊峪口學田一分

易溝學產山地一分

過耳灣山地一分

茨芥坪距城二百二十里學產山地一分

大石頭坡距城二百一十里義學山地一分

三道溝距城二百四十里義學山地一分

汪基屯在龍家灣學田一分

蔡家溝學產一分

北鄉

包家河距城四十里義學水田一分

城內學地界址

校士館學地一段今脩考棚

縣門街學地一段

城外學地三段

南門外東至東城角西至西城角北至靠城南至濠溝

原

缺

房縣志卷五

秩官表

朝廷設官分職代各異制其大小相攝上下相維之義則一也房爲楚僻隅疆域寥廓設官視他邑較繁自秦漢以來爲魏興爲房陵爲新城爲光遷爲州爲郡爲縣代遠年湮難以備悉又屢經兵燹公牘無存僅就舊志抄及傳聞者紀之志秩官表

漢魏興太守

蒯越有傳

魏魏興太守

申耽

晉魏興太守

傅元之

薛健

王澄

宋魏興太守

傅宏之 有傳

魏興太守

吉挹 有傳

王遜 有傳詳選舉

桓冲 有傳

臧質

顏僧都

裴師仁

崔僧季

李遷哲

柳慶遠 有傳

魏柳檜 有傳

周遷州刺史

李禮成 有傳

隋遷州刺史

獨孤陁 有傳

竇賢 有傳

竇宣

房州刺史

蘇威 進房公

唐房州刺史

韋景駿 有傳

崔述 有傳

房遺愛 有傳

李逢吉

蓋鉉實 有傳

後唐房州刺史

容彥起

郟士美 有傳

李忠 有傳

薛瓘 有傳

張知審 有傳

崔敬嗣 有傳

宋廷誥

房州都虞候

劉嗣 有傳

後晉房州刺史

李彥琦

周知裕 有傳

宋房州刺史

辛文悅 有傳

闕彥進

曹彬

房州觀察使

神師 有傳

房州防禦使

田欽祚 有傳

房州安撫使

范之才

王彥 有傳

房州知州

孫升 有傳

李鑑

陳希亮 有傳

曾光 有傳

李璆 有傳

韋知幾

晉騭 有傳

郭浩

房州通判

袁廓

許安世

房州司戶叅軍

趙行逢

王仁瞻

房州文學叅軍

張景

張誼

蘇緘

明房州知州

吉岳 有傳

知縣

郭玉 恩縣進士 永樂十八年任

馮景 虞實人 天順三年任

馬驥 武功舉人 成化七年任

陳簡 柳城舉人 成化二十二年任

柳溥 四川監生 宏治十年任

侯臣 順天監生 正德二年任

徐聰 崇仁舉人 正德六年任

王雄 德州舉人 嘉靖三年任

張瑀 上元舉人 正統二年任

文達 馬湖生 成化二年任

向榮 通江生 成化十六年任

李經 新寧舉人 宏治十六年任

蘇福 四川監生 正德九年任

戴晏 永興監生 正德四年任

胡璧 順德舉人 正德九年任

李璋 長壽進士 嘉靖四年任

張

德

信陽舉人嘉靖九年任

吳

璽

當塗監生嘉靖十年任

李

介

亳州監生嘉靖十二年任

潘

恒

景甯監生

雷守正

廣西舉人嘉靖二十一年任

梁

瑞

安慶監生嘉靖二十二年任

張朝錫

南京舉人嘉靖二十五年任

范

相

清苑舉人嘉靖二十八年任

胡公輅

萬縣監生嘉靖三十年任

何通衢

巴縣舉人嘉靖三十三年任

王立

建平舉人嘉靖三十三年任

夏維甯

餘姚舉人嘉靖三十六年任

趙傑

亳州監生嘉靖三十八年任

陳天瑞

咸甯歲貢嘉靖三十九年任

李朝陽

信陽舉人嘉靖四十一年任

謝相

金谿歲貢隆慶元年任

王養賢

南京歲貢隆慶元年任

楊應甫

桐柏歲貢隆慶四年任

何思

光州舉人萬曆二年任

朱衣

南錦衣衛舉人萬曆四年任

張希良

萬曆二十一年任

李元白

晉江進士萬曆二十六年任

胡裘

太和舉人萬曆二十九年任

劉用利

吉安舉人府志作劉國明

金世奇

四川舉人

李敦本

銅梁舉人

楊廷光

靈壽進士天啓元年任

傅永濟

宜賓舉人天啓元年任

廖應佐

全州舉人崇禎四年任

黃從貴

元城舉人崇禎六年任有傳

孫業釗

餘姚人崇禎八年任

郝景春

江都舉人崇禎十年任有傳

劉天民

雲南舉人崇禎十四年任

胡棟

天啓元年任宜賓舉人補遺

縣丞

韓宗堯

山西監生宏治十八年任

董志道

雲南人正德三年任

李南金

白河監生正德九年任

張

魁

正德十年任

黃叔明

江西吏員嘉靖三年任

相

儒

鳳陽監生嘉靖九年任

饒仁

貴州監生嘉靖十六年任

潘

潤

涿州例貢嘉靖二十年任

聶玕

潛山監生嘉靖二十八年任

王邦卿

甯州監生嘉靖三十七年任

嚴興

烏程監生嘉靖三十七年任

孔守時

南直吏員嘉靖四十四年任

顏尚文

梓潼監生隆慶元年任

方栗

襄城歲貢隆慶四年任

李遷

貴州歲貢隆慶四年任

韓楊

山陽人萬曆元年任

李四維

楚雄歲貢萬曆四年任

李邦勳

主簿

項天愷

壁山吏員成化二十三年任

施雄

浮梁吏員宏治三年任

蘇賓

南陽監生宏治十年任

李智

河南監生正德三年任

楊明

新澤吏員正德七年任

李儒

淑德監生正德十三年任

李迪

陝西監生嘉靖四年任

伍界

陝西吏員嘉靖十一年任

胡恭

進賢吏員嘉靖十七年任

楊昇

野監生嘉靖十七年任

扈廷鼎

儀封吏員嘉靖二十一年任

吳守興

眉州吏員嘉靖二十二年任

張鑑

壽州吏員嘉靖二十三年任

韓志惇

山陰吏員嘉靖二十三年任

熊琛

內江吏員嘉靖三十一年任

嚴堯黻

朝邑監生嘉靖三十三年有傳

黃進中 舉人

鄭建元 涇縣吏員嘉靖三十六年任

瞿玉昆 馬湖監生嘉靖四十四年任

高 悌 桐鄉吏員嘉靖四十五年任

白天民 梓潼吏員天啓四年任

李宗仁 定州監生萬曆四年任

裴邦齊 長原監生萬曆二十年任

朱邦閏 崇禎十二年與郝景春同死節

教諭

楊國伸 崇禎十四年任知縣補遺

馮士奇 巴縣人天順八年任

金 濂 嵩縣人成化十三年任

夏 璉 臨淮人成化十八年任

楊世清 馬湖人成化二十三年任

李 鑑 景仁人宏治九年任

陶 釜 平縣舉人宏治十五年任

謝 誠 邵武人正德四年任

岳 宗 丹陵人正德五年任

雷亮 大定人 嘉靖二年任

劉天寵 貴州舉人 嘉靖八年任

鄭珙 浙江人 嘉靖十四年任

蕭經 巴州人 嘉靖十七年任

張廷用 西安人 嘉靖二十年任

李一夔 南昌舉人 嘉靖二十六年任

高魁 曲江人 嘉靖三十一年任

林義 亳州人 嘉靖三十四年任

劉佐 墊江人 嘉靖三十六年任

何良材 福清人 嘉靖四十年任

吳集 宜興人 隆慶元年任

馬呈圖 內江人 隆慶六年任

楊瀘 金谿人 萬曆元年任

陳國脩 安莊人 萬曆四年任

蘇九容 眉山舉人 天啓七年任

訓導

王存性

安南人天順二年任

韓綸

瀘州人

袁旻

繁昌人成化十三年任

施德

四川人嘉靖七年任

李富春

豐城人嘉靖十年任

陸士秀

廣西人嘉靖十五年任

楊練

南充人嘉靖二十年任

李宗仁

儀隴人嘉靖三十年任

史策

同原人嘉靖四十四年任

沈澤

涇縣人成化八年任

張綱

涪州人成化十二年任

涂俊

大昌人宏治十五年任

陳賓

廣西人嘉靖九年任

羅本正

西充人嘉靖十三年任

廖瑞

井陘人嘉靖十七年任

羅玉華

射洪人嘉靖二十七年任

温尚儒

眉州人嘉靖三十八年任

孟吉

國原人隆慶四年任

鄧冲宇 石門人萬曆二年任

李國柱 辰州人

康黃生 衡州府人

李宗裘 興國州人崇禎十二年與郝景春同死

巡檢

張登科 鄧州人隆慶二年任

劉鸞 平陽人隆慶五年任

鄭心 登封人萬曆元年任

李伯通 南詔人萬曆二年任

謝天揚 臨川人萬曆三年任

典史

鄧直 鄒平人選舉正德二年任

錢金 江浦人天應二年任

蘇鉉 茂名人成化八年任

嚴綱 寶封人成化十五年任

沈嵩 巴縣人 宏治元年任

萬韶 南昌人 宏治五年任

惠民 慎山人 宏治九年任

秦湧 壽州人 宏治十年任

曹時 德州人 宏治十六年任

王智 豫州人

陳珊 定遠人

張俊 四川人

魏文科 北直承差

張珠 眉州人

黃正中 中州人 嘉靖三十五年任

楊許 豐城人 嘉靖二十五年任

張乾 府志作陳乾 嘉靖三十六年任 昌人

史濤 山陰人 嘉靖十年任

陳敷澤 晉江人 隆慶元年任

何維清 武功人 隆慶五年任

劉志道

都日俞

程道茲

蘇彬

楊國仲

曹紘

四川人嘉靖十一年任

倉官

金克之

富順人隆慶四年任

李誠

達州人

鄧仁

渠縣人萬曆二年任

曹文琚

桂陽人萬曆四年任

龔

翔人當陽人

國朝知縣

縣丞王簿裁

林燦欽

閩人順治元年任有傳

王鼎

宛平舉人順治二年任

相啓運

日照進士順治四年任

李成鏞

大同進士順治六年任

徐啓泰 武康進士

傅六吉 臨川舉人康熙三年任有傳

田蒸髦 直隸進士康熙十一年任

雷化龍 遼東人康熙七年任有傳

沈用將 仁和貢生康熙二十六年任

董 雱 浙江人康熙三十三年任

王 璋 康熙年任有傳

倪宏祚 天台進士雍正年任有傳

李居臨 北直進士雍正年任

朱明淵 南昌拔貢十二年

張宏映 浙江人

鍾夢瀛 長汀進士乾隆二年

張宏扶 峩眉舉人乾隆六年

彭輝祖 漢軍監生乾隆八年任

李 豫 廣東進士有傳

張 鐸 宛平生員乾隆十八年任

劉德傑 巴陵舉人

唐又運 宛平進士乾隆二十二年任

張珩屏
山人

黃元俊
有傳
閩縣進士

陳嵩齡
崇仁舉人

謝夢草
東莞舉人

陳師錫
海甯監生
乾隆三十七年任

張敵
有傳
歷城舉人

程家鳳
元和監生
乾隆四十年任

王廷憲
睢州進士
乾隆四十二年任

羅緯
溫江拔貢
乾隆四十二年任

李龍濤
乾隆四十年任

江鴻
盱眙人

羅經
有傳
南豐進士

雷永清
平遙監生
乾隆四十六年任

張璠
乾隆四十年任

沈清直
江蘇舉人

常熙
有傳
盧氏舉人
乾隆五十一年任

陳開基
錢塘進士
乾隆三十三年任

莊士登
江蘇舉人
乾隆五十四年任

仇必達 四川舉人乾隆五十八年任有傳

魏相臣 甘肅人嘉慶元年任有傳

秦錫疇 金匱舉人嘉慶三年任有傳

鍾應焯 閩南舉人嘉慶四年任有傳

金克俊 大興舉人 有傳

李維本 北直西甯拔貢嘉慶五年任有傳

孫捷三 直隸灤州舉人嘉慶六七八年任有傳

洪範 安徽含山舉人嘉慶年任有傳

趙方泰 山西舉人

許恂 福建人嘉慶十二年任

關維紀 廣西桂林舉人嘉慶年任有傳

何在朝 四川舉人嘉慶十八九年任有傳

王達 大興翰林嘉慶二十年任

方策 嘉慶二十一年任

蔣啓蘭 四川舉人嘉慶二十三年任

程緒曾 嘉慶二十一年任

范檜 浙江舉人

董應魁 進士道光二年任有傳

繼善

正黃旗人貢生道光
三五六年任有傳

王

剛

四川舉人道光
十年任

白榮西

河南進士道光
六年任有傳

姚

瀚

慈溪舉人道光
七八九年任

李士高

貴州浙江監
生大興籍

劉建勳

貴州舉人道光十一
二三年任有傳

錢喬雲

江蘇監生道光
十四年任

李彥芳

雲南
人

朱金

浙江舉人道光
十五六七年任

劉其淵

旌德舉人道光十八
九二十年任有傳

戴掄元

江西人道光
二十年任

施仲鱗

安徽太湖舉人道光
二十二年任有傳

王錫疇

山東諸城舉人道光
二十六年任有傳

陳立焯

白河同知
署任

顧羹梅

馬晉圖

道光二十七年
任有傳

黎承恩 府經署

朱世杰

浙江錢塘人咸豐
二三四五六七八九年任

房界志

金玉堂

三臺舉人咸豐六年任有傳

鄭慶華

廣西舉人七年任

書

紳

族人咸豐八年任

梁懋齡

河南舉人咸豐九年任

王

璐

直隸舉人咸豐十年任有傳

方兆科

安徽桐城舉人

賀懋檀

湖南舉人

吳瑛

湖南貢生咸豐十一年任有傳

慶明

廬黃族人同治元年任

李楨

湖南貢生同治二年任有傳

廖玉麟

廣西監生同治三年任

楊延烈

山東舉人同治四年到任

教諭

劉之紱

武昌歲貢順治二年任

王龍翔

舉人同治二年任

楊的

江夏人康熙二十八年任

陳崑

舉人康熙二十八年任

王俊昌

漢川副榜康熙四十年任

吳繼忠

枝江貢康熙五十八年任

吳

璵

京山拔貢雍正十二年任

樊之鐸

靈祥貢雍正十三年任

戴喻讓

漢陽舉人乾隆十九年任有傳

吳昭煜

漢陽舉人乾隆二十年任有傳

張大雅

監利拔貢乾隆三十六年任

李良策

宜都拔貢乾隆三十八年任

朱之禮

江夏拔貢乾隆三十九年任

周鼎新

黃岡貢乾隆四十二年任

吳中理

乾隆三十年任

周道全

黃安舉人

謝思焯

漢陽舉人乾隆四十四年任

張忠坦

黃州副榜乾隆五十五年任

劉夢元

黃梅副榜乾隆五十九年任

高安和

應城副貢

何

嘉慶二年任

李承濟

應城副貢

楊德封 江夏廩貢

秦篤慶 漢川貢

吳粵省 通城舉人 有傳

嚴開經 江陵貢生 有傳

戴脩道 雲夢舉人 後點中書 有傳

甘焱南 江夏舉人 有傳

喻元瀆 黃梅副榜

羅振泰 東湖附貢

李之琛 漢陽舉人

張黼華 嘉魚舉人

黃理 京山拔貢

沈岳齡 孝感舉人

司先榜 黃岡舉人 道光 二十七年任

童紹恢 羅田歲貢 同治 二年任

劉紱麟 通山恩貢 同治 四年到任

羅導

鄧復昌

九年任
九年任
九年任
九年任

黃鼎鉉

桃源貢康熙
十八年任

歐陽攻

潛江貢康熙
二十三年任

胡懋教

康熙三
十年任

陳至道

黃安貢康熙
五十年任

王克振

松茲貢雍正
八年任

章華梅

咸甯貢乾隆
十年任

胡琳

歸州貢乾隆
二十一年任

周爨

隨州貢乾隆
二十五年任

胡虞孫

桃源人康熙
八年任

嚴若師

宜城貢康熙
二十年任

張華鼎

盧溪貢康熙
二十五年任

毛一包

通城貢康熙
三十六年任

汪漢

余鴻漸

咸甯貢雍正
十三年任

李道華

應城貢乾隆
十七年任

崔河圖

建始貢乾隆
二十八年任

張映旭

襄陽貢乾隆
四十年任

周道全

應城首乾隆十四年任

吳澧

黃安貢

張立誠

天門舉人乾隆十四年任

吳兆澧

黃安貢乾隆五十年任

鍾榮國

興國貢乾隆五十二年任

李運齊

蘄水歲貢嘉慶五年任

魏廷友

應山廩貢

劉昌檉

黃岡舉人

黃懋彤

黃陂舉人

汪鵬

蘄水舉人

廖長亨

漢陽舉人咸豐八年任

周炳先

恩施歲貢

陳汝賢

黃梅歲貢同治元年任

大木廠巡檢

先駐博磨坪後移板橋山今駐此

陳觀 紹興人 康熙八年任

蘇軾 莒州人

劉茂棠 桐城人 康熙二十七年任

趙維邁 通州人 康熙三十二年任

陳鴻基 常熟人 雍正六年任

陳弑 福甯人 雍正八年任

翁必遂 雍正二年任

胡兆昌 雍正三年任

曹堂 通州人 乾隆八年任

戴國琛 山陰人 乾隆十一年任

張齡鑑 桐城人 乾隆三十一年任

丁日隆 吳江人 乾隆四十二年任

經緯 漢軍正黃旗人

王樹德 浙江人

周應宗 四川人

張賡言 浙江人

周安鎬

張煜

程浩

傅楫 四川人

何楫熙 桐城人

胡運亨 同治五年代任

鍾文垣 嘉興人

九道梁 巡檢 乾隆四十九年增設駐此

張 烱 大興人 乾隆四十九年任

黃 詔 山陰人 乾隆五十六年任 有傳

沈連珠 北直人 嘉慶五年任

余遠思 湖南平江人

穆毓中 陝西

包福佳 浙江人

侯定邦 河南人

典史

沙成龍 順治年任

朱啓堯 山陰人

朱晉 紹興人 康熙十七年

馮廷彪 宛平人 康熙三十三年任

馬正元 寶坻吏員

舒其誠 鄞縣人 乾隆二十年任 錦議

杜遵甫 壽陽吏員 乾隆二十七年任

劉宇亮 朝邑人 順治十三年任

高標 紹興人 康熙十七年任

崔重新 三原吏員 康熙十九年任

童欽 固安吏員 康熙五十七年任

彭鑑 夾江吏員 康熙十三年任

陳通 趙州增生 乾隆二十四年任

饒宗湛 瀏陽監生 乾隆三十五年任

吳梅 武進監生

劉琳琅 濟源吏員

王魁 會昌監生

駱鶴年 山陰人

朱兆元 上元監生

劉永清 江西新城

曹箕 商邱監生

趙命新 南豐監生

杜徵蘭 大興監生 乾隆五十八年任

賈玩理 陝西人 乾隆年至嘉慶元年任 有傳

蔣八錫 江蘇人 嘉慶二年至五年任

孟興祖

汪鎔 江蘇人

許世錦

高訓 紹興人 嘉慶二十一年任

張紹宗 江西人 道光初年任

陸蔚榮 浙江人 道光十年任

朱

沈森 浙江人 道光十二年任

程浩

譚葵生 孔直人 道光年任 有傳

方鍾琦 安徽人

任昕 河南人

李孫蕃 浙江人

范達 浙江人

蔣星焯

包福佳 浙江監生

王樹德 浙江人 有傳

李聯琦 江西人 有傳

夏正南 湖南人

胡運亨 四川吏員 同治四年到任

武職

宋房鎮守

田慶祚

明守備

張星明

張星炫

楊道選崇禎十二年獻賊陷城死節

均房營叅將

李成章崇禎末年督兵脩房城

千戶所

李信

鄧宜

計麟

張高

袁金

國朝鎮房營叅將

羅一能順治五年募兵戍房

高士清順治六年有傳

鎮房營守備

崔士仁

薛宗臣

官永正俱順治間任

均房協副將

佟透 遼東人 康熙四十年任

胡世英 江南人 康熙七十年任

文義祥 汝甯人 康熙十五年任

四十六 康熙十五年任

高立

均房協守備

王嘉印 順天人

張種文 山東武舉 康熙四十年任

姚之舜 康熙十年任

四十六 康熙十五年任

文義祥 康熙十五年任

蘇宏恩 遼東人 康熙十五年任

張國斌 康熙十五年任

均房鎮總兵

四十六康熙十七年由副將升任

均房鎮守備

馬一新房縣人康熙十八年任

任一勝房縣人康熙十八年任

李之瑞延壽人康熙十九年任

鄖鎮左營遊擊駐房縣嘉慶六年增設

德清廬白族人

沈彪四川人

達爾占廬蓋人

譚騰蛟四川人

黃金玉有傳陳增祖廩生

黃珥

麻國慶桂林人

達三有傳張興福江夏人

蘇濟達 廣州人

西拉布 有傳

慶福 有傳

曠輔廷 全州人

翟萬林 湖北江夏人

施鴻恩 湖北隨州舉人

劉國楨 直隸人

文英 正紅旗人任大華 江夏人

田德明 湖北江夏人

富亮 蒙古用藍旗人 同治二年到任

李玉楚 湖北宣城人同治五年到任

均房營守備 不錄 均者

張明 同安人康熙二十六年任

馬永麟 安徽人康熙三十年任

馬天爵 應城人康熙二十五年任

程繼善 河南人康熙二十五年任

劉 約 樂昌人康熙四十年任

孫學禮 大興人康熙四十二年任

鄒應宏 甯化人康熙五十九年任

劉 斌 大興人康熙五十九年任

馬之岱 應城人康熙六十一年任

紀从恭 陝西人雍正年任

林甲鳳 廣東人雍正年任

武 勝 山東人雍正六年任

李庚臨 四川武進人雍正七年任

戴天錫 浙江人雍正四年任

談 經 四川武進人乾隆十年任

吳正清 直隸人侍衛乾隆十四年任

任 奇 陝西人任乾隆十七年任

全元章 直隸武舉乾隆十九年任

楊世玉

孫天魁 河南武舉乾隆三十二年任

李品仙 貴州武舉乾隆三十六年任

李文宣 浙江人任乾隆三十八年任

張越 四川人侍衛乾隆四十年任

孫效前 陝西武進士乾隆五十五年任

張耀德 澧州人

武慶 廬州人獲舉校

李占領 山西人進士

和臣 旗人

魏鴻興 江夏人

柴文玉 穀城人世職

蔡連秀 襄陽人軍功

王佐 穀城人

金壽 滿州人紅旗武舉同治二三年任

王進儒 穀城人侯升都司同治五年到任

千總

黃文翰 穀城人行伍雍正七年任

戴國柄 均州人行伍乾隆四年任

陳大勳 穀城人行伍乾隆十年任

謝承英 南漳人行伍乾隆十八年任

袁冠英 湖南武舉乾隆二十四年任

張欽元 鄖縣人行伍乾隆三十年任

劉民德 江陵武舉乾隆三十三年任

陳綸 乾隆四十年任

白壽連 均州人行伍乾隆四十二年任

羅陞 江夏人行伍升守備乾隆五十年任

黃國富 竹山武生嘉慶元年任

王基 穀城人嘉慶元年任

曾自榮 房縣武生

管復初 鄖陽人世職

馬紹國 鄖州人 黃長齡 澧州人

黃朝英 鄖陽人 梁全斌 孝感武舉

鄧德仁 襄陽人世職

馬鳳樺

劉福升 鄖陽人

江峯青 鄖陽人世職

王暄 鄖縣人

高日新 鄖陽人世職同治五年到任

分防上龕汎守備

李鳳林

房城汎外委

左哨曾傳典 房縣人

右哨張全升 鄖縣人

房城汎額外

左哨額外馬成全 竹山縣人

陳志雲 鄖陽人

分防千總

冷盤埡塘任文魁 房縣人

九道梁塘兆泰 荊州府人

九道梁塘雷鳴揚穀城人

茅坪塘羅占元房縣人

分防把總

青峯塘任學賢房縣人

獐落河聞德政房縣人

方家畝塘卿述才房縣人

黃龍汎陳得明穀城人

上龔汎范得勝

分防外委

余家河塘傅學德房縣人

蔴灣塘盧富新房縣人

大木廠塘王開仲房縣人


梁家河塘趙興廣竹山人

白鶴觀塘但尚德保康人

東浪塘尹繼業房縣人

茅坪塘李文起

鄞縣人



原稿缺

原稿缺

原稿缺

原稿缺

原稿缺

原稿缺

秩官續集

知縣

喬玉琛

陝西朝邑進士

郭俊

直隸監生

陳國棟

四川監生

教諭

張炳琳

武昌舉人
丙子翰林

衛逢年

南漳人

訓導

蕭山

湖南拔貢

袁鏞

江西監生

陳豪

浙江優貢

汪南金

當陽貢生

蕭棣堂

蘄水舉人

姚為邦

宜都舉人

許汝梅

黃崗貢生

李國楨 江陵貢生

劉世澤 漢陽附貢

典史

周承祉 河南監生

鄧左營遊擊

梁彥河 湖南人

傅雲亮 湖南人

胡鳳鳴 河南人

焦克勝 河南人

守備

夏清和 安郡人

高廷富

秦承恩 江夏人

千總

蕭步勝 竹谿人

聞國麒 竹山人

房縣志卷五

秩官傳

傳者傳也所以傳其事以傳其人也蓋必其事與人實
有可傳而後傳之房幅員千里阻塞萬山又寇盜屢經
流亡相繼藉非幹濟之才詎易靖烽煙而登化理哉故
時際承平與民休養則德惠可傳也或不幸遭逢盤錯
而爲國驅除殘賊功烈尤可傳也然上下數千百年能
與此者幾人哉志秩官

漢

蒯祺建安二十四年祺爲房陵太守先王命孟達從秭歸
攻房陵執祺殺之

晉

吉挹字祖冲蓮芍人少有志節孝武帝初苻堅陷梁益桓
豁表挹爲魏興太守以功拜員外郎散騎常侍苻堅將
韋鍾攻魏興挹遣衆拒之鍾趨襄陽挹又邀擊之鍾怒
回軍圍之賊衆繼至挹力不能抗城陷爲賊所執閉口
不食而死秦苻堅嘆曰周孟威不屈於前丁彥遠潔已
於後言祖冲閉口而死何晉氏之多忠臣也祖朝西臺

傾覆隕身守節挹可謂世篤忠貞矣桓冲上言帝嘉之
追贈益州刺史

桓冲字幼子譙國人最淹識有武幹領南蠻校尉荊州刺
史符堅遣將韋鍾寇魏興冲遣軍伐符堅拔堅筑陽攻
武當又遣郭寶伐堅魏興太守褚垣上庸太守段方俱
降新城太守麴常遁走三郡皆平

宋

傅宏之字仲度涇陽人少倜儻有大志護國將軍劉道觀
以爲參軍寧遠將軍魏興太守盧循作亂桓石綏自號

荆州刺史徵陽令王天恩自號梁州刺史襲西城時韶
爲梁州遣宏之討石綏等並斬之高祖兆伐宏之與沈
田等七軍自武關入僞上洛太守脫奔走招懷戎晉羌
人高橫等各率部落歸化

齊梁

柳慶遠字文和河東解人齊初爲魏興太守郡遭暴水吏
請徙民圮城慶遠曰河漲不過三日命築土而已卒如
其言

李遷哲安康人少脩立有識度慷慨善謀畫起家文德王

帥轉直閣將軍武賁中郎將及其父元直爲衡州留
哲本鄉監統部曲事年二十撫馭羣下甚得其情大同
二年除安康郡守三年加超武將軍太清二年移鎮魏
興郡都督魏興上庸等八郡諸軍事襲封沌陽侯邑千
五百戶

西魏

柳檜字季華性剛簡任氣少文善騎射果於斷決大統中
從大將軍王雄討上津魏興平之郤除魏興華陽二郡
安康人黃衆寶反殉節東梁州

周

李禮成狄道人也深沉有行檢不妄通賓客善騎射而從容儒服不失素望歷拜遷州刺史時朝廷有所徵發禮以蠻夷不可擾擾必爲亂上表固諫武帝從之歷襄州總管有惠政

隋

獨孤隨字黎邪趙國公信子隋獻皇后弟也文帝時拜上開府領左右將軍轉遷州刺史先是隨好左道有婢阿尼事貓鬼能使殺人會后與楊素妻俱臥病醫者曰貓

鬼疾也上意隨所爲令高頰等雜案之得實詔夫婦皆
賜死后請曰隨若蠹政害民妾不敢言今爲妾身敢爲
請命於是隨得免

竇賈字託賢扶風人毅子也志業通敏少知名開皇中除
遷州刺史

唐

張知審字匪躬幽州人徙家岐中宗在房州禁察苛嚴知
審與董彥威等相率爲亂更僕位位戴不少馳帝復
位拜知審左衛將軍封元郡公餘審兄弟五人知元

知晦知泰知默皆明經高第曉吏治清介有守公卿爭
爲引重

韋景駿唐書傳司農少卿宏機孫中明經神龍中歷肥鄉
令後數年爲趙州長史道出肥鄉民喜爭奉酒食迎犒
有小兒亦在中景駿曰方兒曹未生而吾去邑非有舊
恩何故來對曰耆老爲我言學廬館舍橋鄣皆公所治
意公爲古人今幸親見所以來景駿留終日後遷房州
刺史州窮險有夷風無學校好淫祀景駿爲諸生貢舉
通隘道作傳舍罷房祀無名者景駿之治民求所以便

之類如此今祀名宦

捕金李白賊詔命子許專征未幾

人心夫去就賊勢騰風雨
唯君固節誠節冠終古

崔述房州刺史推情謹身以裕勞人惻隱所被四封宵靖

士美字和夫金鄉人幼通經史與人交重然諾未冠為

房州刺史任至刑部尚書左僕射

董鉉質刺房州謹身化民保戴中宗其供億無不周至

崔敬嗣為房州刺史中宗在房州官吏多無禮嗣特申禮

進供給豐贍中宗德之及登位有益州長史崔敬嗣既

同姓每進擬官皆御筆超拜之者數四後引與語知

誤訪敬嗣已卒遣安石授其子注官後官至顯達其孫

卽光遠也

談賓錄

五代

劉詞字好謙大名元城人也少事楊師厚以勇悍知名唐

廢帝時進都虞侯以功遷沁州團練使徙房州歲餘爲

政不苛撓人頗便之暇日常披甲枕戈而臥謂人曰我

以此取富貴豈可一日忘且人情易習若一隋其筋力

有事何以報國

周知裕字子勳涇州人也仕後梁降唐莊宗禮待之諸將

嫉其寵因獵射之知裕走以免莊宗爲殺射者以知裕爲房州刺史所居皆有善政

宋

辛文悅房州知州初以五經教授太祖及登位授太子中允判太府事開寶二年周鄭王出居房州上以文悅長者故命焉後累遷至員外郎

种師中字交孺歷房州觀察使金人入寇詔提秦鳳兵入援未至而敵退乃以二萬人守滑

田欽祚潁州汝陰人太宗時從征太原護前鋒騎兵屯石

嶺關以扞契丹欽祚性剛戾負氣多所忤犯與主帥郭
進不協進戰功高屢爲欽祚所陵心不能甘遂自縊死
欽祚以暴卒聞太宗悼惜久之因罷欽祚內職出爲房
州團練使

孫升字君孚高郵人爲侍御史時翰林承旨鄧溫伯爲臺
臣所攻升論之尤力謂草蔡確制稱其定策功比漢周
勃歎天眞國豈宜親承密命不報紹聖初張商英劾之
削秩知房州

李德用西美汴人政和間進士知房州時旣權官

民輸舊額貧無所出被繫者數百人璆至卽日盡釋之
後遷四川安撫制置使脩復三江堰眉人繪像祀於
所

陳希亮字公弼青城縣人爲徐州推官會外戚沈元吉以
奸盜殺人希亮一問得實沈驚仆死其家訴之朝詔御
史勘希亮又及諸榷吏希亮曰殺此賊者獨我耳遂引
罪坐廢期年盜起京西殺守令富弼薦希亮可用起知
房州州素無兵備民凜凜欲去希亮以牢城卒雜山洞
戶得數百人日夜部勒聲振山南民恃以安殿侍雷甲

以兵百餘人逐盜竹山甲不能戢所至爲暴或疑爲盜
告希亮盜入境且及門希亮卽勒兵阻水拒之命持滿
無得發士皆植木立爲偶人甲射之不動乃下馬拜請
死甲初不知公官軍也吏士皆欲斬甲以殉希亮獨治
爲暴者十餘人使甲以捕盜自贖時劇賊黨軍子遂執
竹山賊所嘗舍者曰向氏殺父子三人梟首南陽市曰
此黨軍子也請亮察其寃下德斌獄未服黨軍子獲於
商州詔賜向氏帛復其家流德斌通州或言華州人張
元走夏州爲元昊謀臣詔徙某家希亮曰元事虛實不

可知使誠有之爲國者終不顧家徒堅其爲賊耳此又其疏屬無罪乃密以聞詔釋之老幼哭希亮庭下曰今當還故鄉然奈何去父母乎遂畫希亮像祠祀焉

王彥字子才上黨人南渡後爲金均房安撫使知金州紹興三年金人入金均彥趨西鄉遣兵至漢陰縣大敗之復金州進保康軍承宣使不受時中原盜起加以饑饉無所資食唯蜀富饒巨盜往往窺覲彥乘勢西向均房失守直擣金州白土關衆號三十萬仲彥舊部曲也以申牘請於彥曰仲於公無敢犯願假道入蜀就食耳

彦叱曰樞相張公方有事關陝若仲越金而至梁洋則
腹背受敵大事去矣卽勒兵趨長沙坪據山設伏以待
大敗之復房州後仲爲其下所殺

晉隲紹興初知房州時值桑仲蹂踐軍士乏糧隲令開墾
秋大獲給工匠廩食令脩軍器農具劄州學子弟入學
者免徭役

曾光字元明紹興中知房州擒叛卒有功

明

吉岳洪武初知房州揮霍有爲時值草劄岳拊循新附經

理有方境內大治祀名宦

張瑀上元人正統中舉人知房縣脩葺城池開設學校士民德之

李璋長壽進士嘉靖四年由鄆西調任與知州吉岳縣丞李南金同祀名宦治蹟失傳

夏維甯餘姚舉人嘉靖間令有能聲撫治考績云秉姿剛毅守已清白任當疲憊之地懋著鴻遠之才擢易州知州

朱衣南錦衣衛舉人由鄆西調房有幹局時清丈田畝親

歷阡陌稽匿辨壤無少欺隱免宅基墓地額亦罔虧爲
政多隱德子之蕃廷試第一人以爲積善之報

黃從貴元城舉人崇禎六年令房七年老狷狷等犯房獨
守孤城援絕城陷死之

張希良萬歷間任房令邑大饑施粥賑之民皆安堵無劫
奪之患

李敦本銅梁舉人萬歷間除房令學問淵雅尤工翰墨政
餘課士不倦以忤上官被斥卸事後仍與士子飲酒賦
詩不輟

傅永濟靈壽進士天啓間令房巖明仁恕雅愛文學建社
學三令諸生肄業拔其尤者入署親爲講授士多與和
房爲建祠子維麟官工部

郝景春江都舉人崇禎年令房脩城濬池與兵民同甘苦
獻賊羅汝才等寇房景春子鳴鸞與守備楊道選登前
死守遣使乞援熊文燦不報已獻忠汝才大至攻城詎
降景春大罵不屈被執與子鳴鸞主簿朱邦聞訓等三
宗來典史某俱被殺僕陳益亦死之事聞贈大僕與
名宦子僕從祀

李南金白河監生正德間任房丞性勤敏習吏事公餘讀書有哦松之致祀名宦

嚴堯敬朝邑監生嘉靖間任房縣主簿留心風教凡所興作咸服士心房舊志之脩厥功居多

劉佐塾江人萬厯間爲房教諭負氣剛方不苟同流俗按院吳公稱其才識優長操履方正

蘇九容眉州舉人啓禎間教諭房縣文章經術爲當道推重於諸生尤多所成就

劉志道塾江吏員萬厯間任房尉勤能理務邑令朱

無大小多屬之

林欒欽福建舉人順治初以郎尉署房令不虐民一錢不
阿吏胥郎左營部將王斌據房老寨作亂被害士民痛
之

李承鑣大同進士順治間令房時城爲獻賊燬居縣西羊
角寨賊潛伏山谷中一日夜行三百里襲寨破之被執
不屈死祀名宦

傅六吉臨川舉人康熙初令房時軍需旁午六吉脩城垣

運糧務撫流亡以暇蒐輯邑乘五年之間日不暇給以勞率卒於勞立祠祀之

雷化龍遼東人康熙間除房令楊來嘉叛鎮戍兵雲集遠近民尙疑畏匿山寨化龍相徠撫之復其業

沈用將浙江仁和貢生康熙間任房令九載爲政務在便民緩追呼減徭役濬築渠堰山田灌溉得均時軍戶輸糧襄陽衛往返跋涉令詳請使衛設櫃縣中軍戶就原自輸民盡稱便邑貢生李發榮許嘉言等脩輯傳志令將卸篆猶悉心詳核云

王璋閩漳州舉人康熙中知房縣寬和敏幹無留牘時承
平日久公務之暇巡行郊陌勸課農桑訪其疾苦教以
禮讓尤加意文風勸書院置學田考校殷勤資給優厚
數年間戶閩絃誦聲民間事纖微周知凡閩人皆記其
姓名士民親愛之不啻子弟之習於父兄也房人立生
祠祝之餘詳雜記

王宏祚無錫附貢康熙末任房令性剛介甫蒞任有謁者
令明倫堂見執法人無敢撓咸稱曰王戇子妻賢淑時
典史某台賊酷聞之從容謂宏祚曰國有常刑可法外

肆虐耶宏祚爲飭止

李豫廣東新興拔貢乾隆十三年除房令脩學宮期望邑
人士不啻三致意焉執度不回豪民蠹役胥歛跡嘗暑
門日勤種地早完糧父老有閒當課子省費錢莫告狀
鄉民無事少來城

黃元俊福建進士乾隆二十八年任房令剛方公正人不
敢干以私尤注意學校建奎星閣月課季考歷數年如
一日

張敬字虎人歷城舉人乾隆年令房工書畫名滿海內房

號忠孝名邦蓋以酉有黃香祠東有尹公墓也每辯之
以爲吉甫有文武才而惑於後妻遂殺伯竒父子如此
君臣可知人皆服其特見乾隆四十四年饑流民相聚
行劫嚴法制之杖斃數人餘黨皆散論者以爲非令賢
則房邑不可測也

羅經字問堂南豐進士乾隆四十四年除房令和易有幹
才大憲數令決疑獄升武黃同知署鄖陽府事

常熙字學光盧氏舉人乾隆五十一年任房令質樸簡約
言訥訥似無所短長遇事則掇給簡亮無少滯凡興利

除害罔弗殫精畢慮無憾而後即安庚戌卒於任邑人

哭聲遍閭巷

貢生汪魁儒詩數年辛苦起痾殘吾楚清

貧寒空官歸竦橫波濶曾見飛蝗抱木

乾鄉老不知公已沒呼號猶自繞城端

後入名宦祠

仇必達號敏齋四川重慶舉人乾隆五十八年任房令甫

下車訪民疾苦一以慈愛為心訟無積牘閭閻安頓纂

舊志擬稿已就以調任未竟其事猶諳囑後任云

魏相臣字蓋宣甘肅中衛監生乾隆六十年署房令重慶

元年二月荆宜逆賊勾結奸民謀不軌時房營兵外調

城守單賊溫見道等糾萬餘人突起圍城晝夜百計繞

攻相臣率官吏士民固守相拒二旬擊殺無算賊益衆遣人夜縋城調各路義勇三月初七日來援相臣督力士千餘出城夾攻擒其渠斬之餘黨就戮事

聞超擢知府理縣事如故相臣築城濬池拊循招徠不遺餘力二年閏六月初二日以積勞卒於任初賊圍城相臣妻計氏投繯死至是雙轎還鄉房民夾道泣送之

秦錫疇江蘇舉人嘉慶三年任房令時賊氛甫靖嚴緝奸宄撫綏流民邑賴以安尤留心文學摭輯山川風土故實彙爲一編著有防渚紀聞十卷邑有藏本

鍾應焞福建舉人嘉慶四年令房川陝豫大股流賊竄巨
預檄遠近紳耆嚴設隘卡團練鄉勇齊力防堵賊不敢
犯其詞訟聽斷平允兩造輸服

李維本直隸選拔嘉慶五年任房賊寇猖獗軍事倥傯各
大帥前後追勦至房供應勞煩負累萬金皆自賠償縣
試一秉至公

金克俊直隸舉人嘉慶五年令房解糧西鄉遇害

孫捷三直隸舉人任房數載軍事旁午應接安詳舉無廢
事大憲稱其才保舉人奏惜薦章方達而已歿於任

洪範含山舉人嘉慶九年令房清廉精明才餘百里刀奸
潛踪書役歛跡夏日勸課農桑暇時講解

聖諭六年於斯民歌父母政無宿牘民間纖細必知兵燹十
年民棄詩書令年年觀風月月課試文教日振故後士
民歛金購料建祠爲當事者寢其事未果

關維紀廣西舉人嘉慶十四年任房脩理衙署積儲倉穀
一以愛民爲念不事苛察吏不爲奸四境肅清

何在朝號丹崖四川彰明舉人嘉慶十七年任房令心性
淳樸學問淵博邑士鄧正榮劉元和等讀書署內公務

方輿元
二
暇時必親爲指授月月課士悉心批改諸生求解文朝
大而暮出十九年歲大饑稟詳上憲出倉穀平糶全活
生民甚衆

董應魁山西進士道光初署房令惜士愛民振興文教脩
葺文昌宮刊碑記事解任去士民追思不忘

繼善貢生正白旗人嘉慶二十二年又道光年任房二次
愛民如子政簡刑清上憲交薦擢均州知州

白榮西河南輝縣進士道光十年署房令廉明有威盜息
民安去任士民祖餞道路充塞

劉建勳號樹堂貴州舉人道光十年任房令清廉正直薄
以自奉公餘勸導百姓一以存天良守本分爲務朔望
至中衢宣講

聖諭開譬百端民風爲之丕變去日士民奔送贈詩頌德勳
留聯云此地名爲忠孝里願人齊抱聖賢心十一年復
房民迓之懸門額曰又見青天勲遜謝願益以自勉屏
絕一切規費幾至自奉不繼士民醵金爲助少取之十
二三年大饑申請發賑未准傳富戶領倉穀減價平糶
民賴以生遷天門縣士民泣送至今口碑載道

劉其淵旌德舉人道光十六年任房令飭紳士周大年等
脩校士館又重脩黃香祠三楹題門額曰黃孝子祠并
於尹吉甫墓重新舊碑傳尹姓看守補栽松柏雜樹至
今林木青葱碑墓隆聳

施仲鱗號次雨太湖舉人居心渾厚制事精明聽訟嘗以
忠愛爲本但得其情不輕用刑

王錫疇號範初山東舉人五品銜道光咸豐年間攝房篆
三次節儉愛民尤重節義魏縣母殉嘉慶時之難搜其
始末立傳刊石愍烈祠前代名宦鄉賢錄其事勒之石

馬晉圖漢軍清廉方正不恃刑威民皆輸服嘗錯斷一獄
明日復審正之

金玉堂四川舉人五品頂戴咸豐六年令房聞襄匪耗卽
傳紳耆練勇備守其子鵬隨任於十月初偕紳勇赴鄉
堵禦以兵單失利因城崩塌知不可守趨至南山招勇
時常帥追勦賊去遂復城集富民籌畫補築城垣不數
日蕪事時有地痞乘釁剽掠者重治之奸民斂跡

鄭慶華號硯香廣西舉人性情樸素舉止安詳咸豐七年
令房四月襄匪由竹山竄北鄉率勇防堵馬嘶山等處

賊上武當山令慎以奉公勤於課士卸篆時未決之詞
焚香盡燬之

王璐直隸舉人五品花翎咸豐九年署房令精明強幹有
斷才不留獄無情者難以盡其辭聽訟不煩言而是非
立判惜恃才傲物用刑不當

吳瑛湖南附生五品花翎咸豐十年令房勸捐鑿池鑄造
鎗礮守禦器械重脩文武衙署未竣其事去

慶明湖南黃旗人同治元年署房令性情溫和不舉事謹慎十
月一日驟窺房境遊擊田帶兵堵禦兵潰賊約十萬之

衆擁距房城令復與田遊擊在西鄉上達河團勇數百
於東川堡交戰賊距房三日齊竄竹山令以失守公令
革職士民恤之

李楨號介生湖南湘陰附生五品頂戴同治二年任房令
恬靜寡言潔清自持尤嚴以率下賓僚僕從母敢踰閫
者奸胥滑吏亦無從置喙豪強屏跡四境肅然

戴喻讓字星臯漢陽舉人乾隆十九年教諭苦心廩沒稱
宿學從遊者衆汪朝相其一也課士之暇搜探古蹟宅
後建四箴亭綴以詩詳古蹟屢赴秋闈不第歸顏其室

曰佳士軒人問君自命爲佳乎曰非也佳字不成進字

爲欠一走耳隨園詩話後任山東知縣著循聲附錄戊寅脩

葺學齋有感詩四首地卽桃源官卽仙能兼鍾鼎與林泉絕無執掌終年靜况有文章當

世傳數仞爲牆親美富一穉之地足歌弦只緣名教干

鈞重不敢中途便息肩無邊風月小窓窺手植梧桐已

鳳枝自笑冷官如廟祝人憐情種卽書痴十年心迹雙

瞳淚一日工程百首詩更傍綠陰成坐穩不知何局是

全基灘香深坐悄無言春在枝頭月在門欲破冷瓊今

六載未完痴夢說三元心神澹自凝書味骨力堅從巖

菜根細數落花人不四山如畫鳥聲喧竹吹冷雨學

瀟湘蝶有精神入夢鄉月色濃時山色隱人聲寂處水

聲狂荒城雁斷更編早孤館人眠夜獨

長寄語後來青鬢容校書容易老潘卽

吳昭煜漢陽舉人乾隆二十五年教諭性澹泊勤訓課德

行文章士林師法

吳粵省通城舉人兩任教諭文藝精敏性情豪邁多士請業不計脩脯課優等者指貲獎勵尤憫惜寒士飲食教誨無日無之其統袴子弟疎慵考課必加斥責

嚴開經江陵歲貢府訓導署房教諭喜循文勤教士口授指畫無倦新生來謁不計脩金多寡

戴脩道雲夢舉人嘉慶二十三年教諭與典史高守訓捐廉創議自北街脩渠引水至泮池勸諸生助貲勒名碑

甘焱南江夏舉人嘉慶二十年教諭嚴以持已寬以教士
凡請業者必勉以做人爲本性愛客喜開樽有孔北海
風得脩金以供客告歸清風兩袖恬然不以介意

黃懋彤黃陂縣舉人道光十八年訓導制行端方語言不
苟軫念士習不振多方董勸課士必擬程作士楷模文
風爲之一變脩葺學宮親爲監督不遺餘力

黃理京山拔貢原任知縣告降道光二十二年教諭性情
剛方言語慷慨教習士子先品行而後學問到任即商
訓導黃損廉重脩節烈祠惜未久卒於任

司先榜蘄水縣舉人道光二十八年任房教諭兼書院山
長勤於課士文藝親加丹黃塗改不倦邑向無賓興公
費乃爲倡始集學中諸生勸捐積二年蕪事置田構館
赴試者多攸賴焉

黃詔房縣九道梁巡檢禦賊陣亡其妻王氏墜崖死之原
任辰瀕道成都田瀨妻留辦湖北軍務聞其事爲立傳
公諱詔字志鴻別號雲飛浙江山陰人家故貧幼失怙
特走京師由刑部律例館議叙從九品職房縣西南之
鄙曰九道梁在萬山中與四川大甯壘山接壤距縣城

四百餘里五方雜處夙稱難治乾隆四十九年增設巡檢司一員駐其地公以五十六年蒞茲任日巡溪山察箐間與刀耕火種之民煦煦訓誡如家人邊氓樂其平易敬愛之越五載爲嘉慶丙辰枝宜教匪起其黨多踰伏於房之南山二月抄竹山保康相繼陷房縣圍四郊皆蓋白幟而甯巫興山土賊勾結入境梁汎存亡已虞外置之矣迨三月初房圍解公報至府始知賊熾時土小羅溪冷盤垭之賊合鄰匪數千欲趨縣助逆公先部署居民扼要守至是賊來相與出奇計盡滅之大府

原
稿
缺

原

精

缺

賊生無何賊至逼之起孺人不應賊婉言挈其臂曰行
行孺人手麾之大罵抱幼女墜崖死何氏亦觸石反跌
墜崖死賊錯愕遽巡去越二日路人聞崖下有呱呱聲
下視之則孺人早絕而幼女在抱尚安然無恙也異哉
制軍倭什布爲之請

旌表

旨予祭葬建坊人節烈祠公有二子長曰崇儒年十五懷巡
檢司印避山寨得無失次崇錄年十一女三次女以痘
妖公山陰無祖業崇儒以公與王儒人兩楸暫殯於梁

方集元
行將謀歸寔以安忠烈之魂余撮其節畧爲之傳以備
國史採擇焉

賈玩理陝西監生乾隆五十九年任房典史有識畧勤慎
廉明每巡邏夜出恒達旦歸宵小斂跡嘉慶元年賊攻
房城凡十八日玩理率役晝夜巡城傳餐而食賊於西
關放火守陴者皆驚迴望玩理恐賊自東面超越潛伺
之賊果攀援將上遣役砍賊手數人餘退去時民飢無
糧幾解體賈請魏令賑以倉穀魏以未申上官不敢發
賈力爭之曰民倘有去志城可保乎倉米亦齎寇糧矣

若有罪願以身當之乃開倉給民米人各一升眾心乃定愈齊力堅守會鄉勇集團解城獲全玩理之力居多譚蔡生江西監生任典史善於其職盜息民安署板橋巡檢亦極輿情前任張歿於任遺一姪一女不能歸櫬乃設法贖遣之人高其義

王樹德浙江監生身房典史性峭直無濫交勤於其職善緝盜究窩倍嚴宵小遁跡會寇犯房恐陷城乃泆役押重囚出城避居賊退仍還獄無一走亡者縣宰深倚賴之

李聯琦字樹階江西南昌監生任房典史勤巡警善捕緝盜賊屏跡衙署燬自出貲構造十數楹軍興孔亟奉縣檄率紳士勸輸人皆樂助不下數萬之多且製備藥餌以施病人愈者咸感頌焉

明武職

楊道選籍無考崇禎十二年任房縣守備會獻賊復叛陷城房令郝景春被執遇害道選戰歿部將張星炫同死之

李成章籍無考崇禎十四年任均房營參將撫治土鱉水

請復房城發帑金四千委成章會房令劉天民督兵條
築之

國朝

高士清順治六年任房縣參將破姚黃逐劉二虎敗郝永
忠等賊與崔士仁官永正薛宗臣諸將屢立戰功房恃
以存

張士林房縣人任均房營額外外委嘉慶二年七月賊竄
房士林偕行營外委銜觀海劉尚堯率兵勇赴驥板坡
堵禦途遇賊眾驚潰士林等力戰死之詳請議卹

黃金玉施南府恩施縣人嘉慶初年入伍奉調征剿教匪積功升任遊擊於道光九年授房保遊擊整飭營務治兵嚴明恩威並著十二年隨羅軍門征剿湖南徭匪凱撤補湖南左營叅將未赴任卒子六三子長林保康子總五子長森本營外委

達三旂人道光十五年補授左營遊擊奉母履任左右就養得其歡心教兵以忠孝爲本尤嚴飭屬弁勤訓練堅約束軍民和輯二十二年奉調出師崇陽以功升都統西拉布旂人道光二十二年署左營遊擊慮兵食不足開

墾教場隙地令兵種植以濟荒歉並商諸縣令酌買荒地以作牧場會升廣西叅將事遂寢

慶福旂人道光二十九年署左營遊擊釐剔舊弊補造旗幟器械每操演親履督隊步伐止齊軍令肅然營規爲之一振尤勤於警夜盜息民安暇則親禮儒生論詩聯吟佳句味美於回咸豐元年奉調出師積勞成疾終於荊州營邑士民設奠祭之

施鴻恩隨州武舉授左營上諭守備兼議遊擊事精練弓馬整飭營規恩嚴並用軍民習安問與文士論詩講畫

談燕彌日人稱爲儒將公頌德政曰寬而有制

鄖鎮左營千總黃金棠鄖縣人出師粵西與經制韓則琨
俱於咸豐二年在武昌省陣亡

千總劉福陞鄖縣人出師江南於咸豐十一年在潁州府
陣亡

把總王錦雲鄖西人出師粵西於咸豐二年在永安州陣
亡

把總耿文興鄖縣人出師粵西於咸豐二年在廣濟縣田
禾鎮陣亡

秩官續集

袁鏞號範卿江西德化監生同治癸酉任房雜稅結費概予蠲免因公赴鄉不擾民一飯一宿有榦才善體民隱緝奸訪盜星披月戴勤慎案牘培植學校絕貪緣之路杜賄托之門年餘四境安堵無恙邑東有去思碑

陳豪號藍洲浙江仁和優貢心性樸純學問淵博光緒丁丑任房政無留牘訟得其情則哀矜而無喜竟有潸然下淚者窮愚無辜牽累按程賞給路費朔望宣講


聖諭孝弟第一條淚隨聲下聞者感泣月課考試悉心批改每

回必耳提面命籌膏火置田畝邑士蒸然向學歲大旱
江湖會柯三江入境煽惑鄉愚擒而斬之餘化爲良秦
豫饑民塞道建棲流所捐廉賑粥發倉米平糶派富戶
穀數千石接濟來春飢施食寒施衣民皆安堵無劫奪
之患補城墉禁栽罌粟除害興利殫精畢慮不啻父母
之保嬰孩也教民種桑種茶事未竟猶告新任邵篆時
手書堂聯留別紳民云訟其凶哉看幾家大則危身小
亦傷財忍讓方知無事福我將去矣願此後上有善政
下多樂歲勤拳猶是在官心又察獄貴平情寬一步日

留餘地在官母桂法欺百姓上有青天去時士民泣送
邑東勒去思碑

張炳琳武昌縣舉人文章淵雅品行端方甲戌冬秉鐸來
邦無仕宦之習重師生之誼欲不踰矩得必思義教諭
之義必融史而融經勸勉行爲則法語兼異語真可作
學校之楷模也丙子恩科蜚聲翰苑

8920457



房縣志卷六

兵政

易萃君子以除戎器戒不虞夫萃者聚也當人心萃聚之時宜若可以弛武備而不脩矣然治不可忘亂安不可忘危治兵講武正息兵偃武之機也房地遼濶舊爲巴山老林奸匪嘯聚之所今涵濡日火山寇斂迹比年邊氛未靖恐奸宄乘間竊發則防堵尤在所必嚴觀於箭亭之碑

聖訓煌煌則戎器之除不虞之戒可泄泄乎志兵政

明設官正千戶五員副千戶十一員百戶十四員鎮撫一員吏目一員旗軍六百七十六名

軍器局在縣西南歲造軍器一千九百四十件 明嘉靖中因大理母德純請此改爲書院移局於署內

國朝不用旗軍歸併襄陽衛除荒徵熟與民一例惟輪東西北三門時其啟閉而已每徵收令屯軍解赴衛所縣令沈用濟恤其遠輸之艱詳請於縣堂設櫃衛胥司守屯戶自封投入夏秋彙解士民稱便

順治五年房縣營參將移駐均州爲均房營設左右二營

叅將一員左營守備一員千
總二員把總四員駐均州 左營守備一員千總二員

把總四員駐房縣共兵一千二百名

十年改設均房協

康熙七年仍改均房叅將營

十七年會勦楊逆鄖襄制院楊懋勲奏房爲要地非大
將不足以彈壓非重兵不足以守禦請開鎮設總兵一
員立左右二營城守三營設兵三千名

二十年賊平裁廢仍改均房叅將營官弁額兵俱照常
是年起至四十五年止陸續裁汰實存兵九百六十名

雍正七年撥駐房守備千把總七員兵二百一十名赴涇

南永保營均州守備改爲中軍守備並左營千總一員

把總二員移駐房縣改爲右哨均州千總改爲左哨是年奉文設

外委千把總六員分佈均房兩汛

八年添募兵丁一百名共兵八百五十名

乾隆十五年奉文整飭二楚營制在房縣汛額兵內裁五

名撥赴隨州實存兵八百四十五名

二十七年奉文添設額外外委三員在馬兵數內考拔

裁汰馬兵三名

四十六年奉 部議裁養廉兵八十三名公費兵二十

五名實存兵七百三十七名內註房汎兵三百名註均州兵

四百三十七名

嘉慶二年奉文添募新兵二百名內駐房汎兵九十名均駐

州兵二百十名

六年總督吳奏以教匪出沒川陝楚三省房爲要地非

多兵不足以爲守禦請改均房營爲房保營歸鄖鎮左

營設遊擊一員守備三員千總四員把總六員外額十

六員原設兵五百一十三名新添兵五百八十八名共

兵一千一百零一名半戍房城半戍保康上龕兩汎

道光十一年奉文裁兵二十二名

二十一年奉文裁兵七名

咸豐七年冬並八年春兩次奉文裁馬戰守兵一百一十

二名實存兵九百六十名內房縣汎馬戰守兵四百九

十四名分防上龕汎兵二百零四名保康汎兵二百六

十二名

鄖鎮左營額設塘汎五十塘內房縣汎管理三十三塘詳

塘汎

附劉作霖進取房陵五議

竊以陬涇一隅亦

國家之封疆鶉藿子遺皆

朝廷之赤子况今正朔相承奄有四海三十年來尺地莫非有一民莫非臣矣自吳逆不軌狡焉啟疆侵犯我土宇蹂躪我人民此固不共戴天者也惟我鄭襄夙屬內地無端穀城鎮楊來嘉鄭協洪福竹山營謝泗聞風倡亂乘勢煽民蠢茲小寇負固房竹向以鄭提一路之兵未議進勦雖有大兵緣山路崎嶇馬難深入兼以川寇

譚宏犯我城下無暇遠及自憲臺奉

命秉鉞以來三軍合勇一戰成功川逆望氣而魂銷房賊
聞風而胆落意謂房保二竹指日蕩平難民屢見投誠
洪謝幾欲納款養精蓄銳又已年餘迄今四邑殘黎終
淪落以附逆黨千里沃野借寇兵以資盜糧再四思之
未見其可也竊爲指陳之論者不過曰戰守難兼也逆
賊現居上流春水泛漲瞬息可至倘分兵遠出賊艘蔽
江勢難分顧郡邑爲重其如城守何職以爲制提兩標
兵丁共六千六百今議出戰亦止三千竹谿營駐劄鄖


西陸路竹山營堵截金漆涼水路賊豈能飛越乎則
驅直下可從容保固而無虞矣又不過曰勝負未定也
賊兵三千我如數以攻之未必能克彼以逸待勞豈
相持可奈何職以爲均州南漳俱有制兵三路夾攻
倍於彼彼不能支况賊兵雖有三千北人居其半直
屠其半从欲逃歸無人接引聞我兵進勦賊必離散
令應敵則恐其來降欲留守則懼其內變乘此而進
攻無不克戰無不勝矣又不過曰兵糧不繼也南漳之
糧挂欠三月坐以待食豈能相腹而戰乎職以爲兵

雖欠三月今將弁皆有才能移緩就急未嘗乏食坐以待食則戰與守等况春水消釋撥運自足無庸更慮矣
又不過曰軍糈難運也昔日進勦西山運夫或至數萬
本省畿府河南幾縣尙苦不足談何容易職以爲一路
三千日食亦僅三千鄖陽之米雇覓小舡運至磬口
早派驢一百五十頭每日五十頭分爲三運且河清
陽協濟百五十頭再撥兵二三百名安設數塘旣可以
護送又可以轉運昔年曾用此法不可行之於今乎
賊今分田墾土秋麥一熟賊種皆爲我有磬口一運

山一帶歸我版圖又可以助一半之運事也又不過曰
進勦易恢復亦易所慮者守耳守則必須留兵留多則
運道艱難留少則單弱不足倚恃如之何職以爲房縣
原有房竹營駐劄保康二竹亦有路將今不妨加之以
兵馬設之以重鎮則鄭襄均州俱爲腹裏一轉易間何
難以彼易此凡此者在他人則難言之何也將士出而
力諸原有司入而謀之室不將難與之同乎夫鄖城文
武素稱協心兵民合爲一職與各將每談及此莫不怒
目豎眉擲拳抵掌以是知人心之可用也職與二三寮

友盡心竭力除催運糧餉外仍願左執轡弭右奉櫜鞬
日與諸將士追隨行伍冒矢石而衝鋒鏑所不敢辭大
兵一臨威聲先振職將遣一介之使鼓三寸之舌約洪
謝兩逆於兩陣之間陳利害示榮辱導以安危如投骨
於狗一呼卽至洪謝一解則來嘉之勢孤不降卽走職
籌之熟矣萬一不然賊兵見今屯種我兵坐守飽食終
日何不裹數日之餼饋出大木廠均州或出馬嘶山播
鼓臺南潭或應出某處分兵以擾之使賊進不能耕退
不能守是亦困之之一道也賊圍則江南田地盡爲荒

有便可復業而播種矣所資於地利者不少也管見如
斯不知有當於憲裁否



輸將

輸將者民之奉公也禹貢曰百里納總二百里納銍三百里納結四百里粟五百里米原因地制宜猶是維正之供也賦稅詳言之矣若夫納粟從軍不假催科而踴躍從事一聞示諭而囊橐啟行雖小民急公報効之忱亦以徵我

國家深仁厚澤有以感發所致也志輸將

咸豐六年十二月常道憲勦捕襄匪在濫石窖打仗兵馬駐紮下店子茅坪地方一路房宇多被賊燬生員劉元

棟邀同戶隣壺漿以迎常憲當諭元棟穀城武生許瑞
廷歡捐軍糧隨營接濟局設顯聖殿收存發運棟又轉
諭生員劉鴻量等在黃龍堰設局勸輸就近解營又諭
拔貢吳昶在汪家河設局勸輸就近解營又着長子廩
生劉宗郁同貢生任鴻鋆生員吳之俊往大木廠勸輸
就近解營共勸輸房縣市斗米一千三百七十餘石除
自行解運及未收到外共收米六百八十六石四斗上
解竹山下運荆門州武安堰等處以及巴將軍在廟灘
收米二十一石解交襄陽羅道憲米五十餘石竹山協

巫追賊至磬口用米十石共解交米五百七十四石所
有捐輸辦公名目列後

中書陳文藻慨輸米四百石自央生員何翹村押運解營
米二百石師撤而止

前任江西沿山衛千總丁化南自行解運米二千石赴大
營

監生張自省自行解運米二十七石六斗並大營先送米
二石四斗九局

訓導廩貢彭鏡蓉樂輸米七十石

以下俱係送局

附貢朱 輅樂輸米六十石

譚家茂樂輸米二十五石

杜善恩樂輸米二十四石

例貢張維新樂輸米十二石

例貢許自脩樂輸米十六石

監生趙鴻翥樂輸米十八石

監生趙國斌樂輸米十八石

縣丞張自祿樂輸米十八石

監生張自儻樂輸米十二石

監生劉元策樂輸米十石

從九劉宗禮樂輸米十石

從九劉向傳樂輸米十石

生員宋國禎樂輸米十石

監生袁祥恕樂輸米十石

州判吳昶樂輸米十石

其餘未及十石者未便悉載

總局辦事名目

生員劉元棟

四川酉陽州州判拔貢吳昶

生員吳崇光

武生龍海瑞

廩生譚席珍

生員劉宗賢

童生劉宗叙

童生劉向治

童生宋德宏

現辦甘肅軍務候選縣丞劉向閣

化龍堰局

生員任成錦

生員劉鴻量

生員劉魁甲

汪家河局

生員汪以墀

生員吳詠

現辦四川軍需候選汪立鏞

大木廠局

廩生劉宗郁

生員吳之俊

武舉劉元瀚

武生劉宗貴

貢生任鴻鋆

輪流運糧名目

穀城武生許瑞廷

武童劉宗璉

武童劉宗柳

戶書王勝任

武童劉宗相

穀城雷占魁

武童劉宗麒

武童劉宗恕

武童劉宗祥

刑書陳大年

劉向閔

竹山
從九屈純善

穀城
從九陳子敬

七年正月大木廠局經委員州判沈 亨辦理所有捐戶

不得其詳

七年二月秦口等處委員湖南醴陵失守知縣栗國華辦理所有捐戶不得其詳

常憲在武安堰俱賞功牌有差未經達部未便悉載

事紀

志以紀事爲義事無巨細皆不可遺以信今而傳後有各從其類者則宜分門以別之有兼綜條貫者則宜表年叙世以統之庶不致紛錯無緒房雖今降爲縣然實古之建國也其事之散見諸史有不可分析者斷自唐虞以下叙次紀之志事紀

唐堯一百年帝陟於陶帝子丹朱避舜於房陵舜讓弗克遂封於房爲虞賓是爲房子國

虞帝肇十有二州置梁州牧房梁州屬也

夏禹貢爲荊豫二州之域

周文王化行江漢是爲召南

周頃王四年春楚子伐麇成大心敗麇師於防渚

周景王三十四年楚子遷房於荆山

秦始皇九年秋九月長信侯嫪毐反使昌平君昌文君發卒攻毐毐敗走獲之夷三族黨與皆車裂罪輕者爲鬼薪遷蜀四千餘家居房陵

十九年使王翦伐趙取邯鄲地虜王遷徙於房陵

三十六年郡縣天下房陵隸漢中郡

漢高帝九年廢趙王敖於房陵

漢武帝建元三年濟川王明坐殺中尉遷房陵

漢宣帝地節四年清河王年坐內亂遷房陵

漢獻帝建安二十四年劉備遣宜都太守孟達北攻房陵

太守蒯祺死之

漢昭烈帝章武元年房庸人魏漢後帝建興五年魏誅孟

達於新城

漢後帝延禧六年魏曹芳正始四年分新城郡後置上庸

郡

晉武帝太始元年十二月錫房上庸商人於晉

晉孝武帝太元四年秦遣韋鍾拔魏興太守吉挹死之

九年桓冲遣上庸太守郭寶攻秦魏興新城拔之魏興

太守常嶠家黃雌雞頭生肉角大如棗長寸三分角上

生聚毛長寸半

齊東昏侯永元元年魏興太守王敬賓新死家人被驅不

得留視及還鼠食兩眼俱盡

齊和帝中興元年蘭初發襄陽留弟偉總府事儋守纍城

魏興太守裴思仁不受衍命欲襲襄陽儋偉邀擊於魏

大破之

魏文帝太寶二年西魏遣大將軍王雄伐魏興改魏興爲
岐州

西魏改岐州爲光遷國

北周高祖武帝保定三年廢光遷國爲遷州

隋文帝仁壽四年晉王廣矯殺故太子勇追封房陵王

隋煬帝大業三年改諸州復爲郡梁州領房陵

唐太宗貞觀十二年徙燕王忠爲房州刺史

二十年貶蕭瑀房州刺史四月房州赤雀見

唐高宗麟德二年廣武王承宏坐交非其人貶房州別駕
唐中宗嗣聖元年二月武后廢帝爲盧陵王四月遷房州
三年秋九月虢州人楊初成矯制稱郎將於都市募人
迎盧陵王事覺見殺

十五年正月狄仁傑勸武后召還盧陵王三月己巳后
託言有疾遣職方員外郎徐彥伯迎盧陵王於房州及
其妃諸子還都

神龍元年帝復辟大赦給復房州

唐肅宗至德元年永王璘擁兵據江淮上皇在蜀下詔廢

爲庶人徙置房州

唐文宗太和二年房州刺史楊虔叛辛酉均州刺史張敏
方奏克房州

三年夏大水漢江漲溢壞均房等州居民田舍殆盡
唐僖宗中和四年鹿宴宏掠均房

唐哀帝天佑二年秋梁王欲代唐使人諭諸鎮襄州刺史
趙匡凝不可遣楊師厚攻之復唐鄧郢隨均房六州

後晉天福六年以沁州團練使劉嗣徙房州以李彥珣爲

房州刺史

後漢慕容彥超坐濮州受賄事覺法當死帝轉原之流於

房州

宋太祖建隆元年春均房商洛鼠食苗二年閏三月金商
房三州饑賑之

三年遷周後主鄭王宗訓於房州命辛文悅知州事以
保全之

開寶六年三月鄭王殂於房上素服發哀諡曰恭帝命
遷葬慶陵之側

宋太宗太平興國七年秦王廷美降封涪陵公房州安置

以崇化軍副使閻彥進知房州監察御史袁廓通判州事各賜白金三百兩

雍熙元年廷美至房州憂悸成疾而卒追封濟王六月沮水漢江並漲壞民舍人畜死者甚衆

雍熙三年大將曹彬出師征幽州無功上表請解兵權降房州刺史

至道元年房州光化軍饑遣使貸之

宋哲宗元符三年房陵野蠶成繭

南宋高宗建炎四年金馬五取房州三月金遷房州民於

河北張浚引兵至房州知金軍退乃遣以均房隸利州
路六月以范之才爲金均房州安撫使七月王闢犯房
州守城韋知幾棄城走

紹興五年以金均房隸襄陽

六年以郭浩爲金房開達四州經畧安撫使知房州七
月以均房隸京西南路

南宋宵宗慶元五年二月張佺劾起居舍人劉光祖附和
僞學詔放房州括在

南宋理宗淳祐二年正月蒙古也可那顏耶律朱奇自京

兆取道於房以趨三川

寶祐六年十二月詔馬光祖向土壁援蜀與蒙古巡戰於房州

元順帝十二年徐壽輝陷房州

至正十八年命阿因班太子與陝西行省同討均房明太祖洪武元年改襄陽爲府以房竹上津鄖縣隸之

七年裁竹山併爲房州

八年降房州爲縣

九年詔舉明經房縣李善應舉

十年設房縣守禦千戶所

十三年復設竹山縣

十六年初歲貢生員

十七年詔各縣舉茂才

明憲宗成化二年荆襄流民劉千斤石和尚李鬍子等叛
營房縣南山老砦

三年命靖虜將軍朱永兵部尙書白圭擒劉千斤誅之
七年春正月都御史項忠討石和尚等平之

十二年都御史原傑奏升襄陽府以房縣

改屬焉

明孝宗宏治五年都御史戴珊奏割房縣東脩文宜陽等鄉置保康縣

明世宗嘉靖十八年房竹羣盜起各聚衆行劫殺竹谿典史張文英勢益猖獗都御史王以旂遣都指揮李實郎陽府同知張直白濬擒斬之

明神宗萬曆二十一年大饑民自相劫奪邑令張希良於東尹公祠西黃孝子祠施粥賑之

三十五年大水入西城

明懷宗崇禎五年夏五月地震八月大風拔木

七年流寇老獬紫金梁等攻陷房城知縣黃從貴死
之焚戮一空二月拔營東去五月監府孫總鎮鄧紀副
將楊春芳等率師援勦留守備張星炫領兵五百戍房
九年流寇五虎寇房遊擊張星明領兵戍守金城西僻
一帶屠掠殆盡十月滇帥龍討平之師還乏糧幾譁首
生吳廷訓捐米百石始定分守道給匾曰尙義安攘以
旌之

十年七月縣西惠感寺大泥佛胸面手足汗出如珠入

月大水

十一年城內火延燒百餘家十月提督太和府監李撫
治鄖陽都御史陳良訓分守道周題請招撫流寇羅汝
才黑雲龍白貫等於房

十二年流寇張獻忠自穀城入房羅汝才等叛與合五
月十三日攻陷房城縣令郝景春主簿朱邦聞訓道李
宗裘戎將楊道選皆死之平城搜山凡兩月焚戮靡遺
七月二十五日閩王師至始西去平賊將軍左良玉追
至羅暎山大賊伏中全軍盡破

十四年都御史王鰲永請復房城發帑金四千兩敕均
鄭營副將李成章督兵脩築工未竣調回房兵無屯所
官民皆居砦寇盜出沒歲無宵日

國朝

順治元年鄭左騎營部將王斌據老砦招兵數千自稱明
帥鄭鎮王光恩討平之

三年都御史潘士良與王光恩以爭禮微嫌密疏題叅
詔械繫光恩入京其弟光興光泰以衆叛殺鄭鎮楊及
兩日夜至鄭守道剗開文知府董有聲縣令進兵

知劉璇推官孫振楊都司袁捷皆遇害僞授鄖庠生李
好生署房縣事七月命提督孫帥師討王光泰等全軍
覆殲十月禁旅大人哈哈木率師討光泰等追至房戰
於治西大堙山大破之光泰等奔蜀十一月班師

五年都御史趙兆麟委部將羅一能募兵六百戍房立
鎮房營權扎治西羊角砦

六年命叅將高士清守備崔士仁等督兵戍房十一月
賊姚黃等寇房乘夜劫營高士清率兵拒戰黎明賊敗
遣部將官永正追擊斬俘甚衆

七年叅將高士清以營地不利申請都御史趙兆麟移
營治東北擂鼓臺六月劉二虎夜破羊角砦縣令李成
鑛死之高士清遣官永正追至土地埡奪成鑛弟孫僕
四人縣印等物並被擄男婦歸

八年大風飄屋拔樹

九年劉二虎復寇房高士清率官永正等擊敗之十月
郝永忠劉體純袁宗第搭天保等寇房趙兆麟調高士
清守鄖委房於賊砦洞俱破死亡無算賊遂據房西水
田坪爲巢

十年三月郝賊掠武當山高士清遣將薛宗臣邀擊俘
五人獲馬四匹賊攻擂鼓臺兵民堅守三月不克賊去
戍兵歸鄖僅遺民數十家守之至次年糧盡始出奔漢
北

康熙元年楚蜀督臣請討郝永忠等賊

敕發秦豫楚蜀官兵十萬以秦楚蜀提督外領會勦餉夫二
十萬以豫楚藩臬府州縣官督理轉輸

二年春正月秦提督王一正統秦豫諸師自竹山入房
前鋒與賊鎮子奮起河北鎮鮑敬與賊戰於陳家鋪及

赤土坡大破之賊率餘黨宵遁諸鎮凡三十六營駐治
西茅坪復遣輕騎追至鄧川峪又敗之至上龕賊去遠
乃遣賊據房凡十二年生靈塗炭聞者痛心三月賊謀
焚磬口糧潛至羊子山提督王一正發兵搜捕斬其巨
逆帥白良甫等餘衆盡殄都御史王來帥守道郎永清
入房犒師十二月定南將軍圖海率禁旅抵房督秦豫
諸師入蜀會勦

三年正月俘郝永忠等斬之劉體純自經死滿漢官兵
一十萬圍李來亨於興山茅麓山周百餘里城瀕三匝

至八月賊內潰官兵乘勢攻入來亨自焚死賊眾盡殲
楚蜀悉平九月王一正領諸鎮班師先是賊據房民盡
避漢北其從賊內招撫出者又驚懼復逃去縣令傅公
多方招撫間有歸業者

四年

救鄖協守均房營副總兵佟透督兵一千五百戍房房令傅
六吉委尉高標親巡漢北諸地溫諭督促遠播漸歸
五年民歸者十之三官有胥吏城有市肆野有廬舍田
乃漸墾

七年六月大水壞民田廬秋霖雨稻不熟

八年五月大水無麥秋蟲食稻幾盡

十二年冬吳三桂叛檄委房令田蒸髦典史高標料理

荊州糧餉

十三年春襄鎮總兵楊來嘉鄖協洪福竹山副將謝泗

乘兵逆之亂率闖兵據鄖城叛兵民宵雨巷戰敗之遁

八房據羊角砦

十六年夏來秀兩歧有至四歧五歧者

十七年春王師振旅均鄖官兵會勦守備張國斌等復

房縣楊來嘉等避入蜀是時風鶴頻驚民逃均卽襄穀
等地更遭瘟疫死者無算秋七月房令雷化龍招之復
業

十九年民歸者十之六七夏麥生蟲

二十年秋蟲食稻穗民入山采蕨根爲食

二十六年秋大熟邑令沈用將招撫逃民始皆歸業

二十八年奉

旨建常平倉沈用將遵例儲穀八千石

二十九年夏四月大風拔木五月招墾軍屯

三十年冬酷寒河冰堅竹木凍死

三十一年春三月大雪四五月瘟疫大行邑令沈用將
施藥全活甚眾是年陝西飢民逃入房者百餘家

三十四年春二月雷電雨雪夏五月霪雨傷麥秋大熟
三十六年大熟

三十七年六月旱秋八月霪雨饑人牛俱瘟

三十八年三月旱夏隕霜秋雨雪年饑人牛瘟更甚

三十九年春三月熱旱後得雨反寒瘟疫流行

四十年秋八月九月霪雨損稼

四十一年春雷雨雪大寒人畜災撥房營兵百名往征
徭人

四十二年冬征叛苗撥房營馬步兵二百人至次年代
歸

四十四年苗民効順調房兵百人戍守鎮筓乾州

四十五年夏旱秋澇蟲食稻盡瘟疫大行居民采蕨而
食錢糧蠲免

四十六年蟲荒疫死甚衆

四十九年痘疹大作夭殤千餘口

六十年夏大旱河水絕流五穀苗槁邑民俱採蕨根食之

雍正元年癸卯大水自西門入城平地水深數尺衝沒民舍田地旬日方消傷人亦多是歲大饑瘟疫流行

三年春大旱

四年五穀豐收

七年五穀不實

九年夏秋不熟秋成半收

十三年夏秋霪雨五穀不熟

乾隆七年地大震壞民牆屋

十七年大旱夏六月夜半有星大如月尾長數丈光燄
飛騰噴薄有聲自東北隕於西南天地通明經一時許
鷄犬林鳥皆驚秋饑

二十六年辛巳

恩科房始舉進士汪世椿冬十二月二十七日虎入西關嚙
殺市民李鬍子遂登惠感寺山門啣其鷄吻行街房數
十家市肆盡閉營兵以銃斃之

四十年旱斗米錢八百文

四十三年五月雨雹平地積四五寸山中有大如碗方如磚者劈樹穿屋傷人畜無算苗稼皆平秋大饑無蔽可采取竹米灰菜子金剛藤觀音土合蕎稗榆皮屑食之

四十四年春饑民欲行劫邑令張敵嚴治之乃止秋熟高唐河民許文思妻柯氏孿生三子貧不能舉署邑令李龍濤資給之

四十八年夏鹿入鬢官六七月不雨

五十年大旱河流皆斷有數里汲水不得者流民屯集

餓殍相望僧普澄捐貲人給蒸餅二枚死者以席瘞之
五十一年春三月大雪夏五月麥大熟有三歧四歧者
秋霪雨傷稼閏七月十五日蝗自穀城來遮天蔽野所
過成空自八月十七日大雨至二十八日晴蝗皆依草
附木死而禾皆生耳房自古無蝗患至是始見

五十二年春二月遺蝻大起數倍於前食麥苗幾盡知
縣常熙募民嚴捕之五月十四五夜蝗起蔽空向東飛
去民復耕稼秋大熟

五十五年夏秋間牛瘟損十之六七

五十六年五月十五日大雨水沖沒田廬溺死人無算
五十七年六月陰雨連綿至九月止晴後大寒秋稼無
成歲饑

五十九年秋淋寒甚竹花結米山民采食之

六十年夏麥不熟奸民韓仕孝白三兒以白蓮教倡亂
冷盤堦知縣仇必達往捕之

嘉慶元年朔日蝕

節錄貢生鄒正榮守城紀畧

年前教匪倡亂白布製旗巾編號聚眾官遣差查差覈

頃不報正月地保紳耆稟報請官團練民勇官諭民於
城垣就近者各認塚口守望暗作準備二月十六鄉民
避亂八城官派首士各領兵勇四城分守知縣魏相臣
千總羅陞典史賈玩理統丁役營兵分扎城隅時兵只
百餘火鎗軍器存者無幾礮亦四五尊而已乃截竹爲
鎗屑木爲棒令婦孺運石城塚下三步置一堆并作火
毬灰包備用十九日午遙望西南白巾白幟長鎗短戟
蜂擁而來須臾前隊及東關城上然礮擊斃多賊賊退
其自西南來者伏地念咒城上然礮鎗無聲識者議以

穢物厭之收婦人褻布黑犬血塗鎗礮孕婦張氏等衣
紅從上跨之當卽點放轟鳴如故泉水灣賊豎大旗一
面張伏拜數起俄頃大風吹仆小幟亦落地縣重賞之
次日賊合圍犯城喊聲動地我兵鎗攻石擊灰包火毬
紛擲賊傷死者皆捨負而去越日賊衆麤集負門板頂
稻草擁至刑書何文德指點賊踪鎗傷左目民勇傅璋
憤甚登埤謾罵亦被鎗亡賊薄城我兵以巨石擲負板
板裂賊仆以火毬燒其頂草草灼賊斃敗去數日無耗
或曰此必有計登高瞭望見雲梯七八乘排列林間必

頃賊至後隊烏鎗齊發其梯已搭上城埃客民宗芝芳奮臂直前拾大磨半扇撻下梯斷連投巨石殲賊無數餘遁去二十四日賊於西郭武廟放火烈焰冲天兵民堅立不退以沸湯潑之賊被淋以釜覆首投以石乃遁火起時兵民皆迴面驚望典史賈恐賊自東面越城暗中伺之果見數賊攀援而上及堞一役持短刀砍賊手跌斃餘賊斂去三鼓時縣役任貴與賊通乘吃緊時爬至縣署三堂屋上呼縣母索印縣母喚人無一應者懼不免乃偕二女投繯殉節厨役報知魏令令命刑書鄔

凌閣率壯丁緝拿任貴梟首十字街同時有鄧姓者在
鼓樓撞鐘惑衆亦梟首懸之舉城鼎沸訂傳賊已入城
婦女自縊殉難者不一自後越三五日攻圍稍緩天寒
雪凍守者晝夜不懈而柴米將匱賈尉深以爲憂請令
開倉賑民縣主以未稟上司不敢擅便爲辭賈死爭之
願以身任其罪乃開倉散米人日一升有家者按口給
發民固守無懈三月初一日西城下有丐者呼守者繫
之上裂敝履出一函呈云西鄉某集練勇數萬淮初二
日赴城援縣不深信暫押營所給其食生員曹育萬被

誣在禁亦稟請願同弟曹育環赴北鄉首士陳輔光營
求援許之夜縋而出戶書解維經團練鄉勇統帶赴城
守禦解率衆鳴鈦晝夜巡警目俱腫赤至初四日西鄉
首士廩生汪有燕武生邢交善文生何光泗劉德紳陳
善望等率勇至七里河與賊戰大捷初七日北鄉廩生
陳輔光文生許扶坤等統帶多勇赴城會同兵勇丁役
齊至城下三回攻剿賊大潰屍盈野餘賊逃去圍解縣
主錄詳四鄉首領各功奏請獎敘陣亡者俱詳請獎卹
其軍民出力者皆給頂戴刊碑列名於鼓樓之四隅知

縣魏相臣奉

旨以知府用賞戴花翎初十日與安鎮文圖率兵二千克復竹山於是日至房札營西南十三日西安將軍恒瑞統兵至次日撥選邑之鄉勇數千派汪有燕邢交善莊士彥謝鳳詔何光泗陳輔光許扶坤曹輔國等分領之隨同恒文二帥收復保康賊逃南漳去復率兵追之二年首逆張漢潮等聚匪萬餘由興保闖入房南三座菴汪有燕何光泗邢交善等總統二十一營鄉兵萬餘七月二十扎營下店嵒峪不料賊自犁鏵溝突出衝破

盤踞至康熙十七年始行招安嘉慶初教匪亂房城雖未失勞師糜餉八載始定從未有如今日征勦紅巾賊匪之速且暢者也六年冬月襄光均穀倡亂之逆匪齊集房界前任金縣帶勇至堵至北鄉東浪遇賊隨會剿勇齊集堵禦殺數人擒匪一二騎嗣賊數萬麇集沿山寨野齊犯房城城緣被水沖塌三處無可登陴守望金縣潛往南山一帶諭各國齊勇撲勦臘月初賊匪陷房一股上抵竹山下抵保康幸常道憲帶兵尾追初九日至房北鄉之白窩駐紮初十日逆匪齊集團大營時邑紳

勇已成集大營左右是以鎗炮一施賊已披靡十一日賊又往窺大營經官兵奮勇於中紳勇協勦於後賊勢窮促無計回竄放火焚燬文武衙署倉庫城鄉民房灰燼數千家拔隊往竄由化龍堰上達河上竹山常道憲令房勇隨兵往追至亂石營賊由上達河回迎幸官兵馬隊衝殺數十賊圍得解常統領舒副都統兵紮下店子茅坪德叅軍兵紮七里河常憲諭紳士劉元棟等勸捐米石隨營運餉十三日大兵齊進追至竹山賊前隊已破竹山二十五六日賊由竹山轉竄房南由西而東

山焚戮擾及秦口東河官渡等地初六日將軍明亮統
滿漢兵臨汪家河駐軍三日起營追賊去

三年正月川賊首林之華劉成棟等率匪萬餘竄據巫
巴興山城鄖陽知府王正常扎委何光泗總統房西南
鄉勇防堵泗奉委傳齊首領三十營揀選壯丁二千名
扎興房交界烟墩埡糾兵脩卡築土堡營房備礮木鎗
炮三月初四日賊至撲卡鄉勇以礮木撻退初五日攻
如故仍礮撻敗初六日賊奮踴登山木礮齊發斃賊數
百鄉勇鼓勇下山鎗礮齊發戈矛並進追二十里殲斃

無數賊懼是夜遁南漳泗以勇三千而敗萬賊非恃地利人和不能也時協鎮升往雲貴提督適至房府縣謁見時舉何光泗奮勇勦賊屢有戰功稟聞文憲題奏奉旨何光泗賞給五品頂戴泗又具稟知縣秦錫疇首領二十人如張君召等俱詳請七品八品獎叙是年賊首張漢潮高君德顧三聘楊開甲姚之富齊二寡婦等由陝豫亂及襄安約林之華等竄上穀均五月初賊二萬餘竄房西北南三方大肆擄掠六月初將軍明亮等率兵逐之賊奔一竹是年大饑山麥不熟秋霖雨寒甚五穀

不實山民餓李將半

四年春賊自川陝竄及二竹七月涉官渡賊首徐天德
徐明德李恕李貴李朝李長龔竒范興起王廷柱張廷
柱張克成邱寡婦等率匪二萬餘竄房西南十五夕賊
抵城南焚沿觀堰戢家塋數家殺數人城內男禦之賊
下宜陽灣馬欄塘十六日賊焚小西關百餘戶殺良民
數十焚大西關三百餘戶殺人數百十七日焚武生黃
輔國率竹山勇逐進南山房西南東鄉及...六百餘
里無不蹂躪八月總督倭什布遣將德...清源孫

孝全馬禹黃輔國等統兵萬餘沿山會勦九月賊過官渡奔二竹

五年正月賊自川陝二竹及房西會逆首羅半年范人貴范人傑張桂等率匪萬餘亂西北東鄉二月二股賊由二竹竄房西鄉逆首李恕李貫葛文楚糾匪萬餘竄掠西北東鄉三起賊首徐天德徐明德陳天佑等領匪萬餘由二竹竄房三月至西南東等山探馬至西門河四起賊首苟文明魏文通狄大王張四元帥等糾匪萬餘由川陝竄房西北東鄉四月八日賊探馬至北關

高規十二日倭總督兵臨令孫清源明亮恒瑞德楞泰
王文雄等統帶武員百餘大兵數萬戰勦賊奔南漳離
縣境六七月倭督德侯朱協鎮長將軍等由歸州勦賊
八月初逐賊至興保房南九月下旬孫清源明亮二軍
接勦追過官渡河十二月川內賊匪涉官渡竄紅坪鐵
峪上龕三河諸處首逆嚴真高等竄及高塘河前署知
縣金克俊押運軍糧抵秦口遇賊被害賊搶糧竄竹山
又一股賊亂及魏陳坪馬湖嶺得孫清源朱射斗等追
至竹山餘匪竄西南隅

六年正月賊首和大王狄千歲等擾亂房西東南二百里地總督書中堂麟遣將海興阿達允阿等統兵逐竹山去竹山另股賊匪竄入房掠大木廠首逆徐天德徐明德李貴等擾西北東數百里三月長將軍德侯孫總鎮等追之賊奔興保明亮恒瑞等駐竹山辦賊一股遁房楊父河逆首嚴真高郭文楚胡明遠等大亂西南東數百里書中堂遣明亮恒瑞追至洛陽河陰條嶺兵退賊復轉長齡德楞泰孫清源等復追至興山茅麓山勦賊數百賊遁房南四月兵臨道士埡傷賊千餘賊夜逃

尾追至馬家溝誅數百初八日長將軍等大軍至獅子
岩駐行營初九日書中堂疾革是宵薨初十日德侯等
復追賊至官渡銃斃多賊溺水死者二千餘賊奔二竹
明亮恒瑞等追南鄉賊由北河口奔二竹五月巡撫全
保江西九江鎮樊雄楚臨房城旋領兵赴竹山十九日
總督吳熊光臨房城四川提督七十五自川陝來統兵
萬餘收降賊二千餘於六月抵房馳赴房南會孫總鎮
等兵設計沿山夾攻月杪賊奔九道梁七月竄至川境
七提督大兵追剿千餘孫總鎮追賊賊敗轉閬王寺刻

日追下興保界殲賊千餘八月餘賊自房西竄北孫清源等兵追之將軍長齡統兵萬餘由竹臨房北高視追勦北方九月賊自苦水河出揚父河得姬協鎮率兵往捕逐遁二竹竄興安又賊二股自西南一竄秦口一竄東河亂及獐洛河竄鐵峪紅坪得孫清源逐遁北河口又川賊萬餘冲破陰條嶺卡殺傷守卡兵將火焚木城大亂陰峪洛陽諸河無兵往捕其竄獐洛河賊竄及秦口長峪得撫標兵自竹來房城逐敗長峪河賊遁官渡去撫標兵屯房城賊竄牛皮壩及界山塘總鎮孫孝全

兵自竹來房遂界山賊敗奔升河孫鎮率兵追勦又一
股賊踞闔王寺被孫清源兵追竄興山十月賊亂吳家
菴松香坪八卦廟長將軍孫鎮軍分兵逐之奔興山又
股賊竄宋家拐袁杜坪冷盤垭亦合兵逐奔興山十一
月有遊擊某及探花王叅將堯三營兵同扎上龕一碗
泉地賊伏湖溪荒山中初七夜突出劫營遊擊叅將王
探花死之全軍覆歿又大股川賊反出洛陽陰峪大亂
連龍坪接鐵峪紅坪俱無兵往逐時二竹賊亂將軍長
統兵赴房南遇賊於八卦廟戰獲勝報捷奉

旨升補湖北將軍十二月賊竄宋洛河鐵峪河殺擄及東西蒿坪麻灣舉廠搶掠俱無兵將捕逐二十八日孫鎮軍臨官渡得難民報知賊聚北河口過年有上達河監生管榮顯化龍堰武生邢交善施南團長麻光玉等同請孫鎮軍令往捕二十九日下午各領鄉勇夜行七十餘程劫賊營誅幾絕

七年正月鐵峪紅坪上龕紫竹天門壩紅花朶野豬坪瓦窰嶺白玉坪茅莊頭五臺山揚父河俱有流賊攻峒寨總督熊光駐房城調將軍長鎮軍孫各領兵往捕

賊俱遠遁與山東湖川寇首逆苟文聰文明文俊等率
匪竄袁村坪燕麥嶺東蒿坪長率兵追入長方河竄興
山復尾追撫院全保總鎮孫孝全德協鎮王狀元等自
興山逐賊至東湖烏毒河中賊伏官軍大敗盡棄營物
全保移兵回駐房城二月首逆王四猫子率匪自保康
至馬欄塘竄房長兵尾追過青峯至東浪二十二日與
賊戰敗績協鎮遊擊叅將俱陣亡傷馬步兵百餘捨營
馬三十餘匹長兵回房賊勢益猖獗二十五六日擾及
大木廠化口殺人數百賊向官渡竄去孫清源逐賊於

興山又尾追至穀城盛家龕賊奔均州大兵直追賊渡黃龍灘孫清源撤兵上官渡勦賊三月孫清源軍扎官渡探有流匪擾亂褚河十二日大兵夜劫賊營大戮之賊亡衆脫無幾七月太白晝現

八年總督吳熊光分遣副將蔣觀濤樊雄楚赴西南山設卡防禦賊南竄山谷入老林或三百五百向夜突出傷民或擄人爲質索米肉衣履贖放聞兵至便匿深箐無從跟尋遂報賊盡及撤卡賊仍出擾民紛紛稟報督轅熊制軍嚴飭樊蔣限一月報捷因覓土人作線分兵

搜捕殆盡

九年全楚肅清吳制軍凱撤回省垣覆奏告底定焉

武各官升有差

先是安嶽奸民劉之協來楚煽誘諸人夥口授過願咒語按貧富出根基

多少有差又或季出升丹銀多少不等交教首收用去

貧者教首或起之習人者升為小首每夕聚首家誦

經功其起之起上界或成大羅仙次者來生大富貴

等語惑之經首有八大金剛將四大杰地神云云

十年麥半收流民初復業山地荒蕪多未治游勇三五成羣擾民縣官嚴飭保甲緝獲重懲之害稍息

十二年春沉寒麥歉收秋低田熟山地差減

十四年西門水漲發冲場西北城角並冲西關街十數

家堤防毀盡

十五年四月初大雪折樹

十六年大旱傷禾無收歲大饑

十七年六月大水蝻害稼

十八年夏旱四十八日秋雨四十八日大饑

十九年春斗米錢千二百餓殍無算榆皮食盡食觀
土野菜根

二十年冬月地震

二十二年七月二十一日二即岡烈風雨雹禾稼入泥

者周圍數里大木多拔廟宇民房坍塌者十數家

二十四年四月朔日蝕

道光四年大旱六月初一日蝕

七年清明前一日酉刻彗星如盤自東徂西飛騰有聲

五月初十日西鄉汪家河大水出蛟腥臭多日澗阿泛

溢沖沒田廬無算西河水進西門

十一年北鄉大水壞民房田地無算西鄉同

十二年自夏及冬霖雨害稼四山無收麥不下種

十三年春斗米錢千八百餘民相食

十四年春斗米錢千四百至麥熟價漸減秋大熟斗米
錢百八十文自十二年起民間所用俱魚眼鶩眼小錢
至本年五月始汰冬聞雷

十五年大旱平疇減收山地大收五月唐溪溝雷擊大
岩石崩遍地白皮寸許厚融如綿潔白無間色

二十年春彗星見西南方五月初六日訛傳寇至並無
影形居民逃難鄉城俱驚惶逃難後聞下及襄屬上至
川陝十數縣同時皆然

二十二年竹開花死接後七八年各處竹子皆然

二十三年六七月臘生食禾稻葉幾盡

咸豐三年春燕死成堆二月二十二日畢星纏太虛之分
六月霪雨七日夜不止西門河西鄉河水起數丈二十
八日夜有蚊出小河沖壞田廬無算西城牆沖倒一百
餘丈學署東西齋房沖塌殆盡水由學宮進城沖壞城
內民房數十家水井多滿惟十字街井未溢居民驚恐
知縣朱世杰於西門樓祭奠用洪鐘沉水浮去者三水
起十日止

六年六月彗星現西北隅半月隱秋大熟石穀千錢穀

城均州鄖縣歉收逃荒來者絡繹不絕穀價驟長二千
四百文十一月賊自襄鼠房知縣金玉堂帶勇出城堵
禦二十八日城陷十二月大兵會勦追賊奔竹山去事
詳後

七年三月日旁如有日鬪五月蝗害稼八月蝗去九月
有二日如車輪轉六月南鄉麻灣雨雹損禾

附生員曹忠恕咸豐六七年勦賊紀事

房幅員千里地處萬山一經失守勢難猝復考宋元明
初撫集房難歷盡艱辛卽崇禎七年獻賊陷房後餘賊

數營殺傷甚衆首領文生咎安世武生程鵬搏繩金重
俱陣亡有燕爲光泗鄉兵救出是夜賊焚下店街軍馬
舖等處二十二日焚陳家舖化龍堰馬尾秦口獐洛河
等處火烟冲霄直至二竹二十四日光泗勇探知有賊
千餘在百家坪料必出盤峪先率本營鄉勇伏鷄冠石
山峯賊果前行下山勇自後逐之銃打鎗刺斃賊二百
餘獲賊馬匹火藥刀鎗衣物悉賞衆勇九月初一日首
逆羅半年徐天德李恕李貴姚之富齊二寡婦等糾匪
萬餘白川陝豫亂及襄穀均卽旋至房大木廠有燕統

鄉勇十三營屯小羊山堵禦賊登山攻三次不克八抵
暮衆勇返汪家河惟光泗營屯上址北是夜羣賊潛登
山嶺竄下堤坪舖初三辰光泗領本勇伏鳳沉壩山峯
視賊行將盡齊踴下尾追賊數十里擒獲二賊三馬是
日文生劉德紳楊甯元翁華祝率勇二百在大羊山堵
禦遇賊傷勇數十是夜賊營下扎羊峪口上扎茅坪連
接十餘里初四上達河首領胥安俊子榮魁率勇堵禦
漫子山口賊先自口外兩山暗踰殺勇數十安俊父子
陷於圍仍手誅數十賊力竭死之賊據上達河三日搜

下竄保康德叅軍尾追其後常道憲偵實情形撥兵於
七年正月初八仍由房城大道東往駐紮房保交與之
寺坪防賊下竄飭諭金縣集本地熟悉地利之紳勇分
途齊勦委前任九道梁巡檢包福佳帶勇在王家河等
處設水陸各卡以扼其要復委王捕廳樹德帶勇在五
池三座菴等處以遏其衝金縣帶紳勇追勦有就近逢
賊團撲者有力追大隊殺賊者除殺賊數名數十名之
地不計外如松香坪盤水河金斗等地或一仗殺斃數
百或一日勦滅千餘尤爲顯著十二四日賊由南河竄

紅廠南鄉團勇率衆四路夾堵巖蟻埡途遇交鋒斬獲
多人賊敗走十六日各鄉團勇齊集追至金斗坪當道
團率兵堵於前德叅軍領兵追於後殺賊千餘名賊情
急投誠收降二千餘名僅殺城張瞎子帶賊千餘名襲
陽高二先帶潰散續集之賊七百餘名改裝宥遁高賊
由南山小河殺我守卡勇首生員張耿華車世聰勇民
劉元忠等三十餘人繞城南徑過被守城紳勇追殺十
餘名我勇亦傷數十張賊竄往興山襍川賊沿途裹脅
歷遠安荆門至南漳等處查金斗坪投誠之賊他處人

居多房人被脅朝裏夕出甘爲賊役者亦屬寥寥三月
杪復有賊四五百名自穀均復竄房北吊橋金王領勇
千餘抵北鄉龍坪被雨濕盡火藥彼此均傷數十人賊
奔竹山倒流水四月又回竄房北大木廠西鄉羊峪口
茅坪下店子盤浴河等處鄉勇數千協同大木廠一帶
鄉勇堵殺出界鄭縣亦親帶紳勇出界防堵房始得安
其間逾十數月之久或團練防堵或奮力打仗或設卡
以截賊之首或後追以勦賊之尾或捐米以助軍需或
運糧以濟勇餉効力者約數萬人死難者何止千名當

將各項勞績具稟道憲蒙批辦理團練捐製軍器帶勇
殺賊保衛地方足見深明大義殊堪嘉尚候飭地方官
查明勞績分別請獎可也事後緣縣王金已卸篆接任
鄭主未得猝辦其在事出力紳民未免向隅而勲勞自
不可沒因附錄之

八年春蝗生不數日而盡九月雙虹現如弓背相對時
西南有三日一明兩暗相離丈許

十年春蝗生月餘忽有山麻雀無數啄之蝗乃盡六月
十三日大風拔樹雨雹傷禾無害

十一年五月朔日蝕白虹晝現

同治元年七月彗星現西北隅半月隱秋城南華嚴寺境
蝗生十數日寺僧誦經禳之而歿九月杪長髮賊突由
鄭窺房十月十七日遊擊田德明上龕守備曾明達干
總蓋隨領兵一百名往北鄉分水嶺堵禦戰潰傷兵孫
永安朱廷樺等二十餘名賊于二十一日迫入城內三
關東南北三鄉各盤踞十餘里大肆蹂躪殺擄無算約
有十萬之眾四鄉集團以備攻勦賊偵知於二十四日
夜拔營上窺竹山我兵勇六百餘名在東川壘戰失利

傷上龕汎兵十餘名及勇首管忠誠勇丁馬定勇等三十餘名十一月朔日蝕

二年十月十一日夜三更更有紅星大如斗由西南飛至東北後有小星無數隨之忽有霹靂聲從空一震山聲皆鳴俗云天鼓響


三年四月朔日蝕東鄉雨雹七八十里傷麥滅收擊死牛二五月狂風折木雨雹十四日城南甘霞有小河出蛟風雨驟至二更時水勢陡漲冲塌房屋禾苗無收是夜河下吼聲大震有二紅燈順流而下次日天明見數

處山崩地裂

四年正月聞雷五月雨雹自均州起出房東北鄉至西鄉抵竹山數百里傷禾無算六七月鵲死成堆九月重陽雪十月桃花桐花開茅芽生

五年正月雷

又四年六月初七初八日大雨起蛟一由汪家河一由溝一羊子山蛟五条由西鄉汎濫冲淤田地無存出猪藏洞河一由橫水出竹山一由化峪河出化口入漢江



房縣志卷七

祀典 附寺觀

祀國之大事也記有之曰法施於民曰以死勤事曰以勞定國曰能禦大災曰能捍大患非是族也不在祀典房之祀如山川社稷邑厲之壇墼尹黃關費之祠廟崇德報功歷久不廢而其陰庇茲邑素著靈應士人伏臘奔走於其中則琳宮梵宇猶是先王神道設教之遺意烽火之餘僅存遺址亦不容盡沒其名焉志祀典

文廟 詳學

卷七

祀典

關帝廟舊在西關南康熙初年爲郝逆所燬後重修於西門外月城嘉慶元年教匪亂復圯乃移建北門內

城隍廟治東康熙七年邑令田蒸髦重建內有火星廟

文昌閣東關外舊學宮左明嘉靖間知縣夏維甯建石臺高聳傑閣凌霄鳳山翔其前粉水繞其後每春花方泚水清沙白紅翠交映土人呼曰小西湖石臺下開洞門增建三楹撥先農地收租供香火乾隆三十二年知縣黃元俊重修有記出城東里餘越學宮而東有荒基焉斷碑滅沒廢礫歷落相傳古文昌閣在是建自有元傾圮

於明季余過其墟低徊久之歲春丁釋奠諸紳七僉以
建復請因思士苟希跡前哲將舉一十七世之芳躅亦
步亦趨其人斯在蜀山楚嶺峯斷雲連風雨廬中神其
曠我夫甯藉區區車服禮器爲雖然生當

右文之世百廢具興崇正典也復古蹟也且使都人士得
浚濯其心思耳目以展仰止之誠抑又轉移文運之二
大機也吏茲土者與有責焉爰集同寮同志共勸盛舉
他日者石室註經漢臺視草行將於斯役卜之今日慶
落成矣勳力之人贊贊之數皆以千計經始則春二月

告成則冬有一月也諸生請誌於余將勒碑以垂不朽
因爲之綴數言曰七曲文星照臨三楚元祀在茲淹忽
莫覩維靈降鑒式歆茲土以建以復匪今斯古奕奕棟
榱煌煌鐘鼓載瞻載仰廟貌如故躋躋踳踳式歌且舞
牖我房陵千秋俎豆 嘉慶乙丑知縣洪範重修有記
房邑東關有

文昌閣像魁星於樓上毗近舊學宮其始建何時無可考
惟梁間載乾隆丁亥重修由學宮以按閣之方位殊異
形家言不佞嘉慶壬戌總督槐江吳公籌建學宮而

關外之原址弗善也安襄鄖荆道方山王公相度形勢
移建於城內西北隅工成人廟觀之層巒疊嶺四面環
繞而巽峯特出

又昌閣適當其位若昔年建閣有隱與學宮相待者第年
人多圯軍興以來踏籍特甚方山王公語學博李君邇
齊曰曩者巨興作縣令既承之矣以此屬之君可乎李君
唯唯率生員戢有節等驩然趨事逾三月而完好如初
是爲嘉慶九年十二月也明年余署篆來縣李君爲余
道其顛末問記于余余作而言曰諸君子爲此固以妥

神靈亦以振文教也我

是上命將出師蕩平邪慝以人文化成天下故崇祀文昌
與

又廟等誠盛典也按武陵太守星君傳云文昌六星四曰
司命五曰司中六曰司祿而皆統於文昌宮夫天星也
而立神號以祀之蓋欲使吾民知所受之有中以正其
德知所秉之有命以定其志由此是訓是行必有餘慶
則年穀順成福祿爾康不獨陰消其疵厲天札而邪慝
亦化爲善良易文明以止人文也吾知化成之效且蒸

蒸而日上也。以余故喜而爲之記。

龍王廟城西南十五里。澗海堰爲西河。上流水至此澗。洄爲澄潭。舊傳有龍潛焉。初廟成。有巨木逆流而上。唧唧有聲。土人因取以刻神像。靈應最著。元知州張度明知縣胡璧李章俱以禱雨有應。歲時致祭。明洪武初勅封威靈護國老龍大王。乾隆五十九年旱。知縣仇必達往祝。即雨。乃爲文祭之。云防渚迤西。厥有澄潭。其氣深碧。其水蔚藍。神宅茲窟。靈爽昭回。涵濡霖雨。鞭撻風雷。潤蘇槁瘁。灑淡沈災。舉月徂且。蘊隆歆暑。爍石流金。焦卷

禾黍赤子嗷嗷轉相告語蠲吉請命步禱靈池雲騰電
掣靈霽應時窮崦高吧猶未潤滋一越三宵滂沱洋普
盈盈溝塍油油雲樹稼穡花蔥農畷歡舞更有請者自
此徂秋雨暘時若穎粟雲稠餅餌香風廣被山陬靡愛
斯牲用答庥貺神其相余慰吾民望

八蜡廟在治東乾隆年改建於西關

風雲雷雨壇城北

社稷壇城西北

山川壇城南

邑厲壇城北 以上具廢

先農壇城東文昌閣右

尹公廟城西南六里祀周尹吉甫唐咸通中建碑基尚存

明正德十四年知縣胡璧移建東關外嘉靖三十五年

王簿嚴堯黻重修以子伯奇附

蕭公祠一在永豐東一在守禦所西

黃公祠西關外街北祀漢孝子黃香明正德三年照磨賈

建嘉靖間王簿嚴堯黻重修詳古蹟

郝公祠祀明邑令郝景春其子鳴鸞僕陳益俱隨景春殉

難併從祀詳秩官

節孝祠在治西北隅學宮旁知縣施仲鱗重修有記此節
孝祠嘉慶八年前制軍吳大司馬熊光命同學宮移建
者也永宜清閤以妥芳靈迺始則蒙師設館繼而市估
雜居溷厯既久聆聽脫銷丹黝漫漶迥異舊觀櫺扇蠹
朽楹棟欹斜勢將傾圮而春秋祀事因之忽而不舉豈
非司牧與司鐸者之責哉道光二十二年春鱗與兩學
博捐廉修葺重立牌座其未入祀者查補六十餘位又
其中已蒙

旌表或未建坊者有建坊而年深無存者有子孫微末闕陋未能申請者茲悉節錄事實揭於祠之總坊庶潛德幽光不致夷於荒蔓也自後惟期都人士共加查禁毋任居民慢污與官斯土者時爲增飾以隆祀典則於朝廷宏獎人倫維持風化之道當稍有補裨云

愍烈魏母祠在鼓樓西祀知縣魏相臣並計恭人嘉慶年
建道光二十六年署縣王錫疇重葺有碑文愍烈魏母
計恭人者湖北漢陽縣人父計公母蕭氏世爲漢陽望
族恭人美而才苛於擇婿計公歿恭人猶待聘應城明

府甘肅魏公相臣耳其名隨納聘爲繼室琴瑟甚篤生
一女亦明慧有母風乾隆六十年四川白蓮教作亂狼
奔豕突漸及卽房大吏重魏公才調攝房陵恭人母女
俱來房賊忌公名急攻房城恭人相夫守禦每挫賊鋒
賊大恨誓必破房房且破恭人母女皆以死自誓然房
屢破屢完卒不爲死嘉慶元年賊數萬至卽陽官軍連
戰皆敗卽西竹山竹谿保康等縣相繼失守賊乘勝攻
房勢如破竹脅四鄉據三關設長圍以困房城飛走路
絕以縣署近西門而魏公又分守西城於二月二十五

日晡先縱火焚西門城樓立燬巨礮擊西城女牆震烈
礮子所掠屋瓦皆飛又有數賊內應潛登鼓樓鳴鐘擊
鼓大呼城陷城中大震紀綱驚怖倉皇入告恭人告母
若女曰吾輩受國厚恩今日城亡身亡耳結三纒於熙
春樓巖粧拜闕視母女先投已含笑而逝嗚乎烈哉魏
公方殺賊而計音笑至魏公勇氣倍增殺賊益力火光
之中見繡領而索纒者指揮殺賊賊大駭望風而靡魏
公滅火奪礮擒鼓樓賊斬之揭其頭於竿賊大敗長圍
立解三關四鄉皆復是時鄖陽諸縣皆破獨房城得完

房人欽其節義謂恭人輩必蒙褒恤不意大吏人告魏公奉

特旨升大守戴花翎而恭人輩以城存身亡

卹典闕如房人愍其韜晦爲立廟於鼓樓之西祠恭人並祠魏公而顏云額曰愍烈魏母祠蓋傷之也今

呈上二十六年歲次丙午錫麟攝篆房陵往展遺祠則見屋

宇欹斜神牌漫漶欲詢軼事又無碑碣可憑亟爲修葺廟貌添換神牌並狀其事實勒諸貞珉匪敢云顯微闡幽或者異日太史秉筆俯採芻言則陋劣文詞亦庶幾

彤管之一助云爾贊曰大別高高漢水滔滔鍾毓蔡人
女中英豪隨夫魏公作令於房適遇蟻賊衝突披猖夫
戰於外婦餉於內殺賊數千重怒鼠輩賊急攻城火焚
城闔房城之破一髮千鈞訛傳城破恐落賊手全家投
繯如魚貫柳其節彌高其城彌堅天鑒貞魂護之使全
卹典未及房人悲哀特立祠廟敬慰泉臺下士來房欽其
節義修廟立碑遂爲之記文筆雖低節義崇隆千秋彤
史共仰高風道光二十六年冬月

萬壽宮即鐵佛寺有八角琉璃井詳山川康熙四十年議

奉

萬歲牌於內凡遇

朝賀諸慶典文武官於此行禮

水府廟舊在西門外月城今移北關

三官廟西河岍久圯臺基尚存今易為財神樓

諸葛武侯廟城西三十二里昔建軍馬山巔久廢基存

龍門寺城東三里唐咸通元年建今廢碑存徐學謨詩為愛龍門勝因

成碧嶺遊鐘聲與雲合巖翠向人流竹繞仙臺靜花藏梵宇幽况聽鬱樹法頓覺此生浮

溫泉寺城東十五里即湯池寺詳古蹟

大悲寺

東南百五十里

金蓮寺

城東九十里人廢明李二姐修持其中終身不嫁外有石梁三座

白岩寺

城東南百上五台

寶林寺

中五台

昆盧寺

下五台

保堂寺

城東南二百二十里仙人洞

馬進寺

城東北百十里

龍泉寺

城東北八十里成化年建碑有

白馬寺

城東北百十里

系示

卷之二 祀典

七

彌佗寺 東北六十里

惠感寺 西關外明置僧綱司於內

觀音寺 西三十里 在水田坪

一西北三十里傅家溝

廻龍寺 西五十里

道林寺 西二十里

古寶林寺

松柏寺 西三十里

仙宮寺 西四十里 陳搏煉丹處

千佛寺 西七十里

翫月寺 西四十五里 至正年建

佛圖寺

西六十里
至正年建

普陀寺

西六十里

衣鉢寺

未羅寺

西南三百里

秀池寺

西南百里
洪武年建相
師修禪處

龍光寺

城南即盧陵王故宮

淨蓮寺

西南二百里

地藏寺

西南二百里

華嚴寺

南五里一在
南百餘里

祀典

長灘寺

西南百餘里

龍興寺

西北百八十里唐柳宗元岳州聖安寺碑誌無姓和尚居房州龍興寺即此

聖永寺

西北五十里洪武年建在三仙洞

白雲寺

西北百八十里

皇慶寺

西北二十里皇慶年建碑尚存

中峯寺

西北二十里在黃泥池

羅漢寺

西北五十里

子規寺

西北三十五里有望月池會仙橋老龍泉

破岩寺

西北四十里昔誌公僧修道坐禪處有日岩月池鎖鳳橋卧虎岩湘溪嶺等勝景相連有龍泉寺

崖屋寺

城北亂鑽壘亦誌僧坐禪處河內石塔蔚起如蘇

鷄鳴寺

頂生成石盆如碾盤有龍泉三穴遇旱雉鳴和尚得道處

榭溪寺

西北十五里洪武十四年建為習儀所

馬岩寺

西北百里相傳為馬祖道場碑尚存

水陸寺

西北八里

龍坪寺

北六里

萬古寺

北百四十里有黑龍池水黑色晴雨應

雙泉寺

北百二十里有龍泉因名之

停舟寺

北百五里正德年間建

名佛寺又名寶堂寺

城東百一十里在青峯東北田石山石

效神像旁塑十八羅漢尹吉

前像倒坐於右庭有碑誌

張泉寺北五里正德年建

石門寺北十五里

天池寺北百五十里

大理寺北十里

蘭若寺北二十里

清涼寺北百四十里

香花寺西南一百八十里

門古寺

西九里

閻王寺

西南二百四十里

磨磚寺

西北百

祇陀寺

大寺

西四十里

龍泉寺

西四十里

弗睹寺

黃金寺

西八十五里

財神廟

北

紫竹道院

鼓樓旁道士李禮湘建有碑

天后宮

縣前街

黃州廟

遊擊署西

元妙觀

城南

登仙觀

東九里

祖師觀

東九十里青峯街前有古柏後有瓶泉

玉皇觀

東七里明訓導趙時敏柏一北鄉八十里

龍王廟

十字街

大清觀

關西

楊泗廟

有二西門外
一東三里外

三閭書院

外西關

關帝廟

城內東北有二
西關外有二

江西館廟

外西關

青獅廟

城西三里

西嶽廟

西北六里
成化年建

財神廟

外北門

東嶽廟

東七里
遙映城郭為邑勝境
即東泰山廟

馬王廟

西二十
五里

白馬廟

城西五十里上達河市後滾灘村南山巔天順

崇祀廟

間有白馬一夜出害稼村人以爲神建廟祀之
西三十里一作崇貺在房山巔祀費長房崇寧四
年祈雨有應敕賜忠烈顯靈侯每年四月八日縣
祭令致

朝天菴

東八里

古洞菴

西八里

天池菴

南四里

火場菴

西南二百里

福田菴

南四里

青石菴

西七十五里

老君堂

在西關山
陝館左

山陝館

在西關
街北

二郎廟

在西鄉
二即岡

文公祠

有二一在北關
一在西七里河

泰山廟

各保
皆有

紅巖觀

在西鄉
紅巖子

火星廟

在西關街頭
道光時建

聖水觀

在西鄉羊峪口
曆時神像多屬銅鐵鑄
重脩於萬

清司廟

在西鄉十
里戚家山

玉皇廟在西鄉有二三一在胡家

廟子岡在西鄉注

龍王廟在西鄉

龍泉觀在北鄉

大廟在北鄉

白鶴觀在北鄉

財神廟在西鄉

顯聖殿在西鄉

老關廟在西鄉有二一在乾河一在

下店子上蝦蟆石對岸

楊泗廟 鄉間有三 一在軍馬舖 一在北鄉劉家畝 一

望仙觀 在西鄉 龍堰

祖師殿 在西鄉 上達河

朝陽觀 在東北鄉 包家河

烏牛觀 在東北鄉 百三十里

雲彩觀 在北鄉 百二十里

五谷廟 有二 一在西鄉獅子巖 一在北鄉塞草溝口

三教堂 有二 一在北鄉百 一在西鄉百

博磨寺 在南鄉 一百八 十里博磨坪

寺系云

寺觀

寺觀

白塔寺

在北鄉一百二十里重新

古佛寺

在東南鄉一百八十里保康界

石版廟

在西北鄉一百四十里窑坪

香花寺

在西鄉黃栢溝

八卦廟

在南鄉二百里

其各神多有小廟未便悉載

古蹟附墟墓

撫召伯之甘棠樹猶如此弔羊公於峴首人何以堪古
人不可見得見古人遺蹟如見古人焉矧爲帝子王孫
之陵寢與賢人君子之墟坵乎房立國最久而兵燹頻
經遺跡漸歸於湮沒古塚半即於荒殘可嗟嘆哉志古
蹟

永清廢縣東百十里寰宇記本漢房陵縣地周地圖記云
後魏廢帝三年分房陵東境置大汝縣屬光遷國後周
保定二年改曰永清宋併入房陵

汜鄉廢縣在縣南明史

浙川縣在房境舊唐書地理志武德元年遷州置五年廢
昌魏廢縣明史稿在縣西南華陽國志新城郡有綏陽縣
盧陵城省志南關外唐中宗廢為盧陵王遷房州居此久
廢

綏陽故城縣西南百七十里三國魏置縣西魏置綏州晉
武帝太康二年復為縣隋書地理志房陵郡光遷有舊
綏陽州開皇初廢

望北臺盧陵王建嘗登以望長安

玉石城在廬陵王城南反子口東

梳粧臺城南隅相傳中宗后韋氏梳粧於此遺跡猶存有
貞生汪魁儒賦出東門兮春雨霽轉南郊兮香風細有
高臺兮鬱嵯峨青草離離生煙際吁嗟兮此時此地兮
斷隴荒坵何代何人兮花容雲髻未嘗不恨武后與韋
妃而悲神龍之皇帝想其以元貞爲侍中因表爰而獲
罪嗣位者方二三月居房者至十四載既屢遠其遷移
亦幾瀕於危殆夫妻之情雖深母子之禍未悔思天下
其誰歸望長安兮何在且夫帝奚爲降而王周豈可以

滅唐況宗室已盡戮而義旗且紛張斯何時也誠目憐
而神傷倘有心者宜薪卧而膽嘗猶暇怡情燕婉溺志
闔房爲之營臺榭而豔梳粧彼夫銅臺雀躍蘇臺鹿遊
章臺馬走琴臺鳳求行雨之臺夢斷避風之臺仙留又
若淚粧頰濕嘔粧眉愁濃粧酒暈淺粧霞浮鬧掃之粧
競學時世之粧巧投莫不騰荒淫之謗貽喪敗之羞然
皆未如此之放窮谷遠神州備嘗夫艱險而不勝其憂
囚奈何勞民傷財窮奢極慾追結綺之歡效館娃之築
百丈陵興九層版縮璇琢瓊雕欄迴磴複其上也樓觀

翬飛簾牙鳥啄其下也芙蓉池開琵琶亭續其井也黃

琉八角以金鑲其城也白石千條而玉蠹

臺下有蓮花池琵琶亭南

有玉石城北有八角琉璃井

由是人疑仙子境勝蓬萊珠簾星捲寶

鏡月開巧梳蟬髻淡抹魚腮眉間暈柳額上粧梅溫柔

香去脂粉氣來酣歌則桑條百篇而曲麗獻媚則裙笄

五色而雲堆九成不思茅茨之白屋再摘三摘並

忘瓜蔓於黃臺今日者城頽瓦礫苑廢丘墟野塚荒墳

昔年之皇宮紫禁露花風草當時之翠袖輕裾惟縱慾

而無厭故防患之太疎鸚鵡之折翼可振北鷄之司晨

難除睹雙陸而點籌寵三思而不知何以謀毒餅以行
逆較武學更覺甚於然則覩遺蹟之零落能不望古人
而歛歔或曰此望北臺也殊爲近理雖遷謫之難堪尚
瞻依而靡已又曰熙春臺也其意尤美普施恩澤於衆
人不私歡樂於一己信愛親於仁民宜岡聯而岳峙若
夫韋氏之淫兇罪不容於死何用梳粧之高臺稱其名
而留其址使遺臭於此

望花臺縣治東

鍊丹臺城西二十里相傳費長房鍊丹於此仙跡尚存

熙春樓道志在舊州圍按今縣署後室即樓址今廢康熙

閩邑令王璋重修有詩

不識何年圮此樓熙春古地誌房州鳩工正喜乘農隙退食何

妨任宴遊甯謂政通興百廢聊因舊址建三秋南山岬
峙北流繞千里烟雲一望收非因去後漫留名時可啓
樓看耦耕更上一層天地濶為高百尺鳳凰驚屏山入
眼嵐俱翠粉水迴波月映明塵盡俸錢工未竣民間那
復辨官清山郭籠葱集百祥畫樓高殿衛琴堂拂扉莫
厭清風迴入座還聞桂子香霞彩臨軒真錦繡奎星映
壁大文章平畦四野嘉禾秀無限凝眸是歲康雅慕靈
臺不日成無庸山藻費經營取村因地工從簡整舊如
新力亦輕胸鮮拘墟恢眼界心當開拓挹春榮房陵自
此觀瞻聳仁看人文擅楚荆

梅來亭城北二十里古名至喜館輿地紀勝舊名梅來亭

紹興十四年漕使周紹易今名一統志

琵琶亭在梳粧臺東

圍春臺在縣治後圃

忠孝里治內明嘉靖中知縣夏惟甯建以邑有尹黃之忠孝

尹吉甫宅縣南去廬陵王城一里按吉甫或云房陵人或云瀘州人吳學使省欽白華集辨之又爲豐鎬人郡志云南皮平遙皆有吉甫墓然古塚歸然傳聞舊矣康熙中諸生張友奎戴玟以山樹捐入吉甫祠知縣沈用將上其事守道張敏記云余讀詩慨然周之中興蓋內史

尹公之勲居多宣王勵精求治命吉甫北伐獫狁自
伐淮夷命吉甫策程伯休父爲司馬崧高維嶽吉甫所
以頌申伯也天生蒸民吉甫所以頌仲山甫也逮吉甫
征伐有功王命詩人作歌以美之則曰文武吉甫萬邦
爲憲言中興佐命之臣炳炳麟麟集而緯武經文內安外
攘舍吉甫更莫與競頌詩者心竊企慕焉戊辰歲余分
守鄖襄披覽郡志知房爲尹公故里廣輿記所謂吉甫
爲房陵人是也及聞城東有祠墓蓋與余夙昔企慕之
心相孚而是時楚郊多故未暇瞻禮越明年十一月巡

視其地諗諸土人墓在荒烟蔓草中周圍數十里長松古柏謾謾有聲乃有豪強兼併者有仕宦賈其中取財自利者爲歛歛久之邑有先代名賢春露秋霜祇餘一抔尚不克保護之咎歟方急圖申畫界圻封植樹木適郡守衛台常詳稱房令沈用將具詳諸生張友奎戴玟以山樹若干助廣尹公墓地屬余爲文誌不朽噫是又與余夙昔企慕之心相孚而今得以成其志也二生誠可嘉也哉今士大夫平居讀書論世見古名臣良佐焜燿史冊者輒有生不同世之感及掇巍科登仕版誦

誇耀鄉里而先賢遺蹟泯滅畧不加意以視二生何如
耶計尹墓舊界山三百九十一丈五尺今廣八百七十
丈界內樹二千四百九十二株今增四千一百三十三
株總計尹山一千二百六十一丈五尺樹六千八百六
十九株尹公豈必借此以傳不朽第有此山自宜申畫
界圻嚴禁樵牧以慰前賢之靈故亟如所請爲記而刻
石於墓旁

萬壽碑在縣東文昌閣後

四箴碑亭乾隆甲戌冬教諭戴喻讓於明倫堂後掘得方

碑六版刻程子四箴鳳篆龍章為明神宗御筆因建亭

表之繫以詩

明璫寶篆寄荒坵
尋取光芒萬壑秋
碧自浮濱雖脫穎
精靈誰肯便埋頭
野馬塵埃

蕩古坵聖賢元氣凜
千秋至今字字難
磨滅鬼哭聲中

石點頭聚斂賢愚各
幾坵難埋九竅混
茫秋孔門化雨

程門雪趁我摩挲到
白頭莫問名山索
與坵性靈一燦

并高秋四箴守在人
腔子大海中間穩
浪頭

袁天綱遺跡東北百里高塚尚存古木森然

九曲石大石一方上有黃河九曲狀今失其處

朱仲子李園三十六所王逸少荔枝賦房陵縹李宋吳晉

漫錄房陵定山有朱仲子園李尤果賦三十六園朱仲

李是也今房有縹李而朱仲園不知何在矣

三官臺在西關下街嘉慶年賊燬

將臺在西關街南後坪乾隆年臺與教場俱廢作水田按此與梳粧三官爲三臺今無存一說望北熙春園春爲三臺

一龍戲珠城東北泰山廟山盤聚似卧龍西南二即崗山躍來如行龍房城建中似珠形東西二龍對峙若戲故名之

望星石石在十字街中心色青綠膩如玉石頂一白點大如錢圓望之如星又曰白晝可望星乾隆年人盜去易

一微黃色石

三步兩座橋城北門外二石橋恰三弓橋下有流水灌田
俗以三弓為三步故名

銀線穿珠西河水至沿觀堰自城西南角下鑿孔流入城

中出折縱橫各街巷門前俱有長溝流水火災無虞澣

濯最便俱由東門下北門下流出入濠池城形似珠水

穿城而入穿城而出故名汪魁儒有十景詩房城四面

流到處沿城似明珠浮赤野水如銀線貫丹淵兩
看龍戲九曲深洄想蟻穿灌溉功深汲灌便價

十城上

人能節其扇枕一節奉而行之雖推之天下可矣何獨
私於房哉余不揣固陋遂爲之銘曰公官江夏公籍房
州當公之世孰與爲儔孝思不匱厥德垂休何公之藁
禾黍油油風摧古骨雨淚寒邱矜耆惆悵釀金重脩垣
墉赫奕珉石勁迺沿於唐宋元明而盛於今秋天經地
義民之則至今重茲土一抔庶歲奉兮萬古長留儒學
訓導黃懋彤有記房邑風云忠孝里尹吉甫忠於周食
采於房今青峯其故蹟也孝稱漢代黃子諱香字文強
史傳俱列江夏而房城西關固有塋塋前丈餘固有祠

明正德三年照磨賈明建奏入鄉賢春秋崇祀相沿必
非無據其殆籍房而官江夏者歟道光十八年祠宇傾
側知縣劉其淵督工脩理煥然可觀云復整飭墳垣未
果城鄉紳耆等欲繼前脩慮難專理因請於知縣馬晉
圖學博黃懋彤倡首勸捐體我

孝治天下之意重脩黃子墳垣隱以慰幽靈顯以迪民性
將四方觀者孝弟之心油然而生矣余不佞謹叙以爲士
民勸

黃子墓城西三十里相傳唐中宗在房州韋后生子殛葬

穴泛出甃爲方圓兩池覆以紅亭其熱如湯浴之可以

愈疾下流灌田千餘畝秋冬遙望雲霧奔騰青山紅樹

互相掩映出獨石潭與沮水粉水流入漢江

烟幕林梢
霧繞村還

從古寺細尋源春光長駐泉井冷元氣常流水自溫湯
熱如蒸寒覺暖波揚欲拂靜聞喧白雲滿谷粼粼起坭
有乘鸞

玉女軒

教諭戴喻讓修湯池序蓋聞荆楚有沮漳之望庶庸無

灑灑之津自名山與女媧爲隣鍊天已餘石乳勝蹟傳

長房得道縮地乃湧湯池濶其清矣所謂泉香而水冽

與其潔也可以浴德而潔身爲炭爲爐總出化工之手

就深就淺胥探不涸之源斯萬象回春歌爲靈沼四時

氣備銘若新盤光我房陵潤滋卽國者也爾故開山濟

勝會高修禊之亭其奈走電鞭霆倏化屯膏之澤乾隆

年八月起蛟則以山有蟠龍頓令點睛而壁破莫謂地無丹

井不教拭目而鼎新賴濟世宰官齋心哲士大發熱腸

重開煖室闢蠶叢爲活潑潑地使仙津更汨汨乎來將

見霞幙雲綃如登鮫室豈必金鳧玉藻乃羨驪山洗髓

伐毛坎離既濟振衣濯足心跡雙清則臨濠固已神怡

披襟更堪心醉他日問源頭活水逝者如斯眼前卽沂

上春風是之取爾汪魁儒溫泉賦并序天下之溫泉多
矣蘇軾記其八九秦觀稱有十三爾乃皇女池邊胡郎
廟側大甯四穴江乘六泓合婁冬煖而夏涼零陵陰寒
而陽熱出湯門者烏絲如茜在黔峯者紅乳宜茶又若
劍浦洛都匡廬尉氏和州惠渚艾縣雲川貓竹無異於
驪山馬蘭何殊於騶谷既烏投以卽爛何魚出之常遊
灼可焦毛而地偏窟鼠煎能淪卵而山却籬籬或以爲
丹砂或以爲礬石或則言日魄之所伏或又云地氣之
使然列如圖經見於詩賦如此之類不可殫詳房邑江

湖不逼澗溪易渴既作高低之規堰還開大小之溫泉
沙石皆燒疑媼女自天而鍊出雲烟交幕問長房何地
以縮來其功甚宏其利亦溥水經不編其名蹟學士罕
著於篇章嗟乎物之傳不傳固有幸不幸獨此水也哉
爰爲之賦維防渚之東南十五里兮有溫泉路隨溪以
透折兮花夾谷其芳鮮悄尋壑以度嶺兮驚蒸霧而浮
烟望林巒之四合兮指亭閣之雙連爲池爲沼兮或方
或圓藤意疎以洞達兮竹檻曲而鏡穿沙熒熒以鱗滾兮
波鱗鱗而鱗煎詎賜精之霍滴兮疑陰熒之炎輝每

風以興羨兮又將涉而復旋有古寺兮泉之前臨巨壑
兮倚層巖叩雲鐘兮松篁隱散花雨兮梵唄宣明古寶
以清佛性濯八功而淨塵緣何須灌頂之慧露兮澆洗
迷海之金船有高崖兮泉之邊石齶齶兮溜滑滑敲風
磴兮瑤琴響灑烟蘿兮瀑布濺清可伐毛而洗髓兮涼
則震齒而冰咽共一山之所出兮何冷熱之相懸泉之
下兮山有田餘波兮派灌壚壘雜清冷兮漲膏膩循磽
确兮繞隙阡滋生迥異兮取蕪獨先糞不假夫犬豕麋
貍兮皆沃壤蟲自絕乎螟螣蠹賊兮屢豐年不糞

早不氣候常如春日兮景物尤勝於冬天銷融霜雪之

酷烈兮吐吞雲霧之聯娟千林凍兮花方藥百卉靡谷

草正草何炭何爐兮禦寒甯資乎楫楸無衣無褐兮曝

背詎假於黃綿於是觀感沸聽潺湲揚清淺蕩漪漣肌

膚煖洽兮腸胃香煎一沐兮塵垢俱淨再浴兮沈疴頓

痊澡德而洗心兮機潑潑其將活神怡精爽兮體飄飄

而欲仙彼浸水兮女子染藍抑粉水兮夫人調鉛玉河

之石兮無非拱壁仙池之月兮常若滿弦

浸水出王家河染青藍

莫不鍾坤輿之秀異兮昭坎德之幽元而要未若此之

利普三農兮潤嘉禾於好堅功兼百藥兮廣惠澤於靈淵安得廣斯泉爲萬千兮使天下塵埃之盡滌而宿瘴之皆蠲

激澗晴雷

激澗堰兩面石壁夾之樹林陰翳藤蔓交垂

山底有三海眼沮水自小河出口懸流而下衝花激浪

漩入海眼聲如迅雷響振山谷行者緣峭壁石磴間屏

息塞耳不敢瞬目徃徃驚懼欲墜

渠堰縱橫激澗清晴空何自起雷聲懸流

百道山頭響激浪千重海眼鳴巖谷陰生烟霧合蛟龍蟠伏鬼神驚幾人到此能無懼樵客時看窠磴行

宜陽曲水

宜陽灣一名杜家潭卽官潭也水隨山轉首

尾環抱如太極圖每歲丁祭命漁戶大合水圍桃柳迷

溪貓簾競放蓼蘋夾岸鷗艇交飛若夫峻嶺崇山茂林

修竹尤不讓山陰之勝宜陽曲曲水流彎象筆奔流亂

艇任迴環藻魚游泳看無數沙鳥飛鳴意自

西臯早稻 三十六鄉中如激澗長望川盤峪東河白窩

諸處皆多稻田惟城西北高規田多而稻熟獨早米之

精鑿尤異他鄉近年以山空水澁往往旱則不取少陵

云種幸房州熟高規熟則三十六鄉無不熟矣三十一

畦收成最早是臯西二即岡畔雲初罷五將山前日

齊負擔影連村上下築塲聲徧規高低年豐速了官家

魏公
堂喜其蹟

南視晚霞 高視在北而曰西臯所以別於白鷺而為

高視也猶之西門外河謂之南視以沮水出激澗堰自

南而來也嘗登城望二卽岡一帶夕陽返照霞綺橫天

千田之水與河流爭照兩岸桃柳萬家煙火俱在紅光

紫氣中有非圖畫所能盡者南視河流抱郭斜夕陽倒映水明霞晴光激澗雲生

彩瑞氣續紛日炫華遠望灘頭翻錦浪潭疑洞
口泛桃在國城是上觀無裡麗景天開晚更嘉

譙樓卽今鼓樓在縣十字街南明洪武間千戶李信建正

德時千戶計慶復新之周清記房縣居萬山底歷五代

無兵火之患自元以來四方流民爭聚迄國初房境草
寇竊發襄陽衛遣官軍捕之遂留守禦洪武十一年創
置千戶所越明年千戶李信以軍民日衆作息無所警
悟當城之中乃建譙樓歲久傾圮正德戊寅春千戶計
麟復新之徵予記樓廣三間高三丈深如之四顧溪山
環遶欄楹軒豁樓之新與軍政俱新也斯可紀矣蓋譙
者望也謂登高以望故美麗之樓謂之麗譙世傳麗譙
之樓魏武所造畫角三弄曹子建所撰也今角聲之烏
烏者所以警人於昏曉之間使之感悟而有所懲創也

又嘗觀李衛公軍城及野營日出沒時鼓千搥凡三百
三十三槌爲一通鼓音止角聲動角十一聲爲一疊三
鼓而昏明畢角音之數與子建實符今房城重建斯樓
以施軍政以集軍事以出軍伍皆有關於大政豈細故
也哉若時際清平干戈不擾民物阜康登樓攬勝咏歌
乎聖化慶幸遭逢於太平之世不亦美乎時正德十三
年春

國朝乾隆四年知縣鍾夢瀛重脩有詩

我來房邑中幅幘廟
千里萬山重四塞熊

豹狎虎兇懷古稽帝在覺今非昔此地僻人實稀風夜
求治理士樸民亦質顧之良色喜鬼蜮影不滅醜然白

日裏化導慳未能政寬俗易靡畏刑不畏德為政貴何
 以連年值豐稔私幸民可使旱魃忽肆虐焦土憫赤子
 步禱詣龍潭洵靡神不舉引疾緣失政甯願災一已甘
 霖降未遍倒懸庸即起懇切為陳情艱難敢辭累鞍馬
 涉泥塗隴畝習農侶盡瘁不遑息黽勉報聖主作宰首
 賢才高山勤仰止吉甫文武畧清風穆如許黃香步後
 塵忠孝
 傳雙美 十四年知縣李豫脩葺後漸傾圯五十四年知

縣常熙重建增置銅鐘一具大鼓一面
乃為銘曰繫此

名傳鐘離叩叶鯨鏗厥體維空厥聲維宏不窕不竄立

號立橫四時九乳三紀六平考晨諧律振遠音清高懸

百尺用協神經警宵啓曙鞞鞞增吟陵

谷應響聾聵聞驚各垂悠久永鎮山城嘉慶元年逆匪

攻城幾危知縣魏相臣默禱觀音大士佑城獲安塑像

中楹以答神庥後羽士李禮湘居斯閣復募化重脩增

塑三官大帝及呂祖仙像司命神像有廩生劉永祿觀

音閣記

不並樹元年各鄉團勇姓名碑凡十四石

文峯臺在陽日灣街西山若錐立孤峯聳秀舊有亭今廢
封侯臺在陽日灣街東嘉慶時教匪亂德帥駐兵於此封
侯 詔至因名上有黑虎觀

望月臺在陽日灣街西北北望龍山東挹屏峯一水環繞
古寨前橫

龍山晴雪在陽日灣街後背有崎龍寨春時頂上雪凝如
玉晴尤可觀以下俱陽日灣八景

躍鯉噴珠在淨蓮寺前有池曰淨蓮泉曲流入河中從耳一
山狀若魚旁環水田下有小峰站立如珠舊有亭五
金鳳曉日博磨街後山名曰金鳳

古寨霞蒸博磨街東嘉慶時德帥討賊至此結寨名曰湧
軍寨四時常有輕煙靄然曉日蒸之若霞

太極古圖在日灣下兩山環抱一水旋流若太極圖

仙巖半月陽日灣巖若屏立而中空月光射之影若半月
人呼爲仙月洞

滴巖竒穴在樂谿河巖竒峭傍水萬穴雜出苔痕繡綠玲

瓏有致巖水滴石罅中相搏成金石聲夏有瀑布冬有
冰筋景尤奇勝

東屏煙雨在灣街東數十里名曰東屏山方正如屏風四
時景色幻變千狀

靈佛洞在西鄉九道梁東十里許相傳梁武帝訪誌公師
憇此見廟貌壯麗山勢嶽崎題詩石壁今已磨沒洞西
有唐姓者因避亂來此忽見佛像中有紅蛇出人知爲
靈異捐貲補葺乾隆年有遊僧至元來此卓錫焚脩洞
旁路險脩建百步梯以便行人

Handwritten text in the right margin, possibly bleed-through from the reverse side of the page.

Handwritten text on the left margin, possibly bleed-through from the reverse side of the page.

丘墓

虞丹朱墓城北八十里堯子堙西七里河有大塚或曰丹

朱墓

周尹吉甫墓城東九十里青峯碑祠尚存

秦趙王塚城北九里舊志秦伐趙虜其王遷徙房陵卒塋

此後人咏史詩云

趙王一日到房陵國破家亡百恨增魂斷章臺歸不得夜來明月為誰升

與宋之問歌同
一令人隕涕也

漢趙王墓城西百里即宣平侯張敖也

黃香墓城西二里按一統志以為在雲夢又以為在安陸

據祠堂記云文強公客終於房則此爲真墓矣舊有祠
八祀署令賈重脩康熙二年後裔爲安陸同知因督糧
至房復撰記縣令傅六吉勒於石無考道光年知縣馬
晉圖有記予讀史以爲漢孝子黃文強江夏人也及治
房而得於城西里許之近有墓存焉墓前建有祠時郡
人士捐貲重脩沿承確有其據夫人之能有爲於世者
其德行道誼共相推重及沒而異地之人每爭之以爲
已有而况孝行之卓卓者乎嘗攷黃子官於江夏子瓊
繼之豈有本籍而遂官於此者其爲房人無疑也今之

粉河種玉 粉水河即軍馬河在諸葛山下月兒灣蕭何夫

人漬粉處此水下流至顯聖山河口半里許岩邊有深

潭曰官粉水白如銀線與玉石河即大理溝水會於城北沿

岸沙石皆瑩潔如玉無一雜色聚雪流銀春晴桃柳紅

綠交映遊者如行閨苑大理溝中玉石河臨城怡瑤池

壁種向蕭娘粉水波暖浪一條香澤賦晴沙兩岸寶光多春來花柳還和映閨苑瑤池較若何

鳳岡凝秀 鳳凰山即南山與學宮正對昂首登翻勢欲

飛鳴誠靈秀所鍾也周上何年集鳳凰至今岡勢似飛

大皇健翻雲山大小雄冠耀日石低昂巒宮正對鍾靈秀佇見人文聖世昌

龍堰潛靈

費長房投杖化龍處上有祇陀寺峭壁插霄

下有興隆橋長虹駕壑水中有石龍鱗鬣生動似欲劈

波飛去

葛坡誰問長房蹤天外祇陀百丈峯偶過古城

底波濤尚自洶靈跡千秋
留古堰為霖長此濟三農

仙池月滿

池在城西北四十里龍泉寺後山絕頂潑不

溢旱不竭朔晦月影常圓許鶴沙滇南紀程桃源漳江

思南烏江皆有此景

仙家幻景費猜疑月影常圓倒印

盈虧若非寶鏡沉深處豈是驪珠照睡
時此理自來人莫解漳江烏水漫於奇

溫泉霧蒸

大溫泉即城東十五里大湯池水從山麓石

此按明統志俱作太子墓或中宗復位土人遂尊稱爲
太子歟

三王冢寰宇記在房陵縣南有大墳三號三王冢縣北有
趙王冢無碑記皆古老相傳按趙王冢卽趙王遷墓在
今縣西三王冢無考而記又稱上庸縣西有三王冢在
王冢山今訛王家山在竹谿境內縣志又未注有三王
冢一事兩見未知孰是

元房州牧保義卽任道墓在縣西北三十里石山麓漢武
末其裔孫有官至知州提學者悉祔葬於此

曹錦衣墓名安國元季人以祖廕授河南靈寶主簿明洪武二十七年其子肇官錦衣衛親軍指揮僉事先是安國妻唐氏殯於房陵北八里管絃村之祖莊安國厝於漢中府洋縣至是奉旨改葬附此以肇貴贈如其官墓在縣北八里五將山河岸今銘碑尚存


明楊公墓無考

明周天官墓在五葬頭其山五股蜿蜒而來號五龍聚會曹肇墓城北玉石河上小里溝有墓碑書明贈明威將軍錦衣衛親軍指揮使司僉事

曹邦極墓城北二十里杏山嶺碑書明贈武畧將軍

曹邦柱墓城北四十里雲彩山碑書千戶司

曹燭墓在東關奎光閣南碑書明贈武德將軍



房縣志卷八

選舉

自鄉舉里選之法廢變爲科目漢之取士在學校則有明經在郡國則有孝廉賢良茂才然其時鄉里有推舉之公州縣有辟除之選故士脩於鄉與科目同一擢用隋始置進士科唐因之而明經進士尤貴我

朝因前明舊制設文武制科房邑代不乏人宜垂志乘至援例授職軍功封廕皆以廣賢路推錫典者亦不容略焉志選舉

晉薦辟

王遜字邵伯魏興人也舉孝廉爲吏部令史轉殿中將軍屢遷上洛太守私牧牛馬在郡生駒犢者秩滿悉以付官云是郡中所產也轉魏興太守永嘉中詔爲南夷校尉甯州刺史誅豪右不奉法度者數十家征討諸夷俘馘千計獲馬及牛羊數萬餘於是莫不震服威行甯土在州凡十四年卒謚曰壯州人復立遜子堅行州府事詔除堅爲南夷校尉甯州刺史假節陶侃懼堅大甯未表以甯陵太守尹奉爲甯州徵堅

還京師未幾病卒遜弟澄襲其爵歷魏興太守散騎常侍

王堅

遜子見前傳

王澄

遜弟見前傳

明薦辟

李善洪武初舉明經授國學助教歷工部郎中權廬州

茶稅出納明允引年致仕

明進士

況必實永樂辛丑科歷四川京畿道監察御史彈劾不

避權貴有古諍臣風

楊材隆慶辛未科除縣令以循良第一擢戶部主事晉
郎中管通倉糧兩權關稅皆以廉著

劉大受萬厯癸丑科官京畿道監察御史上建儲封藩
諸疏皆人所不敢言者兩膺巡按再差河東晉秩太
僕寺少卿其父燧兄大觀子之益孫應環咸列縉紳
子孫蕃衍

國朝進士

汪朝相一名世椿乾隆辛巳恩科除遂甯令時進

金川朝相歷管燒湯卡打箭爐諸站無遺悟事平薦
卓異以艱歸哀毀咯血尋卒在任凡八載軍政繁促
而民不擾多善政遂人肖像祀之子廩生有燕以軍
功授訓導

明舉人

向學永樂戊子科解元先讀書二郎岡近市諸生凡夜
往來道士伺門見學前二燈厥後僅一燈道士詰學
言爲人書退婚因隱不仕多潛德時人重之

郝敬永樂戊子科任知縣

袁琛永樂辛卯科

楊約永樂丁酉科官廬山令勤明忠亮多理跡秩滿告
歸遂不起

楊儉永樂丙申科

金氣洪永樂丙申科

楊俊永樂丙申科

秦浩永樂丁酉科涇縣知縣

况必甯永樂己亥科見進士

張溥宣德丙午科經魁

張諒宣德丙午科

劉儼宣德丙午科

彭騰霄正統甲子科

楊材嘉靖乙卯科見進士

劉大受萬曆己酉科見進士

張溥萬曆戊午科

向紫垣天啓丁卯科亞元

國朝舉人

汪朝相乾隆己卯科經魁見進士

武舉

謝克綸乾隆戊午科

楊世忠乾隆癸酉科

謝龍恩乾隆甲午科以勦賊功賞守備銜家裕五十無子嘉慶七年吳制憲議遷東關學宮於城內恩願以已產捐脩衆云闔邑公事豈虧一人俟費不足再議恩日以酒食餽監脩者恐荒工也工竣有羨餘恩以實報年餘妾生三子子炳南孫應芳俱入庠

林家興乾隆丁酉科

謝鳳詔乾隆丁酉科揀選衛千總客商州嘉慶二年四

月襄賊竄入韓家河焚掠鳳詔糾鄉勇堵禦被害事

平商州請議卹子鈞輔子雲騎尉補武昌守備

楊奠元乾隆癸卯科

汪以坦嘉慶癸酉科

杜騰輝道光壬辰解元宜都縣千總

胡萬春道光庚子科

劉元瀚咸豐戊午科

胡定安同治甲子科

國朝選拔

高步雲乾隆己酉科直隸州判

高登雲乾隆己酉科松滋縣教諭未赴任

冀定豐嘉慶辛酉科咸甯教諭性樸誠喜成人美教士

有聲擢知縣以親老告終養不仕言行爲學校楷模

高書雲嘉慶辛酉科

車琦嘉慶辛酉科

冀庸徵嘉慶癸酉科號石卿授直隸遵化州判歷署豐

潤玉田縣政績有聲擢大成知縣丁艱復出任福建

永福光澤尤溪等縣恤民愛士頌聲載道年六十三
終永定任所民銜恩刻木主人報功祠楹厝邑外無
力扶回越數年其孫庠生富琮省試罷徒步赴閩措
資負骸骨歸

席慶安嘉慶癸酉科性嗜學寢食俱忘院試鮑學憲評
其文曰在此地無出其右者赴秋闈沒於鄂

陳騰輝道光乙酉科少嗜學暨幟文壇屢薦未售多士
景從沒後門人立碑軍馬嶺教諭司先榜題贊表之
冀麟徵道光丁酉科

吳昶道光己酉科四川酉陽州州判性友愛與弟庠生
詠析居昶多與詠水田七石曰吾爲功名費資多均
分虧吾弟也詠曰兄爲門閭增光弟亦有榮施宜均
分昶卒踐其言

龔明教咸豐辛酉科四川州判

明歲貢生

陳諒嘉定州州判

向善脩武縣知縣

張勉確山縣知縣

馮果吳縣縣丞

陶甯天順間除縣令歷南京戶部員外郎督儲京倉糧

務剔除夙弊清逋欠司農賴之

杜直大昌縣教諭

王彥弼英山縣縣丞

冉林府軍前衛經歷

王价韶州府知事

汪禮永年縣縣丞

徐正永年縣縣丞

楊觀雷州府照磨

宋政真定府照磨

熊敏徵江府經歷

包廣經歷

曾韶浪窳縣訓導

宋良材崇昌縣縣丞

張通吉安府教授

馮昂

廖豐銅梁縣主簿

葉寬

趙芳汝州衛經歷

周鳳翔

戴葵心上饒縣知縣

張揆一作張瑗

趙鼎廣安州州判

曾畿保甯府經歷

徐明鴻臚寺序班

趙時明宜賓縣縣丞

戴鄉廣元縣主簿

張士儼忠州州判

葉嵩正德間任定州判官動循禮法親喪廬墓三載時

以孝子稱之

廖士顯南詔縣知縣

楊宗選舒城縣主簿

戴熠正德間除會川衛經歷考滿改騰驤右衛陞武定

州州同歷沁州牧居官廉明治事勇決晉池州府同

知

廖卿汶縣知縣

彭祺

金旦豐都縣知縣

楊德鄧州訓導

婁軫福建都司經歷

朱大坤德陽縣主簿

董繼嘉興府通判一作樞

邱桂一作樞

鄒宗孔鎮江府教授

楊董壽

李汝鈞

徐鉞歸安縣丞

段珏長壽縣教諭

杜天價

曾問健為縣教諭

金鼎嘉靖間任弋陽訓導升主簿有史才曾脩房志今
不存

葉儒岑溪縣知縣

趙偉重慶府通判

張孟孝常熟縣縣丞

計瞻健為縣知縣

郭應明舊志作應時

曾禮舊志作曾旭

鄒璉

常宏高縣訓導

趙時敏嘉靖間除漢陽訓導親喪去任嘉靖二十二年間

咸稱其孝

邢吉開縣訓導

張廷弼甯國府訓導

江東

趙价歐甯縣主簿

楊英襄陽府教授

洪榮梁山縣訓導

柴策訓導

廖任節

趙時用

余尙志開縣知縣

徐繼芳瀘州府同知

戴損萬縣縣丞

趙世需安陽縣訓導

饒華白水縣訓導

徐維城濟陽縣訓導

劉遂慈和縣教諭

計畧

戴景星萬曆間任保甯通判性孝友一門媼睦課弟景

文景福俱登仕籍

黃朱正教諭

邢九臯

戴景文鶴慶府通判

趙邦忻教諭

黃朱芾麟遊縣教諭

袁士奇訓導

戴景福訓導

李成龍訓導

傅邁訓導

趙邦悅訓導

孫一景

劉澤上饒訓導

劉應選崇禎時府學

趙儲萬曆時縣學

明例貢生

劉玉廣德州同

劉潮

金權

管宗元瀘州州判

楊爾名

魏一鳴興安州同

劉大觀澠池知縣

楊爾知

吳廷訓崇禎九年捐米犒軍

劉之坤

國朝順治年貢

唐昌徹訓導

劉之益濰縣令

張聖翼崇陽訓導

管輝普

邱聖學

替渙

劉應環訓導

康熙年貢

許嘉言濟陽令

吳士毅

汪若海襄陽訓導

馬之驤

任必宏

任必亮

徐士顯嘉禾訓導

任存心

戢世禎興山訓導

毛秉仁

車鳴鸞甯遠訓導

魏應坦縣丞

毛凌雲

許元淳黃梅縣訓導

李發榮

張憲

晏之斌

吳登泮

梅廷盈

湯世英

孫之麟

閔顏麟

陳俊

邵暹

鄒思孔

劉錫瓊

王鍾萃

張元祚

汪達

恩
何麟文江直隸縣教諭

李發英

劉之昂

雍正年貢

戴華纓

鄧瑗

張坦廢

熊兆周

史載一

熊鏡

陳璋

戴一元

鄒正宗

乾隆年貢

胡之坦

王瓚

魏永崇

冠 陸燾

程發軔

曾希孔

張煦武昌縣訓導

曹宗仁

歐陽振詩

張五美

劉子剛

謝克純

梅友蘭

任聖緯宜都縣訓導

楊世爵

趙景暉

楊世相

陳正國 有傳

王以祿 有傳

邵志述

方集六

恩 梅正澤

任聖綜

謝克經

阮隆韜

邵用極

毛翰儒 有傳

向殿元

毛彬儒

楊世名

彭世忠

毛魁儒

恩 李發羣

張泗澗 有傳

甯起龍 有傳

汪魁儒 有傳

恩 彭志楷 有傳

邱方泰 有傳 嘉慶時 給七品軍功

嘉慶年貢

盧秉乾 有傳

梅開林 有傳

鄒國治

盧秉全

熊楚元

吳立權

郭建郎 有傳

杜作霖

許于壁

雷英賢 有傳

張書藝

杜作梅

戢有紳 有傳

劉玉瓏

劉定恢

張泗浴 有傳

陸廷玉

鄧純宗

汪千潭

程夢肩

張鴻紳

有傳

許汝屏

有傳

高凌雲

倪如元

袁士驤

汪世槐

有傳

道光年貢

劉永祿

有傳

王懷詡

趙登元

陸廷文

胡學文

任臺極

劉大芹

孫傳遠

劉汝葵

甯爐中

周大年

有傳

楊錫貴

張文瑩襄陽縣訓導

高景堃

李星壽

王萬里

饒學諒

張鴻儒

戡有校

郭寅平

彭文運

陳百行

劉元文

鄔正榮

楊學輝

王作賓

咸豐年貢

朱華國

恩 宋隆遇

任成璠

雷春應

羅萬象

項聯奎 有傳

黃道遵 有傳

魏光輝

恩 周潤

鄔成林

李承蓮 有傳詳忠孝

楊映遠

高鳳翔

同治年貢

恩 戴中道

恩 任鴻鑿

趙岫如

馮國楹

孝廉方正

蔡卜昌例貢同治甲子

例貢

謝法言

金 璣

朱發蓉廩生肄業國子監

朱發琴

林家

曾文沂

袁紀

曾學閔

趙國華廩生署黃州教授

許自脩

蔡卜昌

彭商賢

趙運昌

解恭元

賀榮貴

施先澤

趙國錦

張鴻鈞

劉秀章

張永攀

張澤廩生

譚鴻勳

張聯芳

趙炳庚

劉明昇

彭華國

張頡雲

庠生

孔昭廉

趙運芳

增生

張登爵

譚長森

譚長慶

金紹古

庠生

杜振鵬

金殿元

徐心畬

張維心

陳光炳

儲春照

黃正達

吳定邦

王懋烈

曾傳道

周興讓

王盈科

李春甲

李士成

戴元勳

傅崇賢

王國正

馮明魁

賈鳳標

吳永禎

晏希賢

明職官

廖 讓鹽提舉司吏目

徐 高蜀府工正

楊 雄蜀州驛丞

戴 悌成都大使

劉 秀南雄驛丞

秦泰之巡檢

杜 宗清遠縣丞

趙時和都事

黃鵠雲南驛丞

徐經廣州府倉官

劉德海遞運大使

趙永齡中江典史

高大舉富順典史

鄧昌新都典史

高時珍北直衛倉經歷

曾管成都衛知事

金岳萬曆時任德化典史疏錢法置市集民稱便

徐應璋中江典史

尹繼祖襄府典膳

劉璋襄府典膳

趙時敏高郵衛知事

趙時琛京衛經歷

曹安國祖廕靈寶主簿

曹肇錦衣衛指揮僉事

曹邦柱千戶

袁金千戶

方輿記 卷六
袁 彬金子襲職

國朝職官

楊先芳廕生康熙時四川雲陽縣知縣

汪瓊玉東阿縣典史

汪朝相原名世椿乾隆時進士任四川遂甯縣知縣
任聖緯乾隆歲貢宜都縣訓導

張 煦武昌訓導

高步雲拔貢任直隸磁州州判署威縣知縣
注有燕廩生由軍功任光化縣訓導

林省身生員由軍功任福建甌甯縣丞

徐成章原名觀化監生由軍功授安徽霍邱縣知縣署
鳳陽府正陽關通判

冀定豐拔貢咸甯縣教諭

陳輔光廩生軍功五品頂戴藍翎福建高泉司巡檢

宋清晏吏員八品頂戴浙江慶元縣典史

符榮顯軍功五品頂戴歷任甘肅蘭州雲南雲龍州吏

目

劉德紳廩生軍功由安陸縣訓導歷遷安徽靈璧縣知

縣署鳳陽府正陽關通判

邢嘉善附生軍功四川劔門縣驛丞

朱映暹廩生通城縣訓導

劉錫齡原名元相監生安徽宿松縣丞升鳳臺縣知縣

軍功候補知府

袁輝廷監生刑部主事

劉元齡附貢翰林院待詔

何光泗生員嘉慶時軍功選某縣知縣未任

許扶坤生員嘉慶時軍功選授浙江竹橋司巡檢

龔 洪拔貢福建永定知縣

劉元之廩生福建縣丞署海澄仙遊等縣知縣

劉元良監生歷任廣東龍門縣浙江東陽縣典史

趙國華廩生署黃州府教授

袁士喆監生浙江山陰縣丞

丁芳蘭監生四川屏山縣巡檢升富順縣縣丞

劉宗祁監生福建巡檢署海澄縣典史同治三年賊竄

漳州府全家殉難

張文瑩歲貢襄陽縣訓導

吳昶拔貢四川酉陽州州判

丁盛禧生員四川候補府經歷

李承蓮歲貢候補訓導

張鴻猷廩生枝江縣教諭

丁家福附生軍功五品頂戴藍翎安徽巡檢署鳳臺縣

典史

劉宗翰軍功五品頂戴藍翎安徽候補縣丞

冀明教拔貢四川候補州判

丁家杞四川彭水縣典史

朱瓊英貴州石阡府經歷

丁家興州同以縣丞分發江蘇

解中和候選知縣

吳國棟候選巡檢

張必超安徽候選巡檢

彭鏡蓉廩生候選訓導

陳鴻藻附生候選州判

丁耀南候選府經歷

劉傳勳候選縣丞

汪立鏞廩生隨營四川籌辦軍務保舉知縣

胡錫銓附生隨營四川籌辦軍務保舉縣丞

劉向閣童生隨營陝甘籌辦軍務保舉縣丞

職銜

徐崇隆州同

劉志孔生員鹽大使

樊希儒從九品

汪世榮從九品

何光陵從九品

劉志學從九品

邱錦琳從九品

林正身從九品

陳文藻生員中書科中書

張頴雲附貢縣丞

陳逢春光祿寺署正

陳世芳縣丞

王懋勳中書科中書

吳敦義州同

李自用從九品

尚 德從九品

李士珍國子監典簿

徐建鰲國子監典簿

譚文藻翰林院待詔

彭鴻飛翰林院待詔

孔昭代翰林院待詔

劉化蘭翰林院待詔

張永材翰林院孔目

賀榮華州同

朱燦然州同

晏敦仁州同

朱元遂州判

彭廷瑞附生鹽大使

賀開泰縣丞

吳國瑞縣丞

朱鼎縣丞

曾蘭亭縣丞

武職

楊桂芳世襲屢遷江西南昌叅將其父正泰陝西人官副將繼取邑西翁氏女泰升總兵陣亡翁氏攜幼子桂芳先芳奔房遂家焉

張鳳翔康熙初年由房行伍以功任光化縣守備又屢建功勳游擢山東濟南府遊擊後升叅將因老未任致仕

劉名缺
乾隆時任福建守備

王見吉均房營把總

馬一新均房營守備

任一勝均房營守備

劉文藩鄖協標把總

饒正裕把總以軍功升千總

曹奇勝竹谿守備

毛羽滿武生以軍功授把總未任陣亡

劉作樞以軍功授把總未任

張去紀軍功外委

王天廷均房營把總

張士林任均房營額外外委

衡觀海行營外委

劉向堯行營外委

黃國用軍功外委

楊 遂本營後司把總

楊占魁本營前司把總

謝鈞輔世襲雲騎尉任武昌守備署黃州協

謝國榮由行伍任廣東遊擊陣亡

戚宗珩任把總陣亡

方集二
羅有武行伍藍翎提標中營千總

羅有珍行伍鎮標前營把總

曾自榮武生由行伍任衛昌營守備

邢交善武生由軍功任上津千總

胡忠孝行伍鄭鎮左營把總

任成周五品軍功任穀城縣把總

王大魁行伍武昌守備

羅經德鎮標右營千總咸豐二年十二月省城陣亡

羅經魁行伍任荆門營潛江城守把總

汪利富行伍任上津千總

萬青選行伍鎮標把總

伍志學行伍竹山協標守備陣亡

蔡安仁行伍任竹谿把總

楊榮貴行伍任竹谿把總

王桐軍功任襄陽府樊城守備

朱得全世襲恩騎尉任冷盤堽千總

丁化南江西鉛山衛守禦所千總

杜騰輝道光辛卯科解元任武昌府守備

九
余崇坤行伍由軍功升湖廣督標遊擊署武昌城守營
參將

譚子達武生行伍四品頂戴任鄖西千總

楊連升行伍署竹山都司

曾名耀行伍任把總

譚應祥候補都司

杜占魁老籍河南行伍任保康把總

黃長林行伍任保康千總陣亡

謝鴻鈞世襲雲騎尉署九道梁千總

任文魁行伍署冷盤堦千總

况以德行伍任竹谿把總

黃光漢候選千總

丁家壽軍功五品候選守備

職銜

晏敦禮衛守備

陳九疇營千總

薛安邦營千總

胡有章營千總

張鴻林營千總

明封贈

李清以子善贈奉議大夫

曹安國以子肇贈明威將軍

曹肇封明威將軍

曹太贈武畧將軍

曹炯贈武畧將軍

曹邦柱封武畧將軍

曹啓贈明威將軍

曹燮贈明威將軍

曹邦極贈明威將軍

况名缺以子必寧贈奉直大夫

戴孟治以子熠贈孺林郎

楊 薰以子材封承德郎

劉 遂歲貢教諭以子大受贈中憲大夫

國朝

汪志道武生以子朝相封文林郎

高必明以子步雲封修職郎

冀德合以子定豐贈文林郎

徐崇榮以子成章封宣德郎

劉志鐸以孫元瀚贈武德騎尉

劉志學從九以子德紳封文林郎

丁朝柱以孫化南贈武德佐騎尉

丁以德監生以子化南封武德佐騎尉

劉德全監生以子錫齡贈宣德郎

杜如松以子騰輝封武德佐騎尉

丁百朋優增生以子芳蘭封登仕郎

潘道心庠生以子子達封武德佐騎尉

杜占魁軍功保舉累擢至叅將並加副將銜

雷明揚軍功保舉擢至山東副將

雷顯揚軍功保舉都司銜

孫萬年武生保舉候選千總

杜均弼文生軍功六品銜

任學乾軍功保舉外委加都司銜

伍祿義勇保舉四品頂戴

許宗義生員保舉訓導

房縣志卷九

人物

昔班孟堅志物產珍異獨歸重於人材蓋天地間惟人
爲貴人生於世姑美楊翹謹身篤行盡其所以爲人之
道則地亦因之而勝矣房山峩峩沮水洋洋靈秀鍾毓
詎無足以增輝茲土者十室之邑必有忠信矧里稱忠
孝士多善良巖阿棲隱逸之流耆壽表

熙朝之瑞可不標而出之乎志人物

周尹吉甫房陵人宣王時食采於房詩人爲之賦六月卒

葬房之青峯山四川通志吉甫瀘州人宋慶元間陳帥
損之建穆清祠於城內祀吉甫以其子伯奇配明州人
太府少卿許沆爲記王象之輿地碑目採之成化中州
牧邢幹重脩水經注江陽縣枕帶雙流揚雄琴清英曰
尹吉甫子伯奇至孝後母譖之自投江中衣苔帶藻忽
夢見水仙賜其美藥思惟養親揚聲悲歌船人聞而學
之吉甫聞船人之聲疑似伯奇援琴作子安之操按江
陽今瀘州揚雄蜀人其叙入江陽必有據也自明統志
以爲房人志因之且載有墓瀘東南濱江有伯牙渡岸

側爲撫琴臺其歸子山卽吉甫故里太師祖墓壘壘而
吉甫墓無考或食采於房其後卒遂葬於房歟文傳南
皮平遙皆有尹墓

尹伯竒吉甫子天性至孝後母寵已子而惡之譖於甫曰
竒每戲予甫不信曰汝陷吾兒母曰君溺子而踈妾也
吾欲噉之恐辱君甫曰必吾親見母曰彼肯對君挑予
哉可隔壁窺之母取蜂去毒置於身竒恐毒母進而撥
蜂母大呼甫窺見欲殺竒夢竒母哀救甫曰據爾養母
爾宜死據爾生母爾不宜死遂刺竒衣履而逐之竒編

水荷而衣採蓮花而食清朝履霜而自哀作履霜操張
子厚曰勇於從而順令者伯奇也今邑設廟令祠於吉
甫祠之左匾其堂曰父忠子孝

史記漢侯者年表王奉光家居房陵以女妻宣帝立爲皇
后故封千五百戶爲邛城侯史載奉光生時夜見光明
照室聞者以爲當大貴後果封侯

國朝

忠勇

楊正泰陝西人弱冠有膽識能左右射明年賊起正泰圍

義勇三百餘人所向勦滅遠近賴之順治初從戎屢建
奇功授施南營副將陞總兵娶邑翁氏女遂家焉長子
桂芳以世襲應南昌參將次先芳任雲陽令今子孫蕃
衍多以武科顯

監生丁超嘉慶元年賊圍城超糾鄉約下文虎等守其村
祁遵古等督義勇三百餘人赴城突圍入守賊偵知忿
甚率衆攻之超力竭自刎文虎等皆戰歿其家老幼男
婦俱遇害時武生雷子賦以拒賊被圍死之武生鄧浩
儒民人田傑偕子玉華罵賊被害武生趙殿臣謝子魁

民人劉建學謝之。敖梁登雲借子國安國甯亦不屈死。傳章朱寬嘉慶元年賊圍城章與寬隨官兵禦城西南隅中鎗傷死。黨林黨君珍黨儒山黨廷選等集鄉勇四百餘人救援至城南爲賊害時四鄉義旗並舉或守隘或追勦其戰歿於二郎岡高規關泰山廟者有賀曾元等三十九人老渡口有張治文等五人南潭杜家川有許令香等十一人青峯嶺有程世英等六十四人七里溝李二姐溝有宋國良等十九人茨坪羅溪龍洞黑山有龔允德等二十人竹山對寺河有張興國等五人保康

受陽坪有莊宗義等十六人喇吧洞有郭懷禮等十三人其傷後死者有胡西禮等三十三人自丁超以下均詳請卹賞

饒正裕字寬厚毛羽滿字印科俱武生正裕爲人慷慨好義有膽畧羽滿氣宇軒爽負血性二生者同城同學交相得也嘉慶丙辰春賊圍城二生與城守圍解追擒逆首制軍錄其功均予把總職後正裕從將軍勦三里坪以功加千總銜丁巳七月賊由川竄入房二生率衆勇往禦途遇賊鄉勇驚潰二生陷賊中衝突久之殺賊如

麻已賊蟻聚二生不能支遂被害維時有六品銜劉作
樞文生李榮發王守身武生張鳴穀劉源武童艾輝林
外委張鴻紀散之勉吏書王相貴客民湯先鄉耆楊春
盛程學忠吳起萬與營弁張士林等均以殺賊被戕其
在下店盤浴河白土堰長嶺等處遇賊傷亡者有文生
管安世車琮張御世楊高枝武生胡學海繩金重程朋
岡郭世英義勇許崇儒管安文等俱詳請議卹

東鄉黨君彩張士吉嘉慶元年練勇勦賊七年賊至錦雞
坪二人率勇七里扁不意賊分三支上山截勇三股大

敗士吉緣巖走君彩被擒罵賊不屈賊碎其屍

東鄉但珍魁梧有力嘉慶元年練勇守城賊退隨官兵進
勦屢勝多著勞蹟總督畢沅伯爵景安加賞守備銜

東鄉解維經嘉慶元年練勇至溜石板溝遇賊衝失利傷
死多人維經率餘眾赴城守禦知縣魏相臣有維經援
城序碑古者兵寓於農謂其三時務農一時講武而後
緩急可恃誠以衣食足而禮讓興負耒而來者皆可荷
戈而往以今觀之何必然蓋向使教養未裕有勇或不
知方雖日與談步伐止齊一旦有事求其親上死長也

難矣房陵嘉慶元年賊匪蜂起其四境之焚掠將盡老
幼之逃亡過半洵不忍目覩城中兵不滿百而賊之圍
環攻打者十有八日維時隣邑失守東有光遷西有上
庸獨房孤守其中危如累卵月之二十四日忽有鄉勇
三十餘人從東南冒險而來問其首則解維經也始猶
未敢遽信越數日果招其團三百餘人又至矣未幾而
丁壯借來矣城中遂恃以不恐嗟乎當其日夜攻圍城
不矢守者幾希卒之危以安亂以治果何如而得於
民歟後之覽者亦可以想其致茲之有由矣是爲記

嘉慶元年遭匪逼城幾瀕於危知縣魏相臣率士民登陴

守禦越十八日始得解圍事平所有軍功詳請議叙者

如廩生胡慎脩張泗泌俱七品張璵璠劉定恢俱八品生員

邢觀則七品何光泗七品保舉知縣陳善望八品武生莊士彥胡萬

甯胡壽康郝璉七品程光泗五品吏員鄒凌閣鄧九鵬俱九品

練長王永清李成志蔡榮俱五品陳洪昇賈克龍孫維仁

余思仁王廷俱六品何金八品李德九品補營外委客民顧福生李

成梁宗芝芳董士品武生高星曙武童高德曜俱八品其

餘四鄉團練俱列名義勇碑

南鄉杜如松剛勇渾厚嘉慶元年教匪圍城極力防守三
月與賊戰傷賊十餘知縣魏相臣獎以義勇可嘉次子
騰輝道光壬辰科武解元平崇陽亂授宜都都司三子
增輝庠生

南鄉王士廉嘉慶元年教匪猖獗廉督勇擊賊大軍至爲
鄉導親冒矢石孫帥給以頂戴不受年七十七終

戢玊嘉慶元年率家人避難溜石坡砦與城中相望爲犄
角勢賊莫敢窺越十數日賊四集團城玊子時頻族孫
有濩率勇數百救援圍解知縣魏相臣嘉之諭入城捍

原稿缺

原
稿
缺

不屈賊搜獲有告白違教匪狀詞梟首裂肢破腹而亡
武生雷子英嘉慶元年二月往勸教匪歸正激匪砍傷分
屍八年學政茹葵獎以忠勇可嘉

西鄉生員管榮華嘉慶元年教匪圍城華帶勇救城知縣
魏相臣給以義勇可嘉德侯保舉六品軍功以縣承用
貢生張泗泌嘉慶元年賊亂率勇救城凡疑難公事當事
者每造訪焉六年總督書麟駐房上設禦防堵撫恤難
民十條嘉之保舉知縣旋派委馳赴西山探賊至羊父
河遇害臨危罵不絕口知府李某弔聯云向義情殷空

洒一腔熱血同仇念切竟成千載芳名

武生曹輔國嘉慶元年教匪起國領勇勦賊數年賞六品軍功不就八年入武庠

南鄉武生車載經嘉慶元年率勇護城接隨官兵赴宜且等處勦賊立功上憲賞六品軍功其孫世驄庠生成豐七年正月十九日賊由南山小河衝出驄領勇堵卡兜潰驄死之王天喜劉元忠同時遇害經曾孫崇德咸豐五年出師孝感德安克復後總督官保藍翎以儘先補用總補用十一年八月在黃州巴河陣亡

廩生汪有燕嘉慶元年二月白蓮教圍城公推燕爲西鄉
總團首練以收城燕慷慨多智法令森嚴勇衆莫敢不
服三月初二遣勇首文生劉德紳廩生袁士驥等帶勇
二百辦糧劉家畝適遇賊匪十人先行辦糧擄殺九賊
一賊遁逃初三卯刻燕勇抵劉家畝辰初教匪數千排
列張家灣河邊鄉勇列陣相恃武生胡萬寧帶趾北勇
數百蜂擁而來武生劉金張老六帶盤峪勇數百自汪
基屯山上鼓噪而下鄉勇一見勇力百倍一戰而賊潰
至七里河殺傷無算初七四鄉紳勇會集破西關殺賊

殆盡而城圍解矣七月十二燕在盤峪敗陣九月初一
堵禦小羊子山三年舉家避難鄖城後以軍功授光化
訓導

生員何光泗有才幹多智謀自救城後歷年奉各大憲調
遣領各保鄉勇四處防堵追勦多著勞勩事平奏聞授
某縣知縣未任先卒

武生邢交善救城後隨營効力以軍功授千總

監生管榮顯父安俊兄榮魁陣亡顯領勇以軍功授吏目
廩生劉德紳二年總羊峪口等保團首同事廩生袁士驥

生員翁華祝等練勇附近堵勦紳以軍功厯遷知縣

庠生車載遠嘉慶元年領南鄉勇戰賊潰死者多人遠父

子四人投水死其妻田氏亦自縊儒學鍾榮國銘其墓

詩書作階禮義為府慷慨激烈習與性成忠信明決素
所稱許時事不可為冀將性命補節義凜然臨難無苟
而後而今爰得我所

方克忠嘉慶元年練勇追賊至南潭賊勢蜂擁親斃二十

六賊力不支遇害事聞賜以義勇可嘉大昭忠祠孫武

庠六合

徐明揚安徽籍乾隆時來房西鄉麥浪坪置產力耕為人

人物

公正鄉里重之嘉慶元年團勇勦賊千餘將軍明亮獎
給六品職銜銀牌數事五年川匪徐天德竄房揚率勇
追賊陷伏中被擒剖腹實草以飼馬詳請得 卹典
趙登岸嘉慶元年匪入西關抗逆不從被害

庠生汪學海嘉慶元年賊竄東鄉練勇戰潰負子逃被擄
賊居其家覓酒數甕破蜂籠取蜜調酒飲蜂繞屋鳴騶
聚千萬逐賊毒噬賊以火燎之愈多賊沿山逃海乘勢
勦殺甚衆由是名大噪賊不敢犯

轟之虎兄弟五人俱精技擊術教匪至率勇設卡賊犯不

克結營於對山意圖環攻虎知其無去志兄弟率精壯
夜劫賊營賊遁附近百餘里皆賴保全焉

庠生林家福嘉慶元年罵賊遇害其子增生省身復讀書
勦賊屢立戰功總督畢奏准給世襲武騎尉省身補授
福建甌寧縣縣丞

庠生林顯身嘉慶元年罵賊不屈被戕

武生張永超嘉慶元年從汪有燕勦賊偵探賊踪遇賊超
揮刀冲殺衆寡不敵賊中有壯士從賊背後殺出向超
大呼子衝其前我敵其後可出旣出詢之乃賊脅從欲

逃者恒帥賜名長春賞超六品軍功不受後入庠

生員袁夢花性剛烈誓殺賊武士楊夢元強勇有力元年九月初三夢花夢元駐羊峪口團局議勦率勇往羊子山堵禦賊至不覺俱遇害

張鏜積學未遇家貧以舌代耕嘉慶四年教匪至東鄉馬家河鏜督勇力戰負傷被擒不屈罵賊而亡肢膚摧殘雙目睽睽路旁鄉人憫之葬於尹公墓右

生員許宗義咸豐六年朱令諭義勸捐助餉冬月杪衣履窳房北鄉武生孫萬年許宗徽胡聯元文生鄧

鈞弼監生傅逢商文章楊宗賢等練勇隨知縣金堵御
大竹扒以兵勇單潰匪竄距房城七年正月匪由竹山
被大兵追逃房南山宋家拐義同第宗海宗剛楊發泰
郭建烈郭立成朱大朱二等奮勇殺賊首火星命救出
裏脅者一名

武生孫萬年大兵到投効常統領攻打頭隊城月十二營
親領數十兵戰賊於濫石窖萬年被賊執多賊蜂擁而
至常屢殺被圍得馬兵殺起圍解萬年後投効督標保
以千總用

監生劉汝荃練勇投効常憲以兵勇多未收七年三月十
二帶勇追賊至吊橋打仗劉永豐永志死之

舒脩德脩魁白需人王良忠包家河人咸豐六年賊至
脅不屈俱被戕

查光富爲南鄉牌長咸豐六年禦賊捐軀碎其屍

武舉胡萬春咸豐七年練勇於松香坪陽日灣與賊屢
賊屢敗潰

陳學文等咸豐七年賊窺金斛坪文練勇數百以扼其左
之山壘賊不敢左向

生員張映華咸豐七年正月十九領勇設卡小河口賊衝
卡殺華偕勇劉元忠王忠信等

生員陳正烈咸豐七年賊至教場烈執柄呼勇殺賊遇害
吳紹友業礮炮七年正月守城賊由城缺入殺之一賊旋
逃吳呼伴然毬擊之賊扑以柄擊斃囊裏銀兩縣役奪
之剥衣得雙龍抱柱呵服子知爲賊首及吳見知縣金
大賞之

義勇况以金咸豐七年正月十七賊至教場打仗陣亡

勇首楊春林七年正月領勇教場打仗勇張鴻發吳良柱

袁開陶周開印陳清品朱書進李有才陣亡又帶勇至
金斗坪追勦三月追賊至吊橋失利與勇傅元魏登高
王登朱書禮尚與無名勇二同時陣亡

義勇王懷信咸豐七年三月隨知縣金赴吊橋勦賊陣亡
世職與王明咸豐七年帶勇至金斗夜劫賊營賊覺殺勇
熊家興彭位李開印余士發余喜後王明赴大營投効

西鄉勇首武生郭永年陳德川楊映林任成鐸郭長青鄧

有功陳元愷龍海瑞從九袁時恕袁時顯武童劉宗謨
劉宗先郭德著宋國弼等咸豐七年三月領勇千餘赴
羊子山馬驚洞等處堵剿賊窺竹山

同治元年七月川賊曹避時窺竹山房令慶諭四鄉紳保
練勇東南北近城鄉勇入城同遊擊田所調兩汛兵守
城間旬守禦器械無不全備因經費不給始撤西鄉勇
全赴竹山界防堵

生員鄧敬修武生郭光釗民人宋德簡鄉保胡強等同治
元年七月領稟家河獅子巖門古寺等處募勇數百赴竹

山界防堵

生員劉元棟武生郭永年等元年七月領勇抵下店子會
任家富生員何翹材武生陳元愷茅坪武生任成鐸郭
長青廩生宋承濂盤峪武生龍海瑞朱炳南湯峪武生
張上林汪以坤軍馬廩生任鴻整生員吳崇光化龍堰
生員任成錦劉鴻量東川堡武童高顯揚根麥堰武生
張自剛戚大成上達河生員咎廷貴武童李成都等所
帶之勇一連三日約會萬餘之衆因乏口糧不能遠堵
會議團聚各保不散賊若入境互相救援賊不敢入

南鄉龔之棟同治元年賊亂倡首練勇勇未集賊至力殺數賊賊大隊至被害

南鄉郭開舉同治元年見賊擄男婦十餘率子各執農器擊退諸賊力救十餘人身帶微傷後遇衆無德色

南鄉楊楚志同治元年賊至被擄楚志詭降一賊監行時見賊衆遠奔賊刀殺賊後効力大營屢建戰功獲保舉東鄉盧朝棟同治元年賊至被擒不降罵賊被害

西街貢生李承蓮監生楚揚子也教讀爲業同治元年設教西鄉化口接父就養十月聞賊信急請人昇父入砦

蓮至若見父未至旋察父踪賊至被擄不屈死父揚聞
知尋歿

鄖縣廩生黃玉魁移居房北鄉同治元年賊至母病難移
席不忍離被害

西鄉李如興事孀母譚氏孝同治元年賊至母病危不忍
離被擄常憶母而泣賊殺之

西衙湯哲池父柩在堂哀服守柩不忍避難賊至迫之從
不應被殺

生龔澧性淳樸同治元年賊至被擄不屈賊以刀割之

罵愈厲同擄者勸之降淫曰吾父兄均受 國恩豈肯
降賊耶賊殺之去數日其子庠生明常覓得其尸猶勃
勃有生氣

傅得成北鄉堯蘭溝人同治元年十月十九日髮賊至境
得成手執長鎗與二賊戰斃賊一羣賊齊至圍攻被戕
戈學然妻杜氏元年十月二十髮賊至夫婦逃出遇賊以
矛刺氏氏奪矛學然抱賊氏抽賊腰刀殺之

勇首符心誠同治元年十月二十四髮賊入境帶勇數百
竭力堵禦東川堡會賊打仗與勇宋兆鄰謝國貴吳啟

祥吳啟泰何世昌汪倫漢葉同一王懷朝周開禮鄒元
龍宋興貴謝盛魁孟光浩葉倫一葉長一全明儒陳志
德楊逢讓李安玉胥廷元楊君輝覃永祖馬定勇同時
陣亡二十四人先是二十三日訛傳賊匪四百一十三
上達河東川堡獅子巖練勇千餘適會遊擊田云誠衆
人皆不信生員胥廷貴武童李成都胥廷選胥心等
帶勇六百抵房山廟會生員朱炳南籌糧不及回駐東
川堡不知髮逆十萬之衆時慶田兵勇到未齊心誠等
已被害

道光以後陣亡兵丁

兵丁湯得祿劉維常袁天喜陳有得石玉得五名出師湖南於道光十二年在洋泉街陣亡

兵丁洪得勝黃金榜張大金傅興發王春榮張大有胡士筠劉子華吳道宏蕭有榮張世秀萬學富姚九齡田世泰陳宏啟黃銀貴賴宏義黃得勝十八名於咸豐元年出師粵西在永安州陣亡

兵丁趙永得胡明祿李學魁楊茂魁羅永昌杜如槐袁宗哲傅正魁李自元宋興成王加鳳劉魁興王以得殷連

陞十四名於咸豐二年出師粵西在湖南永安州陣亡
兵丁曾有文汪國成林啟恩劉得陞杜春華鄒永昌鄭國
倫謝金魁馬應瑞廖元壽楊冠金張復魁楊林得陳得
功林啟秀李士金何玉友劉得勝方得順劉蘭芳王廷
芳朱光宗王登科王登岸曾益友許宗化謝鈞耀劉長
春何玉魁吳茂清楊光平黃金印裴林興朱聯魁劉全
勝宦金玉賀萬泰楊得勝劉添祥杜克良甘世清陳玉
陞散吉祥李得魁石高陞萬添才賈忠選王得鳳楊發
清閣朝得譚國珍盧占魁趙得全楊朝富李宗義陳正

陞楊萬發萬億興張文清張尚元王加陞黃加陞梁發
榜于成剛李從寬戡宗乾六十六名於咸豐三年出師
粵西在黃州廣濟縣田家鎮陣亡

兵丁宋曰友邢連陞王永立余慶楊永得李復興楊朝舉
吳紹魁左光榮朱得陞吳道全高崇陞王廷璋薛廷有
任家喜馮占魁盧明道張國樑謝文斌陳志清徐輝廷
楊發武邱萬才黃玉興孫榮貴余宗魁劉元芳戡宗良
張開榜二十九名於咸豐四年出師粵西在黃梅黃崗
雲夢縣陣亡

兵丁趙克信馮順林張大魁朱光照戴一貴謝榮貴高興
榮車種德董銀昌張得先朱發貴李福星王宗榮高忠
和王添信麻正陞蕭長林李興壽雷有全羅魁元魏高
陞何永有嚴得勝左永成張萬勝蹇興義徐文舉蔡長
林尙朝陳興發王添信陳有得姚添德方大學白有才
戢有義三十六名於咸豐五年出師在武昌江夏長江
犇陣亡

兵丁朱廷璋王永得許自有羅安邦余士喜祁三貴唐書
元武生廖發科裴永勝盧登榜楊世才郭占年劉永年

程加泰祁高陞劉希陞計高陞劉得勝吳全恒汪興發
孫永安聞得陞鍾永得孟傳宗饒朝澤李青茂朱得有
李魁元袁得貴楊先順曾明貴姚添順戢希坦李光陞
三十四名於同治元年出師赴鄖在分水嶺桃園陣亡
兵丁饒立富廖從正劉宏正於咸豐二年因公赴省遇賊

殉難

營書郭家忠於同治元年因公在房遇賊殉難

原稿缺

房煤誌

原稿缺

墓如儀

東鄉黃金山黃姓承繼子服勞奉養倍於親生善排解重
然諾鄉人服之年八十終子武生道吉孫庠生河清廩
生河源

西鄉武生孫全剛軀體壯偉武技嫻熟以孀母在堂朝夕
奉事不忍離事事必遵母命終身不肯鄉試道光時爲
母請旌

北鄉錢之璜事親孝雖造次不廢定省嘗直義地脩橋梁
捨藥材衣物並無德色鄉稱善人焉子五均孝友一如

父風三子鳴玉入庠

西鄉李永祿道光十八年母病割股肉飼之得愈其子祖
文同治四年母病亦割股療之愈

西關醫學許自順道光時父母病不愈順俱割股啖之愈
四子宗讓入庠

西鄉張昌明十六歲時母王氏病重割股奉母啖之得愈
明現年七十四尙健

北關楊登才咸豐六年母病百藥不效割肝和藥飲之病
愈知縣金玉堂給文疆遺愛匾值襄匪入境金縣題詩

有千戈影裏見禎祥之句

西鄉劉宗誥十五歲咸豐九年父監生元策病不愈割

股啖之得愈

北關楊天相咸豐十一年母李氏病不愈割肝啖之愈

知縣吳瑛給至誠格天匾并獎以詩割肝療母恙純孝
迂麻祥摯愛鍾同繫精誠聚

一鄉後先堪媲美今昔其流
香遺俗由來舊非關宰治良

南鄉監生張維新母病誓長齋禱之母聞不樂廢食新問

故母曰茹素果有靈乎恐流於邪教嘉慶時教匪亦如

此被惑汝開齋吾即愈新如命母病亦旋瘥

萬廷獻溫水河萬和玉之子年十五歲祖母劉氏八十餘
歲疾篤服藥罔效獻剖股煎湯以進劉病立愈

北關李廣道十三歲同治元年母危割胸取肝以療之父
覺救之而母病愈知縣慶明給孝表黃童匾

西鄉劉成林同治二年母病不愈割肝啖之愈知縣李楨
獎以孝行可嘉匾

北街吳家珩家貧同治三年春父乾遠人病秋繼母嚴氏
病俱割股啖之愈

西鄉葉元英十九歲同治二年母咎氏病割肝療疾愈知

縣廖玉麟賞以錢米

補遺

喻國華化龍堰窮民母李氏年七十八歲同治五年八月二十四日患疾沉重華籲禱割肝和藥進之卽愈

善行

王元龍邑市人饒於貲喜施予營卒某負元龍三百餘金不賞元龍亦不索尋合他券盡焚之家落然其施粥捨衣捐棺脩橋惜字紙點夜燈諸善事四十餘年如一日知縣鍾夢瀛張宏映俱獎曰實力行善元龍初乏嗣晚舉二子長庠生蘭亦敦厚時已貧甚庠生彭中立巨室也獨與締姻而周卹之曰此善人後也同時庠生管資賢子學周亦以樂施聞至今子孫蕃衍多膠庠士

朱瑟利親亡兄欲析產和推與兄自居積而兄漸消乏和

量爲分給兄不以爲足也一日醉持刃往索和笑迎之
仍厚貺歸未幾兄破額鳴之官繫和於獄及鞠族鄰媿
媿言之兄坐誣官爲撲之和叩頭曰兄年衰不任刑願
代伏地泣不起官義釋之遂爲兄弟如初後和年九十
子二孫瑄庠生五世同堂當事請

旌賜帛肉如例匾曰錫慶衍齡

南街李成梁嘉慶元年賊匪圍城梁首倡輸金爲守城經
費人効之知縣魏相臣賞軍功不受年八十六終長子
歲貢星壽曾孫庠生傳新

武生劉建彩嘉慶十七年院試武童彭澤芝射弓馳學政

鮑桂星命借弓復射同列弗與彩最後借之射畢鮑問

二人相知否俱對不知鮑云射以觀德二人俱應取

庠生車瑗生子武庠世遊家饒嘉慶甲戌春大飢知縣何

巡鄉勸賑瑗父子欣然捐米二百石活貧民甚眾父子

俱七十餘終知縣何以詩美之甲戌歲之春貧民嗟星

即售待價欲居奇鮮食那可奏激堰與白土土田稱沃

厚中有車秀才先疇食德舊既使復好義樹德闡里素

父為倡於前子即步其後盡出其贏餘按戶給口授窮

農給籽種餓芋予粟豆古道獨照人張生言豈謬予嘗

論各鄉分多潤鄰右吾民不受飢我

三不示

卷二

勿忘亭

二

武庠曹輔國善辨解貿易北關息事安人筭積息事稟六十餘張兄育萬衣衿被褫賣產復之貧無怨嘉慶十八年大饑國貸錢賑子忠恕忠信俱入庠學政茹荼旌以忠義之門

吳貴襄陽人身體魁梧有義氣乾隆年由行伍征苗積銀概濟同伍屢有功授房把總遂家焉後升千總俸滿致仕年八十餘終親見五世同堂學師贈以看到元孫匾額子士元現年七十七歲元之子容德孫三國棟國黻國瑞俱職員曾孫九元孫一亦五代同堂梅隱居士贈

以五代合齡匾

西關楊保元家祿宅心仁厚賑貸急困不吝金資嘉慶十九年荒歉捐穀平糶尤重於待師禮節優厚其地佃有逾三代而不增其租稞不摘其田以遵祖命而不忘遺訓焉

南鄉王士廉乾隆時人幼貧父母早故弟廉愛之最篤嘉慶間教匪猖獗督勇擊賊勝之大軍至復爲鄉導親冒矢石孫帥給以頂戴不受年七十有七卒

耆老鄔泰篤孝友兄弟析居四第某爲營兵營王命贖銀

三百兩辦公中途失限逃去嘉慶時兵制憲駐房適第
回家罪擬立決母日夜泣泰謀求當路周旋貸銀如數
墊賄得免其平日好義樂施事不能殫述于正榮孫成
霖俱歲貢曾孫鴻善庠生

賀君德邑監生篤友于事孀母孝道光時歲饑倡義賑之
知縣錢喬雲贈以誼敦任恤

貢生袁紀家富慷慨好義道光五年輸金脩西河堤七年
重脩鄖郡考棚棹橙今賴焉又脩校士館買北鄉義地
葬無歸者十三年大饑出穀賑饑不足又稟請知縣劉

建勲願以已產契約爲質買常平倉穀平糶濟民劉邦
質出倉穀二千餘石減價以售全活甚衆途有拋棄嬰
孩令人收至家覓乳婦哺之愚來春荒買菜子十餘石
撒各姓田待菜生以充民飢劉縣旌之年八十五終子
孫有出仕者詳選舉

西鄉可道遠武庠進發進全國學益魁庠生益彩職員大
輝業儒愈芳五代同堂人丁百餘口道光丁未學政龍
啟瑞賜以

聖朝人瑞匾額

冀明倫道光十三年歲大凶見有鸞妻於過客者夫婦相
持哭倫惻然贖還之後病將斃謂其子富璜曰汝勿悲
吾今爲其官去也

廩生余時曜秉性仁厚尤敬師友其所授業師某事之如
父母諸事非義不爲

南鄉義僕王啟瑞明末闖賊亂其主許調羹調鼎俱殉難
鼎遺孤必達甫三歲王背負赴中州事平始歸里爲環
妻晏氏葺廬耕種生七子一廩生四庠生

陳善全性樸厚與酒肆陳某結契頻年積負全錢三十餘

千某不能償病囑姪曰吾負全多矣歿後汝當設法償之其侄措資述叔語全曰叔何欠於我姪曰叔言猶在耳無辭全曰債已楚病中語不可聽眾哂之

庠生陳百齡品優學邃教徒善誘遇貧而質敏者不責脩金故門下多知名爲祖母杜氏苦節請

旌建坊入祠督脩校士館秉公咸服之

北鄉廩生曹良材年二十八失偶人勸復娶材曰業有二子何娶焉且幸妻亡而吾存不幸吾亡而妻存必將望吾妻爲節婦吾豈不能爲義夫哉終不娶

增生劉德遊西鄉人性慤直設教鄉黨有貧不能讀書者
不責脩金且設法饒其家並助貲應試以此成就多人
子歲貢元文孫文庠宗彝武庠宗延

西鄉雷耀先學未成業賈生一女適但卽廩生芹芳母也
先中年喪偶不再娶自恨德薄敬惜字紙戒殺放生刻
善書勸人至老不懈年七十終

北鄉庠生孫履中與其兄全志分居多年兄盡將田典出
中見兄無聊售已田以贖兄田兄歿姪賴以活命中子
文緒入庠

徐賢棟父早卒祖監生啟玖妾余氏生大耕玖病革囑棟
汝少孤丁單汝叔成立可以相助但年穉須汝教養汝
係嫡孫他日分產某產給伊母子俾免飢寒足矣棟泣
曰教養吾分內事分產不必慮孫自有以對我祖也玖
歿棟待余無稍忽爲大耕聘師完娶捐貢邀親族檢點
約契勻分祖業

東鄉廩生常敦五以木瓜河田地山場價值五百餘金捐
輸校士館爲歲脩之資

東鄉李翁知庠生永年之祖樸誠尙義娶劉氏逾年舉子

監生逢春又逾年劉卒時年二十三人爭妻之翁謂有子承祧再娶胡爲終身不續娶

北鄉孫文英務農勤業弟兄六人獨敦孝友子明善尤和睦鄉鄰不預外事

生員謝炳南與異母兄析居立契南曰兄多疾吾入學費貲多願以分內水田二斗讓兄兄不肯南曰不肯卽不分陳百齡曰吾與人分家多矣但見有爭未聞有讓

房邑山中殷實富戶皆潛德弗耀不輕入城遇有公事必造門勸輸而山路難行咸視爲畏途焉咸豐三年軍興

以來徵餉孔亟公事繁冗邑紳衿解中和龔承勳歷奉
邑令諭勸助餉捐職辦團脩城等事前赴各鄉登門激
勸不憚崎嶇任勞任怨凡經理局務從未用火食薪水
銀錢一切並不沾染分毫前令李植嘉其亟公好義
增生劉景星居西鄉黃龍山性端方排解里黨服之子監
生中文有父風咸豐三年六月暴雨出蛟地裂舉家陷
死三十餘口惟文得免

西鄉監生陳世常家饒尚儉積餘貲以脩廟建橋施寒衣
脩險路不吝惜咸豐六年襄匪窺房道憲常統領勦賊

其子附貢文藻鴻藻輸米四百石隨營助餉師撤而止
年八十四終長孫瓊輝入庠次揚輝職員曾孫就營干
總職

西鄉庠生陳潤藻性好義咸豐六年除日有佃戶袁發科
貧甚絕糧待母而哭藻聞惻然給貲營飯遂致小康藻
沒科不忘其德逢節祭其墓焉

西鄉監生徐宣化性淑美豐儀嚴正有度謹色戒多隱德
妻李氏生子兆昌入庠曾曰妾年五十無再索三索望
欲廣嗣緒非納妾不可宣曰卿美意姑俟有自川逃荒

婦攜女秀李買之見宣曰女莊雅可伴君今夕爲君掃
榻宣曰勿遽擇吉招親友曰女穉甚地佃子某年貌相
若可爲偶助以粧奩遂爲夫婦歲豐六年避難白龍洞
被賊繞洞薰死者數十家三百餘人僅存宣化父子孫
三人一孫被擄未幾亦歸

增生譚存德宅心仁厚孝事繼母繼母生道心錦魁俱入
庠皆德教誨成之也鄉黨有事極力排解數十年里稱
仁焉

余崇坤督標遊擊署武昌城守叅將同治丁卯科捐金置

房宇二所爲赴文武鄉試公寓並備一切薪水五十餘
人均荷其惠闔省士類咸高其義

文學

王以祿貢生有宿學教授生徒多知名士居城中從不人公門年七十臨終語家人曰門外有驢從來迎予爲鄆陽府城隍遂沐浴更衣而逝

毛瀚儒貢生與彬儒學生面貌如一雖家人莫能分伯仲均宿學爲一邑望人稱爲花萼同輝

陳正國貢生性嗜學窮年下帷有文譽者試屢薦未售生平矩步方型不入縣署門

邱方泰貢生性恬靜能終日坐學術根抵六經尤工詩其

詠七夕有句云千年會合千年好一度相逢一度秋從
遊者甚衆壽八十有六終

汪魁儒貢生號和園生有夙慧妙齡入庠靡書不讀爲
邑博學士文章詩賦膾炙人口書法挺秀氣擅四體有
廻文詩行世教授生徒多成就鄉評重之知縣張敬仇
必達先後命魁儒纂脩邑志探古撫今不憚摻討惜未
付刊今據爲粉本壽六十有餘卒

盧秉乾貢生家富饒以教育爲樂事從遊者不責脩金園
蔬薪木不吝取與年七十二終

密起龍貢生嗜學不厭作文苦心孤詣夏夏獨造獨居卽
瞑目背誦書卷爲人教誨子弟實心不倦

梅開林貢生學行兼優教人以孝弟爲先文藝次之士林
推重

彭志楫貢生胸有積學望重鄉評年八十嬰疾與家人訂
預備喪具及期延親友酌酒而逝

郭建鄖貢生髫年嗜學穎悟過人屢試冠軍文章本六經
爲房道學目瞽猶口授生徒不倦

汪世槐貢生有逸才俯視一切潛心經史爲人排解不煩

言立辯子孫相繼讀書有出仕者

雷英賢貢生工文藝善教誨設教一生八十餘歲終

哉有紳南鄉貢生聰穎嗜讀書作俱佳性孝友母年八十餘歲寢褥溷污雖寒夜必與妻劉氏至寢躬親易之母九十餘終葬後餘賞商議嫂姪以二弟貧悉給之閉戶教讀數十年不預外事年七十六終子希岱入武庠

張泗浴貢生學業深邃善誘生徒教讀於二郎廟者數十年

張鴻紳貢生學問粹深品行端方設教南山多年一方感

化文藝日興

袁士驥貢生品學兼優書外無事不苟取與家貧極若不
知者教書一生年八十餘無疾而終

許汝屏貢生學問淵博心性純謹授徒房竹兩邑多士競
從家貧敦孝友兄弟五人析居後父母養葬一身任之
年七十三終

劉永祿貢生穎悟過人才藝適衆弱冠食餼試輒冠軍繚
業鹿門書院道憲王方山器重之謂有翰苑之才而憾
其不學道光壬午入北闈已擬中式因疾作未入三場

試官惜之

周大年貢生人品出眾教讀半生嘗奉邑令劉諭勸捐貲
創建校士館重脩書院任勞任怨在所不辭子潤貢生
孫應棠廩生

項聯奎貢生廉謹力學屢薦未售孝事孀母教讀一生年
九十一終

黃道邊貢生立品端方學問純正事繼母孝待人以謙每
食必先祀祖嘗刻印孝經行世教徒極嚴成名者不數
干預外事一鄉凜然稱師範焉

廩生宋開甲貢生汪魁儒門人甲遊幕陝西嘗寄貲題詩
爲師壽魁儒答詩云聞得春來又抱疴情深容易惹愁
多以君瀟洒還如此似我痴騃可若何客子星霜詩裏
債故鄉花月夢中魔鴉堂況是棲鸞地靜掃塵氛養大

和

廩生胡慎脩詩才敏捷赴省試有遊黃鶴樓詩信步登臨
擁月樓三湘七澤望中收蛇駝鐵佛輕插尾龜戴金沙
猛出頭鸚鵡喚回千載夢胭脂點破一腔愁是誰能解
梅花曲攜手提壺頂上遊

生員何簡文性醇篤嗜學以家居多喧乃鑿田爲池中構
一楹讀書其間另造小艇傳餐適午日家人餉以角黍
並蔗糖一盂文以角黍濡墨食之人咸笑其痴久之學
業精通文藝優長縣官學博交重之舉爲定山書院院
長

廩生席之鑑勤敏嗜學髫年入庠試輒冠軍甲申李學憲
評其文曰是得力於天崇諸大家者及門林立屢試省
闈未售多士惜之

枝江教諭優廩生張鴻猷品學兼優屢薦未售同

赴優貢試已擇尤考取因額滿被遺

學憲賈嘉其

品勵行給予志潔行芳匾額札飭學官遵行註冊

2000元

2000元

5

2000元

耆壽

陳佑福任縣東百四十里順治年人耕田數畝自奉勤苦積餘貲補葺山路險道以便人行壽至一百零三歲今士人名其地曰老人坪

曾天盛百有一歲子三科年八十餘終世力農業

侯選鹽大使庠生劉志孔年九十九四子長監生德馨二監生德蘭四從九德庸長孫增生元和

庠生劉志達年九十六二子德均德秀俱年七十餘三孫庠生元品五孫庠生元佐曾孫庠生宗賢

王大周一百八歲世篤農業孫文庠澤遠武庠傳佐

監生趙登第年九十三繼妻傅氏年九十五終第居家儉
教子嚴長子庠生國相年七十一時小事未稟命猶罰
跪責之相年八十四終

五品軍功李成志嘉慶時從總督倭什有額侯德侯征剿
教匪積有戰功因忤當事未補缺以馬兵終年九十五
南鄉莊宗延性忠厚年九十三終

冀德合樸厚濫和年九十二終子三監生兆豐拔貢定豐
附貢成豐孫曾相繼選拔見選舉

南鄉孔傳先渾厚公正年九十終

生員劉志松年八十八長子監生德芳三子德官年八十

七終

貢生袁士曠八十五歲安貧守分教讀五十餘年妻雷氏
年八十七二子長庠生潛脩七十五歲娶許氏年八十
次庠生潛福年八十娶龍氏年八十七

從九劉志學年八十九子知縣德紳次武庠德脩三增生
德波四監生德綸

增生劉志義年八十六子庠生德超孫元愷元三俱庠生

李國甯剛直好義七子八孫四十餘口和樂且耽孫潤輝
增輝俱入庠年八十二終

任之廣年八十餘終子貢生臺極教讀數十年八十二歲
終次孫貢生成璠

郭登藻妻劉氏夫婦俱八十餘歲長子庠生世鐸次武生
世泰三貢生寅平

劉志朝年八十終孫庠生元掄元仕

鄧明德現年九十家教極嚴子國文國華孫鄧琳林選俱

入庠

貢生邱方泰年八十六終

貢生雷英賢年八十四終

貢生項聯奎年九十一終

廩生胡慎脩年八十二終

廩貢朱發蓉年八十三終子廩生訓導映暹

例貢袁紀年八十四終

增生高羣英年八十八終

儒士胡夢凰訓蒙一生年九十一終

生員程勉中年九十七終

力渠三九
一
者老孫 貴年八十九歲

武生任藹極年八十終

監生李楚揚年八十二終

監生陳世常年八十四終

生員袁太和年八十終

生員袁全福年八十子時泰孫發興曾孫志高元孫學道

五代同堂

王錫齡年八十一

袁崇先年八十三終

鄧有德年八十八終子庠生雲閣

戢有科年八十終孫四長監生宗珩次武生宗璉四武生

宗琳

吳繼功年百有一歲終

劉德馥年九十一終長子武生元培年七十一次子元藎

年八十終

劉元魁勤儉謹慎年八十五終子監生宗佑孫從九向傳
生員周啟宇東身自愛義方教讀二子正榮慕蓮俱入庠

年八十五終

生員楊學純年八十四終餘詳孝行

增生趙國文年八十終子監生鴻紳孫附貢運芳次孫庠

生聯芳

劉元吉積學未售年八十一終一子廩生宗正

李國森年八十二終

彭自福年八十六終

彭宗儒年八十二終

王書年八十三終孫庠生維才

王成年八十四終

王德時年九十七終

鄒俊龍年九十終

傅有紀年八十六終

計士睿年八十二終

武生計士義年八十二終

武生計士儒年八十終

任之煥年八十七終

任萬春年八十四終

李同春年八十五終

方東元
卷十
任成芳年八十一終

何溥年八十六終

南街李自立現年八十四歲

貢生李星壽現年八十四歲

楊繼正現年八十五歲

趙脩理現年八十二子貢生岫如

毛楚耀現年八十三歲

丁超羣現年八十歲

何光發現年九十歲

丁書友現年八十二歲

武生王迎道現年八十二歲

任開勛現年八十四歲

生員任開桃現年八十一歲

秦學經現年九十三歲

袁崇舉現年八十八歲

劉夢登現年八十三歲

林美身現年八十八歲

許汝琰現年八十二歲

劉汝筆現年八十三歲

劉江筆現年八十二歲

劉濤筆現年八十歲

毛公位現年八十四歲

車世連現年八十六歲

許自立現年九十子庠生宗傳

陳 壁現年八十六孫庠生懷章

耆老汪自新現年八十五子三長純仁孫六長若鴻曾孫

五長有庚元孫一思孔五世同堂

明朝女壽

劉唐氏生員劉維翰妻翰故氏撫孤子又撫孤孫喜做功德事年九十終

張趙氏張通妻年九十四終餘詳節畧

國朝女壽

車李氏車蘭妻年八十終餘詳節畧

劉段氏貢生劉子剛繼妻年九十四終前妻六子長庠生志達年八十三次鹽大使志孔年八十一三志聰四志敏五庠生志文俱年七十餘六庠生志松年六十八葬

力舉二八
祭之日一堂白髮鄉黨奇之

劉楊氏劉子明妻五代同堂年九十九終事詳節畧

車許氏廩生車之法妻年八十九終以下五名詳節畧

張毛氏張鎮妻年九十六終

劉郝氏劉志善妻年八十二終

宋任氏宋大美妻年九十三終

劉張氏劉志儵妻年八十一終

朱劉氏朱名缺妻五代同堂子生員之女孫生員發孫曾

孫映昇元孫錫疇奉文旌獎

子幾得道恨於此不成如何長房辭歸翁與一竹杖曰

騎此任所之則自至矣既至可以投杖葛陂中也

漢書
註陂

在新蔡
縣西北

又授一符以此王地上鬼神長房乘杖須臾來

歸自謂去家旬日而已十餘年矣即以杖投陂顧視則

龍也按明統志長房事載汝甯府省志載房縣西長望

川上化龍壇卽投杖化龍處也房山廟卽祀長房

宋王元謨字彥龜太原祁人也爲雍州刺史民間譌言元

謨欲反時柳元景當權元景弟僧景爲新城太守以元

景之勢制令南陽順陽上庸新城諸郡並兵討元謨元

謨令內外晏然以解衆惑馳啟孝武具陳本末帝知其
虛馳遣王書吳喜公撫慰之又答曰梁山風塵初不介
意君臣之際適足相保聊復爲笑伸卿眉頭元謨性嚴
未嘗妄笑時人言元謨眉頭未曾伸故帝以此戲之

沙門釋寶誌者不知何許人於宋太始中見之出入鍾山
往來都邑年已五六十矣齊宋之交稍顯靈跡俗呼爲

誌公好爲識記所謂誌公符是也至梁天監十三年卒

今房縣明月山湘溪巔鎮鳳橋子規寺皆坐禪處前史

房陵後魏廢帝二年改新城郡爲光遷國昔傳此地古有

劉張氏劉德舉妻年八十三終

許趙氏許校儒妻年八十四終

郭氏郭世珩妻年八十八終

張氏張以正妻年八十二終

黃氏黃為尼年八十八終

戴李氏戴朝妻嘉慶時舉家遇害氏年七十七以知醫

得免九十七終

戴鄧氏戴時補妻貢生中道母也年九十二終學政贈以

北堂凝秀孫廩生希鵬

郭李氏郭希仁妻仁赤貧氏于歸後剪髮自誓助夫成業
年九十二終

傅章氏年九十七終子三長榜魁年八十六次楚魁年八
十二曾孫廩生發築庠生發科發芹

吳黃氏吳必聰之母年九十七終

劉宋氏武生劉金妻年八十五終

郭楊氏武生郭世泰妻子二長武生立功次武生立德氏
年八十二終

許李氏許立儒妻年八十二終長子庠生廷勛

薛陳氏薛朝璜妻化峪河人子五元春元傑俱國學孫同
鳴國學啟棟庠生曾孫明耀軍功元孫逢吉五代同堂
年九十二終

楊劉氏武生楊學錦妻年八十三終

管張氏生員管榮華妻年八十三終

曾彭氏曾學仁妻年九十三終

鄒曾氏鄒俊龍妻年八十八終

林管氏林笑身妻年八十四終

李齊氏李永倫妻倫故氏年二十六子二元儲元浩孫三

長例貢春甲次廩生春宜三童生春榮氏年八十五終
吳馮氏吳天德妻生六子德歿氏年八十現年一百零五

歲尙健

鄧郭氏鄧朝禮妻現年九十六如常次子庠生鴻儒

廖龍氏南鄉人現年九十四尙健

祝晉氏南鄉人現年九十康健如常

東鄉岳玉樓妻現年一百零八歲尙健其媳現年九十二
歲亦健

王秦氏現年九十八歲亦健

高金氏薛鵬程妻現年九十七歲常健

劉宋氏增生劉德波妻現年八十七歲事詳節畧

郭胡氏生員郭世鐸妻鐸故氏年二十六撫子立身立脩

成立脩九庠氏現年八十二歲

袁許氏袁全悟妻現年九十子六次監生世熙三庠生世

清孫庠生脩章

袁趙氏袁全寅妻現年八十五歲

劉毛氏劉元型妻現年八十三歲

劉張氏劉元錦妻現年八十四歲

李孫氏李同興妻現年八十九歲

曹王氏曹國鑑妻夫故氏年二十九撫遺孤家渥成立現年八十九歲

劉鄧氏劉湧筆妻以子武舉元瀚例封宜人現年八十三歲

王毛氏武生王朝清妻現年九十歲尙健

劉楊氏監生劉德綸妻生員楊善元女子武生元鼎次從九元植現年八十歲

劉李氏武生劉元泰妻現年八十三歲

劉袁氏生員劉元美妻現年八十一歲

朱楊氏生員朱發蓀妻武舉楊奠元女生子四次庠生映
暉氏現年八十一歲

晏張氏晏有祥妻現年八十九歲子興文妻散氏于歸年
餘文故散年十九遺腹子永清撫成立娶彭氏永清年
三十故散現年六十有六彭現年四十八一門三代老
姑孀婦鄉黨憐之

高潘氏高必明妻生子五長磁州州判拔貢步雲拔貢
登雲三恩貢凌雲四拔貢書雲五從九卿雲氏年九十

8920458

天
下
第
一
書

卷
十

分
十
書

六

房縣志卷十

列女

婦女節義有三未嫁喪夫誓死不字曰貞夫亡孀守志親撫孤茹苦終身曰節夫死而憤烈捐軀世亂而慷慨殉難曰烈皆足增輝彤管與忠臣義士同扶名教綱常之重至孝事尊章克盡婦道其懿行亦足昭垂範潛德幽光烏容湮沒哉志列女

明

袁廖氏廖孀女千戶袁金妻年十八金故姑憐其少令再

嫁氏泣曰千戶妻豈有再醮理媳不死者以姑老且有遺孤也卒無二志嘉靖十一年撫治獎之子彬襲千戶

職銜

張趙氏趙永福女旗校張通妻韓氏韓仲女州判趙鼎妻

趙年二十二通故二子復歿守節七十二年終韓年二

十寡遺孤時霖甫二月矢志撫成年六十撫治旌之省志

通為

檢校

趙葉氏趙萱類編作萱堂妻貢生葉嵩女也年十八趙故事

姑以孝聞守節終身撫治獎焉又庠生戴黻妻劉氏

三十寡無子孝養尊章數十年如一日紀善楊薰等爲

請旌

以上
即孝

金許氏金鳳翔妻崇禎十二年獻賊陷城氏爲賊所擄恐
受污持械奮擊賊怒殺之時年二十五節烈

國朝

車李氏車蘭妻年十五婚甫百日蘭故翁姑憐其少令再
醮氏斷髮自誓請以夫從子之準爲嗣薄田三畝耕耘
紡織養親課子之準人庠學博吳昭煜榜其門曰冰心
鐵骨崔河圖贈聯曰百歲已從三月盡一心惟許九泉

九年八十終

雷王氏雷大名妻年二十五守節事祖母唯命是從夫從

子失怙恃者殫心撫之某謀奪其志氏奔訴官請執照
知縣鍾夢瀛題曰節以孝成乾隆十四年 旌表建坊

西關中街

雷程氏庠生雷天動妻年二十六動故撫夫從子爲嗣歷
盡艱苦白首完操乾隆十四年 旌表建坊西關

袁許氏袁完妻年十九完故無子欲從夫死父母止之撫
夫從子爲嗣自誓守節乾隆二十八年奉文建坊入嗣

許汪氏許文集妻年二十八集故三子亦歿有利其妹者
計窘之氏以死誓撫夫從子爲嗣仰事俯畜備極辛勤
嗣子濂儒人庠

陳杜氏陳良臣妻臣疾氏禱以身代臣曰吾雙親二子汝
能以婦兼子職以母兼父道吾死猶生也氏泣請臣逝
氏年二十六撫二子成立孫百齡百詩俱產生爲前旌
饒方氏饒某妻生一女某故氏矢志不改勤儉治生年七
十謂族人曰老身五十年辛勤積數千金今付宗祠爲

祀田願諸族世守之歿於乾隆四十二年知縣江鴻題

其墓碑

彭林氏廩生彭申九妻年二十七孀守孝養翁姑撫夫姪

廩生法祖爲嗣治家嚴肅 旌表建坊東街

向管氏庠生向九如妻袁許氏袁宏仕妻管年十九寡育
遺孤矢志終身許年十八仕故守節不移知縣王璋王
宏祚先後各匾其廬

管繩氏庠生管履中妻年二十七寡撫遺孤安位娶程氏
尋俱故遺三子一女氏撫成立四世同堂年七十猶理
家政其從娣婦吳氏管學憲妻也年二十五守節子天

撫繼子生三孫以耕讀教家姪媳楊氏皆安壽妻年二十
十二壽故撫夫兄安富子榮乾爲嗣尋富亦歿妻某氏
偕楊苦守杜門紡織庭除肅然一門四節里黨賢之

徐劉氏徐崇榮妻榮六世同居故時氏年二十七三子長
成章七歲次德化觀化氏與夫兄州同崇隆弟崇爵共
爨和睦一堂從無間言二十餘年理家教子不倦成章
官安徽霍邱知縣

劉楊氏子明妻庠生楊國輔女乾隆十九年明故氏年三
十遺孤志國志朝撫成立孫八監生德全曾孫八武生

元秦庠生元住元掄安徽鳳臺知縣錫齡翰林待詔附

貢元齡元孫宗先五代同堂守節六十六年壽九十六

旌表建坊入祠

吳王氏吳啟瑞妻年十九瑞故瑞兄弟七人欲析產促之

嫁氏乞限三月俟生育再議親鄰勸以俟之生子元魁

撫入庠家漸裕子孫相繼讀書曾孫監生立善元孫妻

拔貢四川州判吳昶次庠生吳詠

張嚴氏張士英妻年二十八英故守節子女輝故其妻趙

氏年二十四守節 旌表建坊東街南題以兩世貞徽

宋任氏大美妻乾隆二十四年夫故氏年二十四遺子士
英五歲士雄二歲氏上事孀姑下撫二子夫昆季十人
俱早逝所遺子女氏悉爲嫁娶卒年八十四雄子開第
武庠英孫國楨國楹皆入泮

宋陳氏士綱妻乾隆四十五年氏二十七夫歿遺孤開梅
甫二歲家貧事孀姑無違娶媳增生張毓蘭女亦賢嘉
慶十二年梅卒張年二十五遺孤國柱僅八月姑媳相
依同撫成立咸豐元年學師汪給陳冰節可風匾同治
四年學憲孫給張古栢貞松匾陳卒年七十三張卒年

六十七柱生子五次承濂五承澤俱廩生

張戢氏儒童文質妻嘉慶年質督勇勦賊受傷身死氏年二十五紡績苦度撫子女成立年七十五終婚直隸大城知縣龔洪爲請旌表

彭盧氏正和妻和嘉慶時堵賊陣亡氏年二十八矢志堅守事公姑孝撫孤元棟成立

趙王氏登岸妻嘉慶初賊亂岸被害氏攜二男一女匿猪圈以穢物塗面逃至劉家畝勇營後子庠生國彥上其事於學政楊獎以貞操勵節年八十五終

羅趙氏羅日亮妻嘉慶元年教匪亂亮被戕氏年二十八
遺子萬殊未週撫育入庠學政楊懌曾題以永藜完貞
年七十一終

張尹氏張金湯妻年二十餘湯故氏勤苦資生敬事翁姑
撫子成立學政朱士彥獎以石貞山壽

孫高氏孫繼友妻嘉慶元年友遇賊害氏年二十三撫子
上寅成立知縣何在朝獎以冰淵矢志學政王增芳題
以筠節揚輝年七十終孫庠生履中曾孫庠生文緒

曹戴氏曹萬卷妻卷故氏年二十一遺孤興年甫二歲家

貧氏依生父紡績撫孤知縣何在朝題以全節保孤

孫方氏孫繼休妻休故氏年三十撫一女家計窘甚紡績

自給矢志靡他知縣蔣啟蘭題以苦節全貞氏年九十

一終

張毛氏東鄉張鎮妻年二十一鎮故家貧遺二子在襁褓

嘉慶元年教匪亂氏攜二子避難險峻采蕨以食十九

年大饑有匪人嗾二子行劫掠事氏唾出閉戶守餓無

怨言年九十八終

劉郭氏劉志禮妻性剛烈年二十二禮故撫遺腹子德馥

成立氏年八十二終孫武庠元培

范戢氏東鄉范慎思之母年二十六生慎思一女夫故家
貧守節撫子成立氏年八十八終

曹晏氏生員曹育萬繼妻元配程氏嘉慶元年殉難續娶
晏氏年二十七生四子萬故氏茹藥守志四十八歲終
三子忠恕人庠

宋咎氏宋齊卿繼妻撫前子悅道數歲殉故氏年二十七
家窮紡績度日爲道娶郭氏年三十道英子五長德行
娶楊氏年二十九寡三代苦節宗黨欽之

劉李氏增生劉鍾珩妾嫡妻楊氏生子建猷數歲珩與楊俱歿李年三十守節理家撫教嫡子猷入庠

莫戴氏莫宗先妻年二十八生二子夫亡氏矢志堅守長子讓魁入武庠

李王氏李宗福妻年二十九福故矢志茹苦教子榮身置功過格冊日以紅圈記功黑圈記過學師以苦節申詳有以閨行而勵士行不愧女中君子以母職而兼父職儼然巾幗丈夫等語學政王贈芳獎以砥節懷清

魏王氏魏安和妻年二十歸和和嘉慶元年堵賊陣亡氏

撫子成立守節三十二年終

丁王氏監生丁超妻嘉慶元年教匪起超偕弟朝儒督勇拒匪溜石板溝俱捐軀朝儒乏嗣氏矢志撫孤清蘭續家祀學政王增芳獎以蹈義守貞

馬趙氏馬宏朝妻朝嘉慶元年督勇擊賊被害氏年二十六矢志守節立夫弟之子爲嗣

趙張氏監生趙登有妻生員張士傑女年十六適有嘉慶元年有隨父之璉同被賊害氏孝事孀姑撫孤孀立夫從子連城爲嗣十九年春荒輸金賑饑學政朱士彥

表以懷貞慕義守節四十六年終

張陳氏張國安妻年十九嘉慶元年教匪至安堵匪陣亡
氏不欲生冒險尋負夫屍歸葬仰事俯育備歷勤苦學
政王增芳獎以蒙難砥操

楊向氏楊文倫妻年二十三倫故遺二孤氏紡績治生嘉
慶元年賊亂負子逃匿山谷辛苦備嘗厥後撫子成立
家業小康學政王增芳獎以砥節懷清

車劉氏生員車琮妻嘉慶元年琮從父之法堵賊陣亡氏
年二十九無嗣守節三十一年終

彭陸氏彭宗傳妻嘉慶五年賊至宗傳被殺氏年七茹苦
守節八十八歲終

劉王氏生員劉志鐸妻年二十八夫故貧甚苦守孝事翁
姑勤理家務二子成立家計稍裕長湯筆二子監生元
相守備劬力兵部武舉元瀚次滋筆二子庠生元輔監
生元銑氏年六十二終同治四年覃恩賜封宜人

傅高氏傅必先妻年二十八先故撫子國寶成立孫學道
次孫學德余家河經制氏年八十四終

徐楊氏徐學堯妻年二十七堯亡子明元甫二歲事舅姑

撫嬰兒勤慎罔懈積紡織餘資散給貧苦者元生三子
長得芳弱冠食餼同治四年學使孫家鼐給姑苦能甘
匾獎之

劉彭氏廩生劉作書妻年二十九夫亡守節撫子長貢生
汝葵次增生汝詩氏年六十餘終

何宋氏童生何世蘭妻蘭應試歿于鄧邵氏年二十六遺
孤二子甫三歲撫之成立事翁姑以孝年八十六終

陳傅氏陳煥章妻嘉慶元年翁夫俱歿嘗嘗僅存祖姑與
姑二歲藐孤養生喪死盡道孫楚備人庠年七十六終

馮李氏馮詢妻年二十六詢故親老子幼氏矢栢舟撫孤
成立年八十六知縣蔣啟蘭獎以壽同節固

鍾緩氏鍾三載妻年十九載故七旬孀母八月幼孤氏矢
志事畜學政王增芳獎以砥節懷清

孫雷氏北鄉孫尚舉妻年二十九舉故子汝誨甫八月奉
老撫孤紡績成家誨入武庠學政王增芳獎以節孝可
風氏年九十四終曾孫明倫明理俱廩生

宋戢氏南街廩生宋開甲繼妻年十六適甲生二子興仁
興讓甲慕遊山西故於慕府氏矢志守節事翁姑撫幼

孤興讓補廩生孫文翰增生氏年六十九終

劉郝氏劉志善妻年二十一善故立猶子建功爲嗣事姑以孝夫弟志脩故妻張氏亦守節學政楊懌曾給以松筠勵節郝年八十二終張年八十一終

趙傅氏北鄉趙守先妻年二十八生三子先故姑性燥氏事之孝道光七年學政王增芳獎以節孝可風次子廷璧入庠氏年七十二終

常孫氏北鄉常正綱妻年十九綱故撫遺腹子明遠成立事盲姑敬綱祖由光化縣遷房傳三代氏苦貞延一線

孫二曾孫三氏年六十八終

劉宋氏西鄉增生劉德波妻生員宋世鄉女波應嘉慶戊辰科鄉試歿於武昌容邱氏年二十八遺子元棟甫二齡撫立入庠孫二長廩生宗郁次廩生宗邦曾孫四道光十二年旌表建坊於西鄉汪基屯現年八十七

劉李氏西鄉劉志述繼妻年二十四述故氏撫前子德裕遺腹子德著成立俱列成均孫從九元書道光十二年旌表建坊於西鄉胡家灣

許趙氏許校儒妻年十六歸儒數月儒故氏誓守立姪廷

標撫入庠學政王增芳獎以節孝可風氏年八十餘終
龍鄧氏龍登朝妻年十九朝故遺子國林甫四月撫之成
立孫六長海潤三海晏六海瑞俱武庠

陳李氏北街陳善令妻令故氏年二十八撫孤百安成立
苦節三十四年

陳葉氏陳汝楠繼妻前妻劉生子甫二歲楠故氏年二十
四矢志不奪紡績治生撫子成立年七十三終

郭許氏生員郭嶠妻年二十六嶠故遺孤三歲氏紡績鉞
工資生教子廣楚補增生

車熊氏拔貢車琦妻年二十九琦故苦志耐守撫遺孤步

雲成立

車徐氏車瑯妻年十六歸瑯瑯從父兄擊賊遇害氏年二

十六無子守節二十八年

車陳氏生員車黎妻年十五歸黎黎故氏守節二十八年

終

車劉氏車珉妻年十八歸珉六年珉故氏守節二十八年

終

許李氏庠生許文溥妻年三十溥故遺子立儒氏誓志撫

孤治家勤儉閭里有懷清之譽孫廷勳入庠

許任氏生員許于玟妻年三十玟故氏撫孤成立苦節四十四年終

管曾氏管榮祖妻祖被賊害氏苦節不渝學政王增芳槩以節配夫忠又榮宗妻許氏早寡苦守道光七年與榮祖妻同報時許年七十七

張廷相妻歸相十年相故氏矢志育子延宗治家法學政王增芳題以砥節懷清

張洪敏妻年二十六敏故撫孤騰翔成立

余鄧氏余學清妻年二十八生子三清故氏耐貧撫育苦
志三十餘年終

戴葛氏戴曦妻年二十一曦故撫子一元入庠守節四十
六年

楊戢氏楊夢源妻年十五歸源源堵賊陣亡許請卹與氏
事翁姑孝撫孤景雲入武庠守節四十餘年終

楊戢氏楊俊元妻年二十六元故氏奉孀姑盡孝撫二子
成立長學康入武庠

車許氏廩生車之法妻年二十一生子瓊法故氏守節撫

孤年八十九終瓊妻趙氏年十五歸瓊生子序章瓊
氏亦砥志苦守事孀姑孝其夫從子璵妻徐氏甫七日
璵故徐撫育夫兄次子世進爲嗣入武庠矢節四十年
邢李氏邢觀儒妻賈程氏賈克閔妻許李氏許之熊妻江
張氏汪廷獻妻俱堅志勵節道光七年學政王增芳批
飭查覆次年藩司衍劄學諭令請題在案

劉汪氏監生劉德馨妻進士汪朝相女年二十二生子元
和甫三月馨故氏撫孤人庠守節三十年卒

余蘇氏余自義妻年二十八夫故是年公姑俱歿哀毀甚

祭盡禮撫孤立忠及三幼任成立年八十餘終

鄧周氏鄧九鵬妻年二十三鵬故遺孤數歲氏不以貧苦
易志專親孝教子慈鄰里頌之

朱劉氏監生朱發芸妻年二十七寡苦志教子咸循禮則
子長監生映曜次映暉歲貢氏年六十四卒

孔賈氏孔傅義妻年十六適義義擊賊陣亡家舍遭焚氏
勤苦理業撫育四子課以耕讀仲子繼彥入庠

翁高氏翁光頂妻頂堵賊遇害詳請卹典氏年三十撫六
歲子文翔成立數十年不以貧苦易志

周林氏周裕遠妻年二十四遠故遺二孤撫育成立事病姑數十年不懈

胡向氏胡文華妻年二十三華故撫孤玉田成立田早逝氏撫三孫勉以耕讀持家砥節五十三年終

胡張氏胡世倫妻庠生張克勤女年二十餘倫擊賊陣亡或諷改適泣拒曰如翁姑何苦節三十餘年孝養無間言

吳劉氏吳德忠妻歸忠二年教匪滋擾忠擊匪陣亡氏以身孕未殉是秋生子文津得延一綫苦節二十餘年終

趙氏進園善妻年二十二生三子長嚴謀娶李氏次嚴
子嚴謀甫十二齡氏撫之曰禋祀不可斯若俱死何回
自見趙氏宗祖於地下搗諒遠避兵燹後得金氏爲
媳時善堂兄窺席孤弱累欲奪志庸婦亦果越六年
生孫鳴岡撫立入庠數十年茹藥成疾尚出幃丈夫也
金氏性樸訥姑病年餘侍奉不離左右王錫疇獎
以登花國恩年八旬終其孫增生炳南庚子庚辰
劉張氏初張舉妻嘉慶二年賊至全家也庚辰年二十八

方貞元
立夫從子元蓋元弼爲副學政王增芳給以歲節懷清
年八十終

劉楊氏劉德茂妻生員楊壽元女嘉慶二年被賊害氏
年二十八立姪元龍爲嗣道光五年知縣王錫英以松
操竹慈年七十三終

高方氏高文魁妻年十八適魁嘉慶二年魁同子一鐸率
勇堵賊遇害時氏年三十二痛夫與子死難殫心教子
羣英入庠補增孫鳳翔以勇俱食餼鳳毛入監守節三
十三年終

傅孫氏北鄉傅志學妻年三十學故氏勵節撫女出嫁亡
年六十四臨終囑遺微產建傅氏宗祠

熊戢氏西鄉熊維翰妻年三十翰故立幼姪開元爲嗣撫
大庠孫庠生成周氏年七十終

郭戢氏郭世珩妻年二十九珩故立姪立柱爲嗣年八十
八終孫光明大庠

雷陳氏雷耀天妻年十八適雷十年雷故氏堅志撫孤世
傑成立苦節三十年終

計陶氏計瑞珍之母性莊嚴年二十夫故矢志守節撫孤

成立八十三歲終

杜傅氏杜瑞妻幼年守節撫姪培棻入庠

宋鄭氏宋棟雲妻年十九雲故矢志守節四十六年治家
勤苦撫子光先成立

歐陽邢氏歐陽榮輝妻年十六適輝甫八月輝故氏守節
孝事翁姑撫猶子成立年八十六終

楊陳氏楊炳文妻嘉慶四年文死於賊氏年三十苦節二
十餘年終

張李氏張嘉德妻年三十五德故氏孝事翁姑撫二孤成

立次樹傳人庠

李車氏李明德妻年二十德故貧而守節紡績以事舅姑撫孤青選入庠四十年如一日

高韓氏高登鰲妻年二十七鰲故氏善事翁姑撫孤成立長子德榮聚勇堵賊給七品軍功次德耀入武庠

張鄧氏張以正妻年二十四正故家窘苦守撫子為謙入庠氏年八十二終

張張氏張朝相妻年二十相故族人利其產適嫁不從逾二月生子培娶譚氏培亦故譚年三十餘撫子維心成

立事姑能盡婦道兩世節孝里黨賢之

蔡王氏蔡志超繼妻年二十七夫故矢志撫孤事翁姑得
歡心年八十四終子輝廷八十餘知縣王錫疇給耆碩
匾額詳請 恩賜粟帛孫三萬春從九兆堂八品銜卜
昌五品銜孝廉方正曾孫十一人

羅李氏羅宗政妻年二十九夫故子文光三歲文斗一歲
翁姑早逝貧苦無依父母勸再嫁氏曰若嫁二子誰恃
羅門禮祀何誓志苦守紡績度日撫子成立孫以禮詠
霞俱大泮氏守節五十餘年八十四歲終

蘇氏幼失夫夫兄促嫁之不從誘之歸盜寶已鬻之於
士豪矣氏至中途覺之以剪刀刺喉幾死經官當堂前
變為尼垂六十年里人未見其笑容年八十八終於寺
任劉氏武生在萬年妻年三十夫故無子一女氏撫之于
歸七十九歲終

朱淑氏北鄉美莊美妻嘉慶八年美故氏年二十九善事
翁姑撫子文淑年歿媳余氏年二十四事孀姑撫子大
朋娶熊氏三年朋亦歿熊氏年十八守節余氏現年五

十五

解宋氏解兆舉妻年二十五舉羅教匪之亂氏撫遺孤嵐
峯成立入庠

吳戢氏南鄉吳開科妻年二十二科故氏孝事翁姑撫育
遺孤有諷以青年難守者氏忿泣誓不再嫁年四十終
張譚氏北鄉張三元妻年二十六元故氏撫二子成立年
五十四終

賈王氏賈儒彬妻性聰慧知書年三十彬故氏撫四子次
武庠化方文庠宏源孫武庠樹楷

戢田氏戢希達妻達故遺一子甫二歲氏矢志撫孤成立

現年六十三

鄭鄒氏西關鄭能鳳妻年二十八鳳故姑老子幼紡績治
生撫孤成立年七十五歲終

彭任氏彭發文妻年十九文故翁老姑喪明或勸再醮誓
不從勤儉興家茹素行善現年六十五

徐朱氏徐浪荇妻國子監典簿建齋母也荇故氏年二十
三孝事翁姑撫子成立守節四十餘年終

陳張氏西鄉陳百見妻年二十六見故氏上事翁姑下撫
二子長世琮娶任氏生子同科琮歿任氏年二十一守

節三十載終張氏現年七旬眼見四代

雷趙氏西鄉雷寶仁妻年二十二仁故遺二子翁姑年衰
氏孝慈兼盡苦積致富現年六十六

盧吳氏西鄉盧逢華妻勤學病故氏年二十二撫姪德
潤成立年六十九終

咎趙氏西鄉咎心廣妻年二十七廣故遺子延藻九歲撫
成立孫文翰入庠氏年四十九終

咎車氏西鄉咎心泰妻泰故氏年二十六遺子炳芳入庠
現年五十九

張劉氏北街張榕妻榕故遺子登功甫八月家貧苦守撫

孤成立知縣王璐獎以志凜冰操現年六十五

李譚氏李愈猷妻年二十四猷故家貧氏茹苦度日孝事

孀姑撫子如與成立

余孫氏北鄉余宏泰妻年二十一泰故氏矢志養老立堂

姪為嗣泰弟少貴始生代姑撫養成立現年五十二學

政孫家鼎獎以歲寒貞操

徐曾氏徐大年妻年十七生子賢棟七歲年故氏撫孤守

節善事翁姑病勤湯藥歿後哀毀無極縣聞為之誦

旌

劉段氏劉鍾瑄妻武生良田女年二十八瑄故撫遺孤並
紳入武庠

丁楊氏東關丁顯章妻西關武舉楊奠元孫女子歸三載
童故氏矢志守節立姪州回家興爲嗣現年五十八

王吳氏東關王六義妻年二十七義故家貧紡績撫孤成
立道光十二三年連歲荒氏丐食無所匍匐至夫墓前
縊死年六十八

許戢氏南鄉許延樞妻年二十六樞故氏生一女立姪承

原稿不清

強爲嗣現年六十二

李戡氏北鄉李忠敬公孫年二十敬故家貧遺二女氏撫之
嫁無子可繼年六十六

彭廬氏彭祖璉妻年二十八夫故遺二子撫成立長先知
庠生次先覺藍生氏年六十四終

彭李氏文真彭崇前妻年十九夫故遺一子撫成立
志守節孝事姑姑年九十夫故遺一子撫成立援例請旌林院待
詔職銜立姪祖杰爲嗣年六十五

吳余氏吳三光妻年十九夫故遺一子撫成立年二十六志守節

前妻子甫七歲教養兼盡撫之成立鄉黨欽之

曾吳氏生員曾尚樸妻把總吳應剛女尚樸勤讀攻苦致
疾亡氏年二十遺子女二俱在懷抱家貧翁自榮任鶴
峯州守備繼姑張家居氏曲盡婦道姑因慟子病危割
股以進得痊救養子女嫁娶現年六十

彭戰氏城南彭之福妻年三十夫故立姪鏡蓉爲嗣撫立
食蔬捐繡訓導學使給匾獎之現年六十七

孫明氏僧真孫尚清妻夫故氏年三十矢志守節撫子成

各現年七十九

鄧周氏鄧洪人妻由安慶宿松遷房夫故苦守撫孤成立
年九十四終

朱汪氏朱發芝妻進士汪朝相女年二十二芝亡矢志守
節立姪世昌爲嗣氏年七十餘卒

孫余氏孫俊妻年二十七夫亡遺三子家貧苦守撫之成
立曾孫枝人庠氏年八十五終

謝艾氏謝鳳鳴妻年二十一夫亡撫子均榮成立娶魏氏
生四子榮又亡魏年二十九亦矢志靡他兩代守節

劉杜氏劉志 妻年二十夫故家極貧苦志堅守遺孤建

筆歲餘撫之成立氏年六十九終

周胡氏周世科妻年十九科故撫孤大奎成立列成均氏
年七十二終

王彭氏王成福妻年二十九夫故立志守節撫孤成立氏
年八十二終

王齊氏武庠王成漢妻年三十夫亡矢志撫遺腹子世步
成立氏現年八十

魏彭氏魏定彩妻年二十二彩亡遺長子四歲次二歲家
貧苦守撫孤成立次子耀宏入庠

陳張氏陳鳴瑞妻在西鄉范家壩年二十八夫故栢舟自
誓嚴以教子子從丸良烜奉養無少懈其媳亦賢一家
和睦里黨羨之

汪胡氏汪啟筆妻夫故氏年二十九守節教子艱苦備嘗
現年七十三

丁王氏丁顯達妻年二十九達故子盛福二歲翁姑早亡
貧苦無依日夜紡績撫孤成立現年六十二

雷熊氏雷熙先妻年二十夫亡立姪普中爲嗣撫之成立
孝事翁姑現年六十三

傅王氏傳國典妻年三十夫故矢志守節事姑撫子年六十餘卒

徐張氏徐志正妻年三十正故守節撫子卒年五十九

唐徐氏唐榮信妻年二十五信亡苦志守節撫子成立卒年五十八

薛袁氏薛啟禮妻年二十四夫故矢志守節撫姪明鑑爲子卒年五十七

汪雷氏任學道妻年二十六道故家貧苦守撫遺腹子立模成立謹事翁姑氏現年六十

原稿不詳

王趙氏三教壽年二十教故撫子成立家素封

現年八十尚健

謝陳氏謝自謙妻年二十六夫亡立志守節年七十八卒

魏劉氏魏耀與妻夫亡氏年二十九苦守四十餘載現年

七十

鮮徐氏鮮思義妻義故氏年二十九家貧撫子矢志靡他

現年七十四

梁劉氏梁侯爵妻年二十八夫故守節四十年現年六十

八歲

梁王氏梁某妻夫亡氏年二十四守節四十餘年卒

李徐氏李全妻年二十四全故一女招贅吳姓卒年七十

有二

劉馮氏劉汝荇妻夫故氏年三十家貧苦守撫二子成立

現年八十二尚健

陳聶氏陳建用妻年二十八用逝撫子成立又亡撫孤孫

成立現年八十

黃林氏黃致妻年二十二夫故氏矢志苦守撫二子成立

年八十五終

劉任氏增生劉元仕繼妻年二十二仕故明年孀姑亦故
家貧前妻子宗叙十一歲氏苦守教養氏現年五十八
陳啟氏陳本仁妻仁故氏年三十矢志苦守撫二子成立
卒年五十二

李袁氏李成坪妻年二十九坪故家貧苦守紡績度日撫
遺腹子繼宗成立現年五十餘

馬王氏馬訓妻年十八訓故遺孤甫十月撫之成立苦守
三十一年卒年四十九

張陳氏張有容妻夫亡氏年三十苦守撫三子成立現年

六十餘

盧羅氏盧金魁妻住龍坪年二十八孀居守節善事翁姑
教子有方現年八十二

陳姜氏陳學智妻年二十三夫故立節苦守敬事翁姑撫
幼子世瑞成立列成均氏年六十三

譚傅氏譚法良妻南鄉銀峯河夫故氏年二十一立姪例貢
長春爲嗣現年五十

張陳氏監生有榮妻年二十八歲榮故事翁姑以孝撫孤
成立矢志守節年八十一終

慧婉浙之鎮江人房幕楊仁山次女長適彭婉年十六字
襄陽劉以道賒就房甥館婉曰篤琴瑟餘事耳孀姑失
奉安乎囊澁蹄未果明年寇至襄道極窮谷也南杜家
川生病婉殷勤竭力寇氛日逼婉慌以身代籲天山無
葯餌割臂肉雜糞以進生甘之病減婉傷裂鄰婦疑瘡
勸敷藥生覺知婉無瘡視臂刀痕宛然生痛痛轉劇寇
去而生歿矣婉號痛萬狀思自殉愛而父老而終艱葬
踏無已檢點箱籠質釵珥不足剪髮助殮費柩遠葬城
彭慨贈以板轉襄計婉泣向姊曰薄命人罪魁也敢偷

生乎今且攜來死具矣以防不虞出錐長半尺許姊曰
未也扶柩葬夫職也登堂見姑分也職分未盡何遽言
死婉曰均之死爭遲速耳乃伴夫靈星餐宿露歸葬襄
陽守墓不去姑憐之曰兒勿是爲家固貧尙有幼子婉
遵命勤操作日三餐惟倚十指慮夫亡嗣絕親老家貧
抑鬱悲憤萬感攢心年十九而懃懃逝矣嗟嗟慷慨殉
節易從容就義難然人雖屬襄陽而事在房陵尙弗表
而出之紅粉成灰固不足惜地下貞魂等草木矣因附

篇末

王安氏賓女王汝魁妻順治九年十月郝永忠陷城執汝魁氏抱之哭且大罵賊怒同被害

楊余氏庠生楊偉用妻用詣郡病故氏聞計哀毀廢食及柩到家一慟而逝知縣董雱懿其行親爲祭奠

余况氏庠生余思舜妻舜貧遠館氏肩家事刈麥荒郊遇劉志成強犯之氏以死拒得免急召夫歸泣訴忿極自縊死官聞抵志成罪乾隆二十年奉文建坊東關

陳汪氏陳輔相妻汪富女也年二十相故誓以身殉翁姑再三慰之已而出其奩粧分給諸姊家人怪之防愈密

三月廿二日
一曰晨起奠畢調膳進舅姑旋入室自盡乾隆五十五年
旌表建坊入祠

劉石氏劉學良妻嘉慶元年賊起氏謂良曰姑老君急負
以逃妾母慮也賊至氏自縊趙殿臣妻胡氏趙殿筍妻
孫氏子耀先妻鄧氏同日自盡詳請議卹

謝劉氏貢生謝克純妻武舉謝龍恩母也年七十一嘉慶
元年賊圍城氏諭龍恩曰吾老死可矣汝當盡力報効
勿以我爲念越數日城樓夜火聞傳賊入城氏投繯死
李文耀妻傅氏李遐友母李氏鄭義丹妻陳氏曹起倫

妻余氏王道妻呂氏尼僧李氏同時自縊二年八月奉
文建坊入祠

戢黨氏戢時翹妻一子三女陳氏戢時辦妻三女嘉慶元
年被賊襲脅自縊七子女不屈激賊分裂學政杜翰樊
以節烈雙輝

熊余氏北鄉熊兆鳳妻嘉慶元年賊起姑自縊其謂夫曰
姑死吾何能生遺三歲小女以重衾裹壓長子九歲次
六歲棄不顧夫婦投縊氏繩斷避小女亦竟去死母子
奔逃子熊魁熊健成立以農業起家

梅盧氏梅錦蘭妻蘭麻城籍祖父買房西鄉麥浪坪遂家
焉蘭勤攻讀失血不愈氏貌腴性靜適蘭月餘歸甯語
父良人垂危奈何父云萬不測爲汝更覓良緣女曰是
何言也女子當從一而終今所商者惟後事耳未幾蘭
物故氏無慟意衆非之送殯半途反姑與祖姑詰再三
不露神色夜服毒死蘭年二十氏年十九

黃冀氏八品職黃金潮妻嘉慶元年賊起潮督勇家屬避
難老君砦賊去氏奉姑歸遇賊同行百餘人盡爲賊掠
氏獨奮拒擁姑以石擊賊被殺賊義之釋其姑時年三

十八子道遵歲貢生學政王增芳獎以烈孝流芳

曹程氏庠生曹育萬妻嘉慶元年賊起氏急負姑周氏避難遇賊殪脅不從死之

孫李氏北鄉孫繼曾妻年三十餘曾故氏守節嘉慶元年賊亂氏命子媳遠避諸子以母老不肯行氏詭言偕行入室自縊孫汝海入武庠元孫明倫明理俱廩生

劉毛氏劉玉貴妻年二十二貴故氏守志十七年嘉慶元年春賊焚掠村落氏慮逼汚投繯死

鄧戢氏北鄉鄧克願妻年二十餘嘉慶二年派丁出勇順

隨楊提督四川勦賊年久未歸氏悲夫無音耗自縊

湯晏氏北鄉湯順起妻年二十六同治元年賊至氏攜一

子一女避難被賊困長子隨父逃氏見賊近勒死子女

自縊

李謝氏李光朝妻年二十四同治元年十月逃難西鄉老

荒峪賊至氏見朝被累遂投巖死

王陳氏王發桂妻同治元年髮賊入南山見氏欲污之氏

大罵不屈夫婦俱被害

吳氏生員楊自新妻同治元年氏避難南山賊至大罵

不屈被賊剖腹墮孕而死

張蔡氏張文進妻咸豐六年賊匪至房避難丁家寨賊近
自縊知縣金玉堂給匾獎之

張任氏張世瑚妻同治元年舉家避難軍馬燕河出洞中
賊至抱數月嬰女投岳死

魏方氏魏珍妻年三十六同治元年避難大木廠寨賊近
抱子投岳母子殞命

袁柯氏袁喜武妻同治元年避難窑坪寨髮逆至破寨氏
墜岳身故

魏劉氏魏金妻同治元年髮逆至窰坪氏避難岳寨寨破
被通墜岳身死

丁況氏丁金元妻同治元年賊窺窰坪破寨氏恐汚墜岳
而亡

李宋氏李成德妻同治元年賊至西鄉避難岳寨寨破勢
逼罵賊投岳死之

張孫氏張全義妻同治元年賊至避難化口山寨賊破寨
攜氏子氏巧言送之抱幼女投岳俱死

女孝

張章氏張宏經妻乾隆時翁患喘氏奉湯藥潔滌體數十
年不懈鄉里稱其孝

許雷氏許成儒妻年十七儒故舅舊病屢發一日發且甚
旋瘳氏卧不起家人密伺之始知割臂已四次矣乾隆
五十一年事知縣常熙獎以善節愚孝

毛申氏毛明遠妻遠故家貧氏事姑教子乾隆五十二年
姑某氏病篤氏羹股以進遂霍然知縣常熙獎以匾額
並勅以錢鈔

張司氏東鄉張極韶妻年十八韶故氏矢志守節姑病割股療之愈氏年八十六終

張吳氏張玉杞妻姑雙瞽曲意侍奉嘉慶元年杞督勇破賊旋遇害是秋賊首溫和尚擁萬人衝盤峪河營氏年三十七親負病姑遇賊被害

郭趙氏北鄉郭天爵妻性淑善嘉慶初年三十二翁病革割股進翁愈氏年百有餘終

楊王氏楊學仁繼妻年十九仁年四十母家怨媒妁女曰父母有命亦女命也卽適少年郎未必盡能如意結

七旬患癱病五載扶持不懈仁年六旬亦患癱病家貧
子幼服勞十年無怨言

戴趙氏戴希暉妻廩生開科母也年十四歸暉性淑家貧
善事舅姑姑歿繼姑曹氏多病氏侍湯藥不寐者月餘
每夕焚香祈禱氏年七十八無疾而終

李張氏李同林妻道光元年姑病氏割臂以奉旋瘳知縣
蔣啟蘭獎以金帛

潘劉氏潘成貴妻姑彭氏病篤劉割股奉姑病愈後劉病
姪女亦割股一次奉之愈

任劉氏任某妻奉姑至孝姑病百藥罔效禱天割股進之
病愈知縣某聞而獎之

涂江氏西鄉涂文斌妻道光七年姑病百藥罔效氏割股
煎湯進之卽愈其姑年九十二終氏現年七十八歲斌
年八旬五代同堂

楊汪氏楊清江繼妻年二十四江病篤氏割股江故遺前
妻子甫二齡女撫之成立現年五十五

張馮氏張永朝妻姑病氏割股合藥以進姑病愈
樂馮氏樂潤身妻姑病氏割股煎湯進姑病愈

鄔張氏夫名缺事孀姑孝姑病就斃氏往禱佛洞願以身

代祝畢割勝煎湯進之姑病霍然

黃蘭香黃恪邈女性淑尤孝年十五父患目疾醫罔效服
事廢寢食父痛甚泣下後以湯進痛止詰之以方藥
對人亦無知者既而世變其臂有癍痕始知其割肉進
父也後字徐姓未及笄而適

何李氏何知新妻年九歲適何姑趙氏童養恩深道光五
年姑病危割股奉姑病愈

姚計氏住西鄉家貧日一炊無怨父計萬言父病不愈氏

歸省割股以進父愈越數日父送歸紡織如初

解許氏南街解學文妻性溫厚善事翁姑道光七年十月
翁病篤割股調羹進翁病瘳

舒周氏北鄉舒萬化妻道光九年姑謝氏病篤貧無力養
割股奉母病卽愈

蹇鄧氏北鄉蹇輝先妻道光二十年姑楊氏病割股進姑
愈感豐六年賊至盡節自縊

王曾氏北鄉增生王烈妻生員曾尙樸女孝事翁姑相夫
以順咸豐三年孀母曾吳氏以子傳儒從征思念成疾

譚李氏文童譚法平妻住南鄉三海堰夫故氏年二十二歲代夫盡孝撫子天祐成立守節待旌

婦阮蔡氏家貧乏嗣紡績度日積有百金垂老病篤邀街鄰至囑曰我有百金以五十金脩南街踊路及功竣而氏歿鄰人爲勒碑土地祠左

文童戴鳳之妻莫氏於乾隆五十八年夫故時莫氏年二十四歲守節家貧事老撫幼教子勤耕至今五代未斷居氏現年九十六歲精神尙健

文童趙國珠之妻金氏於道光八年夫故時金氏年二十


五十一
四歲立志守節事老撫幼教子耕讀長子永清已到膠
庠氏年五十而卒

文童張宏敏之妻戴氏於嘉慶十九年夫故氏年二十歲
無子撫姪張鵬承嗣氏治家勤儉致家殷實道光元年
學憲旌其額曰砥節懷清

文童莫宗先之妻戴氏於道光七年夫故時戴氏年二十
五歲立志守節教子成立耕作勤苦至今四世禾嘶居
長子讓魁已入武庠氏現年七十五歲精神尚健

馮朱氏馮大魁妻魁故氏年二十三歲矢志苦守四十三

年驟三馬賞給栢貞松茂匾額



張邱氏襄陽名家女許字青峯張姓氏聞夫病篤誓
告父母往探許之及至夫已殤氏爲承服晝夜哀泣誓
不再字翁姑病兩次俱割股進之年八十八終

鄒鳳女西鄉鄒士祿女年十四咸豐六年鳳隨父母避難
於山賊至恐汚投巖賊退三日覓之鳳坐樹間泣訴知
縣金玉堂賞銀絹旌以鳳女全貞後于歸陳姓

高二女東鄉高興發女長年十九次年十六咸豐六年避
賊山洞賊至長女投巖死次繼之落崖半巖荆棘中賊
退設法援起餓幾死衣襟俱密縫針線蓋預防其汚以

死自誓也

施陶氏年二十夫朝元病故無子赤貧矢志不嫁針黹度日撫二稚叔成立均爲完婚年五十九卒

北鄉甘邵氏朝宗妻同治六年九月爲姑黃氏染病不愈誓神割肝啖姑病愈

房縣志卷十一

風俗

傳曰相扇成風相染成俗又言上行下效謂之風衆心
安定謂之俗故燕趙慷慨而產瑰竒鄒魯詩書而多君
子汝南果毅而成譏評睢陽奮迅而富豪莫其出也
漸矣房邑居省城西偏山深地僻俗陶秦楚之風人漸
江漢之化民質訟稀政刑不煩庶幾先王之遺與近今
流寓日多五方錯處習俗相沿寔不古若所亟宜風勵
而整飭之也志風俗

房自戰國時更秦屬楚故其民兼秦楚之俗 方輿勝覽

男子燒畚為田婦人績麻為布以給衣食舟車不通專事

擔負俗尚醕樸士亦向學 郡志

防渚多山林少原隰厥民刀耕火種厥性剛烈躁急自漢

高祖發巴蜀伐三秦遷巴中渠帥七姓居商洛房密邇

金商故俗至今多獵山伐木有寶渝風厥聲近秦厥歌

好楚厥士子向學侔荆襄厥水陸商利舟車商賈縮跡

俗信巫魍重神祀 延子 歲時俚雅參半華質不齊 防渚

純問

婚姻必擇門戶相當年貌相若者始通媒妁以紅牋書年
庚爲憑不索聘不許外來人娶時延師卜吉先一月媒
者往報女家備糕奩箱籠數事及公姑新婿被履而已
男家爲新婦備衣粧亦不過釵釧簪環數件用蘇青套
紅綠布襖綾裙而已無珠玉錦繡之飾及期擇親族中
年命相生者夫婦二人導以綠旗花輿鼓吹及媒妁先
日詣女家迎親亦有婿親迎者茶罷具盒酒會諸親行
投簡禮迎親接時請新婦出堂坐桶上桶內置燈爲開
臉梳妝謂之上頭次日登輿迎親者與媒妁導其前輿

後則三黨親送之別有送親夫婦二人視新人拜堂用
交鎖鑰投簡亦如迎親者之禮主人設華筵於綵棚下
酒數巡主人肅揖請拜則兩家三黨之親以次離席
內堂新人並立行四拜禮受之者或簪插花釵或紙封
銀錢謂之拜見儀出則主人又揖謝之仍入席雖水陸
盛陳饒籌交錯而客不執壺不下箸故俗有飽齋餓筵
席之語次早新婦備茶果於堂拜翁姑陳履屐及伯叔
姆第三日婿率新婦具儀物詣女家拜其父母謂之
回門又拜媒妁謝之又請女父母與媒妁宴益而後畢

焉

喪禮父母終當日卽殮衣衾入棺是夜親隣各攜燈引孝

子孝眷詣廟以紙錢貼壁羣聚而哭謂之報廟三日成

服開弔有職員衣冠始用蔴常人綿布而已

按父母之喪無貴賤

一也應遵制成服豈有職員衣冠始用蔴之禮耶

披辯蓄髮腰蔴繩着草屨則

同七七日不飲酒不茹葷不出門寢苦枕塊於柩旁見

人則皆伏地叩首及葬擇地卜期務極慎重延繙黃建

道場舉家皆莊嚴致齋至饋相行禮則非有職員者不

敢用也親友皆以財物相賻至戚則羊豕米酒銘旌錦

幃及各冥器必備壙中或磚砌或築三合土約以契磚而誌銘碑表則鮮聞焉

歲時

立春前典史諭各行戶作土牛勾芒之神選俊秀童子粧故事爲十二亭臺閏月增其一曰辦春先一日詣老關廟祭土牛勾芒神昇入城犁耜父帚前後擁導十二亭故事鼓樂隨之市人爭以米麥穀豆向土牛拋洒視其頭尾四蹄青黃赤白黑以爲水旱豐歉之兆小兒紛紛穿土牛腹下以爲出痘稀且弭疾也又視芒神衣履着

否以上一歲苦樂曰芒忙人不忙芒不忙人忙至縣門
前各官隨其後皆盛飾鹵簿前列花勝數竿市人爭相
攀摘曰搶春出東景春門文昌閣後設綵棚各官祭芒
神就席飲春酒農夫擊社鼓鳴大鑼唱秧歌數闕昇芒
神土牛入縣署前十二亭故事穿街繞巷曰迎春至立
春日各官祭畢鞭土牛曰打春胥吏競以小牛芒神及
綵勝遺人家

元旦全家五鼓盪櫛盛飾衣冠祀室神祖先拜父母尊長
畢遂出賀節皆閉不納或納雖至親密友不茶酒一叩

便去以此日拜遍爲恭敬名箋盈貼門戶市不列肆宴
飲爲樂

元宵作燈神前墓道及門庭井竈在在燃之視其結花以
占一年休咎五穀豐歉婦女迎請七姑娘以占驗卽紫
姑神也前三日試燈有龍虎獅麟車船竹馬軟索節節
高鰲山等燈又有秧歌燈十百爲羣詣人家置高脚燈
於四角進退分合左右穿互謂之跑陣其花面紅衣以
白褶兜胸脅兩手執木柳於陣間倒行者曰跳和尚也
帽籠頭花巾結額翻披羊裘執敗蒲扇指揮跳謔者曰

拉菓子裝粧婦人者曰拉花凡燈先拜廟次官府次外
送各鄉村家皆有晏賞自初十日起結綵張筵畫簾銀
燭鈿車寶馬霧暗香霏填街塞巷燈影與星月交輝爆
燈與歌管競沸至二十後乃罷

十六日婦女皆靚粧炫服結隊遨遊郊外曰遊百病謂可
避一年疾疫也

二月花朝東泰山廟三月上巳西房山廟顯聖殿皆演戲
賽會鄉村士女各項買賣及諸技巧絡繹奔趨蟻聚雲
屯堆山寨各長吏慮其生事親往彈壓

清明節折柳插戶簪髮各處塚墓拜掃紛紛城南梳粧臺
尤盛染紙帛剪落羅紫竹竿插墳上遊人載酒尋芳設
障行厨滿耳笙歌盈眸羅綺與燕燕相和花柳爭妍乃
謂之踏青少年競放風鳶或走馬輒射鬪草踢球間有
封培古墓收捲遺骸亦見古道猶存

四月八日世傳佛誕各寺建龍華會人家以黃紙硃書佛
字貼壁云可辟蚰蜒諸蟲

端陽節懸艾插蒲於門亦簪於髮際以菰葉筍籩包糯米
糉以五色絲麻並蒿巾蒲扇醃鷄鴨卵互相饋遺

僧道刷印天師五毒像及符篆送諸檀越醫家製名香
研雄黃合辟瘟丹婦女佩香囊以雜絲簇雞心瓜豆之
形實以香屑雄黃懸之釵頭或結五色長命縷於胸前
又以酒和雄黃塗小兒耳鼻孔並洒室隅或倒書儀方
字貼楹壁以厭蛇蝎

六月六日俗傳晒龍皮士人競曝書畫婦女則長竿高架
鋪錦列繡以防蠹霉並釀造豆麥醬醋麩菜之類

七夕婦女爲乞巧會先以豆入竹筍生芽長尺許縛草爲
織女描畫眉目粧飾如生祀以果瓜香花姊妹行嚴粧

方集元
卷一
咒拜置水於盆捻豆芽映之其影成花釵雲朶者爲得
巧或男子潛窺則有怪風爲織女暴云

中元節道書爲地官赦罪之辰僧家舉盂蘭會建施食臺
放河燈以照幽冥謂之餓鬼俗於是日接女子歸甯作
冥袱包錢紙和漿粥夜靜以灰畫圈於門外澆焚之以
祀祖先

中秋節以月餅棗梨石榴葡萄菱藕之類相贈遺全家賞
月爲團圓之讌又俗有摸秋之戲人人家蔬圃摘瓜抱
歸鼓樂送親友家或暗伏置帳幔中以爲宜男之兆

重陽采菊花釀酒造茱萸醬文士携榼登山飲酒賦詩作

登高會

十月朔掃墓如清明又剪紙爲衣冠鞮履焚之謂之送寒衣

冬至日大戶開祠堂張筵演劇大會宗族以祭

臘八日以米和麵豆及諸蔬果作粥謂之臘八粥果木有
不實者以斧斫樹著粥於穴問曰結不結枝壓折謂之
喂樹

二十三日祀竈神俗云是日竈神上天曹奏事王婦潔釜

然燈以膠牙錫糯米餠豆糖團等獻供曰糜幾甘言也
又以盤盛黑豆寸草以爲竈神抹馬具祭畢合家羅拜
送之糖錫分給小兒開筵簇坐謂之過小年自是簫鼓
爆竹連宵直至除夕謂之鬧年

二十六日以後具酒脯薦祖團欒合食謂之年飯

除夕各家掃門戶換桃符門神插松柏冬青枝滿簷男婦
嚴裝盛飾祀家堂祖先接竈神畢請尊長辭年合家歡
宴謂之團年兼數日之炊謂之宿歲飯牛馬雞犬皆盛
其飼豆小兒則以朱繩穿大錢掛胸襟謂之壓歲錢矣

炭瀝生或漆香或煎爆或歌吹男女皆整衣冠為拜年

之饋信幸盤栢酒以待賀客通宵不眠謂之守歲

陳造房陵詩十首江湖長翁集似聞仙伯厭乘龍常混紅塵市

井中與面未須趨避我寒衣無計以尋公房人謂巧避曰趨避力尋

白炭尋陰晴未敢捲簾看苦霧濛濛鼻為酸政使病餘剛

制酒一杯要敵潑潮寒晨起霧久乃開土人曰潑潮祠壇歌舞雜嗟

吁下酉猶濡上酉枯誰謂朝來一折雨歡聲已覺沸通

衢潑水澗田口西竹屋高低正後斜蔚藍影裏著人家

底消山峽三分瘴爭讓盧同七椀茶土人晨飲茶口勝山嵐氣又曰勝三

瘴夏田少雨富來年多雨何妨穡事秋已戒口吞皮子

麵更教晚稻飽霜收麵皆滲不滲者曰皮子跨牛待

得夕陽回在處諸嬾笑口開已借蠟錢舖麥稅免教緝

捕闖門來弓手下鄉杯酒清濃肉更肥咸言趁社極歡

嬉丁寧向去坐年日要似如今歛脯時年日飲食曰坐

農間閭里有逢迎白飲傍邊骨在羹老稚不妨頑過日

邊頭難得是昇平俗謂戲曰頑刈罷秋禾未敢慵更須

趁逐過殘冬城中竹筴今年貴鹽茗新來免闕供買枯

竹筴翁媪同圍老瓦盆倒菊新酒雜清渾規南規北皆

春社日放鳥犍臥晏温

村落所聚曰規

物產

天地生物以資人用有公於天下者有使於一邑者故禹貢任土作貢周禮冬官有土宜之法以辨十有二土之物蓋不欲責有於無求備於異以仁民也惟房萬山叢沓巔巒嵒平疇水田十居一二舟楫不通無珍竒詭麗之產以招四方遊販而草木禽魚可資於日用待人區畫者則不可不書也志物產

穀類

穀有粳糯二種早晚穀名十數種黃白赤青數色房山多

秋露初凝二節岡五將山等處削乎如掌多稻田獲且早

不畜也土人誇其地曰小西川梗木有蓋草黃冷水紅

紅脚粘三粒寸皆弓大芒小芒百日粘六月報高杆青

等名糯米有線糯蔴糯柳條糯紅白糯等名梗米作飯

糯米作酒

粟土人呼曰小米粟古文作粟象穗在禾之形蓋糧之細

者房窮岬高出在在播種但其成熟惟仰天澤調和耳

麥有大小二種早晚麥名數種黃白青紅數色

蕎麥有春秋二名甜苦二種黃烏數色

包穀即玉蜀黍一名玉高粱有紅白黃紫雜色各種種出

遼東幹葉類蜀黍而肥短形似薏苡昔進御故亦

種曰王麥自乾隆十七年大收數歲山農恃為命家亦

種植七八月晴暖則倍收山鄉甚賴其利間或歉收

即合邑糧
爲之增貴

燕麥
雀麥
一名箭

黍子

有梗精
二種

高粱

有梗糯數種
紅白二色

芝蔴

有赤白黃
黑色數種

豆類

豆

總名有早晚數種有
黃白綠赤黑青數色

豇豆

刀豆

蠶豆

小豆

有紅白
青色數色

四季豆

月月豆

蠶豆

畫眉豆

綠豆

粉作
豆

八月豆

馬料豆

豌豆

扁豆

有赤白
二種

示

勿

蔬類

芥 有紅白二色

菜 有青紅白烏數色

葱 菠

芹 有水旱家野二種

萵苣

辣菜 有紅白青花數色

蔓菁菜 有赤白二種

萊菔 有紅白青三種

葱

韭

薑

山藥

薤 即野韭菜土下有金始生之

薺蓬 土名甜菜

油菜

茨菰

蔞菜 生荒地俗名地米菜

秦椒 俗名賽胡椒辣子有青紅黃三色

薺

金針 俗名黃花菜

沙芋 有紅白二種

百合

蒜 藕

馬齒莧

繡毬白 生山中

莧

芋

同蒿

茹 有紫白二種

蕻薑

蕪菁

苦蕒

紅白薯

洋芋 產西南山中房近城一帶
 有稻田淺山中多包谷至
 山深處包谷不多得惟燒
 洋芋為食形似白薯而
 大者如拳小者如雞蛋如
 棗栗近則有力之家多收
 芋稞以為粉亦間有積以
 致富者

瓜類

東瓜

南瓜

西瓜

白瓜

黃瓜

菜瓜

香瓜

甜瓜

苦瓜

絲瓜

金瓜

匏即葫蘆
種數

瓠

馬勃瓜

葫蘆

攪瓜

一名冬瓜

包瓜

形似金瓜
色而大

芝栴類

木耳

有紅白黑三種白者尤貴房東北有香耳山鷺利者
 貨山木伐之叔了縱橫如結棚欄闊歲五六月霖雨

既零朽木餘液凝而生之獲數倍南山中亦然今則
刀耕火種叢筍盡成町畦所市多自興安漢中諸郡
也來

香蕈

土蕈

羊肚蕈

猴頭蕈

紫蕈

青頭蕈

黃絲蕈

露水蕈

重陽蕈

鵞掌蕈

按蕈同菌芝類也命名不一皆署濕氣蒸鬱而生
惟鵞掌菌最佳大如仙人掌狀似羽扇亦類鵞掌
鮮滑芳香味者
比之滇南雞嶽云

花類

桂

丹桂

四季桂

菊

黃白紅紫
有百餘種

牡丹

芍藥

紫薇

梅

有紅白
二種

吊籃花

可療疾

海棠

薔薇

月季

蠟梅

西府鐵角

杜鵑

色有數種俗名映山紅

迎春

絳桃

夾竹桃

棠棣

千瓣榴

玉蘭

鳳仙

素心蘭

辛夷

一名木筆羣芳譜云生漢中魏興川谷故花至今

蕙

野薔薇

珍珠花

紫萼

玉簪

荷苞牡丹

玫瑰

纏枝牡丹

十姊妹

芭蕉

梅桂花

金銀花

繡毬花

粉棠花

繡鞋花

刺苞梅

水桂花

桃李

墨香花

碧桃

果類

桃

杏

李

栗

梨

銀杏

櫻桃

一名含桃

石榴

來禽

核桃

羊桃

柿

牛奶羊奶數種

棗

一名木棗

柑

橘

香櫞

盧橘

雞距子

俗名拐棗

葡萄

甘蔗

葶薺

落花生

平果

榛

野葡萄

梅子

木類

松

栢

杉

槐

楸

桐

榆

柳

椿

柞

桑

柘

楓

白楊

黃楊

紅豆木

柏

冬

檀

花梨

鐵劍木

青銅梨

白蠟木

竹類

龍頭竹

鳳尾竹

水竹

黃竹

薰竹

煎竹

斑竹

苦竹

笙竹

石竹

紫竹

荊竹

筍爾雅竹萌也春夏雨中土而出不臧益陽冬筍

藥

獅頭黨參

丹參

苦參

黃精

玉竹即尾參

厚樸

括箕

黃蘗

木瓜

芫花

蒼朮

香附

牽牛

柴胡

南星

半夏

枳殼

遠志

何首烏

菖蒲

女貞子

五加皮

枸杞子

防風

天麻

細辛

川芎

茜草

天花粉

威靈仙

王不留行

稀苓

蒼耳

紫蘇

藥百合

牛膝

杜仲

黃苓

蛇床

薄荷

旱蓮

車前

益母草

葛根

蒲公英

黃栢

石羔

金釵石斛

麝香

山查

胆草

桔梗

谷精草

升麻

光明草

刺乾

藿香

青木香

木通

牡丹皮

瓜蒌子

枳壳

蒙花

木賊

地骨皮

防已

茵陳

山加皮

南木香

猪苓

赤芍

天門冬

知母

前胡

胡黃連

黃精子

獨活

赤苓

荆芥

枳實

羽類

鴨 產泉水灣者良 灣距西關二里許 繞岸百餘家 花柳地 帶泉眼數十孔 風泚澄清水生 細鰕鴨食之 易肥 所為房鴨也

錦雞

廣輿記 房產也

畫雞

竹雞

秧雞

雞

綬雞

鷺

雉

鳧

繡雞

鴛鴦

鷓鴣

鷺鷥

翡翠

鶯

鷓

啄木

淘河

鷓

鷓鴣

鷓鴣

鷓鴣

鷓鴣

割麥種禾

脊令

畫眉

鵲

蠟嘴

鴉

瓦雀

蒿雀

鳩類多

雕

鷹

鵠

鵠

金翅

棉花包

貓兒頭

即鴉

杜鵑子規

點水雀

毛類

牛

馬

驢

騾

犬

豕

羊

虎

豹

熊

鹿

獐

麂

青鹿黃鹿

兔

猿

狐

貉

獾

豺

狼

貓

竹狸

山羊

盤角羊
鬃羊

豪猪

果狸

松鼠

刺猪

麝

獾

介類

魚

鼈

蚌

螺

蚌

蝦

鱗

鯉

鯽

鮎

鱧

鮠

鱈

魴

鱣

鯢

鰻

魚養堰塘中可得二三尺然亦罕見其田溪所產者曰

洋魚

泉魚

露魚

蒿簪

麥穗

桃花

白霸

石扁頭

味頗佳惜無巨者

貨

棉

絲

葛粉

蠟

花椒

漆

菸

靛有了藍種

不棉布山中鄉民男婦俱織元熊澗谷云木棉房土產有

詩

秋陽收盡枝頭露烘綻青囊翻白絮田婦攜筐採得歸全家指作機中布大兒來覓襖小兒來覓袴半擬

償私債半擬輪官賦竹籠旋苦活火薰蠶蟲母子走

紛紛尺鐵碾出瑶空雪一弓彈破秋江雲中虛外泛

桂成索畫夜踏車聲落落車聲繞絕催上機知作誰人身上衣少女背面臨風泣憶曾隨母園中拾

蜀布然所織也邑產桑山農着蠶客民購其絲織之

類江陵絹而薄如蟬翼時人謂之房絹

皮紙火紙出南山中料皆粗

蜂巢

非野皆博物志云蜂巢所著皆絕巖石壁及山頂以籃輿懸下取之

鐵產梨華山昔有其名民呈請開採其鐵鑄田器頗

良造佩刀亦利惟所是償費旋封禁停止

火礱瓦道梁石洞內有土可熬硝乾隆年詳奉開採因地

封禁奸易於濫事旋即封禁

救荒類

蕨

箕

灰菜子

竹米

金剛藤

觀音粉

老雅蒜

榆皮

橡實

房縣志卷十二

僑寓

天地一大逆旅也。大白嘗言之矣。生斯土者，誰非過客。豈必千里登樓而後爲僑寓哉？房固僻壤，然自秦漢以來，或遷流或貶斥，名臣巨鎮，帝胄王孫，往往接跡於此。亦攷古者所不忍泯沒也。志僑寓。

秦

趙幽繆王遷悼襄王子也。悼襄王卒，遷立累爲秦所侵敗。六年大饑，民僞言曰：趙爲號秦爲笑，以爲不信。視地之

生毛七年秦攻趙趙將李牧趙葱及齊將顏聚伐之趙葱軍破顏聚亡去遷降秦秦流之房陵遷思故鄉作山木之謳聞者莫不隕涕

漢

趙王敖張耳子高帝九年貫高怨家上變告之詔逮捕王及諸反者趙午等皆自刎高獨怒罵曰公等皆死誰白王不反者乃檻車詣長安對獄曰獨吾屬爲之王實不知榜笞刺剝身無可擊者終不承上乃赦敖廢爲宜平侯置之房陵

濟川王明武帝建元三年坐殺中尉遷房陵

清河王年宣帝地節四年坐內亂遷房陵

黃香字文彊九歲喪母事父至孝父舉孝廉爲郡五官掾
無奴僕香躬執勤苦盡心供養冬無被褥而親極滋味
暑即扇牀枕寒即以身溫席厯官尚書令寓於房卒有
墓在西關見古蹟

唐

唐太子忠高宗子初封陳王王皇后無子撫之永徽二年
請立爲太子后既廢武后子宏甫三歲許敬宗希后旨

正嫡太子宜同漢劉彊故事帝因詔見謂曰
立嫡者何對曰正本則萬事治且東宮知有正嫡必不
言安非社稷之福於是降封忠爲梁王俄徙房州刺史
宗高宗太子立二月武后廢爲盧陵王四月遷帝於均
州二年遷帝於房州帝之遷房與韋后同幽閉備嘗艱
苦每使至帝惶恐欲自殺后止曰禍福何當早晚等死
耳無遽帝與后約一朝見天日不相制是時十四載武
后感狄仁傑姑姪子母之諫遣徐彥伯召還帝即以帝
爲皇太子河北道元帥狄仁傑副之以討默

年帝復位與韋后綏政亦如武后在高宗之世五年后
進毒弑帝於神龍殿臨淄王討誅之今舊城南有反于

口

石普幽州人歷河西軍節度使太宗嘗曰普性剛鷲與諸
將少合然藉其善戰每厚遇之後坐私天文詔除名貶
賀州尋安置房州增房州屯兵百人護守普既以罪廢
每太宗忌日必盡室詣佛寺齋薦率以爲常

潛衡水人歷忠武軍節度使上親征契丹命石保吉等
領前軍赴真定與潛會潛逗遛不進致虜得渡河劫人

民焚廬舍上駐大名而邊捷未至諸將屢請益兵潛不
之與有戰勝者又抑不以聞上怒徵潛詣行在下御史
府百官議法當斬上貸其死並家屬流房州

宋

郭宗訓周世宗第四子顯德六年封爲梁王卽嗣立宋太

祖受禪封鄭王遷於房以辛文悅爲房州守保全

五代史

魏悼王廷美字文化本名光美宋太祖第四弟初加中書

令開封尹封齊王進封秦王廷美驕恣將有陰謀竊發
遂罷開封尹授西京留守後趙普以廷美謫居西洛非

便復教知開封府李符上言廷美不悔過怨望乞徙遠郡以防他變詔降爲涪陵縣公房州安置宋史傳

龔夬字彥和瀛州人進士第三僉書河隄判官徽宗立召拜殿中侍御史論劾章惇蔡卞蔡京願考證其寔以正姦臣之罪於是三人者皆去又上疏乞正元祐后册位號及元符后不當並立書報聞已而元祐后册再廢言者論夬首尾建言詔削籍編管房州夬徒步適貶所持一屬覓錢自給赦歸政和元年卒贈諫議大夫

宋史傳

劉光祖簡州人仕宋爲起居注韓侂胄執政政事大夫

為偽學光祖撰涪縣學記謂好惡出於一朝是非奪於
萬世諫官張釜指為訕謗慶元五年奪職居房州

陳與義字去非洛人登政和三年上舍甲科累遷太學博
士擢符寶郎金人入汴遂避亂襄漢久之召為兵部員
外郎長於詩體物富興清遠紆徐高舉橫厲上下陶謝
韋柳之間舊志載與義寓房之南山改曰鳳凰山有詩

詳山川

明

母德純南充人正德丁丑進士任大理寺左丞嘉靖四年

以議大禮落職戍房到日開館授徒討論文義雖歷首
顯清約如寒士

國朝

李國樑本姓黃咸甯人幼嗣舅氏李在中充太僕衙門吏
考授從九品旋歸宗寓房縣嘉慶丙辰春賊起父黃茂
孔被害時國樑客於秦趨回誓殺賊募鄉壯六百餘名
隨營協勦丁巳五月總統惠齡師追賊至鎮安黃龍鋪
擊殺無算國樑與宜昌通判高舉及子高仲武均戰歿
事

聞交部一體卹賞

任漢周字望東山西孝義人房商薛永清店客也性慷慨尚義有古豪俠風嘉慶丙辰春賊起漢周偕士民守城晝夜不倦見賊輒鬚髯戟張齒牙誓殺賊賊渠聞而素貧困漢周不知其習教也數賜之禹德周甚一日忽城見禹方擁衆薄城下瞿然曰乃禹乎繼而出首諸軍所切責之詞色峻厲賊衆殊不堪將加刃焉禹以手曰恩人也不可殺已而具酒食以進漢周擲杯大笑曰我良民耳肯食賊食耶禹大慙媵媵然笑乃寘漢周

室中旦啓戶則雉經死矣禹嘆惜舉其尸瘞焉久之民
有自賊營中出者白其事於永清永清發視之面如生
鍾靈閩長汀人隨叔父夢瀛令房邑凡政有不便潛爲轉
移民陰受其惠而不知叔任終不歸以教授自終成就
多知名士尤工咏吟自號海萍子著海萍子集十餘卷
房詩學之興厥功居多晚號九九老人享年八十一而
卒慕林和靖之爲人終身不娶童顏鶴髮見者驚爲神
仙中人

李子沛號五峰來自中州善屬文課徒講藝北山文人多

出其門遺稿能啟後學子孫皆畎畝中人

興國州貢生鍾龍章其弟鍾茂銓從叔父儒學鍾榮國來
房設教有年成就人才甚衆章講解明晰竊聽者亦獲
教益銓課期先自擬程示諸生著有小講入法破銅集
行世後嘉慶戊午中式舉人

南漳廩生袁敏號雪蕉工書善畫歿於房其著作見南漳
志

大治胡文衡寓房教讀有年手錄五經至十部分給門徒
學問淹博字體堅挺有歐蘇法

孝感廩生游泮黃州廩生江際可王誕登陝西諸生翟華
國俱善屬文有積學來房授徒講藝多所成就

安徽張珍銘邑令施序云張珍銘字步虛余同鄉潛山人
也少負雋才不得志流寓房陵房之人士慕其品學競
師事之多所成就曾以脩脯餘資置田數畝構屋三楹
將遂家於房不數年而卒年僅三十有三尙乏子嗣門
人於忌日咸服心喪余以庚子來宰斯土竊聞其事而
未悉其巔末辛丑冬門下士劉生元棟吳昶等將以遺
產立祠以誌不忘而以額聯爲請嗚呼人生在三事之

如諸生師弟之誼如此其厚洵有古人風以故不辭
而并叙其梗概於此

謝煌原名爾壩浠川布衣也道光季年侍外祖訓導汪鵬
宦遊來房旋幕縣署咸豐時亂隨金縣帶勇擊賊著有
勞勩屢詳在案後遂家焉

雜記

戴禮有雜記上下篇扶風漢史亦有之後世著述家遂不可枚舉如志餘外篇別集皆是也茲志除事紀外其餘則分門別類以敘之若夫支言瑣事無門類可分不得不以雜記收之至二氏之學吾儒弗尚然成仙成佛不知幾生脩到房雖僻陋而史冊所載故老相傳安得盡以子虛烏有置之哉誌雜記

漢河間獻王傳劉元王五世孫也及嗣位取故廣陵厲王厲王太子及中山懷王故姬廉等以爲姬甘露中冀州

刺史厩奏元事下廷尉逮召廉等元迫脅凡七人令白
殺有司秦誅元有詔削二縣萬一千戶後元怒少史留
貴留貴踰垣出欲告元元使人殺留貴母有司奏元破
賊不改不可君國子民廢勿王處漢中房陵居數年坐
與妻若共乘朱輪車怒若又笞擊令自斃漢中太守請
治元病死國除

漢常山憲王傳王有不愛姬生長異稅稅以母無寵故亦
不得幸於王王后脩生太子勃王內多所幸姬生子平
子商王后稀得幸及憲王疾甚諸幸姬侍病王后以姬

娟不常在輒歸舍醫進藥太子勃不自嘗藥又不宿留
侍疾及王薨王后太子乃至憲王雅不以稅爲子數亦
不與財物卽或說太子王后令分稅財皆不聽太子代
立又不收恤稅稅怨王后及太子漢使者視憲王喪稅
自言憲王病時王后太子不侍及薨六日出舍太子勃
私姦飲酒博戲擊筑與女子載馳環城過市人獄視囚
天子遣大行騫驗問逮諸證者王又匿之更求捕勃使
人致擊笞掠擅出漢所疑囚有司請誅勃及憲王后脩
上曰脩素無行使稅陷之罪勃無良師傳不忍致誅有

司請廢勿王徒王勃以家屬處房陵

後漢書費長房汝南人曾爲市椽市中有老翁賣藥懸一壺於肆頭及市罷輒跳入壺中市人莫之見惟長房於樓上覩之異焉因往再拜奉酒脯欲求道而顧家人言憂翁乃斷一青竹度與長房身齊使懸於舍家人見之卽長房形也以爲縊死驚號殯之於是隨翁入深山荆棘於羣虎之中留使獨處長房不恐又卧於空室以朽索懸萬斤石於心上衆蛇競來齧索上斷長房亦不恐復使食糞糞中有三蟲臭穢特甚長房意惡之翁曰

原稿缺

原稿缺

三百人於州西南房山中學道得仙因名其地爲廣仙

後人語譌傳爲光遷

寰宇記

房陵粉水旁有文將軍冢基隧前有石虎石柱甚華麗閭
邱羨之爲南陽葬婦基側將平其域夕忽夢文諫止羨
之不從後羨之爲楊佺期所害論者以爲文將軍之祟
也

水經注

隋開皇中房陵王勇之在東宮及宜陽公王世積家婦人
所服領巾製同槃幡軍幟婦人爲陰臣象也而服兵幟
臣有兵禍之應矣勇之竟遇害世積坐伏謀

唐城陽公主太宗女下嫁杜荷坐太子承乾事誅又嫁薛
瓘初主之婚帝使卜之繇曰二火皆食始同榮末同滅
請畫婚則吉馬周諫曰朝謁以朝思相戒也講習以畫
思相成也燕飲以暮思相歡也婚合以夜思相親也故
上下有成內外有親動息有時吉凶有儀合先亂其始
不可爲也夫卜所以決疑若黷禮慢先聖人所不用帝
乃止麟德初瓘厯左奉宸衛將軍王坐巫蠱斥瓘房州
刺史王從之官咸亨中王薨而瓘卒雙樞還京師

房造愛元齡子誕率無學有武力尚高陽公主爲右侍

衛將軍公王帝所愛故禮與他埒絕王驕蹇疾遺直任
嫡遺直懼讓爵帝不許王稍失愛意怏怏與浮屠辯機
亂帝怒斬浮屠殺奴婢數十人王怨望帝崩哭不哀高
宗時出遣愛房州刺史王又誣遺直罪帝勅長孫無忌
鞠治乃得王與遺愛反狀遺愛伏誅王賜死

唐田亾爲李逢吉門下吏坐事匿逢吉家詔捕弗獲及逢
吉出鎮山南表亾隨軍滿歲不敢集使人僞過門下省
謂房州司馬爲有司所發卽襄陽捕之詭譎不遣御史
劾奏奪俸一季

唐承宏爵廣武王高宗子章懷太子賢之孫也坐交非其

人貶房州別駕還為宗正卿廣德元年吐蕃入京師天

子入陝虜宰相馬重英立承宏為帝賊退放承宏於華

州

神龍元年竹山縣陰隱客

一作客

家浚井千尺無水工人捫

壁别一天地日月世界署牌曰天桂山

道志作天柱

宮門內

兩人皓齒鬢髮金冠跣足問胡為至此工人具陳本末

須臾有緋衣傳勅曰以禮遣之問者遂引至清泉洗浴

白泉漱飲甘美似醉行半日見城郭宮室皆金玉城樓

題云梯仙下人詢曰此何處門者曰初得仙關送此國
脩行七十萬日然後至諸天或玉京蓬萊崑閬姑射工
上山尋來路門者曰汝來此頃刻人間數十年矣舊穴
不可得當奏請通天關鑰送卿歸工人拜謝須臾雲開
已在房州北三十里孤星山頂洞中及出詢陰家云已
三世矣自是不食五穀莫知所在

博異志

唐永王璘元宗子少失母肅宗自養視之封領荊州大都
督又領山南等四道節度使安祿山反帝至扶風詔王
即日赴鎮以少監寶昭爲副璘至江陵募士得數萬補

署卽官御史時江淮租賦鉅萬所在山雲璘遂有闕江
之意詔皇甫侁討之戰大庾嶺璘中矢被執侁殺之璘
未敗時上皇下詔降爲庶人徙房陵及死送妻子至蜀
上皇甚悼之

唐上元元年以來瑱爲山南東道均房等十州節度使代
宗立程元振用事譖瑱遂下詔削除官爵貶播州尉員
外置及鄂賜死籍其家瑱死帝悟元振誣以它罪流溱
州以梁崇義爲節度使代瑱崇義爲瑱立祠四時致饗
避瑱廳事不處哀祈禮葬詔可廣德元年追復瑱官爵

唐李遜字友道魏申公發之後也貞元初代嚴綬爲山南
東道節度使時方討蔡析山南東道爲兩節度以專節
隨三州授高霞寓得專攻討而遜督襄復郢均房五州
賦饋之初襄州兵隸霞寓者多逃還後霞寓戰賊不勝
言爲遜所撓帝欲按狀宰相請置不問韓愈送詩云帝
憂南國切改命付忠良壤畫星搖動旗分獸簸揚玉營
兵轉肅十里地還方控帶荆門遠飄浮漢水長賜書寬
屬郡戰馬隔鄰疆縱獵雷霆迅觀碁玉石忙風流峴首
容花豔大隄倡富貴由身致誰教不自強亦可想見其

爲人矣

元和時強伯達家於房世傳惡疾達弱冠亦患此父母皆以必不可療恐復染裏糧置深山中涕與別遇一僧口授金剛經四句偈達熟誦久之忽有虎至達懼甚瞑目待死而已虎爲遍舐其瘡去患少瘡僧復至以青草一握煎洗之遂痊自是家無惡疾

無姓和尚居房州龍興寺從岳州聖安寺作道場於楞伽北峯不越閭者五十祀其終也柳宗元銘曰道本於一離爲異門以性爲姓乃歸其根無名而名師教是尊假

以示物非吾所存

柳宗元文集

永清廢縣房州東百二十里城郭殘毀穆宗時某遊其中
見荒廟巋然無門榜牌記人曰此永清大王也不詳其
姓氏其徒倚久之恍惚與神接神曰我姓周氏名廓毗
陵人也大父子隱吳書有傳誅南山虎斬長橋蛟與民
除害陰德昭著余有壯志以功承上帝命於金商均房
四郡間捕鷲獸數年勦猛虎不可勝數時以安虎之帥
在西城形甚偉躡捷異常身如白鶴額有光如鏡噬人
最多余亦誅之居人爲余立廟自襄漢以訖藍關以南

凡三十餘處皆余憩息所也歲祀綿渺俗傳多誤以余爲白虎神幸君爲我正之言訖不見他日其言於襄陽從事乃書版寘廟中塵侵雨漬文字將滅大中壬申歲襄州觀察判官王澄刻石於廟

集異記

五代慕容彥超土谷渾部人後漢高祖同產弟也嘗冒姓事閻氏黑色鬚髯號閻崑崙唐明宗爲軍校累遷刺史歷磁單濮棣四州坐濮州造麴受賊法當死高祖自太原上章論救得減死流房州後反勢窮夫妻皆投井而死

宋趙贊并州人性險詖辯給好言利害累遷至鹽鐵都監
至道元年上元節京城張燈太宗以上清宮成臨幸贊
與鄭昌嗣邀其黨攜妓登宮中玉皇閣飲宴至夜分掌
舍宦者不能止以其事聞太宗大怒詔奪贊官許攜家
配隸并州

熙甯丙辰四月二十六日襄州通衢一死婦阿毛充人其
夫楊金配隸房陵既死詣州請願負夫骨歸葬故鄉遭
大疫遂斃於道

宋孫升字君孚高郵人爲待御史時翰林承旨鄧溫伯爲

方集元
臺臣所攻升論之尤力謂草蔡確制稱其定策功比漢
周勃欺天負國豈宜親承密命不報紹聖初張商英劾
之削職知房州

宋陳搏亳州真源人始四五歲有青衣媪乳之自是聰悟
經史一覽無遺後唐長興中舉進士不第不求祿仕以
山水爲樂遇孫君仿麋皮處士二人者高尚人也謂搏
曰武當山九室巖可以隱居搏往棲焉因服氣辟穀歷
二十餘年但日飲酒數杯移居華山又止少華石室每
寢處多白餘日不起搏好讀易手不釋卷嘗自號扶搖

子宋太宗時入朝賜號希夷先生今武當天柱山白雲
峯爲希夷坐靜處凌虛巖有誦經臺又嘗憩息於竹谿
之陳家堰至今夏無蚊

許安世爲房倅告蘇子瞻云元豐間有名三花仙者來自
京師嘗簪三朶花游頗能詩郡守夏侯在京師與相善
卽以前事云至房中說之及侯守房三花仙曰記房中
之言否旣見侯七日而尸解蘇軾詩并序房州道判許
安世以書遺余言吾州有異人嘗戴三朶花莫知其姓
名郡人因以三朶花名之能作詩皆神妙亦能自寫

眞人有得之者許欲以一本見惠乃爲作此詩學道無
成鬢已華不勞千劫漫蒸砂歸來且看一宿覺未暇遠
尋三朶花雨手欲遮瓶裏雀四條深怕井中此畫圖要
識先生面試問房陵好事家又夷堅志三朶花姓李氏
隱於房州之福溪巖每戴紙花三朶入市市人圍繞呼
之但笑云休打裏休打裏者房人言猶云莫要如此也
有二三老翁與之遊閒遊入城飲酒輒語先去我便來
翁到城李已先在同詣酒家所沽錢盡而興未已李探
手於腰間小竹箠中取錢索酒至醉翁竊視其箠空無

所有李自取依然隨手滿案如是久之忽與人告別不知所之原隱處石壁塑像猶存郡人記其一詩戴花三朶鎮長春誰識元中不二門醉裏自傳神仙活終當不老看乾坤尾句或云不知不覺到黃昏蓋每醉時必寫真雖兵戈後尚有藏之者

房陵民李政爲保正頑猾健訟侵奪人產官莫能治瀆熙中暴亡是日其家特產一犢腹下黑白毛色相間成保正李政四字了然可識每見妻子輒淚下甫半年爲虎所噬骨肉皆盡惟字處獨存

道志

宋醮熙間房人解三師女好讀書其父精法術女亦潛習
之年二十贅歸州民施華爲壻華商於外三載寄妻書
曰不富無歸也女視畢卽掩淚不食尋卒華不知也後
華在汝甯女忽來驚問曰汝孱弱何能至此曰得汝書
脫身就汝華信之後還歸州田所者三師鄰人也過華
見之驚曰七五姐亡三載矣何爲在此曰我詐死訪施
郎耳田歸告三師三師遣男往兄妹情甚洽詰其故女
曰吾亡後遇九天元女憐吾志授還魂術遂再生越二
年偕夫行至葬所女忽不見

唐風仙名守澄隨州人幼入武當姿貌古怪杖上常挂數
十胡蘆往來均房聞言人吉凶無不驗開慶己未後不
知所終

魏禧冰叔送黃孝廉歸楚時房竹新復詩云愛客愛楚客
楚客多豪雄愛水愛楚水洞庭多悲風彭蠡雖滙澤了
不異人意乃知天地多雷同我曾泛白馬喜無湖邊山
不知此湖濶多少只見飛鳥去不還側耳洞庭湖青天
爲益日月浴生不上岳陽死不瞑雙目楚水楚水風不
波楚人楚人今若何

黃衣和尚名不傳初創保康治時居珠蔭洞小庵中嘗衣黃因號之凡遇虎豹叱之而馭渡津涉水衣履不濡唐藩王聞而異之召賜衣物後不知所終

潘妾者均房營總旗潘某妾也潘駐城東鄰守備署其西爲土地祠皆荒翳一日出閒步忽擲桃中其肩迴顧見一女微笑自言有夙緣潘愛其韶麗納之潘妻故賢淑而妾又善窺人意旨事無大小咸經理相得其權居二年忽言別潘固挽之妾曰此定數不可強且圖再會絮語終夜忽失所在年餘守備來潘直宿過土地祠

百小兒跳舞直撞聞人聲乃散而潘已僵矣昇歸卧數
月分必死妾忽至潘悲喜交集告以苦妾曰吾固早知
矣急進藥月餘始起妾又去潘感涕無已明年與同伍
某過均州好漢坡遙聞鈴聲有婦女六七騎自林中來
同伍指曰騎白驃者非君麗人耶潘驚視果妾也指謂
潘曰某吾姊某吾妹詢所往云上武當潘遽執手泣妾
愀然曰諸姊妹在君何作此態且我甯不思君顧公事
不可稽事畢仍會此同歸耳後回至坡不復見潘惘然
房山高險幽遠石洞如房多毛人長丈餘遍體生毛時出

啣人雞犬拒者必遭撲搏以鎗礮擊之不能傷惟見之
卽以手合拍叫曰築長城築長城則倉皇逃去父老言
秦時築長城人避入山中歲久不死遂成此怪見人必
閉城脩完否以故知其所怯而嚇之錢唐袁簡齋曰數
千年後猶畏秦城可想見祖龍之威矣又有獾獸食銅
鐵而不傷人凡犁鋤刀斧見則涎流食之如腐故城門
所包鐵皮盡被啖按爾雅郭註獾似熊小頭羸脚黑白
鬣能食銅鐵正義曰史記索隱張揖云獾似熊羸脚銳
老考無髓食銅鐵與郭註同又傳九道梁有獾食銅鐵

士人奇之山海經嚴道縣有狢食銅鐵華陽國志建甯郡有狢食銅鐵

房陵有罵詈山臨愁水昔稱四塞險固秦始皇徙趙王遷於房陵後徙呂不韋舍人萬家於此漢世濟川王明常山王舜清河王年河間王元廣川王海陽俱以罪廢徙房陵故常璩謂漢宗族大臣多徙此縣也而其地之幽

遠險僻可想見矣

浮鴈雜記

唐柳宗元因山賦楚蜀之郊環萬山兮勢騰踊夫波濤紛對廻合仰伏以離迥兮若重壙之相襲爭生角逐上軌

旁出兮其下圻裂而爲壕欣下頽以就順兮曾不畝平
而又高沓雲雨而漬厚土兮蒸鬱勃其腥臊陽不舒以
擁隔兮羣陰沍而爲曹側耕危稜苟以食兮哀斯民之
增勞積林麓以爲叢棘兮虎豹咆闕代狴牢之吠噪余
胡井智以管視兮窮坎險其焉逃顧幽昧之罪加兮雖
聖猶病夫嗷嗷匪兕吾爲柙兮匪豕吾爲牢積十年莫
吾省者兮增蔽吾以蓬蒿聖日以理兮賢日以進誰使
吾山之囚吾兮滔滔

宋陳造後囚山賦柳先生說迹中朝落身南州卽囚山而

命賦寫宵次之幽憂讀者哀之至今心爲之悽惋而聲
爲之悲啾房陵斗州窮巖絕隘裂石廩之一罅瞰千室
而斯在層峰疊嶂自蜀而東亘二千里此焉未沫嘗悲
高而舒望取羣愁之一快掩頽蒼繚寒碧兮了不究其
所屆騰陵勃怒崩轟闕沓植則困縈則帶蕪焉如郭銳
焉如鐵馳萬馬於曠莽翔羣龍於霏霧又似夫颶風之
塵萬艘翻濤瀾於渤澥天雲若可手擊而日月爲之隔
閔嗟余與子胡此焉仕案亦簿領庭亦卒史最無以泰
吾心而遊無以提吾趾時則誦柳先生之賦而知其有

以也夫其猿顛鳥什窮號懾陸直狴狂之可駭也出不
易入入不易出幽僻塊處荒儉瘠民悍容而獠音日接
乎前幾刻木之與對也嵐昏澇朝黯掩暄晦僵人骨而
酸鼻亭午未已仡仡者病壯者廢由漢暨唐王公貴人
悖而罪劣可矜貸毋此來之味也自我解裝歲律甫遷
向行止之坎流今枵兜而鍼氈嗟若余子盤薄四年局
不得歸欲語復茹反諾已而靡愆袖長賦而見投慨今
昔而潛然痛亂山之見囚束寸步而莫前牢愁幽憤搯
腸淪髓匪接摺而踣顛不繼檻而掎止何高高之不仁

而使我至於此也蓋嘗繹子辭究諸理子之所以惻愴
而自悼我之所以感動而促感者君子有弗是也彼漢
唐之逐臣例庸房之廢徙則亦干國之憲不容自巳吾
與子來其始誰使非以其窮塗之絕援資身之無策博
斗升以飽飢而違死如庸賈之走荒裔罷農之守境墾
曾不暇計去取於彼此也邪以吾校子又進退之異趨
齒髮之懸殊環索吾中槁涸而空無彼子柳子趾劉躡
呂蒙韓與徒若遠中立吳武陵之桀然方且望塵躡影
殘齊其驅彼其一且踟躕於嵌竇巖阻之幽深宜其號

鳴悼暗不能一朝以居予之春愚質之機疎才之卑迂
萬非時須而遽乃顰頰悼中梢焉慘焉以賊和而傷生
夫何爲乎訛歸計於蟾蜍第圓缺之六七付古今於俯
仰聽寒暑之更迭雖浩劫之悠長尚激矢之漂疾吾方
左右圖史深居簡出揖勝友於南山斟春色於九室一
不假物背之書超然乎紮維繫孽之表非三花老仙孰
其委悉子以吾言爲何如余子謝之曰憂滯憤懣吾已
失矣歷代賦彙

唐中宗爲天后所廢於房陵仰天而歎心祝之因拋一石

於空中曰我後帝此石不落石爲樹枝挂至今猶存又
人渡水拾古鏡進之帝照面其鏡影人云卽作天子未
浹旬復居帝位

獨異志

房陵有獵人善射矢無虛發一日遇猿凡七十餘發皆不
能中猿乃舉手長揖而去因棄弓矢不復獵

畫墁錄

均房人取山中枯木作膠傅破布單施虎徑中木葉蔽之
虎踐履著足不脫虎怒頓挫不能去以至傾撲而死開
腹腸亦斷

房州西門外三十里有石崖極高峻其下爲石室道觀在

其側曰九室宮土人相傳云陳希夷隱於華山時嘗居此石室乃臥閣也民焦老者居山下陳每訪之將至必有二鶴翔空而下焦民以此候之傾家出迎具茶果延伫經歲常然一日告去焦曰先生將何之曰吾欲歸三峰耳焦父子強留之不可徐問曰汝家何所欲欲官耶欲富耶焦曰窮民不願官倘得牛千頭足矣陳笑曰易事也携與俱行至山後指一地曰異日葬此當如汝願及焦死其子奉柩寔於所指穴數年間貴產豐盛耕牛累及千頭迨二百年子孫尚守其舊業鄉人名其處爲

焦老墓田

張公院在南山舉厰離城一百四十里山峰獨立翠從層
霄登眺則衆山俱俯頂有方丈地尚存基址其礫石圍
丈餘相傳張子房脩行處山頂有非盛器內或謂仙菜
又有落葉葉有佛像名佛葉樵者無心過之山頂霧
起卽雨歛則晴去院二十餘里許有白雲菴亦云子房
脩行處

邑令王璋廉正無私不輕接紳士有貢生史姓以事牽累
觸怒浼學師捕廳求解不可旣而其子乘間言之遠推

案起曰朝廷法度豈由爾耶自是無敢復言者然凡事實心爲民處治周詳康熙六十一年歲荒牛瘟民不能納糧令代償之復遣役歸家取銀賑饑且買牛爲來春耕種計銀至均州而令卒闔邑士民閉戶哭之曰房人太無福也在任軼事至今邑人猶傳誦之令每夜微服巡行遇讀書者尋聲叩戶親爲講解貧寒者資其膏火每月數召生童課文細加評改盛筵款待獎賞優厚房故山僻不以讀書爲事至是人皆自奮戶誦家絃文風大振又將嫁女召工造簪珥數日不至詰其故曰器具

被盜是以遲之令曰我知盜所在明當拏問次日銀工
偶出西門則所失器具在蓋賊住縣衙旁聞言乘夜送
出也何老販陶爲業爲石絆跌盡碎於路何泣不欲生
適令自郡回見之問其故遽命舁石至署市人皆驚競
往觀焉縣牌明午嚴究聚觀者益衆乃從容升堂先命
闔門自以青蚨三千給何老謂衆曰石豈能言乎吾何
能令石償也獨念此老無資行將凍餓死耳汝等俱宜
憐恤孤貧隨帶有錢能助我乎衆欣諾頃刻擲錢滿地
約十餘貫何老感泣領謝得飽煖以終云楊某因口角

爲包某誤傷致死楊婦泣訴令審驗得實並問楊婦家甚窘因謂婦曰殺人者死但包誤傷汝夫罪未抵死且汝夫死家貧親老子幼卽治包軍流之罪於汝何益不若令包具棺衾設齋醮衰服以葬汝夫更以其田產斷歸汝家管業以贖伊罪則汝夫冤伸汝報夫之心亦盡豈非兩全乎勸諭再三楊婦始從然包雖幸脫罪而貧苦難堪楊婦城居而田在包家河遠距三十餘里耕種不便又當讐家門彼此往來皆怒目相視一日令出過包家河塘汎兵來逐令指一兵曰汝非張其祥乎有水

田二石在城北門外乎曰有曰汝在此守泚而田寔遠
耕種不便塘後包家田三石今歸楊氏婦彼亦不便我
欲以彼田易汝爾亦不離泚地可乎張連叩曰幸甚自
是包楊兩家亦各喜寃家之離眼也署嘗養一猿頗慧
默解人意因縱脫之任其出入一日忽失印百計搜索
不可得已浹旬矣令驚懼久之偶爾見猿坐屋脊揮掌
作用印狀急呼之不應穿樹跳垣頃刻杳然不得已合
圍銃斃印猶在其手

康輿聞秀才張慶能以耳聽地知休咎爲兄廣文張憲上

地葬數年家頗不利姪議遷且誣叔妄慶耐之意不釋
潛往聽之得蜂聚聲曰嘻我知之矣告姪云地氣將脫
否交泰發在目前不信破墓起棺白氣蒸騰霄漢視其
穴紫藤縈纏棺旁觀者太息悔無及嘗邀叟三五夜靜
至河畔授以術伺聽之水底作金石絲竹音婉轉清絕
逆流而上詰其故曰此地龍走也兆應下河將敗上河
將興後果然又聽一地臨險鑿穴預爲葬所往聽穴中
作小語曰喜盡悲來脩短有數茫茫然歸告家人沐浴
更衣危坐舉家正駭疑忽捷音至二子並賦采芹慶聞

啞然大笑而逝

邑令常熙夏日南山驗寒暑熱渴甚行巖徑旁有水泉飲之題曰半巖懸古井一確好清泉過客憑誰飲從來不

要錢其居官於此可見矣後卒於署嘉慶元年教匪亂

邑人請乩於鼓樓判詞頗驗衆叩何神復判云憶昔當

年知縣事警頑震鼓樓上警頑震見高樓千株桃李

深培養一片冰霜質冥幽名宦祠中無供祭蓬萊山下

任優游而今至止傷蒿日常願熙暉不我由

胡維璉乾隆年人未週歲每於無人處哭兒女經年如是

其父以黑狗血噴之乃止維璉前世南陽人曾置約契於人不知處其子與人爭地構訟連年無約案不能結一夕托夢於子約藏某處現投生湖北房縣西鄉胡家灣胡某家某子得約結案明年二子鬚髮半白具童子衣帽踵門相認璉亦不知前生事矣

均房營弁王某外號王黑子往南山廵查汎地偶被酒信馬行至懸崑斷棧處架獨木爲橋馬齧棘不行王忽驚醒見上則峭壁千尋下則潭深無底不覺失聲大呼曰嗟乎吾聞物命在人人命在天今日我命在汝馬矣語

畢馬退數步飛躍而過汗如雨下王自是不復乘騎矣
養以終

乾隆時房城數里外林麓平曠多猛獸東鄉張極矣初時
往深谷覓牛吹洞角作胡笳聲且吹且走忽狂風落帽
見隔岸一物大如牛黃毛黑斑噬人過半心知爲虎駭
極伏草窺之雙目閃爍有光尾與身等鋸牙鋒獠轉側
雄猛無何草動虎覺咆哮過澗勢將吞噬自分必死不
覺魂已離窠忽林木雨分一牛箝至突以角觸虎鬚虎
負痛曳尾逃走牛追之不及而返以鼻嗅張張蹙踉蹌

跨牛背歸家進之威昨舌自是得癩疾年餘始愈聞其
家世代不食牛肉或其報也

道士趙某任東川堡閉門賣藥不妄接人喜行利濟事乾
隆五十一年捐餉乾河石橋祈能文者作續善錄刊刷
數千部於武當山散之嘉慶年爲教匪所害汪胤儒有
寄趙鍊師詩云欲訪元關開未開白雲遙指鍊丹臺鶴
從江上傳書去鹿向山中送藥來濟物有心聊市隱入
塵不染自仙胎如今寶錄裝多少何日終南散一回
洪令赴竹谿經竹山有某攔輿進詞洪曰竹山有言還其

詞某趨前卧街心洪至叱之起曰吾竹山民也洪曰天下官管天下民管之某曰公旣責民卽可爲民雪冤復進詞乃遠貿歸離家數十里披素識某店宿將錢裕交店主收鎖於櫃明晨竟去移時來取店主授之某歸寅夜復至云裕內銀封換爲錢封互控竹山屢訊未折云云洪卽傳店主夫婦候訊用硃筆寫銀字於店主掌心店婦不知也洪曰吾與爾官有公議明日早訊如將手內銀字擦損定行重責筋差押於劄翌日訊問銀字在否店主連聲應曰銀字在時店婦俟訊堂下差向店婦

去東元
云汝聞之乎汝夫已招認矣銀子何在卽行取繳免致
受刑店婦遂云銀子現在某處差回洪當堂訊明追銀
而獄折矣

嘉慶時正月旣望西河會演戲忽人聲鼎沸紛紛亂竄自
西關來衆駭然及近一耕牛也奔馳如飛有壯漢尾追
之入城衆擁簇徃視牛抵衙跪堂下吼聲震地泣涕如
雨縣令洪誑尾追者乃殺牛人也刑以枷杖牛養於惠
感寺

洪令讞獄南山作老蝶論維時金風已至殘暑未消觸熱

馳驅頗滋煩惱幽巖巨壑林木叢生獵獵清風自黑林
起遂解衣磅礴披襟當之俄而煩暑漸消如服清涼散
也卽聽訟大樹下移時而獄平正促歸忽有蝴蝶自空
而至棲於細草中斑斕五色異樣鮮妍問諸土人曰此
老蝶也盛夏見山中寒則棲巖洞經暖復出山中人不
多見也噫嘻谷隱品棲餐雲霞而擷草木遵養時晦以
日以及年及其而彰彰也奇文異采讀法尋常耳目之觀
蝶亦有然耶因盛以木篋擬倩畫工圖而傳之斯欲也
不繫一人籠蝶而歸

青峯張極聰精醫術活人無算道光初四川重慶張姓訪
云房邑青峯張某去冬爲父治病愈酬於旅店不遇今
特圖報耳時聰歿已三年矣乃詣墓厚酬其子而去自
後遠近病者禱墓求醫輒應至今如初鄉人祀之

宋家集有朱筆樹大合抱孟秋開花巨如碗色若傅粉不
實葉大而青者茂於春小而赤者於花落後見之枝端
有紅蕾若筆因以名焉花兆豐歉花盛在頂高山豐收
在中兆淺山在下兆平川旁有池清泉不竭曰玉硯池
城西六里許有龍岡蜿蜒而上十數里曰銀硎向曾開煤

殿焉踰三四嶺有銀峯洞亦曰佛洞濶六七丈許高不可計上有古佛向西坐旁則泉聲點滴自巖半珠垂而下似無時不雨佛座後有小石穴僅容人嘉慶初有吳姓者疑爲銀穴入而鑿之遠斃焉咸豐年又有射利者以採辦爲名煽動多人由此洞曲折而下掘十數丈所獲似是而非無足爲用事遂寢嗣居民以地勢險峻因築石壁爲避亂計

張光有妻吳氏年二十忽狂言討債者蜂至家人以爲妄數日如是若迫脅無所措狀家人焚紙錢禱之氏言不

足償數計者將敲其牙次日齒果落盡其姑飼以清粥
命僧道醮之是夕氏見一童執小錘一童捧牙盒一一
生之尚未全聞雞鳴二童愕然亟裝二齒而去及曉視
之若故但二齒參差耳

生員張某館城西二十里汪基屯有狐仙至與諸生訂交
往城買物狐予小杖出門跨之能頃刻去來上巳生等
赴會狐給綠褶襪置七錢每用如其償數歸則錢如故
狐能文嘗作一藝題在貢生殿之一日狐遊暑學宮頗
徒乘涼院中階上積瓦起迷衆徒移院瓦填如故衆皆

之磚石交加衆懼閉門磚石從窻櫺飛入明日延狐逐
之狐囑備蕎麵黃表硃筆夜靜悉寢燃香俟之旋雷火
四起怪聲大作狐曰此獮也亦五百年道行惟驅而遠
之吾從此逝矣詰朝窻牖皆粘符衆叩何之答以至蜀
明歲臘七日再會又囑李生某改業可入學後人武庠
比至臘八日李生葬祖母先夕築筵前落青蚨二百枚
狐奠儀相設酒餼款之任貢生等在座狐向任云昔年
拙作蒙先生教請問天地間何爲責任曰忠孝爲貴人
事幾途曰邪正兩途狐云是然有邪中之正正中之邪

飲畢辭去衆問何往曰茫茫四海有何定所

唐姓家西北鄉唐溪溝有狐擾其家焚牛欄麥堆柞園等
唐懼禳之置淨室奉如神鄉人爭以禮見五月村廟演
劇一生挈友往觀狐附女孩體先在焉設藕桃果物盈
案云見狐禮也演劇畢衆請見不允一生醉罵之唐姓
懼移禍爲述其誠狐唯唯旋家請見狐問餽何物生叱
曰果仙也一誠有感萬念潛通若索酒果貪饗祀妖言
惑衆何仙之有狐寂然而去

西南鄉車姓家有傭工毛姓夜入臥室先有美婦在

宿緣遂同寢逾月有覺者叩以房中事輒受掌責毛田
聞芟柞忽有桃樹其實離離食之味鮮美同伴懷之過
境則馬糞矣狐知醫療病輒愈隨毛二十餘年一日出
金爲毛娶婦倏不見

宋光弼大木廠人嘉慶時賊亂被殺無數弼藏身屍叢中
夜靜有神人逐次點名至弼曰此人明年某日應死於
襄陽王老三之手弼誌之及期賊由襄至數人追弼家
返一人力追弼回顧曰汝非襄陽王老三乎賊訝問何
以知語以故賊不忍殺以刀微刺其股竟漸潰而死

北門外五里方姓田界有紫荆樹二十七株古幹叢翳花
時紅紫掩映可卜豐歉傳聞數千年物也中有土地堂
春祈秋報特著靈異道光歲荒無賴子砍伐樹枝不日
卽死自後無砍伐者

咸豐三年縣南馬進溝起蛟二山崩數里壓大小戶五家
傷七十餘人河障成潭蛟時現至今尙見之西鄉區担
溝出蛟冲劉姓全家基地成潭至雙龍口陷儲姓房宇
鍋場紙場成潭傷人百口水底尙有屋影

南山麻灣咸豐時山崩沒居民六家計六十餘口惟劉萬

清祖孫獲免緣向以忠厚待人也下麻灣山亦崩過其
流半日水溢汪洋覆田廬無算水涸鄉人於烏龜潭見
一物頭骨大如巨釜雙角節次直理身首異處疑爲蛟
被巖所擊斃者

咸豐六年七月雉人縣署相慶有文明之象以爲王遷秩
兆識者曰非吉也凡物非常則爲災雉於卦屬離離爲
火又王戈兵今雉人署非常之物也昔高宗彤日雉雉
於鼎補已不以爲瑞而諫之正此意也是冬賊匪竄房
衙署民房多燬

咸豐七年來蝗邑生鄭作蝗論或問曰蝗神蟲也否不知
其所自答曰非神也生生之理也腐草爲螢稻花爲蠖
物理有明徵矣自格物之功闕學者莫窺其端倪雖欲
致知不可得矣試以理推之在易說卦巽爲木爲風故
風字從凡虫而山下有風爲蠱在皇極篇風化物之飛
是蝗爲草木所化明矣蝗能飛風之化也股長而健巽
爲股之象也巽陰木也陰必感陽而生故蝗愈晴而愈
蕃巽居先天西南爲六七月之交蝗則六七之間而生
也先天之巽節後天之坤坤土也土居中爲王故

土之性而生其額有王字而其色則黃土爰稼穡穡稼穡作甘故性食百穀皆以類從也蝗之種類不一其色有五應五行也由是觀之今之所謂蝗非蝗也其蝗之類也與然蝗之食禾稼猶人之食百穀人以爲災而蝗不知也而其所以生則戾氣之所致也故三代上人心古陰陽和而蟲荒不見於經傳至春秋始書之曰螟曰螽夫三代豈真無蝗哉無蝗而螽斯何以比與蓋家相能潛消於未然節有之不爲災耳或曰有術以禦之乎曰在德不在術欲其禦之亦惟脩齊治平燮理陰陽而已

若夫禱祝神祇設局收買則吾未見其得也

陝西翟華國高明士也性情剛方教讀於西關老關帝廟
一夕東家夜飲醉而歸通街寂無人聲昏月之中踉蹌
之際前不數武土地堂前恍有婦人焉倏不見趨而視
之見一物形色似墨袖之歸館俄而婦人來也曰妾微
物寄土地堂頃刻覓之不覓得母爲君掇來乎翟曰未
也婦曰別無行人非君而誰曰是誠有之斷不與爾害
人婦百般求之不得旋再三恐之不能乃泣曰物不還
妾難替身萬不能起生也嗚咽將去翟惻然曰來吾

語汝汝要人替人亦要替替必尋替替之不已吾爲爾
作文哀禱帝君赦爾過開爾罪自爾能超生也婦曰煩
勞君心翟援筆一揮而就誦之焚於帝君前婦去旋來
再拜稽首欣欣然有喜色而相告曰感君盛德帝君已
釋妾罪妾可望再造矣

鄉有婆媳互控通姦和尚者王令訊老婦婦如此如此云
云訊媳哭泣不已云和尚實係婆婆推入卧房因不受
欺以致成訟祇可對青天明心王曰吾乃一縣活城隍
堂上有鼓和尚頭作鐘爾等擊鼓敲鐘當堂明誓婆先

擊鼓微敲和尚頭誓之媳擊鼓儘力連敲和尚之頭王厲聲罵曰老賤婦廉恥喪盡明是爾與和尚素行禽獸之事露於媳婦之眼爾等計謀陷媳於術中以塞其口是也不是老婦和尚遍身敲鍊連聲唯唯遂重責老婦重治和尚之罪令婆媳回家離居勿庸來往爲媳搭紅獎之

鄉民魏某首子不養王令訊曰爾年幾何曰四十爾子年幾何曰十八爾有產乎曰無爾先有祖業乎曰先有田有地爾子何生理曰爲人傭工如何不養你曰彼言

錢爾髮辨非絲線乎曰然問子如何不養父曰工錢及
已用盡爾等身有錢否曰無王曰吾問案从矣時已過
午給爾每錢百文各買食用俟吾用饌再訛及再訛魏
餘錢歸吾曰錢用盡爾食何物曰沽酒市脯菓食問子
何食曰飯食豆腐共錢十八餘錢交官王喜曰好償錢
買衣爾總要孝順勤儉爾下去乃怒罵曰見爾舉止早
知素行不才豈不知銀錢之艱難爾子勝爾多矣重責
四十戒爾蕩廢祖業爲父不父後不改性知必重辦回
家必須勤儉家計慈愛兒女可也

秦口劉均州盧販貨上達河赴房竹之間鄉村鬻焉每回
一店審居分途售貨飲食無分爾我銀錢必較分文同
往同來多歷年所無何盧言旋歸劉情戀戀議祖餞於
上達河再爲分手三教堂各清饌債盧乏青蚨二枚索
劉償之訂於上達河還乃行不數武劉聞家音有急切
情事遂分袂經數春一夕劉朦朧中盧握手談心徙居
上達河某巷二枚青蚨刻刻於心款洽正殷膠膠之聲
大耳驚覺他日經營上達河趨巷覓盧杳矣無音悵然
聞白鴨出羣呷呷而來畢肖親蜜意俄而生卵而去拾

之赴饒店換煙饒曰卵小作錢二文轉李舖仍作錢二枚換之

李張氏李傳緒妻張克勤女緒蕩無行檢家窘甚意鬻妻以償博飲債妻泣曰我來汝家忍飢受凍晝夜紡績佐養殮爲人作乳媪得資悉歸汝吾何咎而忍割我母子愛我死不得遂汝也緒逼之凌辱百端氏攜子就夫姑顧姓家針黹度活越日緒至姑家廷曰翁以我改行命接婦歸姑信遣之行至南城外壕邊緒竟殺婦死擲子於塘人救之知縣吳詣驗得實繫緒獄先是外委曾傳

典孿生二子曾覓張氏乳哺適典殤一子投於南城
下正官相驗之日有北鄉某婦因訟寓城亦往視焉是
夜夢張氏曰城下有一嬰兒未死爾無子盍攜歸養乎
婦登起之城下得兒攜去典偵知欲取歸彼堅不與緒
後被髮逆裹去噫張氏性烈守正反遭夫殺死後能庶
所乳之子洵節義可佳也

邑東文筆山麓有古洞可容百人從無有知者咸豐間里
人逐野豬倏不見覓跡洞門有小口羣疑匿其中掘之
大石旁塞旋債工鑿不數鎚而石陷於洞矣纔通人行

十數武見有石棹石爐石鐘石鼓悉叩之其音畢肖石
彩橫掛石燈並垂燈且有石繩繫焉化工天然非人力
所及也同治初謝生避亂於左里人備述欣往觀之

咸豐三年六月教諭司先榜夔寐見顏曾思孟冠冕旒衣
圓領朝見聖人越三日南鄉走蛟水漲冲塌城垣水入
聖廟紳士捧奉聖人四大賢神位供於考棚大堂公案
其夢之徵也亦聖賢在天之有靈也

秀思記
卷之二

二

文廟祀典志

學宮祭器

銅爵

磁爵

登

豆

銅

簋

簋

邊

磁酒尊

樂器

編鐘

編磬

琴

瑟

簫

笛

排簫

笙

埙

篪

應鼓

祝

木笏

瑟

搏拊鼓

舞器

麾旛

羽

籥

庭節

佾舞生三十六名

每歲仲春仲秋上丁日

致祭

又廟承祭官陪祀官均致齋二日先一日俱朝服詣

文廟階下告宰行一跪三叩禮退詣宰牲處香案前上香

視宰宰人割牲瘞毛血教官率役潔蠲殿廡拂拭

神座祭之日

聖先師位前設案一陳帛一白也 罇一簋一盞一遵四豆

四爵三東西各羊一豕一尊一鑪一鐙

四配位前各設案一陳帛一 白色 羊一豕一 鉶二簋二簠

二籩八豆八尊一爵三鑪一鐙二

十二哲位前各設案一帛一 白色 鉶一簋一籩一籩四豆

四爵三東西各羊一豕一尊一鑪一鐙二

兩廡先賢先儒位前均二位同一案每位爵一每案簋一

簋一 四豆四

先賢案前東西各羊二豕二香案一帛一尊一爵三鑪一

鐙二

先儒案前東西各羊一豕一香案一帛一尊一爵三鑪一

鐙二至期黎明各官俱朝服齊集引贊引承祭官自左側門入分獻陪祀各官皆入引贊導承祭官至盥洗處盥手畢引至臺階下立贊就位承祭官分獻官陪祭官各就位通贊贊闢戶迎

神舉迎

神樂奏昭平之章咸一作樂作引贊贊就上香位引承祭官升

東階入殿左門贊詣

先師香案前跪俯伏贊上香司香跪進祭承祭官三上香畢俯伏興贊詣復聖顏子位前跪俯伏贊上香司香跪

進香三上香畢俯伏興以次詣宗聖曾子述聖子
思亞聖孟子位前跪上香儀同贊復位引承祭官復
位同時東西序東西廡引贊引分獻各官分詣十二哲
先賢先儒位前跪上香退復位均如前儀贊跪叩興承
祭分獻陪祭各官均行三跪九叩首禮興樂止通贊贊
奠帛爵行初獻禮舉初獻樂奏宣平之章一作齊平樂作引
贊引承祭官升階贊詣

先師位前跪承祭官跪俯伏贊奠帛司帛跪進帛承祭官受
帛拱舉奠於案贊獻爵司爵跪進爵承祭官受爵拱舉

奠於塾中俯伏興引贊贊就讀祝位引承祭官至殿中
拜位立司祝至祝案前一跪三叩首捧祝立於案左樂
止引贊贊跪承祭分獻陪祭各官俱跪贊讀祝司祝跪
讀祝畢捧祝至

先師位前跪安帛匣內三叩退樂作引贊贊叩興祭官官及
分獻陪祭官均行三叩禮興引贊贊詣復聖顏子位
前承祭官就案前立引贊贊跪俯伏奠帛獻爵俯伏興
如前儀以次詣宗聖曾子述聖子思亞聖孟子
位前奠爵獻帛儀同東西序東西廡引贊引分獻各官

分詣十二哲先賢先儒位前奠帛獻爵亦如前儀引贊
贊復位承祭分獻各官俱復位樂止通贊贊行亞獻禮
舉亞獻樂奏秩平之章一作安平樂作引贊引承祭官升階
贊詣

先師暨四配位前奠爵於左如初禮分獻官詣兩序兩廡奠
爵亦如初均復位樂止通贊贊行三獻禮舉三獻樂奏
叙平之章一作景平樂作引贊引承祭官升階奠爵於右如
亞獻儀兩序兩廡隨分獻畢均復位樂止通贊贊飲福
受胙引贊贊詣受福胙位引承祭官至殿中拜位立捧

福胙二人自東案捧福胙至

先師位前拱舉退立於承祭官之右接福胙二人自西案進

立於左引贊贊跪承祭官跪贊飲福酒右一人跪遞福

酒承祭官受爵拱舉授於左次受胙如飲福之儀贊叩

興承祭官三叩興贊復位引承祭官復位贊跪叩興承

祭官分獻官陪祀官均行三跪九叩首禮興通贊贊徹

饌舉徹饌樂奏懿平之章一作樂作徹饌畢樂止贊送

神舉送

神樂奏德平之章一作樂作贊跪叩興承祭官分獻官陪祀

官均行三跪九叩首禮興樂止通贊贊捧祝帛饌送燎
司祝司帛誥

允師位前一跪三叩首司祝捧祝司帛捧帛興司香跪捧香
司饌跪捧饌興以次由中道出恭送燎所承祭官避立
拜位西旁俟過復位立四配十二哲兩廡香帛饌均送
焚燎樂作引贊引承祭官詣燎所視燎畢闔戶引贊贊
禮畢仍引由左側門出樂止陪祀官皆退

禮部則例

名宦鄉賢節孝祠同時分祭儀同兩廡

樂章

迎

神樂昭平之章一作咸平無舞

大哉

王聖道德尊崇維持王化斯民是宗典祀有常精純並隆

神其來格於昭

王容

初獻樂宣平之章一作肅平有舞

自生民來誰底其盛惟

神明德越前聖粢帛具成禮容斯稱黍稷非馨惟

神之聽

亞獻樂秩平之章

友平作

有舞

大哉

聖師實天生德作樂以崇時祀無斃清酤惟馨嘉牲孔碩薦羞
神明庶幾昭格

二獻樂叙平之章

景平作

有舞

百王宗師生民物軌瞻之洋洋

神其甯止酌彼金罍惟清且旨登獻惟三於嘒成禮

徹饌樂懿平之章

咸平作

無舞

五且言
犧牲在前豆籩在列以享以薦既芳既潔禮成樂備

和

神悅祭則受福率遵無越

送

神樂德平之章

一作感乎

無舞

望燎同

有嚴學宮四方來崇恪恭祀事威儀離離歆茲惟馨

神馭還復明禋斯畢咸膺百福

祝文

維年月日某官致祭於

至聖先師孔子曰惟

先師德隆于聖道冠百王揭日月以常行自生民所未有屬

文教昌明之會正禮容樂節之時辟雍鐘鼓咸恪薦於

馨香泮水膠庠益致嚴於籩豆茲當春秋仲祗率彝章肅

展徽忱聿將祀典以復聖顏子宗聖曾子述聖

子思子亞聖孟子配尚饗

一八月二十七日恭遇

先師誕辰均致齋一日禁止屠宰禮部則例

崇聖祠

祀典



文廟

二

五代王位均南面每位前各設一案陳帛一羊一豕一劍二
簋二簋二籩八豆八尊一爵三鑪一鐙二

崇聖祠東西配

先賢位東西向每位前設帛一簋一簋一籩一籩四豆四爵三
東西各陳羊一豕一尊一鑪一鐙二

崇聖祠東西廡

先儒每位前設爵一簋一簋一籩四豆四 東西各帛一
羊一豕一尊一鑪一鐙二

引贊引承祭分獻官入祠垣左門分詣行禮不用樂舞

凡上香迎

神奠帛奠爵讀祝徹饌送

神視燎承祭官及四配兩廡分獻官行禮均如致祭

先師儀

禮部則例

祝文

維年月日某官致祭於

學聖王

裕聖王

詒聖王

昌聖王

啓聖王曰惟

王奕葉鍾祥光開聖緒盛德之後積久彌昌凡聲教所覃敷

率循源而溯本宜肅明禮之典用申土之忱茲當仲春秋

聿脩祀事以 先賢顏氏 先賢曾氏 先賢孔氏

先賢孟孫氏配尚饗

又廟祀典考

大成殿正中

主聖先師孔子神位

東配復聖顏子 述聖子思子

西配宗聖曾子 亞聖孟子

東序六哲閔子損 冉子雍 端木子賜 仲子由

十子商 有子若

西序六哲冉子耕 宰子予 顓孫子師 冉子求

言子偃 朱子熹

東西兩廡各五間

東廡先賢名目

遽瑗 澹臺滅明 原憲 南宮适 商瞿 漆雕開

司馬耕 梁鱣 冉孺 伯虔 冉季 漆雕徒父

漆雕哆 公西赤 任不齊 公良孺 公肩定

榮旗 鄒音單 罕父音黑 左人郢 鄭國 原亢

廉潔 叔仲會 公西輿如 邾音巽 陳亢 琴張

步叔乘 秦非 顏哈 顏何 縣亶 樂正克

萬章 周敦頤 程顥 邵雍

西廡先賢名目

林放 宓音伏不齊 公哲哀 高柴 樊須 商澤

公治長 巫馬施 顏辛 曹卹 公孫龍 秦商

顏高 壤駟赤 石作蜀 公夏首 后處 奚容蒧

音 顏祖 句井疆 秦祖 縣成 公祖句茲

燕伋 樂欬 狄黑 孔忠 公西蔵 顏之僕

施之常 申棖 左邱明 秦冉 牧皮 公都子

公孫丑 張載 程頤

東廡先儒名目

公羊高 伏勝 董仲舒 后蒼 杜子春 諸葛亮

王通 范仲淹 歐陽脩 楊時 羅從彥 李侗

呂祖謙 蔡沈 陳淳 魏了翁 王柏 趙復

許謙 吳澄 胡居仁 王守仁 羅欽順 文天祥

西廡先儒名目

穀梁赤 高堂生 孔安國 毛萇 鄭康成 范甯

韓愈 胡瑗 司馬光 尹焞 胡安國 張栻

黃幹 陸九淵 真德秀 何基 陳澔 金履祥

許衡 薛瑄 陳獻章 蔡清 陸隴其 李綱

崇聖祠三間

奉聖王木金左

裕聖王祈父右

詔聖王防叔左次

昌聖王伯夏右次

啟聖王叔梁紇位均南面

東配先賢顏氏無繇

孔氏鯉

西配先賢曾氏點

孟孫氏激位東向西向

東西兩廡各三間

東廡先儒周輔臣惇頤之父

程珦顥頤之父

蔡元定沈之父

西廡先儒張廸載之父

朱松熹之父

按廟祀肇自漢世永平己未詔郡縣學合祀周公孔子

文廟

魏晉六朝來或祀闕里或祭辟雍武定制唐武德己卯
詔國學立周公孔子廟各一貞觀戊子左僕射房元齡
奏停祀周公升孔子爲先聖顏子爲先師庚寅韶州縣
皆立孔子廟開元辛未詔兩京諸州各置太公廟與聖
廟東西峙己卯詔兩京國子監及州縣孔子廟皆南面
元成宗命郡國通祀伏羲神農黃帝如先聖釋奠禮明
洪武丁卯始盡革諸祀專祀孔子而謚則自魯哀公之
誅尼父始漢元始辛酉謚褒成宣尼公北魏改謚文聖
尼父隋文帝贈先師尼父唐貞觀戊子尊爲先聖丁酉

尊爲宣父顯慶丁巳復爲先聖開元己卯追謚文宣王
宋大中祥符戊申稱至聖元至大戊申加號曰大成至
聖文宣王明嘉靖庚寅從大學士張璁請改稱至聖先
師孔子而謚始定塑像始於漢而見於元魏興和甲子
兗州刺史李仲璇碑記明宋濂孔子廟堂議謂自唐開
元庚申用國子監司業李元瓘請改顏子等十哲立像
爲坐像塑曾參像坐十哲次圖畫七十弟子及何休等
二十二賢於廟壁金明昌辛亥易兩廡畫弟子及先儒
畫像爲塑像明洪武壬戌南京太學成命畫諸哲去

像設木主正統戊辰命中外學宮悉改元時所塑孔子像之左社者天順丁丑範金稀銅祀文淵閣閣巨每人必先行四拜禮嘉靖庚寅通撤天下學宮像祀以木主從張璁請實木先賢朱熹識也衣以王者袞冕之服始唐開元己卯宋大中祥符己酉加冕服恒圭從上公制冕九旒服九章崇甯乙酉用王者制冕十二旒袞服九章大觀庚寅改鎮圭金大定甲午改用冠十二旒服十二章廟門立戟始宋建隆壬戌止十六大觀庚寅增二十四明制撤戟更大成門曰廟門改文宣廟曰大成者

始宋崇甯乙酉改先師廟曰文廟者明嘉靖庚寅也祀
七十二賢始漢永平壬申一作元和乙酉顏子配享闕
里志載始漢高帝丙午金邦柱聖廟徵繹謂始魏正始
丙寅曾子並配祀唐總章戊辰孟子並配始宋元豐甲
子子思從祀始大觀戊子顏曾思孟並配而升子張於
十哲始咸淳丁卯加復聖宗聖述聖亞聖公者元至順
辛未也七十二賢畫像前設酒脯祭品始後唐長興丁
卯弟子追贈始唐總章戊辰而封公侯伯始開元己巳
明嘉靖庚寅盡去封號改題孔門弟子爲先賢左邱明

下爲先儒

國朝康熙丙寅

特進稟廡宋儒張載程頤朱熹並稱先賢穀梁赤至胡居仁
並稱先儒進西廡宋儒周敦頤程顥邵雍並稱先賢公
羊高至薛瑄並稱先儒按諸賢儒之從祀也左邱明卜
子夏公羊高穀梁赤伏勝高堂生戴聖毛萇孔安國劉
向鄭衆杜子春馬融盧植鄭元服虔何休王肅王弼杜
預范甯二十一賢始唐貞觀丁未至太極開元稱二十
二賢而有賈逵逵之耐莫考自始也荀況楊雄韓愈始

宋元豐戊午周敦頤張載程顥程頤朱熹始淳祐辛丑
張栻呂祖謙始景定辛酉邵雍司馬光始咸淳丁卯許
衡始元皇慶癸丑吳澄始明宣德乙卯胡安國蔡沈真
德秀始正統丁巳楊時始宏治丙辰薛瑄始隆慶辛未
王守仁陳獻章胡居仁始萬曆甲申羅從彥李侗等始
萬曆乙未洪武丙子以行人司楊砥議黜楊雄進董仲
舒而闕里志載董仲舒從祀在元至順庚午嘉靖庚寅
以張璠議罷申黨公伯寮秦冉顏何荀況戴聖劉向賈
逵馬融何休王肅王弼杜預吳澄而進后倉王通胡瑗

歐陽脩又改祀林放遽瑗鄭元盧植鄭衆服虔范甯於鄉以行人司薛侃議進陸九淵崇禎壬午詔升左邱明周敦頤邵雍張載程顥程頤朱熹位七十子下漢唐諸儒之上進稱先賢

國朝康熙壬辰

詔升朱熹位十哲末丙申

詔范仲淹從祀位司馬光下雍正甲辰

詔廷臣議禘享聖廟諸賢有先罷而宜復者舊缺而宜增者有當升而耐者乃議復林放遽瑗鄭康成范甯秦冉顏

何六人增祀縣尊牧皮樂正子公都子萬章公孫丑諸
葛亮尹焯魏了翁黃幹陳淳何基王柏趙復金履祥許
謙陳澔羅欽順蔡清陸隴其共二十人乾隆丁巳

詔復祀元儒吳澄戊午

詔升東廡先賢有若配享十哲之次而天下學校通建啟聖
祠祀聖父叔梁紇始明嘉靖庚寅以顏無繇曾點孔鯉
孟孫激配宋程珦朱松蔡元定從祀萬曆乙未增祀周
輔成雍正甲辰以張廸附又追封孔子五代並加王爵
改啟聖祠爲崇聖祠令天下儒學建先賢祠左祀賢牧

右祀鄉賢者始明洪武戊申改稱名宦鄉賢得分祀者
成化時特典也建忠義孝弟祠祀鄉之忠義孝弟者雍
正癸卯

特旨也以太牢祀始漢高帝丙午詔出王家錢給大酒河南
尹給牛羊豕各一大司農給米始元嘉壬辰照依社稷
出王家穀春秋行禮始建甯己酉

詔郡縣春秋二祀增用太牢始雍正乙巳

詔除荒減費之州縣於存公銀內撥補以足原額務令染盛
豐潔者始雍正癸丑祭丁非其土產不得鹿以羊代榛

栗等項以所產果品代者始正統丁巳祀以大特見
漢明帝耳祀辟雍始魏主芳正始辛酉漢以來皆祀闕
里也以皇太子釋奠始晉泰始辛卯有司享薦始北魏
太和壬申遣官釋奠令守令主祭始唐貞觀丁亥武職
與祭始康熙庚寅四時之祭始晉泰始丁亥定春秋三
仲始隋開皇間月朔行禮始北齊天保庚午朔望焚香
始宋淳化癸巳詔諸王卿相至郡先廟謁而後從政始
漢高帝丙午詔郡長以下詣學行香始明洪武甲子改
幸學爲詣學以示尊師重道之至意者雍正甲辰

特旨也貢士釋褐謁廟始唐開元戊寅建學始魏黃初辛丑
立學教聖裔始宋真宗封孔子後裔爲褒成君始漢初
後改封褒成侯唐開元己卯改封文宣公宋致和乙未
改封衍聖公歷代因之賢裔襲封五經博士顏子之裔
始嘉靖庚寅曾子之裔始嘉靖戊戌子思之裔始正德
初孟子之裔始景泰壬申卜商言偃之裔始康熙庚子
冉伯牛仲弓冉求宰予子張有若之裔則雍正甲辰奉
詔增補此聖廟因葺之大畧也

名宦祠 左大成門左

武廟祀典志

每歲春秋仲月

欽頒祭器禮儀如

文廟五月十三日致祭陳牛一羊一

豕一果實五盤鑪鐙具不設籩豆餘陳設及行禮儀節

同茲奉行歷年

勅加

封號添設舞佾加封

先代一切禮節均如

文廟辦理

祝文

維年月日某官致祭於

忠義神武靈佑仁勇威顯護國保民精誠綏靖關聖帝君之
神位前曰惟

帝浩氣凌霄丹心貫日扶正統而彰義勇威鎮九州完大節
以篤忠貞名高三國

神明如在徧廟祀於寰區靈應丕昭薦馨香於歷代累徵異
蹟顯佑羣生恭值仲春遵行祀典筵陳遵豆九奠牲醑
尚饗

崇聖祠內正中

光昭王左

裕昌王右

成忠王俱南向每位前各設一案陳帛一羊一豕一釧一簠

簋各二籩豆各八尊一爵三鑪一鏡二行二跪六叩禮

餘同

前殿五月十三日每案羊一豕一果實五盤不設籩豆餘

同

後殿

祝文

維年月日某官致祭於

關帝之

晉祖光昭王

祖裕昌王

父城忠王之神位前曰惟

王世德草麻令儀裕後靈鍾河嶽篤生神武之英誠溯淵源
允宜尊崇之報班爵超躬桓而上馨香肅俎豆之陳茲

際仲秋爰脩祀事尙祈 昭格鑒此苾芬 尙饗

父昌祀典

又昌帝君於嘉慶六年奉

旨列入祀典春秋二祭

又昌宮

先代禮儀與

武廟同

春秋祭祀文維年月日某官致祭於

又昌帝君之神位前曰惟

道闡苞符性敦孝友並行並育德侔天地以同流乃聖乃

神教炳日星而大顯仰鑒觀之有赫示明德之惟馨茲

當仲

春秋

用昭時祀惟祈

歆格克鑒精虔

尚製

先代祝文維年月日某官致祭於

文昌帝君

先代之神位前曰祭引先河之義禮崇反本之思矧夫

世德彌光賞延斯及祥鍾累代烟列宿之精靈化被千秋緯

人文之主宰是尊後殿用答前麻茲屆仲春敬脩祀典秋

筵陳籩豆凡奠牲醪 尙饗

聖誕祝文二月初三日某官致祭於

文昌帝君之神位前曰惟

功參橐籥撰合乾坤溯誕降之靈辰三臺紀瑞度中和之

令節九宇承暉若日月之光明闡大文於孝友如天地
之覆載感至治於馨香爰舉上儀敬陳芳薦精禋罔敬

神鑒式臨

尙饗

先代祝文同日某官致祭於

文昌帝君

先代之神位前曰教詒式敷垂抑邪扶正之規禮重升馨著
崇德報功之典稟貽謀而允紹欽毓聖之有基雲漢昭
回際嶽降崧生之會馨香感格興水源木木之思式肇
明禋用光彝典尙祈神鑒享此清芬

城隍廟每歲春秋仲月與 風雲雷雨

山川 城隍之神一壇合祭

社稷壇每歲祭以春秋仲月上戊日爲民祈報每位前各
帛一鉶二簠二簋二遷四豆四爵二共羊一豕一尊一
行禮節與 武廟同白虎通人非土不立非穀不食土
地廣博不可徧敬也五穀衆多不可一一而祭也故封
土立社示有土尊稷五穀之長故封稷而祭之也五禮
通考秦蕙田曰地職土載惟天子得祭之於地之中別
而爲土職主稼穡以養人故自天子下及庶民被其功

德者均得美報此土穀之際所以達於上下也歷代
之明初頒郡邑壇制俱設於本城西北右社左稷漢武
十一年定爲同壇合祭

國朝乾隆二年

勅脩壇制甃甃爲之縱橫二丈五尺高二尺一寸甃甃陸各
三級繚以周垣門北向右主一長二尺五寸方一尺垣
於壇南止中神牌二以木爲之臨祭設於壇曰繚社之
神門稷之神按古者以勾龍配社棄配稷今惟

京師太社太稷壇有配位府縣無

祝文

維年月日某官致祭於

社稷之神曰惟

神奠安九土粒食萬邦分五色以表封圻育三農而蕃稼穡

恭承守土肅展明禋時屆仲春敬脩祀典九九松柏聳

磐石於無疆芄芄黍苗佐神倉於不匱尚饗

先農籍籍田在東門外乾隆二年奉

勅脩是制與社稷壇同每歲於三月吉亥日致祭祭品禮儀

俱與社稷壇同祭畢各官更耕籍知縣秉耒佐貳執耒

箱播種者老一人牽牛農夫二人扶犁九推九反農夫
終畝按先農說者以為田種即神農教民始耕者一稱
先嗇漢以後稱先農禮記各官服朝衣
祝文

維年月日某官致祭於

先農之神曰惟

神肇興稼穡粒我蒸民頌恩之德克配彼天念率育之功
陳常時夏茲當東作成禮西時洪惟

九五之尊歲舉

三推之典恭膺守土敢憚民勞謹奉奠章上脩祀事惟願五
風十雨嘉祥恒沐於

神庥庶幾九穗雙岐上瑞頻書於大有尙饗

常雩不別爲壇乾隆七年

詔有司每歲於四月十八日卽先壇行禮

祝文

維年月日某官致祭於

社稷先農山川之神曰恭膺

命撫育羣黎仰體

彤廷保赤之誠勸農勸稼俯懷部屋資生之本力穡服田
令甲爰頒肅舉祈年之典惟寅將事用申守土之枕黍稷
稷惟馨尚冀明昭之受賜來牟率育庶俾豐裕於蓋藏
尚饗

神祇壇在東門外制與社稷壇同春秋仲月致祭設案於

壇正中南向縣無神祇壇即於先農壇祭祀

雲雨風雷神位居中境內

山川神位居左

城隍神位居右按風師雨師之祀見於周官漢高祖祀雲

中君顏師古曰雲神也平帝時分雷公風伯廟於東郊
非雨師廟於北郊非皆以廟至隋定爲壇宋徽宗時風
師在城之西雨師在城之北雷從雷爲二壇其後祀風
師於東北郊祀雨師於西南郊是地不同也立明夢錄
錄洪武二年禮官議謂天地生物聖之以風潤之以發
之以雷陰陽之機本一氣使然而各以時別祭甚失享
祀本意今宜以風雲雷雨與太歲嶽瀆城隍合爲一壇
春秋祀之詔可今惟

京師另有太歲壇府縣無

厲壇每歲以清明中元十月朔迎城隍神於壇主祭祭
境內之無祀者左傳鄭子產曰鬼有所歸乃不爲厲

火星廟

龍王廟

水府廟

神祇壇祭文

維年月日某官致祭於

風雲雷雨

山川

原
稿
缺